



neg
6000

DUKE
UNIVERSITY
LIBRARY

Treasure Room

GIFT OF

✓ 212 **Bayard.**—Histoire du Chevalier Bayard e
de plusieurs choses memorables advenues en
France, Italie, Espagne, & en Pays bas, leu
regne des Roys Charles VIII., Louys XII.,
& François I., depuis l'an 1489, iusques à
1524. Second Edition. *Fine portrait of*
Bayard. 4to. A Paris, chez Pacard, 1619.
Bound with—

✓ HISTOIRE d'Artus III., Duc de Bretagne et
Connestable de France. Contenant ses me-
morables faicts depuis l'an 1413 jusques à
l'an 1457. De nouveau mise en lumiere par
THEODORE GODEFROY. 4to. Paris, A. Pa-
card, 1622.

Contemporary calf, worn and one joint
broken. On each cover is impressed in gilt a
small stamp with the arms of a member of
the family of Bourgeois

In 1 vol.

a gap, en Dauphiné le $\frac{20^e}{30}$
août, 1692

WARD LEE

in the

of the


of the

of the

of the

of the

of the



Digitized by the Internet Archive
in 2011 with funding from
Duke University Libraries

HISTOIRE DV
CHEVALIER
BAYARD, LIEV-
TENANT GENERAL POVR

LE ROY AV GOUVERNEMENT
de Daulphiné,

ET DE PLVSIEVRS CHÖSES

MEMORABLES ADVENVES EN FRANCE,
Italie, Espagne, & és Pays bas,

*Du Regne des Roys Charles VIII, Louys XII, &
François I, depuis l'an 1489, iusques à 1524.*

SECONDE EDITION.



A PARIS,

Chez **ABRAHAM PACARD**, rue Saint Iacques,
au Sacrifice d'Abraham.

M. DC. XIX.

AVEC PRIVILEGE DV ROY.

HISTOIRE DE
CHEVALIER

BAYARD LIEV

TEVANT GENERAL TOVR

LE LOYAL GOUVERNEMENT

de Dauphiné

ET DE PLUSIEURS CHOSSES

MEMOIRES ADRESSES EN FRANCE

Italie, Espagne, & es Pays bas,

De Rome en l'an Cinquieme N. S. l'an XII. G.

Par le Chevalier de Bayard

SECONDE EDITION



A PARIS

Chez le Citoyen PACHA, Palais National

au Salon de l'Abbaye

M. D. C. C. X. IX.

avec privilège de l'Etat



AV TRES-CHRESTIEN,
LOVYS XIII,
ROY DE FRANCE,
ET DE NAVARRE.

IRE,

SVostre Noblesse doit estre assez
excitée à vous rendre tout fidele
service: non seulement à cause que
c'est s'acquiter de ce que elle doit à son pays, &
que vous estes son Roy, mais aussi pource que tout
ce que elle a d'honneurs, & de biens, elle le tient de
vostre grace, & faueur, & des Roys vos prede-
cesseurs. De sorte que ce sembleroit estre chose
superflue de l'y vouloir inviter d'auantage, n'estoit
que de tout temps il s'est recongneu, que les exem-
ples de ceux qui ont bien faict, peuuent beaucoup
pour nous exciter à les suivre. C'est ce qui m'in-
cite de publier derechef l'Histoire du Cheualier
Bayard, surnommé le Cheualier sans peur, &
sans reproche. Car c'est ce grand Capitaine tant

renommé pour ses eminentes vertus, & hauts
faicts d'armes, par luy executez pour le service de
ses Roys, en quatre batailles, qui feurent gaignées
en Italie par les François. A sçauoir en celle de
Fornoue, sous le Roy Charles VIII, où il estoit
gend'arme de la Compagnée de Louys de Lu-
xembourg, Comte de Ligny. En celle d'Aignadel,
sous le Roy Louys XII, en laquelle il estoit Capi-
taine de trente hommes d'armes, & de cinq cent
hommes de pied. Et en celles de Rauenne, & de
Marignan, sous Gaston de Foix, Duc de Ne-
mours, & le grand Roy François I, esquelles il
estoit Lieutenant de la Compagnée de cent hom-
mes d'armes d'Antoine Duc de Lorraine. Il feut
avec cela és reprises des Villes de Gennes, & de
Bresse, où il feit merueilles de bien combatre. Et à
la defense de Mesieres en Champaigne il com-
mandoit en chef, laquelle place il defendit contre
vne puissante armée de l'Empereur Charles V.
Outre les diuerses rencontres aux Royaumes de
Naples, & de Nauarre, & és Estats de Milan,
Venise, Ferrare, & és Pays bas; Où il s'est touf-
iours comporté tres-valeureusement, & avec
beaucoup de prudence & constance. Quoy qu'il
ne feust recompensé en biens & dignitez à l'esgal
de ses services & trauaux, & que on luy en pre-
sentaist beaucoup plus d'ailleurs. Il est aussi fait

*honorable mention en ceste Histoire de plusieurs
vertueux Roys, Princes, & Seigneurs, comme
encores de quelques Roynes et Princeſſes. Ce qui
faict à l'honneur des illuſtres Maisons deſquelles
voſtre Maieſté eſt iſſüe, ou qui luy ſont alliées.
Priant Dieu, SIRE, vous donner vn long &
heureux Regne, autant & plus qu'autre Roy
l'ait iamais eu, avec l'amour & obeïſſance de vos
ſubiects. A Paris le 1. Mars 1619.*

Vostre tres-humble & tres-obeïſſant
ſeruiteur, & ſubiect,
THEODORE GODEFROY.





*ESTIENNE PASQUIER,
Aduocat du Roy en la Chambre des Comptes
à Paris, au 5. liure des Recherches de la
France, chap. 20.*



'A y au Chapitre precedent discours
sur la vie de Pierre Abelard , extraict
d'une noble famille de Bretagne. Je
vous representeray maintenāt vn Pierre
de Bayard , Gentil-homme du Daulphiné. Tous
deux parangons, celuy-là aux bonnes lectres, cestuy-
cy au faict des armes. Le premier sçauant & super-
latif dessus les sçauans , mais d'un esprit bizarre,
inquiet , & presomptueux. Qui luy feit encourir
plusieurs censures & reprimendes de ses superieurs.
Le second vaillant dessus les vaillants , mais d'un
esprit modeste , calme , & bien reglé. Qui le feit
aimer des grands, & honorer des petits, & par mes-
me moyen rapporter le tiltre de bon Cheualier sans
peur & sans reproche. Son trisayeul mourut aux
pieds du Roy Iean , à la Iournée de Poictiers. Son
bisayeul en celle d'Azincourt , sous Charles V I.
Son ayeul en la bataille de Montlehery. Et son pere
griefuement blessé en celle de Guinegaste. Belle
production certes d'une Genealogie , pour rendre
recommandable le Gentil-homme dont ie parle.
Et neantmoins peu de chose, si la recommenda-

tion principale ne prouenoit de son propre fonds. Toutes les louanges que nous mendions de nos ancestres sont pauures, quand nous manquons à nous mesmes. Iamais ne feut guerrier en son tout accomply de tant de bonnes parties que luy. Les vns se trouuent accompaignez de proüesse, mais en eulx quelquesfois default ou le lignaige, ou la prudence. Et ores que les deux s'y rencontrent, toutesfois le mestier de la guerre engendre souuent le mespris de Dieu & des hommes en ceulx qui pensent estre quelque outrepasse sur leurs compaignós. I'adiouste que pour se meestre plus aisément sur la monstre, ils logent avec l'ambition d'honneur souuentesfois l'auarice, aux despens du pauvre peuple, & tout d'une suite tantost la cruauté, tantost la pailardise, selon les occasions. Tous vices eslongnez de nostre bon Cheualier, qui n'auoit autre impression en son ame, premierement que l'honneur de Dieu, puis le seruice de son Roy, pour la defense de sa Couronne. Liberal & courtois le possible. En toutes les escarmouches se trouuant tousiours à la poincte, pour faire teste à l'ennemy, & aux retraictes le dernier, pour seruir d'espaule aux siens. N'oubliant vn seul poinct de bien obeïr à ceulx qui auoient puissance de commandement sur luy, ny de bien commander aux gens d'armes qui estoient sous sa charge. Saige en ses aduis aux deliberations de la guerre. Magnanime & prompt à la main aux executions. Magnanimité ordinairement suiuiue d'un heureux succez. Aimé non seulement des
nostres,

nostres , mais aussi de nos ennemis qui le redoutoient. Il poussa à pied sa fortune. Premièrement gend'arme de la compaignée du Comte de Ligny, puis Guidon, & apres Chef d'une compaignée de gensd'armes , & finalement Lieutenant du Roy. Seruit trois Roys. Charles VIII, Louys XII, François I. Et singulierement ce dernier, pour les vertus qu'il recongneut en luy , le choisit pour recevoir l'Ordre de Cheualerie par ses mains. Plus belle closture ne pouuoit estre de son Histoire que celle là. Je n'ay pas icy entrepris de vous pourtraire tout aulong sa vie, qui feut escripte d'une plume hardie en l'an mille cinq cent vingt sept, par homme qui ne se voulut nommer; ains me contenteray de vous en rafraischir par ce Chapitre la memoire, que ie voy presques enseuelie par l'ingratitude des ans.

*Le Sieur de M. en l'Histoire du Seigneur
de la Valette, Gouverneur de
Prouence.*



ARENOMMÉE du Seigneur de Bayard, qui durant les Regnes de Charles VIII, Louys XII, & François I, a executé des beaux faicts d'armes tant deçà que delà les monts, feust demeurée esteinte, sans la fidelité d'un sien Secretaire. Lequel voyant les Historiens François s'en taire, ou peu parler, le frustrans de ce que la Loy luy auoit ordonné, qui

veut tels hommes estre portez à l'immortalité,
foubs les ailles de l'honneur & de la gloire, a faiët
vne Histoire où il n'a pas seulement bien & verita-
blement representé la valeur de son maistre, mais
aussi a faiët honorable mention des autres Capi-
taines qui viuoient de ce temps là. S'acquitant de
son debuoir, & profitant grandement à ceulx qui
sont venus apres. Je conseillerois volontiers aux
nobles, qu'au lieu de tant de liures fabuleux ils fei-
sent lire ceste Histoire à leurs enfans. Dautant que
sans y prendre rien de vain ils y trouueront de quoy
cultiuer & fortifier les semences de vertu que nature
a mis en eulx.

LE CHEVALIER BAYARD.







TABLE DES CHAPITRES CONTENVS EN CESTE

Histoire.

- I.  COMMENT le Seigneur de Bayard , pere du bon Cheualier sans peur, & sans reproche, eue vouloir de sçauoir de ses enfans de quel estat ils vouloient estre. page 1.
- II. Comment le pere du bon Cheualier sans peur, & sans reproche, enuoya querir son beau frere l'Euesque de Grenoble, pour parler à luy, parce qu'il ne pouuoit plus partir de la maison. p. 4.
- III. Comment l'Euesque de Grenoble presenta son nepueu le bon Cheualier sans peur, & sans reproche, au Duc Charles de Sauoye, qui le receut ioyeusement. p. 10.
- IV. Comment le Duc de Sauoye se partit de Chambery, pour aller veoir le Roy de France Charles huitiesme en sa ville de Lyon, & mena avec luy le bon Cheualier sans peur, & sans reproche, lors son paige. p. 13.
- V. Comment le Duc de Sauoye alla faire la reuerence au Roy de France à son logis, & du grand & honnestre recueil qui luy feut faict. p. 16.
- VI. Comment vn Gentil-homme de Bourgogne nommé Mes sire Claude de Vauldré veint à Lyon par le vouloir du Roy de France faire faicts d'armes, tant à cheual comme à pied, & pendit ses escus, pour par ceux qui y toucheroient, estre par luy receus au combat: & comment le bon Cheualier trois iours apres qu'il feut mis hors de paige toucha tous les escus. p. 22.
- VII. Comment l'Abbé d'Esfnay bailla cent escus au bon Cheua-

T A B L E

lier, pour auoir deux cheuaux, & escriuit vne lettre à vn marchand de Lyon, pour luy deliurer ce qui luy seroit necessaire. p. 27.

VIII. Comment le bon Cheualier sans peur, & sans reproche, & son compagnon, se monterent de cheuaux, & garnirent d'accoustremens. Et comment le dict bon Cheualier se porta gentiment selon sa puissance contre Messire Claude de Vauldre. p. 33.

IX. Comment le Seigneur de Ligny enuoya le bon Cheualier en garnison en Picardie, où estoit sa compaignée. Et feut logé en vne iolie petite ville appelée Ayre, & comment à son arriuée ses compaignons allerent au deuant de luy. p. 37.

X. Comment le bon Cheualier feit crier dedans Ayre vn Tournoy pour l'amour des Dames, où il y auoit pour le mieux faisant vn bracelet d'or, & vn bel diamant pour donner à sa Dame. p. 44.

XI. Comment le Roy de France Charles huitiesme feit son appareil pour aller à la conqueste du Royaume de Naples, lequel il gaigna par sa proüesse, & vaillance, sans grande effusion de sang. p. 52.

XII. Comment Louys Duc d'Orleans veint à la Couronne de France, comme le plus prochain hoir, & feut appelé Louys douziesme. p. 56.

XIII. Comment apres la conqueste de la Duché de Milan le bon Cheualier demeura en Italie. Et comment il dressa vn Tournoy en la ville de Carignan au Piedmont, dont il emporta le prix. p. 59.

XIV. Comment le Seigneur Ludouic Sforce retourna d'Allemagne avec bon nombre de lansquenets, & repreint la

DES CHAPITRES.

- ville de Milan sur les François. p. 67.
- XV. Comment le Seigneur Ludovic voulut veoir le bon Cheualier sans peur, & sans reproche. Et comment apres auoir deuise avec luy le renuoya, & luy feist rendre son cheual, & ses armes. p. 71.
- XVI. Comment le Seigneur Ludovic se retira dedans Nouarre, doubtant que les François entraissent dedans Milan par le Chasteau, & comment il feut prins. p. 75.
- XVII. Comment le Seigneur de Ligny alla visiter Vaugaire, Tortonne, & autres places en la Duché de Milan, que le Roy luy auoit donnees. Et d'un gentil tour que feist le bon Cheualier. p. 78.
- XVIII. Comment le Roy de France enuoya grosse armée à Naples, où il feist son Lieutenant general le Seigneur d'Aubigny. p. 83.
- XIX. Comment le bon Cheualier sans peur, & sans reproche, sortit de sa garnison de Moneruiue. Comment il trouua Espaignols sur les champs, & ce qui en adueint. p. 86.
- XX. Comment Dom Alonse de Sotomajore se voulut desrober par le moyen d'un Albanais qui le garnit d'un cheual, mais il feut repris sur le chemin & reserré en plus forte prison. p. 90.
- XXI. Comment le Seigneur Dom Alonse de Sotomajore se plaignit à tort du traictement que luy auoit faict le bon Cheualier, dont ils veindrent au combat. p. 94.
- XXII. Comment le bon Cheualier sans peur, & sans reproche combatit contre Dom Alonse de Sotomajore, & le vainquit. p. 98.
- XXIII. D'un combat qui feut au Royaume de Naples de treize Espaignols contre treize François, où le bon Cheualier

T A B L E

- fait tant d'armes, qu'il emporta le pris sur tous. p. 103.
- XXIV. Comment le bon Cheualier preint vn Thresorier, & son homme, qui portoient quinze mille ducats au grand Capitaine Gonssales Ferrand, & ce qu'il en fait. p. 106.
- XXV. Comment le bon Cheualier garda vn pont sur la riuiere du Garillan, luy seul, vn espace de temps, contre deux cent Espagnols. p. 111.
- XXVI. De plusieurs choses qui adueindrent en deux années, tant en France, Italie, que Espagne. p. 117.
- XXVII. Comment les Geneuois se reuolterent, & comment le Roy de France passa les monts, & les remeit à la raison. p. 120.
- XXVIII. Comment l'Empereur Maximilian fait la guerre aux Venitiens, où le Roy de France enuoya le Seigneur Iean Iacques de Trinulce, avec grosse puissance, pour les secourir. p. 124.
- XXIX. Comment le Roy de France Louys douziesme fait marcher son armée en Italie contre les Venitiens, & de la victoire qu'il en obtient. p. 127.
- XXX. Comment le Roy de France Louys douziesme gaigna toutes les villes & places des Venitiens, iusques à Pesquaire. p. 131.
- XXXI. Comment le Roy de France enuoya le Seigneur de la Palisse au secours de l'Empereur, avec cinq cent hommes d'armes, & plusieurs Capitaines, desquels estoit le bon Cheualier sans peur, & sans reproche. p. 136.
- XXXII. Comment l'Empereur Maximilian alla mettre le siege deuant Padoüe, & ce qu'il adueint durant iceluy. p. 140.
- XXXIII. Comment l'Empereur Maximilian planta son siege de-

DES CHAPITRES.

- uant Padoüe, & les gaillardes approches faictes par les Gentils-hommes François. Et d'une grande hardiesse que monstra le bon Cheualier sans peur, & sans reproche. p. 143.
- XXXIV. De la grosse & lourde batterie qui feut devant Padoüe, & de la grande breche qui y feut faicte. p. 148.
- XXXV. Comment le bon Cheualier sans peur, & sans reproche, durant le siege de Padoüe feit vne course avec ses compagnons, où il acquist gros honneur, p. 151.
- XXXVI. D'une autre course que feit le bon Cheualier sans peur, & sans reproche, où il feut prins soixante Albanois, & trente arbalestriers. p. 157.
- XXXVII. Comment l'Empereur delibera d'õner l'assault à Padoüe, & l'occasion pourquoy il demoura. p. 165.
- XXXVIII. Comment l'Empereur se retira du camp de devant Padoüe, quand il congneut que ses Allemans ne vouloient pas donner l'assaut. p. 172.
- XXXIX. Comment le bon Cheualier sans peur, & sans reproche, estant à Verone feit vne course sur les Venitiens, où il feut prins & rescous deux fois en vn iour, & quelle en fut la fin. p. 174.
- XL. Comment le bon Cheualier cuida estre trahy par vn espie, qui auoit promis au Capitaine Iean Paul Mansfron le mettre entre ses mains, & ce qu'il en aducint. p. 182.
- XLI. Comment ceux de la garnison de Lignago feurent vne course sur les Venitiens, par l'aduertissement de quelques espies qui les trahirent, parquoy ils feurent defaictz. p. 199.
- XLII. Comment le Pape Iules veint en personne en la Duché de Ferrare, & comment il meit le siege deuant la

T A B L E

- Mirandole.* p. 207.
- XLIII. Comment le bon Cheualier sans peur, & sans reproche, cuida prendre le Pape entre saint Felix, & la Mirandole, & à quoy il teint. p. 211.
- XLIV. Comment le Pape enuoya vne bande de sept à huit mille hommes deuant vne place du Duc de Ferrare, nommée la Bastide. Et comment ils furent deffaicts par l'aduis du bon Cheualier sans peur, & sans reproche. p. 216.
- XLV. De la mort du Seigneur de Montoison. Et de plusieurs menées que firent le Pape Iules, & le Duc de Ferrare, l'un contre l'autre, où le bon Cheualier se monstra vertueux. p. 225.
- XLVI. De plusieurs choses qui adueindrent en Italie en deux ans. p. 233.
- XLVII. Comment deux Espaignols combattirent à outrance en la ville de Ferrare. p. 237.
- XLVIII. Comment Messire André Gritti Prouidadour de la Seigneurie de Venise, par le moyen du Comte Louys Auogare repreint la ville de Bresse. p. 253.
- XLIX. De la grande diligence que fit le gentil Duc de Nemours pour reprendre Bresse. Et comment il deffait le Capitaine general des Venitiens en chemin, & cinq ou six mille hommes. p. 258.
- L. Comment le Duc de Nemours repreint la ville de Bresse sur les Venitiens, où le bon Cheualier sans peur & sans reproche acquit grand honneur. Et comment il feut blezé quasi à mort. p. 261.
- LI. Comment le bon Cheualier sans peur, & sans reproche, partit de Bresse pour aller apres le Duc de Nemours,

DES CHAPITRES.

Et l'armée du Roy de France. De la grande courtoisie qu'il feit à son hostesse au partir, Et comment il arriva deuant la ville de Rauenne. p. 276.

LII. *Comment le siege feut mis par le noble Duc de Nemours deuant Rauenne. Et comment plusieurs assaulx y feurent donnez le Vendredy saint, où les François feurent repoussez.* p. 283.

LIII. *D'une merueilleuse escarmouche qui feut entre les François, Et les Espaignols, le iour deuant la bataille de Rauenne, où le bon Cheualier feit merueilles d'armes.* p. 291.

LIV. *De la cruelle Et furieuse bataille de Rauenne, où les Espaignols Et Neapolitains feurent desconfits, Et de la mort du gentil Duc de Nemours.* p. 295.

LV. *Des nobles hommes qui moururent à la cruelle bataille de Rauenne, tant du costé des François, que des Espaignols, Et des prisonniers. La prise de la ville de Rauenne. Comment les François feurent chassez deux mois apres d'Italie, en l'an mille cinq cent douze. De la griefue maladie du bon Cheualier. D'une fort grande courtoisie qu'il feit. Du voyage fait au Royaume de Nauarre. Et de tout ce qui adueint en la dicte année.* p. 312.

LVI. *Comment le bon Cheualier preint vn Chasteau d'assault au Royaume de Nauarre, cependant qu'on assist le siege deuant la ville de Pampelune, où il feit vn tour de saige Et appert Cheualier.* p. 323.

LVII. *Comment le Roy Henry d'Angleterre descendit en France, Et comment il meit le siege deuant Theroüenne. D'une bataille dicte la Iournée des Espérons, où le*

TABLE DES CHAPITRES.

- bon Cheualier fait merueilles d'armes, & gros seruice
en France. p. 332.
- LXVIII. Du trespas de la magnanime & vertueuse Princeſſe Anne
Royne de France, & Duchefſe de Bretagne. Du
mariage du Roy Louys XII, avec Marie d'Angle-
terre. Et de la mort du dict Roy Louys. p. 346.
- LIX. Comment le Roy de France François premier de ce nom
paſſa les monts. Et comment il enuoya deuant le bon
Cheualier ſans peur & ſans reproche. Et de la prinſe
du Seigneur Proſpere Colonne par ſa ſubtilité. p. 350.
- LX. De la bataille que le Roy de France François premier de
ce nom eut contre les Suiſſes, à la conqueſte de ſa Duché
de Milan, où il demeura victorieux. Et comment apres
la bataille gagnée voulut eſtre fait Cheualier de la
main du bon Cheualier ſans peur, & ſans reproche p. 358.
- LXI. De pluſieurs incidens qui adueindrent en France, Italie,
& Eſpaigne, durant trois ou quatre ans. p. 364.
- LXII. Comment Meſſire Robert de la Marche fait quelques
courſes ſur les pays de l'Eſleu Empereur, qui dreſſa groſ-
ſe armée. Et de ce qui en adueint. p. 367.
- LXIII. Comment le bon Cheualier ſans peur, & ſans reproche,
garda la ville de Meſieres contre la puiſſance de l'Em-
pereur, où il acquiſt gros honneur. p. 370.
- LXIV. Comment le bon Cheualier ſans peur, & ſans reproche,
en vne retraicte qu'il fait en Italie, feut tué d'un coup
d'artillerie. p. 379.
- LXV. Du grand dueil qui feut demené, pour le trespas du bon
Cheualier ſans peur, & ſans reproche. p. 386.
- LXVI. Des vertus qui eſtoient au bon Cheualier ſans peur, &
ſans reproche. p. 393.

*Comment le Seigneur de Bayard pere du bon
Cheualier sans peur et sans reproche , eut
vouloir de sçauoir de ses enfans de quel
estat ils vouloient estre.*



V P A Y S de Daulphiné, que possede
presentement le Roy de France , &
ont faict les predecesseurs depuis sept
ou huiet vingt ans, que vn Daulphin
Humbert qui feut le dernier leur en
feit don , y a plusieurs bonnes & grosses Maisons de
Gentils-hommes, & dont il est sorty tant de ver-
tueux & nobles Cheualiers , que le bruit en court
par toute la Chrestienté. En sorte que tout ainsi que
l'escarlata passe en couleur toutes autres teinctures
de draps, sans blasmer la Noblesse d'autre Region,
les Daulphinois sont appelez par tous ceux qui en
ont cognoissance l'escarlata des Gentils-hommes
de France. Entre lesquelles Maisons est celle de
Bayard, de ancienne & noble extraction. Et bien
sont ceulx qui en sont faillis monstre. Car à la Iour-
née de Poictiers le trisayeul du bon Cheualier sans
peur & sans reproche mourut aux pieds du Roy de
France Iean. A la Iournée de Crecy son bisayeul. A
la Iournée de Montlehery demeura sur le champ
son ayeul avec six playes mortelles, sans les autres.
Et à la Iournée de Guinegaste feut son pere si fort

Charles blessé, que oncques puis ne peut gueres partir de
VIII. sa maison, où il mourut aagé de bien quatre vingt
ans. Et peu de iours auant son trespas considerant
par nature qui jaluy defailloit, ne pouuoir pas fai-
re grand seiour en ce mortel estre, appella quatre
enfans qu'il auoit, en la presence de sa femme Da-
me tres-deuote & toute à Dieu, laquelle estoit sœur
de l'Euesque de Grenoble, de la Maison des Ale-
mans. Ainsi ses enfans venus deuant luy, à l'aîné
demanda, qui estoit en l'aage de dix-huict à vingt
ans, qu'il vouloit deuenir. Lequel respondit qu'il ne
vouloit iamais partir de la maison, & qu'il le vou-
loit seruir sur la fin de ses iours. Et bien dit le pere,
Georges puis que tu aimes la maison, tu demeure-
ras icy à combattre les ours. Au second qui a esté le
bon Cheualier sans peur & sans reproche, feut de-
mandé de quel estat il vouloit estre. Lequel en l'a-
ge de treize ans ou peu plus, esueillé comme vn ef-
merillon, d'un vilage riant respondit comme s'il
eust eu cinquante ans, Monseigneur mon pere,
combien que amour paternel me tienne si fort obli-
gé, que ie deusse oublier toutes choses, pour vous
seruir sur la fin de vostre vie, ce neantmoins ayant
enraciné dedans mon cœur les bons propos que
chascun iour vous recitez des nobles hommes du
temps passé, mesmement de ceulx de nostre Mai-
son, ie seray s'il vous plaist de l'Estat dont vous &
vos predecesseurs ont esté, qui est de suiure les ar-
mes, Car c'est la chose dont i'ay le plus grand desir,
& espere aydât la grace de Dieu ne vous faire point

de deshonneur. Alors respondit le bon vieillard en *Charles*
 larmoyant, Mon enfant Dieu t'en doint la grace. Ia *VIII.*
 ressembles tu de visaige & corsaige à ton grād pere,
 qui feut en son temps vn des accomplis Cheualiers
 qui feust en Chrestienté. Si mectray peine de te
 bailler le train pour paruenir à ton desir. Au tiers
 demanda quel moyen il vouloit tenir, il respondit
 qu'il vouloit estre de l'estat de son oncle Monsei-
 gneur d'Esnay, vne Abbaye pres de Lyon. Son pere
 le luy accorda, & l'enuoya par vn sien parent à son
 dict oncle, qui le feit moyne, & depuis a esté par le
 moyen du bon Cheualier son frere, Abbé de Iosa-
 phat aux faulxbourgs de Chartres. Le dernier re-
 spondit de mesme sorte, & dit qu'il vouloit estre
 comme son oncle Monseigneur de Grenoble, à
 qui il feut pareillement donné, & peu apres le feit
 Chanoine de l'Eglise nostre Dame, & depuis par le
 mesme moyen que son frere le moyne feut Abbé,
 il feut Euesque de Glandesue en Prouence. Or lais-
 sons les autres trois freres là, & retournons à l'Hi-
 stoire du bon Cheualier sans peur & sans reproche,
 & comment son pere entendit à son affaire.

CHAPITRE II.

*Comment le pere du bon Cheualier sans peur &
sans reproche enuoya querir son beau frere
l'Euesque de Grenoble, pour parler à
luy, parce qu'il ne pouuoit plus
partir de la maison.*



PRES LE propos tenu par le pere du bon Cheualier à ses quatre enfans, & parce qu'il ne pouuoit plus cheuaucher, enuoya vn de ses seruiteurs le lendemain à Grenoble deuers l'Euesque son beau-frere, à ce que son plaisir feust pour aucunes choses qu'il auoit à luy dire se vouloir transporter iusques à sa maison de Bayard, distante du dict Grenoble cinq ou six lieuës. A quoy le bõ Euesque, qui oncques en sa vie ne feust las de faire plaisir à vn chascun, obtempera de tres-bon cœur. Si partit incontinent la lectre receuë, & s'en vint au giste en la maison de Bayard, où il trouua son beau-frere en vne chaire aupres du feu, comme gens de son aage font volontiers. Si se saluèrent l'un l'autre, & feirent le soir la meilleure chere qu'ils peurent ensemble, & en leur compaignée plusieurs autres Gentils-hommes du Daulphiné qui estoient là assemblez. Puis quand il feut heure chascun se retira en sa chambre, où ils reposerent à leur aise iusques au lendemain

matin, qu'ils se leuerent, oüyrent la Messe, que le dict Euesque de Grenoble chanta. Car volontiers disoit tous les iours Messe s'il n'estoit mal de sa personne. Et pleust à nostre Seigneur que les Prelats de present feussent aussi bons seruiteurs de Dieu, & aussi charitables aux pauures, qu'il a esté en son temps. La Messe oüye, conueint lauer les mains, & se mectre à table, où derechef chascun feit tres-bonne chere, & y seruoit le bon Cheualier tant saigement, & honnestement, que tout homme en disoit bien. Sur la fin du disner, & apres graces dictes, le bon vieillard Seigneur de Bayard commēcea ainsi ses paroles à toute la compaignée. Monseigneur, & Messeigneurs, l'occasion pourquoy vous ay mandez est temps d'estre declarée. Car tous estes mes parens, & amis, & ja voyez vous que ie suis par vieillesse si oppressé, qu'il est quasi impossible que sceusse viure deux ans. Dieu m'a donné quatre fils, desquels de chascun ay bien voulu enquerir quel train ils veulent tenir. Et entre autres m'a dict mon fils Pierre qu'il veut suiure les armes, dont il m'a fait vn singulier plaisir. Car il ressemble entierement de toutes façons à mon feu Seigneur de pere vostre parent. Et si de conditions il luy veut aussi bien ressembler, il est impossible qu'il ne soit en son viuant vn grād homme de bien, dont ie croy que vn chascun de vous comme mes bons parens & amis serez bien aises. Il m'est besoin pour son commencement le mectre en la maison de quelque Prince, ou Seigneur, afin qu'il apprenne à se contenir honnestement.

Charles ment, & quand il fera vn peu plus grand apprendra
VIII. le train des armes. Si vous prie tant que ie puis que
chascun me conseille en son endroict le lieu où ie le
pourray mieux loger. Alors dict l'un des plus an-
ciens Gentils-hommes, il fault qu'il soit enuoyé au
Roy de France. Vn autre dit qu'il seroit fort bien
en la Maison de Bourbon. Et ainsi d'un autre n'y
eut celuy qui n'en dit son aduis. Mais l'Euesque de
Grenoble parla, & dict, Mon frere, vous sçaez que
nous sommes en grosse amitié avec le Duc Charles
de Sauoye, & nous tient du nombre de ses bons ser-
uiteurs. Je croy qu'il le prendra volontiers pour l'un
de ses paiges. Il est à Chambery, c'est pres d'icy. Si
bon vous semble, & à la compaignée, ie le luy mene-
ray demain au matin, apres l'auoir tres-bien mis en
ordre, & garny d'un bas & bon petit roussin, que
i'ay depuis trois ou quatre iours en ça recouuert du
Seigneur du Riage. Si feut le propos de l'Euesque
de Grenoble tenu à bon de toute la compaignée, &
mesmement du dict Seigneur de Bayard, qui luy li-
ura son fils, en luy disant, Tenez Monseigneur, ie
prie à nostre Seigneur que si bon present en puissiez
faire, qu'il vous face honneur en sa vie. Alors tout
incontinent enuoya le dict Euesque à la ville querir
son tailleur, auquel il manda apporter veloux, satin,
& autres choses necessaires, pour habiller le bon
Cheualier. Il veint & besongna toute la nuict, de
forte que le lendemain matin feut tout prest. Et
apres auoir desieuné, monta sur son roussin, & se
presenta à toute la compaignée qui estoit en la basse

court du Chasteau, tout ainsi que si on l'eust voulu *Charles*
 presenter dès l'heure au Duc de Sauoye. Quand le *VIII.*
 cheual sentit si petit fais sur luy, ioinct aussi que le
 ieune enfant auoit ses esperons dont il le picquoit,
 commença à faire trois ou quatre faults, dequoy la
 compaignée eust peur qu'il affollast le garçon. Mais
 en lieu de ce qu'on cuidoit qu'il deust crier à l'ayde,
 quand il sentit le cheual si fort remuër sous luy,
 d'un gentil cœur asseuré comme un lyon, luy don-
 na trois ou quatre coups d'esperon, & vne carriere
 dedans la dicte basse court. En sorte qu'il menale
 cheual à la raison, comme s'il eust eu trente ans. Il ne
 fault pas demander si le bon vieillard feust aise, &
 soubfriaient de ioye demāda à son fils s'il auoit point
 de peur. Car pas n'auoit quinze iours qu'il estoit
 fort de l'eschole. Lequel respondit d'un visaige as-
 seuré, Monseigneur i'espere à l'ayde de Dieu de-
 uant qu'il soit six ans le remuër luy ou autre en plus
 dangereux lieu. Car ie suis icy parmy mes amis, & ie
 pourray estre parmy les ennemis du maistre que ie
 seruiray. Or sus sus dit le bon Euesque de Greno-
 ble, qui estoit prest à partir, Mon nepueu mon amy
 ne descendez point, & de toute la compaignée pre-
 nez congé. Lors le ieune enfant d'une ioyeuse con-
 tenance s'adressa à son pere, auquel il dit, Monsei-
 gneur mon pere ie prie à nostre Seigneur qu'il vous
 doint bonne & longue vie, & à moy grace auant
 qu'il vous oste de ce mode, que puislicz auoir bon-
 nes nouuelles de moy. Mon amy dit le pere ie l'en
 supplie, & puis luy donna sa benediction. En apres

Charles alla prendre congé de tous les Gentils-hommes
VIII. qui estoient là l'un apres l'autre, qui auoient à grand
plaisir sa bonne contenance. La pauvre Dame de
mere estoit en vne tour du Chasteau, qui tendre-
ment ploroit. Car combien qu'elle feust ioyeuse
que son fils estoit en voye de paruenir, amour de
mere l'admonestoit de larmoyer. Toutesfois apres
qu'on luy feut venu dire, Madame si voulez venir
veoir vostre fils il est tout à cheual prest à partir, la
bonne Gentil-femme sortit par le derriere de la
tour, & feit venir son fils vers elle, auquel elle dit
ces paroles, Pierre mon amy vous allez au seruice
d'un gentil Prince, d'autant que mere peut com-
mander à son enfant, ie vous commande trois cho-
ses tant que ie puis, & si vous les faictes soyez affeu-
ré que vous viurez triomphamment en ce monde.
La premiere, C'est que deuant toutes choses vous
aimiez, craigniez & seruiiez Dieu, sans aucune-
ment l'offenser, si vous est possible. Car c'est celuy
qui tous nous a creez, c'est luy qui nous faict viure,
c'est celuy qui nous sauuera, & sans luy & sa grace
ne scaurions faire vne seule bone œuvre en ce mon-
de. Tous les matins & tous les soirs recommandez
vous à luy, & il vous aydera. La seconde, C'est que
vous soyez doux & courtois à tous Gentils-hom-
mes, en ostant de vous tout orgueil. Soyez humble
& seruable à toutes gens. Ne soyez medisant, ne
menteur. Maintenez vous sobrement quant au boi-
re, & au manger. Fuyez enuie, car c'est vn vilain vi-
ce. Ne soyez flatteur, ne rapporteur, car telles ma-
nieres

nieres de gens ne viennent pas volontiers à grande perfection. Soyez loyal en faicts, & dicts. Tenez vostre parole. Soyez secourable à pauvres veufues, & orphelins, & Dieu le vous guerdonnera. La tierce, que des biens que Dieu vous donnera, vous soyez charitable aux pauvres necessiteux. Car donner pour l'honneur de luy n'appauurit oncques homme. Et tenez tant de moy, mon enfant, que telle aumosne pourrez vous faire, qui grandement vous profitera au corps & à l'ame. Voila tout ce que ie vous encharge. Je croy bien que vostre pere & moy ne viurons plus guieres. Dieu nous face la grace à tout le moins, tant que serons en vie, que tousiours puissions auoir bon rapport de vous. Alors le bon Cheualier, quelque ieune-aaagé qu'il eust, luy respondit, Madame ma mere de vostre bon enseignement tant humblement qu'il m'est possible vous remercie, & espere si bien l'ensuiure, que moyennant la grace de celuy en la garde duquel me recommandez en aurez contentement. Et au demeurant apres m'estre tres-humblement recommandé à vostre bonne grace ie vois prendre congé de vous. Alors la bonne Dame tira hors de sa manche vne petite bourslette, en laquelle auoit seulement six escus en or, & vn en monnoye, qu'elle donna à son fils. Et appella vn des seruiteurs de l'Euesque de Grenoble, son frere, auquel elle bailla vne petite malette, en laquelle auoit quelque linge pour la necessité de son fils. Le priant que quand il seroit présenté à Monseigneur de Sayoye, il voulust prier

Charles le seruiteur de l'Escuyer, sous la charge duquel il
VIII. seroit, qu'il s'en voulust vn peu donner de garde,
 iusques à ce qu'il feust en plus grand aage, & luy
 bailla deux escus pour luy donner. Sur ce propos
 preint l'Euesque de Grenoble congé de la compai-
 gnée, & appella son nepueu, qui pour se trouuer
 dessus son gentil roussin pensoit estre en vn paradis.
 Si commencerent à marcher le chemin droict à
 Chambery, où pour lors estoit le Duc Charles de
 Sauoye.

CHAPITRE III.

*Comment l'Euesque de Grenoble presenta son
 nepueu le bon Cheualier sans peur & sans
 reproche au Duc Charles de Sauoye,
 qui le receut ioyeusement.*



V D E P A R T I R du Chasteau de
 Bayard, qui feut vn Sabmedy apres le
 desieuner, cheuaucha le dict Euesque
 de Grenoble de sorte qu'il arriua au
 soir en la ville de Chambery, où le
 Clergé alla au deuant de luy. Car la dicte ville est de
 toute ancienneté de l'Euesché de Grenoble, & y a
 son Official, & sa Court. Il logea chez vn notable
 bourgeois. Le Duc estoit logé en sa maison, avec
 bon nombre de Seigneurs, & Gentils-hommes, tant
 de Sauoye, que de Piemont. Le soir demeura le dict
 Euesque de Grenoble à son logis, sans se monstrier

à la Court. Combien que le Duc feust assez informé *Charles*
 qu'il estoit à la ville, dont il feust tres-ioyeulx. Parce *VIII.*
 que iceluy Euesque estoit, si ainfi on les peut appeler en ce monde, vn des plus saincts & deuots personnaiges que l'on sceust. Le lendemain, qui feust Dimanche, bien matin se leua, & s'en alla pour faire la reuerence au Duc de Sauoye, qui le receust d'un riant vifage, luy donnant bien à congnoistre que sa venue luy plaisoit tres-fort. Si deuifa avec luy tout au long du chemin depuis son logis iusques à l'Eglise, où il alla ouyr Messe, à laquelle il seruit le dict Duc, comme à tels Princes appartient, à luy bailler à baiser l'Euangile, & la paix. Apres la Messe dicte, le Duc le mena par la main dîner avec luy. Où durant iceluy estoit son nepueul le bon Cheualier, qui le seruoit de boire tres-bien en ordre, & tres-mignonement se contenoit. Ce que regarda le Duc pour la ieunesse qu'il voyoit en l'enfant, de sorte qu'il demanda à l'Euesque, Monseigneur de Grenoble, qui est ce ieune enfant qui vous donne à boire. Monseigneur, respondit-il, c'est vn homme d'armes que ie vous suis venu presenter, pour vous seruir s'il vous plaist: mais il n'est pas en l'estat que ie le vous veulx donner, apres dîner si c'est vostre plaisir le verrez. Vrayement ce dit le Duc qui desia l'auoit pris en amour, il seroit bien estrange qui tel present refuseroit. Or le bon Cheualier qui desia auoit l'ordonnance de son oncle en l'entendement, ne s'amusa gueres aux morceaulx, ains s'en alla au logis faire seller son roussin, sur lequel apres Pa-

Charles uoir bien mis en ordre monta, & s'en veint le beau
 VIII. petit pas en la court de la maison du dict Duc de Sa-
 uoye, qui desia estoit sorty de sa salle, appuyé sur
 vne gallerie. Si veid entrer le ieune enfant qui fai-
 soit bondir son cheual, de sorte qu'il sembloit hom-
 me de trente ans, & qui toute sa vie eust veu de la
 guerre. Lors s'adressa à l'Euesque de Grenoble, au-
 quel il dit, Monseigneur de Grenoble, ie croy que
 c'est vostre petit mignon, qui si bien cheuauche ce
 cheual. Qui respondit, Monseigneur c'est mon, il
 est mon nepueu, & de bonne Race, où il y a eu de
 gentils Cheualiers. Son pere qui par les coups qu'il
 a receus és guerres & batailles où il s'est trouué, est
 tant miné de foiblesse & vieillesse qu'il n'est peu ve-
 nir deuers vous, se recommande tres-humblement
 à vostre bonne grace, & vous en faiët vn present.
 En bonne foy respondit le Duc ie l'accepte volon-
 tiers, le present est beau & honneste, Dieu le face
 preudhomme. Lors commanda à vn sien Escuyer
 d'escuyrie, en qui plus se fioit, qu'il preint en sa gar-
 de le ieune Bayard, & que à son opinion seroit vne
 fois homme de bien. Ne tarda guieres apres ce pro-
 pos que l'Euesque de Grenoble, qui remercia tres-
 humblement le Duc de Sauoye, ne preint congé
 de luy, pour s'en retourner à sa maison, & le dict
 Duc demeura à Chambery iusques à quelque
 temps apres, qu'il se delibera d'aller veoir le Roy
 de France Charles huiëtiefme, qui estoit en sa ville
 de Lyon, où il se donnoit du bon temps à faire iou-
 stes, tournois, & tous autres passetemps.

CHAPITRE IV.

*Comment le Duc de Sauoye se partit de Cham-
bery , pour aller veoir le Roy de France
Charles huictiesme en sa ville de Lyon,
Et mena avec luy le bon Cheualier
sans peur & sans reproche,
lors son paige.*



LE BON Cheualier demeura paige avec le Duc Charles de Sauoye bien l'espace de demy an, où il se feit tant aymer de grands, moyens, & petits, qu'oncques ieune enfant ne le feut plus. Il estoit seruiable aux Seigneurs, & Dames, tant que c'estoit merueilles. En toutes choses n'y auoit ieune paige, ne Seigneur, qui feut à comparer à luy. Car il saultoit, luiettoit, iectoit la barre selon sa grandeur, & entre autres choses cheuauchoit vn cheual le possible. De sorte que son bon maistre le preint en aussi grande amour, que s'il eust esté son fils.

VN IOVR estant le Duc de Sauoye à Chambery faisant grosse chere, se delibera d'aller veoir le Roy de France à Lyon, où pour lors estoit parmy ses Princes & Gentils-hommes, menant ioyeuse vie à faire ioustes & tournois chascun iour, & au soir danser & baller avec les Dames du lieu, qui sont volontiers belles & de bonne grace. Et à verité dire,

Charles ce ieune Roy Charles estoit vn des bons Princes,
viii. des courtois, liberaux, & charitables qu'on ait iamais veu, ne leu. Il aymoît & craignoit Dieu, ny ne iuroit iamais que par la foy de mon corps, ou autre petit serment. Et feut grand dommaige dont mort le preint si tost comme en l'aage de vingt huit ans. Car si longuement eust vescu, acheué eust de grandes choses. Le dict Roy Charles sceut comment le Duc de Sauoye le venoit veoir, & que ja estoit à la Verpilliere, & s'en venoit coucher à Lyon. Si enuoya au deuant de luy vn gentil Prince de la Maison de Luxembourg, qu'on appelloit le Seigneur de Ligny, avec plusieurs autres Gentils-hommes & archiers de sa garde, qui le trouuerēt à deux lieues ou enuiron du dict Lyon. Si se firent grand chere les dicts Duc, & Seigneur de Ligny. Car tous deux estoient assez remplis d'honneur. Ils veindrent longuement parlans ensemble, & tellement que le Seigneur de Ligny iecta son œil sur le ieune Bayard, lequel estoit sur son roussin qui trotoit fort mignonement, & le faisoit merueilleusement bon veoir. Si dit le Seigneur de Ligny au Duc de Sauoye, Monseigneur vous auez là vn paige, qui cheuauche vn gaillard cheual, & dauantaige il le sçait manier gentiment. Sur ma foy dit le Duc il n'y a pas demy an que l'Euesque de Grenoble m'en fait vn present, & ne faisoit que sortir de l'eschole; mais ie ne veis iamais ieune garçon qui plus hardiment de son aage se mainteint, ny à cheual, ny à pied, & y a fort bonne grace. Bien vous aduise Monseigneur

mon cousin, qu'il est d'une Race où il y a de gail- *Charles*
 lards & hardis Gentils-hommes, ie croy qu'il les en- *VIII.*
 fuiura. Si dit au bon Cheualier, Bayard picquez,
 donnez vne carriere à vostre cheual. Ce que le ieune
 enfant qui pas mieux ne demandoit feit inconti-
 nent, & tres-bien le sceut faire, & si au bout de la
 course feit bondir le cheual qui estoit fort gaillard,
 trois ou quatre merueilleux saults, dont il resiouyt
 toute la compaignée. Sur ma foy Monseigneur dit
 le Seigneur de Ligny, voyla vn ieune Gentil-hom-
 me qui sera à mon opinion gentil galant s'il veit. Et
 m'est aduis que ferez bien du paige & du cheual fai-
 re present au Roy. Car il en sera bien aise, pource
 que le cheual est fort bel, & bon, & le paige à mon
 aduis encores meilleur. Sur mon ame dit le Duc,
 puis que le me conseillez ie le feray. Le ieune enfant
 pour paruenir ne scauroit apprendre en meilleure
 eschole qu'en la Maison de France, où de tout tēps
 honneur faict son scieur, plus longuement qu'en
 toutes autres Maisons de Princes. Ainsi en propos
 cheminerent si auant qu'ils entrerent dedans Lyon,
 où les ruës estoient pleines de gens, & force Dames
 aux fenestres pour les veoir passer. Car sans mentir
 ce Duc de Sauoye estoit fort beau & bon Prince, &
 tres-bien accompagné, & à veoir sa contenance
 sentoit bien son Prince de grosse Maison. Si s'en alla
 pour le soir qui feut vn Mercredy descendre à son
 logis, où il reuint le Seigneur de Ligny, & vn autre
 appelé Monseigneur d'Auennes, fils du sire d'Al-
 bret, & frere du Roy de Nauarre qui estoit alors,

Charles vn fort honnestre, & accomply Seigneur, à soupper
 VIII. auecluy, & plusieurs autres Seigneurs, & Gentils-
 hommes, où durant iceluy y eut force menestriers
 & chantres du Roy qui veindrent resiouyr la com-
 pagnée. Le soir ne partit point le Duc de Sauoye
 de son logis, ains il feut ioué à plusieurs ieux & pas-
 setemps, & tant qu'on apporta vin & espices, les-
 quelles prinſes, chacun se retira à son logis, iusques
 au lendemain au matin.

CHAPITRE V.

*Comment le Duc de Sauoye alla faire la reue-
 rence au Roy de France à son logis, &
 du grand & honnestre recueil qui
 luy feut faict.*



LE V D Y matin se leua le Duc de Sa-
 uoye, & apres soy estre mis en ordre
 voulut aller trouuer le Roy: mais ainçois
 son partement arriuerent à son logis les
 dicts Seigneurs de Ligny, & d'Auennes, avec le
 Mareſchal de Gié, qui pour lors auoit gros credit en
 France, ausquels il donna le bon iour. Et apres mar-
 cherent iusques au logis du Roy, qui desia estoit
 prest pour aller à la Messe en vn Conuent de Cor-
 deliers qu'il auoit faict construire à la requeste d'vn
 deuot religieux appellé frere Iean Bourgeois, au
 bout d'vn faulxbourg de Lyon appellé Veize, & y
 auoit

auoit le dict Seigneur beaucoup donné du sien, aussi auoit fait sa bonne & loyale espouse Anne Duchesse de Bretagne. Si trouua le Duc de Sauoye le Roy ainsi qu'il vouloit sortir de sa chambre, auquel il feit la reuerce telle & si haulte que à si grand & noble Prince appartenoit. Mais le bon Roy qui fils estoit d'humilité le preint & l'embrassa, en luy disant, Mon cousin mon amy vous soyez le tres-bien venu, ie suis ioyeux de vous veoir, & sur mon ame vous auez bien fait; car si ne feussiez venu, i'estois delibéré vous aller veoir en vos pays, où ie vous eusse porté beaucoup plus de dommaige. A quoy respondit le bon Duc, Monseigneur il est difficile que à ma volonté sceussiez porter dommaige. Tout le regret que i'auroye à vostre arriuée en vos pays, & miens, seroit seulement que ne pourriez estre receu comme appartient à si hault ne magnanime Prince que vous estes. Mais bien vous aduise que le cœur, le corps, l'auoir, & le sçauoir, si Dieu y en a aucun mis, sont en vostre disposition, autant que le moindre de vos subiects. Dont le Roy en rougissant vn peu le remercia. Si mōterent sur leurs mulles, & allerent ensemble deuilans le long de la ville iusques au dict Conuent des Cordeliers, où ils oüyrent deuotement la Messe. Et quand vint à Posfrande, feut baillé par le Duc de Sauoye au Roy Pescu, pour offrir à nostre Seigneur, ainsi que chacun iour ont accoustumé faire les Roys de France, comme estant le Prince à qui on vouloit plus faire d'honneur. Apres la Messe oüye, remonterent sur

Charles leurs mulles pour retourner au logis, où le Roy re-
 VIII. teint le Duc de Sauoye à disner avec luy, & pareille-
 ment les dictz Seigneurs de Ligny, & d'Auennas.
 Durant le disner y eut plusieurs propos tenus, tant
 de chiens, d'oyseaulx, d'armes, que d'amours. Et en-
 tre autres le Seigneur de Ligny dit au Roy, Sire ie
 vous iure ma foy, que Monseigneur de Sauoye a
 vouloir de vous donner vn paige qui cheuauche vn
 bas roussin fort gaillard aussi bien que ieune gar-
 çon que ie veis iamais, & si ne pense point qu'il ait
 plus de quatorze ans, mais il mene son cheual à la
 raison comme vn de tréte. S'il vous plaist aller ouïr
 Vespres à Esnay en aurez vostre passetemps. Par la
 foy de mon corps dit le Roy ie le veul. Et puis regar-
 da le Duc de Sauoye, en luy disant, Mon cousin,
 qui vous a donné ce gentil paige que dit le cousin
 de Ligny. A quoy respondit le dict Duc, Monsei-
 gneur, il est de vos subiects, & d'une Maison en vo-
 stre pays du Dauphiné dont il est sorty de gaillards
 Gentils-hommes, son oncle l'Euesque de Greno-
 ble puis demy an m'en a faict vn present, Monsei-
 gneur mon cousin l'a veu, il en dit du bien tant qu'il
 luy plaist, vous verrez à vostre plaisir le paige & le
 cheual en la prayrie d'Esnay. Alors n'estoit pas le
 bon Cheualier en presence, mais tantost luy feut ra-
 compté, & commēt le Roy le vouloir veoir sur son
 cheual, & croy que s'il eust gaigné la ville de Lyon
 n'eust pas esté si aise. Il s'en alla incontinent au mai-
 stre palefrenier du Duc de Sauoye nommé Pisou de
 Chenas, auquel il dit, Maistre mon amy i'entends

que le Roy a dict à Monseigneur qu'il veut veoir *Charles*
mon roussin apres disner, & moy dessus. Je vous *VIII.*
prie tant que ie puis que le veuilliez faire meestre en
ordre, & ie vous donneray ma courte dague de bon
cœur. Le maistre palefrenier qui veid la bonne vo-
lonté du ieune garçon luy dict, Bayard mon amy
gardez vostre baston, ie n'en veulx point, & vous
remercie, allez vous seulemēt peigner, & nectoyer,
car vostre cheual sera bien en ordre, & Dieu vous
face cest heur mon amy, que le Roy de France vous
prenne en grace, car il vous en peut aduenir beau-
coup de biens, & quelque fois avec l'ayde de Dieu
pourrez estre si grand Seigneur, que ie m'en senti-
ray. Sur ma foy maistre dict le bon Cheualier, ja-
mais ie n'oublieray les courtoisies que m'auez fai-
ctes depuis que ie suis en la maison de Monsei-
gneur, & si Dieu me donne iamaïs des biens vous
en apperceuerez. Incontinent monta en la cham-
bre de son Escuyer, où il nectoïya ses habillemens, se
peigna & accoustra au plus ioliment qu'il peut, en
attendant qu'il eust quelques nouuelles qui ne tar-
derent gueres. Car sur les deux ou trois heures veint
l'Escuyer d'escuyrie de Monseigneur de Sauoye le-
quel gouuernoit Bayard qui le veint demander, &
tout prest le trouua. Si luy dit tout fâché, Bayard
mon amy ie veoy bien que ie ne vous garderay gue-
res, car i'entends que Monseigneur a desia faict vn
present de vous au Roy, qui vous veult veoir sur
vostre roussin en la prairie d'Esnay. Je ne suis pas
marry de vostre aduancement, mais sur ma foy ray

Charles
VIII.

grand regret de vous laisser. A quoy respondit le ieune Bayard, M^{on}seigneur l'Escuyer Dieu me doint grace de continuer és vertus que m'avez monstrees depuis l'heure que Monseigneur vous bailla charge de moy. Si ie puis moyennant son ayde n'aurez iamaïs reproche de chose que ie face, & si ie paruiens en lieu pour vous faire seruice, congnoistrez par effect de combien ie me sens vostre obligé. Apres ces paroles dictes ny eut plus de dilation, car l'heure s'approchoit. Si monta l'Escuyer sur vn cheual, & feit monter le bon Cheualier sur son roussin, lequel estoit si bien peigné, & accoustré, que rien ny defailloit. Et s'en allerent attendre le Roy, & sa compaignée, en la prayrie d'Esnay. Car le Prince s'estoit mis par eauë sur la Saosne. Incontinent qu'il feut hors du batteau, va veoir sur la prée le ieune Bayard sur son roussin, avec son Escuyer. Si luy commença à crier, Paige mon amy donnez de l'esperon à vostre cheual, ce qu'il feit incontinent, & sembloit à le veoir departir que toute sa vie eust faict ce mestier. Au bout de la course le feit bondir deux ou trois faults, & puis sans rien dire s'en retourna à bride abatuë pareillement deuers le Roy, & s'arresta tout court deuant luy, en faisant remuer son cheual. De sorte que non seulement le Roy, mais toute la compaignée y preint vn singulier plaisir. Si commença le Roy à dire à Monseigneur de Sauoye, Mon cousin, il est impossible de mieux picquer vn cheual. Et puis s'adressant au paige luy dit, Picque, picque encores vn coup. Apres les paroles du Roy, les pai-

ges luy crierent picquez, picquez. De façon que *Charles*
depuis par quelque temps feut surnommé Picquet. *VIII.*

Vrayement dit encores le Roy au Duc, ie veoy deuant mes yeulx ce que le cousin de Ligny m'a dict à disner, ie ne veulx pas attendre que me donniez vostre paige, ne vostre cheual, mais ie le vous demande. Monseigneur, respondit le Duc de Sauoye, le maistre est vostre, le reste y peut bien estre. Dieu luy doint grace de vous faire quelque seruice agreable. Par la foy de mon corps dit le Roy, il est impossible qu'il ne soit homme de bien. Cousin de Ligny ie vous baille le paige en garde: mais ie ne veulx pas qu'il perde son cheual, il demeurera tousiours en vostre Escuyrie. Dont le dict Seigneur de Ligny remercia tres-humblement le Roy, se sentant tres-bien satisfait d'auoir ce present. Car il estimoit bien qu'il en feroit vn homme dont il auroit vne fois gros honneur, ce qui feut accomply depuis en maints lieux. Trois ans seulement feut paige le bon Cheualier en la maison du Seigneur de Ligny, lequel Pen meit hors sur l'aage de dix sept ans, & l'ap-poincta en sa compaignée, toutesfois tousiours feut-il retenu des Gentils-hommes de sa Maison.

Charles

VIII.

CHAPITRE VI.

Comment vn Gentil-homme de Bourgongne nommé Meſſire Claude de Vauldré veint à Lyon par le vouloir du Roy de France faire faiëts d'armes, tant à cheual, comme à pied, Et pendit ſes eſcus pour par ceulx qui y toucheroient eſtre par luy receus au combat. Et comment le bon Cheualier trois iours apres qu'il feut mis hors de paige toucha à tous les eſcus.



VELQVE temps demeura le Duc de Sauoye à Lyon, où il feit fort bonne chere, tantauec le Roy, que les Princes & Seigneurs de France. Si aduiſa qu'il eſtoit ſaiſon de retourner en ſes pays, parquoy demanda congé, qui luy feult donné bien enuis. Toutesfois il n'eſt ſi bonne compaignée qu'il ne conuienne departir. Le Roy luy feit de beaulx & honorables preſens, Car de liberalité eſtoit aſſez remply. Ainſi ſ'en retourna le bon Duc Charles de Sauoye en ſes pays. Le Roy de France alla viſitant ſon Royaume, & deux ou trois ans apres ſe retrouua au dict Lyon, où il arriua vn Gentil-homme de Bourgongne qu'on nommoit Meſſire Claude de Vauldré, appert homme d'armes, & qui deſiroit à merueilles de leſſuiure. Si feit ſupplier au Roy que

pour garder d'oïsiueté tous ieunes Gentils-hommes luy voulust permeçtre de dresser vn pas, tant à cheual, comme à pied, à course de lance, & coups de hache, ce qui luy feut accordé. Car le bon Roy ne demandoit apres le seruice de Dieu, dont il estoit assez songneux, que ioyeux passât temps. Si dressa son affaire iceluy Messire Claude de Vauldré, le mieulx qu'il peut, & feit pendre les escus, où tous Gentils-hommes qui auoient desir d'eulx monstrer venoient toucher, & se faisoient inscrire au Roy d'armes qui en auoit la charge. Vn iour passoit par deuant les escus le bon Cheualier, qui desia par le nom que le Roy luy donna à Elnay estoit de chascun appellé Picquet, si va penser en soy mesmes, Helas mon Dieu si ie sçauoye commét me meçtre en ordre, tant volontiers ie toufcheroie à ces escus, pour sçauoir & apprendre des armes, & sur cela s'arresta tout coy, & demeura pensif. Avec luy estoit vn sien compaignon de la nourriture du Seigneur de Ligny appelle Bellabre, qui luy dit, En quoy songez vous compaignô, vous me temblez tout estonné. Sur ma foy respondit il mon amy aussi suis ie, & ie vous en diray presentement la raison. Il a pleu à Monseigneur me meçtre hors de paige, & de sa grace m'a accoustré & mis en ordre de Gentil-homme, vouloir me semond de toucher aux escus de Messire Claude de Vauldré, mais ie ne sçay quand ie l'auroye faict qui me fourniroit apres de harnois, & de cheuaux. Alors respondit Bellabre, qui plus estoit aagé que luy, & fort hardy Gentil-homme (Car

Charles d'une chose veulx aduifer tous lisans ceste Histoire
VIII. que de la nourriture de ce gentil Seigneur de Ligny
sont sortis cinquante Gentils-hommes, dont les
trente ont esté tous vaillans & vertueux Capitaines
en leur vie,) mon compaignon mon amy vous sou-
ciez vous de cela, n'avez vous pas vostre oncle ce
gros Abbé d'Esnay, ie fais vœu à Dieu que nous
irons à luy, & s'il ne veut fournir deniers, nous pren-
drons crosse, & miestre, mais ie croy que quand il
congnostra vostre bon vouloir il le fera volontiers,
& sur ces paroles il va toucher aux escus. Monioye
Roy d'armes qui estoit là pour escrire les noms luy
commencea à dire, comment Picquet mon amy
vous n'aurez barbe de trois ans, & entreprenez vous
à combattre contre Messire Claude de Vauldré, qui
est vn des plus rudes Cheualiers qu'on sçaiche. Le-
quel luy respondit, Monioye mon amy, ce que i'en
fais n'est pas orgueil, ne outrecuidance, mais seule-
ment desir d'apprendre les armes peu à peu avec
ceulx qui me les peuuent monstrier, & Dieu s'il luy
plaist me fera la grace que ie pourray faire quelque
chose qui plaira aux Dames. De quoy Monioye se
preint à rire, & s'en contenta tres-fort. Si courut in-
continent par tout Lyon le bruit que Picquet auoit
touché aux escus de Messire Claude de Vauldré, &
veint iusques aux oreilles du dict Seigneur de Li-
gny, qui n'en eust pas voulu tenir dix mille escus. Si
s'en alla le dire au Roy incontinent, qui en feut tres-
ioyeulx, & luy dit, Par la foy de mon corps cousin
de Ligny vostre nourriture vous fera vne fois de
l'honneur,

l'honneur, Car le cœur le me iuge. Nous verrons que ce fera respondit le Seigneur de Ligny, il est encores bien ieune pour endurer les coups de Messire Claude de Vauldré. Or ne feut ce pas le plus fort pour le bon Cheualier d'auoir touché aux escus, mais de trouuer argent pour auoir cheuaux, & accoustremens. Si vint à son compaignon Bellabre, auquel il dit, Mon compaignon mon amy, ie vous prie estre mon moyen enuers Monseigneur d'Es-nay mon oncle, qu'il me donne de l'argent, ie sçay bien que si mon oncle Monseigneur de Grenoble estoit icy, il ne me laisseroit pour rien, mais il est en son Abbaye de Sainct Surnin à Thoulouse, c'est bien loing, iamaïs vn homme n'y feroit allé & venu à temps. Ne vous chaille, dict Bellabre, nous iurons vous & moy demain matin parler à luy, & respere que nous ferons bien nostre cas. Cela resioüy quelque peu le bon Cheualier, toutesfois il ne reposa gueres la nuict. Bellabre & luy couchoient ensemble, se leuerent matin, & puis se meirent en vn de ces petits bateaux de Lyon, & se feirent mener à Es-nay. Eulx descendus, le premier homme qu'ils trouuerent dedans le pré ce feut l'Abbé, qui disoit ses heures avec vn de ses religieux. Si Pallerent saluer les deux Gentils-hommes, mais luy qui desia auoit ouï parler comment son nepueu auoit touché aux escus de Messire Claude de Vauldré, & se doubtoit bien qu'il faudroit foncer, ne leur feit pas grand recueil, mais s'adressa à son nepueu, & luy dict, He qui vous a donné ceste hardiesse de toucher aux escus

Charles
VIII.

Charles de Messire Claude de Vauldré, li luy a que trois
VIII. iours qu'estiez paige, & n'avez pas dix-sept ou dix-
huiët ans, ou vous deult encores donner des ver-
ges, qui montez en si grand orgueil. A quoy respon-
dit le bon Cheualier, Monseigneur, ie vous assure
ma foy que oncques orgueil ne me le fait faire,
mais desir & vouloir de paruenir par faictz ver-
tueux à l'honneur que vos predecesseurs & les miens
ont faict m'en ont donné la hardiesse. Si vous sup-
plie Monseigneur tant que ie puis, veu que ie n'ay
parent ny amy à qui ie puisse presentement auoir
recours sinon à vous, que vostre bon plaisir soit
m'ayder de quelques deniers pour recouurer ce
qu'il m'est necessaire. Sur ma foy respondit l'Abbé
vous irez chercher ailleurs qui vous prestera argent,
les biens donnez par les fondateurs de ceste Abbaye
a esté pour y seruir Dieu, & non pas pour despandre
en ioustes, & tournois. Laquelle parole dicte par
l'Abbé, le Seigneur de Bellabre reprint, & luy dit,
Monseigneur, n'eust esté les vertus & les proüesses
de vos predecesseurs, vous ne feussiez pas Abbé
d'Esnay, car par leur moyen & non par autre y estes
paruenu. Il faut auoir congnoissance des biens
qu'on a receus par le passé, & esperance d'auoir
quelque remuneration de ceulx qu'on faict. Vo-
stre nepueu mon compagnon est de bonne Ra-
ce, bien aimé du Roy, & de Monseigneur nostre
maistre, il a vouloir de paruenir, dont deussiez estre
bien ioyeux. Si est besoin que luy aydiez, car il ne
vous sçauroit couster deux cents escus pour le me-

estre en bon ordre, & il vous pourra faire de l'honneur pour plus de dix mille. Si y eut replicque par l'Abbé, & plusieurs autres propos tenus, mais en fin se condescendit qu'il ayderoit au dict bon Chevalier. Charles
VIII.

CHAPITRE VII.

Comment l'Abbé d'Esnay bailla cent escus au bon Chevalier pour auoir deux cheuaux, & escriuit vne leltre à vn marchand de Lyon, pour luy deliurer ce qui luy seroit necessaire.



LY EUT plusieurs propos entre l'Abbé, & les deux Gentils-hommes, mais à la fin il les mena à son logis, & feit ouvrir vne petite fenestre, où d'une bourse qui dedans estoit tira cent escus, lesquels il bailla à Bellabre, & luy dit, Mon Gentil-homme voila cent escus que ie vous baille, pour acheter deux cheuaux à ce vaillant gend'arme, car il a encores la barbe trop ieune pour manier deniers, ie m'en vois escrire vn mot à Laurécin pour luy bailler les habillemens qui luy seront necessaires. C'est tres-bien faict Monseigneur dict Bellabre, & ie vous assure que quand chascun le sçaura, vous n'y aurez sinon honneur. Si feut demandé incontinent encre & papier pour escrire à Laurencin,

Charles
VIII.

auquel il manda bailler à son nepueu ce qui luy seroit necessaire pour s'accoustrer à ce Tournoy, imaginant en soy mesme qu'il ne sçauroit auoir à besongner pour cent francs de marchandise, mais il alla bien autrement, comme vous orrez cy apres. Incontinent que les Gentils-hommes eurent leur lectre, apres auoir prins congé de l'Abbé, & par le bon Cheualier l'auoir tres-humblement remercié de la courtoisie qu'il luy faisoit, s'en retournerent dedans leur petit bateau pour reuenir à Lyon, fort ioyeux de ce qu'ils auoient si bien besongné. Si commença à parler Bellabre & à dire, Sçaez vous qu'il y a, compaignon, quād Dieu enuoye des bonnes fortunes aux gens, il les fault bien & faigement conduire. Ce qu'on desrobe à moynes est pain beneist. Nous auōs vne lectre à Laurencin pour prendre ce qu'il vous faudra, allons vistement à son logis, auāt que vostre Abbé ait pensé à ce qu'il a faict. Car il n'a point limité en sa dicte lectre iusques à combien d'argent il vous baille d'accoustrements. Par la foy de mon corps vous serez accoustré pour le Tournoy, & pour d'icy à vn an, car aussi biē n'en aurez vous iamais autre chose. Le bon Cheualier qui ne demandoit pas mieulx se preint à rire, & luy dit, Par ma foy mon compaignon la chose va bien ainsi, mais ie vous prie hastons nous. Car i'ay grand peur que s'il s'apperçoit de ce qu'il a faict, que incontinent n'enuoye vn de ses gens declarer pour combien d'argent il entend qu'on me baille d'habillemens. Tres-bonne feut leur conception, com-

me vous entendrez. Si feirent diligenter la pontonniere, qui les rendit iufques aupres des changes, où ils se meirent à bort, & incontinent marcherent droict au logis de Laurencin qui estoit en fa boutique lequel saluèrent, & il qui estoit fort honneſte & bon marchand leur rendit le ſemblable. Bellabre commença la parole & dit, Par mon ame Sire Laurencin, mon compaignon & moy venons de veoir vn honneſte Abbé, c'eſt Monſeigneur d'Eſnay. Je vous promects c'eſt mon dit Laurencin, c'eſt vn grãd homme de bien, & me tiens du nombre de ſes bons ſeruiteurs. J'ay eu en ma vie à faire à luy de vingt mille francs, mais iamais ne trouuay vn plus rond homme. Mais ne ſçaez vous l'honneſteté qu'il a faicte à ſon nepueu mō compaignon que voicy dit Bellabre. Il a ſceu qu'il auoit touché aux eſcus de Meſſire Claude de Vauldré, & qu'il ſe vouloit eſprouuer pour honneur acquerir comme ont faict ſes anceſtres, & ſçaichant que nous couchions enſemble, tous deux nous a enuoyé querir à ce matin, & eſtans arriuez, apres nous auoir faict tres bien deſieuner, a donné trois cent beaux eſcus à ſon nepueu, pour auoir des cheuaulx. Et dauantaige pour l'accouſtrer de forte qu'il n'y ait homme en la compaignie mieulx en ordre que luy, nous a baillé vne leſtre à vous adreſſant, pour luy bailler ce qu'il luy ſera neceſſaire. Si luy monſtra la leſtre, il congneut incontinent le ſeing de Monſeigneur l'Abbé. Je vous aſſeure Meſſeigneurs dit Laurencin qu'il n'y a rien ceans quine ſoit à voſtre commandement, &

Charles
VIII.

Charles de Monfeigneur qui m'escript. Regardez feulemēt
VIII. qu'il vous fault. Si feirent incontinent desployer
draps d'or, d'argent, fatins brochez, veloux, & au-
tres foyes, dont ils prindrent pour le bon Cheualier
iufques à la valeur de fept ou huiët cent francs, &
puis prindrent congé deluy pour s'en aller à leur lo-
gis, & incontinent enuoyerent querir tailleurs pour
faire leur cas. Or retournons vn petit à l'Abbé qui
feut bien aife quand il fe veid despesché de son nep-
ueu. Si commanda qu'on apportast à difner, où il
eut de la compaignée. Et entre autres propos com-
mēcea à dire tout hault, l'ay eu vne terrible estreine
à ce matin, ce garçon mon nepueu de Bayard a
elté fi fol, que d'aller toucher aux efcus de Meffire
Claude de Vauldré, & pour s'accouftrer est venu à
ce matin demāder de l'argent, i'en ay elté pour cent
efcus. Et encores n'est ce pas tout, car i'ay escript à
Laurencin luy bailler ce qu'il luy demandera pour
s'accouftrer fur le harnois. A quoy respondit le Se-
cretain de leans, Sur ma foy Mōseigneur vous auez
bien faict, il veut fuyure les proüesses de Monfei-
gneur vostre grand pere, qui feut fi vaillant hom-
me, & tous ses parens. Je ne veoy mal en cecy que
vn, Il est ieune, & volontaire, Vous auez escript à
Laurencin qu'il luy baille ce qu'il luy demandera, ie
fuis seur qu'il le fera, quand il seroit question de
deux mille efcus, l'ay peur qu'il n'en prenne plus
que vous n'entendez. L'Abbé va incontinent pen-
fer là dessus, & respondit, Par Saint Iacques Secre-
tain vous dictes vray, car ie n'ay point escript iuf-

ques à combien. Si dit, qu'on m'appelle le Maistre d'hostel. Qui veint sur l'heure. A coup Nicolas dit l'Abbé, vn autre seruira bien pour vous, allez à la ville chez Laurencin, & luy dictes que ie luy ay escript à ce matin bailler quelques habillemens à mon nepueu de Bayard, pour le Tournoy de Messire Claude de Vauldré, qu'il luy en baille pour cent ou six vingts francs, & non pour plus, & ne faiçtes que aller & venir. Le dict Maistre d'hostel alla bien tost, mais il partit bien tard. Quand il feut chez Laurencin il estoit à table, mais pource qu'il estoit assez priué de leans monta en hault & salua la compaignée, qui luy rendit le semblable. Monseigneur le Maistre dict Laurencin vous venez à bonne heure, lavez la main, & venez faire comme nous. Je vous remercie dit il, ce n'est pas ce qui me meine, Monseigneur m'enuoye icy parce qu'il vous a escript au iourd'huy bailler à son nepueu de Bayard quelques accoustremens. Laurencin n'attendit pas qu'il eust acheué, & dit Monseigneur le Maistre i'ay desia faiçt tout cela. Je vous asseure que ie l'ay bien mis en ordre, c'est vn tres-honneste ieune Gentil-homme, Monseigneur faiçt bien de luy ayder. Et pour combien luy en auez vous baillé dit le Maistre d'hostel. Je ne sçay sur ma foy dit il, si ie ne veoye mon papier, & son recepillé au dos de la lectre de Monseigneur, mais il m'est aduis qu'il en y a pour enuiron huit cent francs. Ha par nostre Dame vous auez tout gasté. Pourquoi dit Laurencin : Pource respondit le Maistre d'hostel, que Monseigneur vous

Charles
VIII.

Charles mandoit par moy ne luy en bailler que pour cent
VIII. ou six vingts francs. Salectre ne dit pas cela dist *Lauren-*
cin, & quand il en eust demandé plus largement
plus en eust eu, car ainsi me le mandoit Monseigneur. Or il n'y a remede fait le Maistre d'hostel, à
Dieu vous command. Si s'en retourna à Efnay, &
trouua encores la compaignée où il l'auoit laissée.
Quand l'Abbé veid son Maistre d'hostel luy dit, Et
puis *Nicolas* auez vous dit cela à *Laurencin*. Ouy
bien Monseigneur, mais ie suis allé trop tard, vostre
nepueu auoit desia faict sa foire, & en a seulement
pris pour huit cent francs. Pour huit cent francs
saincte Marie dict l'Abbé, A coup, vous sçaez bien
son logis, allez le trouuer, & luy dictes que s'il ne va
vistemment rendre chez *Laurencin* ce qu'il a pris,
que iamais de moy n'amendera d'un denier. Le
Maistre d'hostel fait le commandement de Mon-
seigneur, & s'en veint à Lyon, cuydant trouuer son
homme qui parauant s'estoit bien doubté de l'en-
clouure, & auoit dict à ses seruiteurs, Si personne
des gens de Monseigneur d'Efnay me viennent de-
mander, qu'on face force excuses, en sorte que ie ne
parle point à eulx. Et pareillement en fait aduertir
tous ceulx du logis. Quand le Maistre d'hostel le
veint demander, on luy fait responce qu'il estoit
chez Monseigneur de Ligny. Il y va, & ne le trouua
pas. Si retourna au logis. On luy dit qu'il estoit allé
essayer des cheuaulx de là le Rhosne. Bref il y feut
plus de dix fois, mais iamais ne le peut trouuer. Si
s'en retourna, car il veid bien que c'estoit vne moc-
querie.

querie. Quand il feut à Esnay, il dit à Monseigneur Charles
que c'estoit temps perdu de chercher son nepueu. Charles
VIII.
Car plus de dix fois auoit esté à son logis, mais possible n'estoit de le trouuer, car il se faisoit celer. Si dit l'Abbé, Par mon serment c'est vn mauuais garçon, mais il s'en repentira. Son courroux se passa quand il voulut, mais il n'en eut autre chose. Si laisserons à parler de luy, & retournerons au bon Cheualier, & à son compaignon, & comment ils exploicterent en leurs affaires.

C H A P I T R E V I I I .

Comment le bon Cheualier sans peur & sans reproche & son compaignon se monterent de cheuaulx, & garnirent d'accoustremens.

Et comment le dict bon Cheualier se porta gentiment selon sa puissance contre Messire Claude de Vauldré.



VOUS POUVEZ assez entendre que
incontinent que le bon Cheualier &
son compaignon eurent de Laurencin
ce qu'ils demandoient, ne firent pas
grand seiour en sa maison, doubans
ce qui aduenit depuis. Ains si bonne diligence mei-
rent en leur affaire, qu'ils furent pourueus de ce
qu'il leur faillloit. Ils se retirerent en leur logis, où

E

Charles soubdainement enuoyerent querir tailleurs , pour
VIII. faire à chascun trois accoustremens sur le harnois.
Car le bon Cheualier vouloit que son compaignon
feust de sa liurée. Aussi n'auoient ils rien party en-
semble. Apres ce qu'ils eurent donné ordre quant
aux habillemens, Bellabre dit, Compaignon, il fault
que nous allions veoir des cheuaulx. Je sçay vn Gen-
til-homme de Piemont logé en la Grenete, qui a vn
bas roussin bien releué & bien remuant, ce sera bien
vostre cas, & il me semble aussi qu'il a vn petit cour-
ferot bay, qui est fort adroict. L'on m'a dict qu'il les
veult vendre, parce que puis huiet iours en les che-
uauchant s'est rompu vne iambe, allons veoir que
c'est. C'est bien aduisé, respondit le bon Cheualier.
Si s'en allerent passer l'eaue vers nostre Dame de
Confort, puis se tirerēt au logis de ce Gentil-homme
Piemontois, qu'ils trouuerent en sa chambre fort
mal accoustré de sa iambe. Ils le saluèrent, & il leur
rendit le semblable comme courtois Cheualier. Bel-
labre preint la parole, & dit, Mon Gentil-homme,
voicy mon compaignon qui a desir de recouurer
vne couple de cheuaux que vous auez, parce qu'on
nous a rapporté que les voulez vendre, au moyen de
l'inconuenient qui vous est aduenü, dont il nous
desplaist. Sur ma foy Messieurs respondit le
Gentil-homme il est vray, & m'en faiet grand mal,
car les cheuaulx sont beaux & bons. Mais puis qu'il
plaist à Dieu, ie veoy bien que de trois mois ne sçau-
rois partir de ceste ville, les viures y sont chers, mes
cheuaulx se mangeroient en l'estable, vous me sem-

blez honnestes & gaillards Gentils-hommes, j'ayme *Charles*
 beaucoup mieux que mes cheuaultx tombent entre *VIII.*
 vos mains, que ailleurs, montez dessus, & les allez
 veoir hors la ville, avec vn de mes gens, & au retour
 s'ils vous plaisent nous en ferons marché. Ils trouue-
 rent le propos honneste, & incontinent feurent les
 cheuaultx sellez, sur lesquels le bon Cheualier & son
 compaignon monterent, & les menerent iusques à
 la prairie pres la Guillotiere, où ils les coururent &
 trotterent, de sorte qu'ils s'en teindrent pour con-
 tents. Si retournerent au logis du Gentil-homme, pour
 faire le marché, & luy demanderent le pris qu'il les
 voudroit vendre. Par ma foy dit il si i'estois sain, il
 n'y a homme sur la terre, si ie ne luy en vouloye faire
 present, qui les eust pour deux cent escus, mais pour
 l'amour de vous, ie suis content de les vous laisser
 le roussin pour soixante escus, & le courserot pour
 cinquante, ce sont cent dix escus, & n'en auray pas
 moins. Ils veirent bien qu'il estoit raisonnable, &
 ne dirent autre parole sinon, Mon Gentil-homme
 vous les aurez, & toute nostre vie deux Gentils-
 hommes à vostre commandement, dont il les remer-
 cia. Ils meirent la main à la bourse, & luy baillerent
 ses cent dix escus, & deux pour le vin des seruiteurs.
 Les cheuaultx feurent menez par leurs gens à leur
 logis, lesquels feirent tres-bien penser & accoustrer,
 car plus n'y auoit que trois iours à commencer l'em-
 prise, qu'auoit faicte Messire Claude de Vauldré,
 parquoy tout homme s'appareilloit selon sa puis-
 sance. Si ouurit iceluy Messire Claude de Vauldré

Charles son pas selon l'ordonnance qu'il auoit par le congé
viii. du Roy de France faict publier, & par vn Lundy se
meit sur les rens. Où contre luy s'essayerent plu-
sieurs bons & gaillards Gentils-hommes de la mai-
son du bon Roy Charles, tels que le Senechal Ga-
liot, pour lors fort gaillard & appert homme d'ar-
mes, le ieune Bonneual, Sandricourt, Chastillon,
Bourdillon, qui estoient des plus priuez de la per-
sonne du Roy, & plusieurs autres. Où chascun
comme pouuez penser fait le mieulx qu'il peut. Or
estoit telle l'ordonnance, que quand chascun auoit
faict ce en quoy il estoit tenu, cōuenoit que le long
de la lice feust mené veüe descouuerte, afin que l'on
congneust lequel c'estoit qui auoit bien ou mal
faict, parquoy à ceste raison pouuez penser qu'il n'y
auoit celuy qui ne se meit en son effort de bien faire.
Le bon Cheualier sur le dixhuietieme an de son aa-
ge, qui estoit fort grande ieunesse (car il commen-
çoit encores à croistre, & de sa nature estoit meigre,
& blefme,) se meit sur les rens pour essayer à faire
comme les autres, & là faisoit son ieu d'essay, qui
estoit assez rudement commencé. Car il auoit à fai-
re à vn des plus apperts & duits Cheualiers de guer-
re qui feust au monde. Toutesfois ie ne sçay com-
ment ce feust, ou si Dieu luy en vouloit donner
louange, ou si Messire Claude de Vauldré preint
plaisir avec luy, mais il ne se trouua homme en tout
le combat, tant à cheual, comme à pied, qui fait
mieulx ne si bien que luy. Et de ce les Dames de
Lyon luy en donnerent le los. Car comme desia a

esté dict dessus, il failloit après auoir faict son deb- Charles
 uoir aller le long de la lice veüe descouuerte, par- VIII.
 quoy quand il conueint que le bon Cheualier le
 feit, les Dames en leur langaige Lyonnois luy don-
 nerent l'honneur, en disant, *Vcy vo cestou malotru, il*
a mieulx fay que tous los autres. Et de tout le reste de
 la compaignée acquist si bonne grace, que le bon
 Roy Charles dit à son soupper pour plus l'honno-
 rer, Par la foy de mon corps Picquet a vn commen-
 cement, dont à mon opinion fera faillie à bonne
 fin. Et dit alors au Seigneur de Ligny, Mon cousin
 ie ne vous feis de ma vie si bon present que quand
 ie le vous donnay. A quoy respondit le dict Sei-
 gneur, Sire, s'il est homme de bien vous y aurez
 plus grand honneur que moy. Car le bon los que
 luy auez donné l'a faict entreprendre tout cecy.
 Dieu veuille qu'il puisse continüer. Mais son oncle
 l'Abbé d'Esney n'y prend pas grand plaisir, car il a
 eufes escus, & les accoustremens à son credit. Dont
 desia estoit le Roy assez informé. Si se preint à rire,
 & toute la compaignée.

C H A P I T R E IX.

*Comment le Seigneur de Ligny enuoya le bon
 Cheualier en garnison en Picardie, où estoit sa
 compaignée. Et feut logé en vne iolye petite ville
 appelée Ayre, & comment à son arriuée ses
 compaignons allerent au deuant de luy.*

Charles
VIII.



PRES LE Tournoy finy, le Seigneur de Ligny vn matin appella le bon Cheualier sans peur & sans reproche, auquel il dit, Picquet mon amy pour vostre commencement auez assez eu belle & bonne fortune, les armes se veulent continuer, & encores que ie vous retienne de ma Maison à trois cent francs par an, & trois cheuaulx à liurée, ie vous ay mis de ma compaignée. Si vueil que vous aillez à la garnison veoir vos compaignons. Vous aduisant que y trouuerez d'aussi gaillards hommes d'armes qu'il y en ait point en la Chrestienté, & qui souuent exercét les armes, en faisant ioustes, & tournois pour l'amour des Dames, & pour honneur acquerir. Si me semble attendant quelque bruit de guerre que ne pourriez mieulx estre. Le bon Cheualier qui autre chose ne demandoit, respondit Monseigneur de tous les biens & honneurs que m'auetz faicts & faictes chascun iour, ne sçauriez pour le present tirer de moy que tres-humbles remerciemens, & prier nostre Seigneur qu'il le vous veuille rendre. Mais c'est aujourd'huy le plus grand desir que i'aye d'aller veoir la compaignée que dictes, car ie n'y sçauroye si peu demeurer aux biens que i'en ay oüy dire, que ie n'en vaille mieulx toute ma vie, & si c'est vostre bon plaisir ie partiray demain. Le Seigneur de Ligny dit ie le veuil bien, mais premier veulx que preniez congé du Roy, & ie vous y meneray apres disner. Ce qui feut faict, & trouuerent le Roy comme il se vouloit leuer de table, auquel le

Seigneur de Ligny dit en telle maniere, Sire voicy *Charles*
vostre Picquet qui s'en va veoir ses compaignons *VIII.*
en Picardie, il vient prendre congé de vous. Si le
meit d'un assésuré visaige le bon Cheualier à ge-
noux, que le Roy volontiers regarda, & en sous-
riant luy dit Picquet mon amy, Dieu veuille conti-
nuer en vous ce que ie y ay veu du commencement,
& vous serez preud homme. Vous allez en un pays
où il y a de belles Dames, faictes tant que vous ac-
queriez leur grace, Et à Dieu mon amy. Grand mer-
cy Sire dit le bon Cheualier. Si feut incontinent
embrassé de tous les Princes & Seigneurs au dire à
Dieu, avec plusieurs Gentils-hommes, qui auoient
grand regret de quoy il laissoit la Court. Mais non
auoit pas luy, ains luy tardoit trop à son aduis qu'il
n'estoit desia au lieu où il debuoir aller. Le Roy feut
appeller un de ses varlets de Chambre, qui auoit
quelques deniers en ses coffres, auquel commanda
bailler au bon Cheualier trois cent escus, & pareil-
lement luy feut deliurer un des beaux coursiers qui
feust en son Escuyrie. Il donna au Valet de Cham-
bre trente escus, & dix à celui qui luy mena le cour-
sier, dont tous ceulx qui le sceurent loierent sa libe-
ralité à merueilles. Le Seigneur de Ligny le ramena
à son logis, & le soir le prescha comme s'il eust esté
son enfant, luy recommandant sur toutes choses
auoir tousiours l'honneur deuant les yeulx. Mais il
a tousiours bien gardé ce commandement iusques
à la mort. En fin quand il feut temps d'aller coucher,
le dict Seigneur de Ligny luy dit Picquet mon amy

Charles ie croy que vous partirez demain plus matin que
VIII. ne feray leué, à Dieu vous command. Si l'embrassa
les larmes aux yeulx, & le bon Cheualier le genoüil
en terre preint congé de luy, & s'en alla à son logis,
où il feut conuoyé de tous ses compaignons, des-
quels le congé ne feut pas pris sans grands embrassemens. Il monta en sa chambre où il trouua le tailleur du dict Seigneur de Ligny, qui auoit deux habillemens complets, que son bon maistre luy enuoyoit. Si luy dit, Mon frere mon amy, si i'eusse sceu ce beau present, i'en eusse remercié Monseigneur, qui m'a tant faict d'autres biens, que iamais vers luy ne le scauroye meriter, vous ferez s'il vous plaist cela pour moy. Si tira à sa bourse, & luy donna vingt escus. Vn des seruiteurs d'iceluy bon Cheualier luy dit, Monseigneur, Guillaume le palefrenier a amené en vostre estable le bon roussin de Monseigneur, & m'a dict que mon dict Seigneur le vous donnoit. Mais il s'en est retourné parce qu'on le demandoit, & dit qu'il viendra demain matin parler à vous. Il ne me trouuera pas dit il, car ie veulx estre à cheual à la pointe du iour. Si regarda le tailleur, auquel il bailla dix escus, & luy dit, Mon amy, ie vous prie baillez cela à Guillaume le palefrenier. Et au demeurant s'il vous plaist me salüerez toute la belle & noble compaignée de la maison de Monseigneur de par moy, ce que promet faire le tailleur. Lequel party de sa chambre, le bon Cheualier fit faire ses coffres, & accoustrer son cas, pour partir de bon matin, & puis se meit dedans le liect où peu reposa, car il estoit

estoit pres de minuit quand il sy meit. Leué qu'il feust, premier fait partir ses grands cheuaulx, dont il auoit six par excellence, avec son cariage. Luy avec cinq ou six beaulx & triomphans courtaults se meit apres, quand il eust prins congé de son hoste, & de son hostesse, & tres-bien contenté de ce qu'il auoit esté en leur maison. Son compaignon Bellabre feut aussi tost prest que luy, lequel le feut accompagner iusques à la Bresse, où feust leur disnée. Et là preindrent congé l'un del'autre, mais il n'y eut pas grand mystere. Car dedans trois ou quatre iours apres faisoit son compte le dict Bellabre de suyure son compaignon, & n'attendoit seulement que vne couple de grands cheuaulx quiluy venoient d'Espagne. Le bon Cheualier s'en alla tousiours à petites iournées, parce qu'il faisoit mener grands cheuaulx, toutes-fois il fait tant qu'il arriua à trois petites lieües de la ville d'Ayre, où de là enuoya vn de ses gens pour auoir logis. Quand les Gentils-hommes de la compaignée sceurent que Picquet estoit si pres, monterent tous ou la plus part à cheual, pour luy aller au deuant. Tant grand desir auoient de le veoir, car chascun estoit desia abreuué de ses vertus. Si estoient plus de six vingts tous ieunes Gentils-hommes, qui trouuerent leur compaignon à demie lieüe de la ville. Il ne fault pas demander s'ils se firent grand chere, & le menerent ioyeusement deuisans de plusieurs choses iusques dedans la ville; Où aux fenestres estoient les Dames, lesquelles auoient desia entendu la noblesse du cœur du bon Cheualier Picquet,

Charles chascune defiroit à le congnoistre. Ils le veirent,
VIII. mais non pas si à leur ayse qu'elles feirent depuis. Iceluy bon Cheualier feut mené par ses compaignons à son logis, où le soupper estoit desia prest. Car ainsi l'auoit ordonné à son homme, qu'il auoit enuoyé deuant. Si demurerent vne partie de ses dicts compaignons avec luy, qui menerent ioyeuse vie, luy demādans de son estat, & comment il estoit bien heureux à son commencement, d'auoir si bien faict cōtre Messire Claude de Vauldré, & le louioiēt à merueilles. Mais oncques le bon Cheualier ne monstra semblant d'en auoir ioye, ains respondoit courtoisement à leurs paroles. Et disoit Messieurs mes compaignons le los qu'on me donne est à grand tort, il n'y a pas encores tant de bien en moy que ie sceusse monter à grand pris: mais s'il plaist à nostre Seigneur, moyennant vostre bonne ayde, ie paruiendray à estre au nombre des gens de bien. Or feut ce propos laissé, & parla on d'autres matieres. Si commença à dire l'un des Gentilshommes de la compaignée appelé Tardieu, homme ioyeux, & facetieux, adressant ses paroles au bon Cheualier, Compaignon mon amy, ie vous aduise qu'en toute la Picardie n'y a point de plus belles Dames qu'en ceste ville; dont vostre hostesse que n'avez encores veuë en est l'une, elle est allée aux nopces d'une sienne niepce, demain retournera, si la verrez à vostre ayse. Il est impossible que soyez venu tenir garnison sans escus, il faut à vostre arriué faire parler de vous, & que par bien faire

puissiez acquerir la grace des Dames de ceste contrée. Il y a long temps qu'il n'y eust pris donné en ceste ville, ie vous prie tant que ie puis qu'en veuillez donner vng entre cy & huict iours, & ne me refusez pas s'il vous plaist pour la premiere requeste que ie vous ay iamais faicte. A quoy respondit le bon Cheualier, Sur ma foy Monseigneur de Tardieu, quand me demanderiez vne beaucoup plus grosse chose, croyez que n'en seriez pas esconduit. comment le seriez vous de ceste cy, qui me plaist autant ou plus que à vous? Et s'il vous vient à plaisir m'enuoyer demain matin le trompette, & que nous ayons congé de nostre Capitaine, ie feray en sorte que serez content. Tardieu luy dit, Ne vous souciez de congé, le Capitaine Louys d'Ars le vous a donné pour tousiours, car ce n'est point pour mal faire. Il n'est pas à present icy, mais il y fera dedans quatre iours. Si mal y a i'en prens la charge sur moy. Et bien doncques respondit le bon Cheualier, demain sera executé vostre vouloir. Longuement demeura en propos la compaignée, tant qu'ils ouyrent sonner minuiet, si prindrent congé les vngs des autres iusques au lendemain matin, que le dict Tardieu n'oublia pas à venir au logis du bon Cheualier son nouueau compaignon, & luy amena vn trompette de la compaignée, & le premier bon iour qu'il luy donna, ce feut compaignon ne vous excusez plus, voicy vostre homme.

CHAPITRE X.

*Comment le bon Cheualier feit crier dedans Ayre
vn Tournoy pour l'amour des Dames , où il
y auoit pour le mieulx faisant vn bra-
celet d'or , & vn bel dyamant pour
donner à sa Dame.*



OMBIEN QVE grand besoing eust de reposle bon Cheualier sans peur & sans reproche , à cause du long trauail , pour le propos que luy auoit tenu son compaignon Tardieu , ne dormit pas trop la nuit : ains pensa comment feroit fondé son Tournoy. Ce qu'il meit en son entendement , & delibera en soy mesme de l'executer , comme vous orrez. Car quand Tardieu le veint veoir le matin , & luy amena le trompette , trouua desia par escript l'ordonnance comment debuoit estre le dict Tournoy. Qui estoit telle. C'est que Pierre de Bayard ieune Gentil-homme & apprentif des armes , natif du Dauphiné , des Ordonnances du Roy de France , soubz la charge & conduicte de hault & puissant Seigneur Monseigneur de Ligny , faisoit crier & publier vn Tournoy , au dehors de la ville d'Ayre , & ioingnant les murailles à tous venans , au vingtiesme iour de Iuillet , de trois coups de lance sans lice , à fer esmoulu , & en harnois de guerre , &

douze coups d'espée, le tout à cheual. Et au mieulx faisant donnoit vn brasselet d'or esmaillé de sa liurée, & du poids de trente escus. Le lendemain seroit combatu à pied à poux de lance, à vne barriere, de la hauteur du nombril. Et apres la lance rompuë, à coups de hache, iusques à la discretion des Iuges, & de ceulx qui garderoient le camp. Et au mieulx faisant donnoit vn dyamant du pris de quarante escus. Quand Tardieu eust veu l'ordonnance, il dit Par Dieu compaignon iamais Lancelot, Tristan, ne Gauvain ne feirēt mieulx. Trompette allez crier cela en ceste ville, & puis irez de garnison en garnison d'icy à trois iours, pour en aduertir tous nos amis. Il fault entendre qu'en la Picardie y auoit pour lors sept ou huiët cēt hommes d'armes, comme la compaignée du Marechal des Cordes, celle des Escossois, du Seigneur de la Palisse, vertueux & triomphant Capitaine, & de plusieurs autres, qui par le dict trompette feurent informez du Tournoy. Si se meirent en ordre ceulx qui s'y voulurent trouuer, car le terme n'estoit que de huiët ou dix iours, toutesfois il ne s'en trouua pas si peu qu'ils ne feussent quarante ou cinquante hommes d'armes sur les rens. En ces entrefaictes, & en attendant le desiré iour, arriua ce gentil Cheualier le Capitaine Louys d'Ars, lequel feut tres-ioyeulx d'estre venu d'heure, pour en auoir son passetemps. Sa venuë sceuë par le bon Cheualier, luy alla faire la reuerence, & se feirent grand chere l'un à l'autre. Encores pour mieulx renforcer la feste, le lendemain arriua son compai-

*Charles*ignon Bellabre, qui donna grand esioüyssement à
VIII. toutela compaignée. Si se delectoient tous les iours
à eillayer leurs cheuaulx, & faire banquets aux Dames. Où entre autres le bon Cheualier feit tres-bien son debuoir, de sorte que les Dames de la ville & plusieurs autres de alentour, qui estoient venuës pour estre au Tournoy, luy donnoïët le los sur tous les autres, dont toutesfois ne se mettoit en orgueil. Or veint le ieur ordonné pour commencer le dict Tournoy, que chascun se meit sur les rens. L'vn des Iuges estoit le bon Capitaine Louys d'Ars, & le Seigneur de Saint Quentin Escossois l'autre. Si se trouuerent les Gentils-hommes sur les rens, qui feurent nombrez à quarante six, & par fort sans tromperie feurent partis, vingt & trois d'un costé, & vingt & trois d'un autre. Et eulx estans prests pour commencer à bien faire, la trompette va sonner, & apres declara de poinct en poinct l'ordre du Tournoy. Si conueint au bon Cheualier se presenter le premier sur les rens, & contre luy veint vn sien voisin du Daulphiné nommé Tartarin, qui estoit fort rude homme d'armes. Si laisserent courre l'un à l'autre. De sorte que le dict Tartarin rompit sa lance à demy pied du fer. Et le bon Cheualier l'assenna au hault du grand gardebras, & meit sa lance en cinq ou six pieces. Dont trompettes sonnerët impetueusement, car la iouste feust belle à merueilles. Et apres auoir parfourny leur poindre, retournerent pour la seconde. Et feut telle l'aduenture de Tartarin, que de sa lance faulsa le gardebras du bon Cheualier,

alentroidt du canon, & cuydoient tous ceulx de la Charles
compagnée qu'il eust le bras percé. Le bon Che-
ualier luy donna au dessus de la veuë, & luy empor-
ta vn petit chappelet plein de plumes. La tierce lan-
ce feust aussi bien ou mieulx rompuë que les deux
autres. Leurs courfes faictes, veint Bellabre, & con-
tre luy se prepara vn homme d'armes Escossois,
qu'on nommoit le Capitaine Dauid de Fougas, qui
pareillement feirent de leurs trois lances ce qu'il
estoit possible à Gentils-hommes de faire. Et ainsi
deux contre deux iousterent, iusques à ce que cha-
cun eust parfourny ses courfes. Apres cōueint com-
batre à l'espée, & commença selon la premiere or-
donnance le bon Cheualier, qui du troisieme coup
qu'il donna rompit son espée en deux pieces, & du
reste feist si bien son debuoir iusques au nombre
des coups ordonnez, que mieulx n'eust sceu faire.
Apres veindrent les autres selon leur ordre. Et pour
vn iour, au rapport de tous les voyans, mesmes ainsi
que dirent les deux Iuges, ne feust iamais mieulx
couru de lance, ne combatu à l'espée. Et combien
que chacun le feist fort bien, les mieulx faisant fe-
rent le bon Cheualier, Bellabre, Tartarin, le Cap-
taine Dauid, vn de la compagnie de Monseigneur
des Cordes, nommé le Bastard de Chumay, & Tar-
dieu. Quand veint sur le soir que chacun eust faict
son deuoir, se retirerent tous au logis du bon Che-
ualier, qui auoit faict dresser le soupper triompha-
ment, où il y eut forces Dames. Car de dix lieues
alentour toutes celles de Picardie ou la plus part

Charles
VIII.

estoyent venues veoir ce beau Tournoy, & y feust
faict grande & triomphante chere. Apres le soup-
per y eust danfes, & plusieurs autres esbatemens,
tant qu'il feust si tard auant que personne se voulust
ennuyer, que vne heure apres minuiet sonna. Alors
s'en allerent les vns apres les autres en leurs logis,
menās les Dames iusques au lieu où elles debuoyent
reposer. Si feust assez tard le lendemain auant qu'el-
les feussent bien esueillées, & croyez qu'il n'y en
auoit nulles qui se lassassent de donner merueilleuse
louenge au dict bon Cheualier, tant des armes que
de l'honnesteté qui estoit en luy. Car nul plus gra-
cieux ne courtois Gentil-homme n'eust on iceu
trouuer en ce monde. Or pour parfaire ce qui estoit
commencé, le lendemain les soldats tous ensemble
se trouuerent au logis de leur Capitaine Louys
d'Ars, où estoit desia le bon Cheualier, qui l'estoit
venu prier de disner en son logis, avec le Seigneur
de Sainct Quentin, en la compaignée des Dames
du soir precedent, qui luy feust accordé. Il conueint
aller oüyr Messe, laquelle chantée, eussiez veu les
ieunes Gentils-hommes prendre les Dames par
dessoubs les bras, & icelles mener parlans d'amours,
& autres ioyeux deuis iusques au logis du dict bon
Cheualier, où s'ils auoient faict bonne chere le soir
deuant, à disner la feirent encores meilleure. Gue-
res ne demeurerent Seigneurs ne Dames au logis
depuis le disner. Car enuiron les deux heures cha-
cun qui estoit du Tournoy se tira sur les rens, pour
acheuer l'ordonnance du second iour. Où celuy
qui

qui à son penser n'estoit pas pour auoir le pris de la premiere iournée esperoit auoir la seconde. Les Iuges, Seigneurs, & Dames arriuez sur le lieu, commença le bon Cheualier sans peur & sans reproche le pas, en la maniere accoustumée. Et contre luy veint vn Gentil-homme de Hainault fort estimé, qui s'appelloit Hanotin de Sucre, qui par dessus la barriere à poux de lance se ruèrent de grands coups, & iusques à ce qu'ils feussent par pieces. Apres prindrent leurs haches qu'ils auoient chascun de leur costé, & se ruèrent de grands & rudes orions, tellement qu'il sembloit la bataille estre mortelle. Toutesfois en fin le bon Cheualier donna vn coup sur son aduersaire à l'endroiect del'oreille. De sorte qu'il le feist tout chancier, & qui pis est agenouiller des deux genoüils, & en rechargeant par dessus la barriere, luy feist baiser la terre, voulust ou non. Quoy voyant par les Iuges, crierent Hola, hola, c'est assez qu'on se retire. Apres ces deux, veindrent Bellabre, & Arnaulton de Pierreforade, vn Gentil-homme de Gascongne, lesquels feirent merueilles aux lances, qui feurent incontinent rompiues. Puis veindrent aux haches, & se donnerent de grands coups. Mais Bellabre rompit la sienne, parquoy les Iuges les departirent. Apres ces deux veindrent sur les rens Tardieu, & David l'Ecossois, qui feirent tres-bien leur debuoir. Si fait chascun en son endroiect, de sorte qu'il estoit sept heures deuant que chascun eust acheué. Et pour vn petit Tournoy, ceulx qui y estoient veirent aussi bien faire qu'ils

Charles
VIII.

auoient veu de leur vie. Quand tout feut acheué, chascun se retira à son logis, pour soy defarmer. Puis apres veindrent tous à celuy du bon Cheualier où estoit le banquet appresté, & ja y estoient les deux Iuges, les Seigneurs d'Ars, & de Saint Quentin, & toutes les Dames. S'il y eust deuisé des deux iournées ne fault pas demander, chascun en disoit ce qu'il luy sembloit. Toutesfois apres le soupper conueint en donner resolution, & par les Iuges declarer qui debuoit auoir les pris. Si en demanderent à plusieurs Gentils-hommes experimentez aux armes en leur foy, & puis apres aux Dames en leur conscience, & sans fauoriser l'un plus que l'autre. En fin tant par les Gentils-hommes que par les Dames feut dict, que combié que chascun eust faict si bien son debvoir que mieulx ne pourroit, ce neantmoins à leur iugement de toutes les deux iournées le bon Cheualier auoit esté le mieulx faisant, parquoy remectoient à luy mesmes, comme celuy qui auoit gaigné les pris, de donner ses presens où bon luy sembleroit. Si y eut grande altercation entre les deux Iuges à qui prononceroit la sentence: mais le bon Capitaine Louys d'Ars pria tant le Seigneur de Saint Quentin, qu'en fin promeist de le faire. Si sonna la trompette pour faire silence, qui feut faict. Si dict le dict Seigneur de Saint Quentin, Messieurs qui estes icy tous assemblez, & mesmement ceulx qui ont esté du Tournoy, dont Messire Pierre de Bayard a donné le pris par deux iournées, Monseigneur d'Ars, & moy, Iuges deleguez par vous.

tous à donner Sentence raisonnable, où seront les *Charles*
dicts pris mieulx employez, vous faisons à sçauoir VIII.
que apres nous estre bien & deüement enquis à
tous les vertueux & honnestes Gentils-hommes,
qui ont esté presens à veoir faire vos armes, & sem-
blablement aux nobles Dames que voyez cy en
presence, auons trouué que chascun a tres-bien &
honnestement faict son debuoir. Mais sur tous la
commune voix est que le Seigneur de Bayard, sans
blasmer les autres, a esté de toutes les deux iournées
le mieulx faisant. Parquoy les Seigneurs & Dames
luy remectēt l'honneur à donner les pris où bon luy
semblera. Et s'adressant au bon Cheualier luy dit,
Seigneur de Bayard aduisez où vous les deliurerez.
Il en feut tout honteux, & demeura vn peu pensif.
Puis apres dict, Monseigneur, ie ne sçay par quelle
faueur cest honneur m'est faict, il me semble qu'il
en y a qui l'ont trop mieulx meritē que moy, mais
puis qu'il plaist aux Seigneurs & Dames que i'en
soye Iuge, suppliant à tous Messeigneurs mes com-
paignōs & qui ont mieulx faict que moy n'en estre
desplaisans, ie donne le pris de la premiere iournée
à Monseigneur de Bellabre, & de la seconde au Ca-
pitaine Dauid l'Escossois. Si leur feit incontinent
deliurer les presens, ny depuis homme ne femme
n'en murmura, ains commencerent les danſes &
passetemps. Et ne se pouuoient saouler les Dames
de bien dire du bon Cheualier, qui tant feut aymé
en la Picardie, qu'oncques homme ne le feut plus. Il
y feut deux ans, durant lequel temps se feit plusieurs

Charles Tournois & esbatemens, où en la plus part empor-
 VIII. ta tousiours le bruit. Et la plus grande raison, pour-
 quoy tout le monde l'aymoit, c'estoit pource que
 de plus libérale & gracieuse personne n'eust on sceu
 trouuer sur la terre. Car iamais nul de ses compai-
 gnons n'estoit desmonté qu'il ne le remontaist. S'il
 auoit vn escu chascun y partissoit. Quelque ieunes-
 se qu'il eust, la premiere chose qu'il faisoit quand il
 estoit leué, c'estoit de seruir Dieu. Il estoit grand au-
 mosnier, & ne se trouua durant sa vie homme, qui
 sceust dire auoir esté refusé de luy en chose dont il
 ait esté requis, s'il a esté en son possible. Au bout des
 deux ans le ieune Roy de Frâce Charles entrepreint
 son voyage de Naples, où le Seigneur de Ligny alla.
 Parquoy enuoya de bonne heure querir le bon
 Cheualier. Car cognoissant ses vertus, & les honne-
 stes propos qu'on tenoit de luy, ne le vouloit pas
 laisser derriere.

CHAPITRE XI.

*Comment le Roy de France Charles huitiesme
 fait son appareil pour aller à la conqueste
 du Royaume de Naples, lequel il
 gaigna par sa prouesse Et
 vaillance, sans grande
 effusion de sang.*

DEVX ANS apres ou enuiron delibera Charles le bon Roy Charles d'aller conquerir le Royaume de Naples. Les occasions & moyens pourquoy il entrepreunt le voyage, sont assez contenus en autres Histoires & Chroniques. Parquoy d'en faire icy long recit ne seroit que ennuyer les escoutans, & gaster papier. Ce neantmoins comme chascun peut auoir clairement leu & entendu, le dict bon Roy Charles fait son dict voyage tant honorablement que impossible seroit de plus. Planta ses Iustices dedans Rome, fait venir le Pape à raison, & entierement gaigna le Royaume de Naples, & y laissa pour son Lieutenant general & Visroy le Seigneur de Montpensier. Puis se meit au retour pour venir en France, & n'eust nul empeschement iusques en vn lieu appelé Fornoue, où il trouua bien soixante mille combatans tous Italiens, & de plusieurs Potentats, comme du Pape, des Veniciens, du Duc de Milan, & plusieurs autres Seigneurs, lesquels estoient deberez deffaire le bon Roy à son retour, & le prendre prisonnier. Parce qu'ils estoient asseurez qu'il auoit laissé vne partie de sa puissance au Royaume qu'il venoit de conquerir, & n'auoit avec luy point plus de dix mille hommes. Ce neantmoins le bon & gentil Prince qui auoit cœur de lyon, comme certain d'estre bien seruy de si peu qu'il auoit de gens, se delibera les attendre, & les combattre. Ce qu'il fit avec l'ayde de nostre Seigneur, & y eurent les dicts ennemis lourde honte, & grosse perte, &

l'an 1495.
le 6. Iuliet.

Charles luy gloire inestimable. Car il ne perdit point sept
VIII. cent de ses gens. Les ennemis en perdirent huit ou
dix mille, & des plus apparens. Mesmement les plus
grands Capitaines de la Seigneurie de Venise y demeurerent, & plusieurs de la Maison de Gonzague, dont est Chef le Marquis de Mantoüe, qui pareillement y estoit: mais ses esperons luy ayderent bien, & le bon cheual sur quoy il estoit monté. Et n'eust esté que vne petite riuere creust merueilleusement, il y eust eu plus gros eschec. A la premiere charge le bon Cheualier sans peur & sans reproche se porta triomphamment par dessus tous, en la compaignée du gentil Seigneur de Ligny son bon maistre, & luy feust tué deux cheuaults sous luy le iour. Le Roy en feut aduerty, qui luy feit donner cinq cent escus, mais en recompense le bon Cheualier luy presenta vne enseigne de gens de cheual qu'il auoit gaigné à la chasse. De là le Roy s'en vint par ses iournées iusques à Vercel, où il trouua vne belle troupe de Suisses, qui estoient descendus pour le secourir s'il en auoit besoin. Il demeura là quelques iours avec son camp, car il vouloit secourir le Duc d'Orleans, son beau frere, que le Duc de Milan Ludouic Sforce & les Veniciens tenoient assiegé dedans Nouarre. Il y eut plusieurs allées & venües par gens qui se mesloient de faire la paix. De façon qu'en fin se traicta quelque appoinctement. Parquoy le Roy s'en retourna par les iournées à Lyon, où il trouua la bonne Royne sa loyalle espouse, & en sa compaignée la Duchesse de Bourbon sa sœur.

Il y eut plusieurs Gentils-hommes qui n'apporte- *Charles*
rent pas de grands biens de ce voyage de Naples. *VIII.*

Aucuns aussi en apportèrent quelque chose dont ils se sentirent toute leur vie. Ce feut vne maniere de maladie, qui eust plusieurs noms. D'aucuns feust nommée le mal de Naples, la grosse verolle, les autres l'ont appelée le mal François, & plusieurs autres noms a eu la dicte maladie, mais de moy ie l'appelle le mal de celuy quil'a. Le bon Roy de France partit de Lyon, pour s'en aller à Sainct Denys en France visiter le bon Patron, où ses predecesseurs sont ensepulturez. Et feut deux ou trois ans visitant son Royaume deçà & delà, menant tres-bonne & saincte vie, & maintenant Iustice, tant que tous ses subiects en auoient contètement. Car luy mesme seoit en chaire de Iustice deux fois la sepmaine, pour ouïr les plainctes & doleances d'un chascun, & les plus pauvres expedioit. Il eust nouuelles comment les Neapolitains s'estoient reuoltez pour Ferrand, fils du Roy Alphóse, & aussi de la mort de son Lieutenant general le Comte de Montpensier, & que tous ses Capitaines s'en retournoient en France. Si proposa y retourner luy mesme en personne, mais quil veid le temps oportun. Cependant vesquit en son Royaume tres-vertueusement, & de sa femme eust trois enfans, mais ils moururent. Au mois de Septembre mille quatre cent quatre vingts dix sept 1497. le bon Prince partit de Tours pour tirer à Lyon, cuidant faire son voyage de Naples: mais il se rompit ne sçay à quelle occasion. Il s'en retourna à Am-

Louys boise. Et le septiesme iour d'Auril au dict an, en vne
 XII. gallerie où il regardoit ioüier à la paulme, luy preint
 vne foiblesse, dont il mourut tantost apres. Qui feut
 vn dommaige irreparable pour le Royaume de
 France. Car depuis qu'il y a eu Roy, ne s'en est point
 trouué de meilleure nature, plus doux, plus gra-
 cieux, plus clement, ne plus pitoyable. Je croy que
 Dieu l'a retiré avec les bien heureux. Car le bon
 Prince n'estoit taché d'un tout seul villain vice. Je
 n'ay pas fait grand discours de sa vie, car elle est as-
 sez escripte ailleurs.

CHAPITRE XII.

*Comment Louys Duc d'Orleans veint à la Cou-
 ronne de France comme le plus prochain
 hoir, Et feut appellé Louys
 douziesme.*



1498.

AR LE trespas du bon Roy Charles,
 & au moyen de ce qu'il n'auoit point
 d'hoir masle, Louys Duc d'Orleans
 plus prochain de la Couronne succe-
 da au Royaume. Et feut sacré à Rheims
 le vingt-septiesme iour de May, mille quatre cent
 quatre vingts dix-huict. Et print sa Couróne à Saint
 Denys en France le premier iour de Iuillet ensuy-
 uant. Il auoit espoulé Madame Ieanne de France,
 sœur de son predecesseur. Mais au moyen de ce
 qu'on

qu'on tenoit que d'elle ne pourroit fortir lignée, & que par force l'auoit espousée, craignant la fureur du Roy Louys onzième son pere, la feit appeller en Iustice. Et à ceste occasion le Pape delegua Iuges, qui feirent & parfeirent le procez, & en fin iugerent qu'elle n'estoit point sa femme. Parquoy apres luy auoir laissé le Duché de Berry pour son estat, espousa la Royne Duchesse de Bretagne, veufue du feu Roy Charles. Si ce feut bien ou mal faict Dieu est tout seul qui le congnoist. La bonne Duchesse de Berry Ieanne de France a toute sa vie vescu en saincteté, & a l'on voulu dire depuis son trépas que Dieu a faict des miracles pour l'amour d'elle. A son aduenement il voulut vendre tous les Offices Royaulx, qui n'estoient point de Iudicature, & en retira plusieurs deniers. Car il craingnoit à merueilles de fouller son peuple par tailles ne autres subsidez. Il auoit tousiours son vouloir sur toutes choses de recouurer sa Duché de Milan, qui luy appartenoit à cause de Madame Valentine sa grand mere, que pour lors luy detenoit Ludouic Sforce, & parauant son pere. Mais ceulx de la Maison d'Orleans au moyen des guerres qui si longuement ont duré en France contre les Anglois, & aussi la querelle de la mort tant du Duc d'Orleans, que du Duc de Bourgongne, n'y auoient iamais peu entendre. Or à present se voyoit il en estat d'auoir la raison de son ennemy. Il alla faire son Entrée à Lyon le dixième iour de Iuillet, mille quatre cent quatre vingts dix-neuf, puis feit passer son armée en l'Aste-

Louys
XII.

fan, fous la conduicte du Seigneur Iean Iacques de Triuulce, & du Seigneur d'Aubigny, qui estoient deux faiges & vaillants Cheualiers. Lesquels d'entrée preindrent & meirent à sac deux petites places appellées Non, & la Rocque. De là tirèrent à Alexandrie, & assiegerent ceulx qui estoient dedans pour le Seigneur Ludouic, qui fort bien se defendirent, mais en fin elle feut prinse. Ceux de Pauie de ce aduertis se meirent en l'obeïssance du Roy de France. Le dict Seigneur Ludouic se voyant en ce party, ainsi delaisé de ses subiects abandonna Milan, & se retira en Allemagne deuers le Roy des Romains Maximilian, qui le receut ioyeusement. Car de tout temps auoient eu grandes alliances ensemble. Incontinent apres son partement ceulx de Milan se rendirent aux François, dont nouuelles allerent au Roy de France, qui à diligence y alla faire son Entrée. Et peu de iours apres feut trouué expedient par force de deniers, & autres promesses, d'auoir le Chasteau de celuy qui l'auoit en garde du Seigneur Ludouic, qui feit vn lasche & meschant tour à son maistre. Car par là esperoit tousiours le dict Seigneur recouurer la Duché. Quand les autres places entendirent le Chasteau de Milan estre rendu n'eurent plus d'esperoir, & se meirent toutes en l'obeïssance du Roy de France. Mesmement ceulx de Genes, ausquels il bailla pour Gouverneur le Seigneur de Rauestain, son prochain parent du costé maternel. En l'année mesme, & le quatorziesme iour d'Octobre, accoucha la Royne de France d'une

belle fille, qui feut nommée Claude. Guerres ne se-
journa le Roy en la Duché de Milan, mais apres y
auoir laiffé Gouuerneur le Seigneur Iean Iacques, la
garde du Chasteau au Seigneur d'Espy, & la Roc-
quete à vn Gentil-homme Escossois, prochain pa-
rent du Seigneur d'Aubigny, s'en retourna à Lyon.
Si bien feit il en la Duché auant son partement, qu'il
amoin-drit les daces & impositions de la tierce par-
tie. Dont tout le peuple le loua merueilleusement, &
en attira beaucoup le cœur d'aucuns. Guerres ne se-
journa le dict Seigneur à Lyon, mais marcha plus
auant en son Royaume, vint iusques à Orleans, où
il appoinçta certain differend entre les Ducs de
Gueldres, & de Iulliers, & les feit amys.

Louys
XII.

CHAPITRE XIII.

*Comment apres la conqueste de la Duché de
Milan le bon Cheualier demeura en Italie.*

*Et comment il dressa vn Tournoy en la
ville de Carignan au Piedmont,
dont il emporta le pris.*



AV RETOVR d'Italie que feitle Roy
de France Louys douziésme en ioye
& liesse, pour auoir conquesté la Du-
ché de Milan, & rendu son ennemy
Ludouic Sforce fuytif dedans les Al-
lemaignes, cherchant secours deuers le Roy des Ro-

Louys mains, demeurèrent les garnisons des François en
 XII. la Lombardie en tout plaisir, à faire ioustes, tour-
 nois, & autres passetemps. Le bon Cheualier qui en
 son ieune aage auoit esté nourry en la Maison de
 Sauoye, alla visiter vne vaillante Dame, que auoit
 espousé son premier maistre le Duc Charles de Sa-
 uoye. Blanche s'appelloit la Dame, & se tenoit au
 Piedmont, en vne ville de son doüaire dicté Cari-
 gnan. Elle qui de toute courtoisie estoit remplie, le
 receut ioyeusement, & le feit traicter comme fil
 eust esté parent de la Maison. Or fault il entendre
 que pour lors n'y auoit Maison de Prince ne Prin-
 cesse en France, Italie, ny ailleurs, où tous Gentils-
 hommes feussent mieulx receus, ne où il y eust plus
 de passetemps. Leans auoit vne fort honneste Da-
 me, quil'auoit gouuernée de ieunesse, & faisoit en-
 cores, laquelle se nommoit Madame de Fluxas, elle
 y auoit aussi son mary honneste Gentil-homme,
 sous lequel se manioit toute la maison. Il fault sça-
 uoir que quand le bon Cheualier feut donné paige
 au Duc Charles de Sauoye, ceste Dame de Fluxas
 estoit ieune Damoiselle en la Maison avec sa fem-
 me, & ainsi comme ieunes gens frequentent vo-
 lontiers ensemble, se preindrent en amour l'un l'au-
 tre, voire si grande, gardant toute honnesteté, que
 s'ils eussent esté en leur simple vouloir, ayant peu de
 regard à ce qui s'en feust peu ensuyure, se feussent
 prins par nom de mariage. Mais vous auez entendu
 par cy deuant comment le Duc Charles alla à Lyon
 veoir le Roy de France Charles huiëtiesme, & luy

donna iceluy bon Cheualier pour son paige, qui
 feut occasion dont les deux ieunes amans se perdi-
 rent de veüe pour long temps. Car cependant le
 voyage de Naples se feit, & plusieurs autres choses
 se desmeslerent, qui durerent trois ou quatre ans,
 sans eulx veoir finon par lectres. Durant ce temps
 feust mariée ceste Damoiselle à ce Seigneur de Flu-
 xas, qui auoit beaucoup de biens. Et il la preint pour
 sa bonne grace, car des biens de fortune n'en eut pas
 grandement. Mais comme femme vertueuse vou-
 lant donner à congnoistre au bon Cheualier, que
 l'amour honneste qu'elle luy auoit porté de ieunef-
 se duroit encores, à son arriué à Carignan luy feit
 toutes les gracieusetez & courtoisies que possible
 eust esté faire à Gentil-homme, & deuilerent lon-
 guement de leur ieunesse, & plusieurs autres choses.
 Ceste gentile Dame de Fluxas estoit autant accom-
 plie en beauté, doux & gracieux parler, que femme
 qu'on eust sceu trouuer, en son langaige loüoit si
 tres-fort le bon Cheualier, que possible n'eust esté
 de plus. Elle luy ramenteuoit son bien faire quand
 il s'essaya à Messire Claude de Vauldré, le Tournoy
 qu'il gaigna à Ayre en Picardie, & l'honneur qu'il
 receut en la Iournée de Fornoue, dont de tout ce
 estoit si grand bruit en France, & Italie. Et tellement
 le loüoit, & blasonnoit, que le pauvre Gentil-hom-
 me en rougissoit de honte. Puis apres luy disoit,
 Monseigneur de Bayard mon amy, voicy la pre-
 miere Maison où auez esté nourry, ce vous seroit
 grand honte si ne vous y faisiez congnoistre, aussi

Louys
XII.

bien qu'avez faict ailleurs. Le bon Cheualier respondit, Madame vous sçavez bien que dés ma ieunesse vous ay aymée, prisée, & honorée, & si vous tiens à si faige & bien enseignée, que ne voulez mal à personne, & encores à moy moins que à vn autre. Dites moy si vous plaist que voulez vous que ie face, pour dōner plaisir à Madame ma bonne maistresse, à vous sur toutes, & au reste de la bonne & belle compaignée qui est ceans. La Dame de Fluxas luy dit alors. Il me semble Monseigneur de Bayard, mais que ie ne vous ennuye point, que ferez fort bien de faire quelque Tournoy en ceste ville, pour l'honneur de Madame, qui vous en sçaura tres-bon gré. Vous avez icy alentour force de vos compaignons Gentils-hommes François, & autres Gentils-hommes de ce pays, lesquels s'y trouueront de bon cœur, & i'en suis asseurée. Vrayement dict le bon Cheualier puis que le voulez il sera faict. Vous estes la Dame en ce monde qui a premiere-ment acquis mon cœur à son seruice, par le moyen de vostre bonne grace. Je suis asseuré que ie n'en auray iamais que la bouche, & les mains, car de vous requerir d'autre chose ie perdrois ma peine, aussi sur mon ame i'aymerois mieulx mourir que vous presser de deshonneur. Bien vous prie que me veuillez donner vn de vos manchons. Car i'en ay à besongner. La Dame qui ne sçauoit qu'il en vouloit faire le luy bailla, & il le meit en la manche de son pourpoint, sans en faire autre bruit. Le soupper feust prest, où chascun feit bonne chere, puis apres

commencerent les danſes, où tout homme ſ'acquiſta le mieulx qu'il peut. Madame Blanche deuifà longuement avec ſa nourriture le bon Cheualier, tant que la minuiet ſonna, qu'il feut temps de ſe retirer. Mais il fault penſer qu'il ne dormit pas toute la nuit, car il ſongea à ce qu'il auoit à faire, & feut reſolu du tout en ſon entendement. Car le matin enuoya vn trompette à toutes les villes de là alentour où il y auoit garniſons, ſignifier aux Gentils-hommes que ſ'ils ſe vouloient trouuer dedans quatre iours apres, qui eſtoit vn Dimanche, en la ville de Carignan, & en habillement d'hommes d'armes, il donnoit vn pris qui eſtoit vn manchon de ſa Dame, où il pendoit vn ruby, de l'eſtimation de cent ducats, à celui qui ſeroit trouué le mieulx faiſant à trois coups de lance ſans lice, & à douze coups d'eſpée. Le trompette feit ſon debuoir, & rapporta par eſcript quinze Gentils-hommes, qui auoient promis eulx y trouuer. Cela veint à la congnoiſſance de Madame Blanche, qui en feut tres-ioyeuſe, & feit accouſtrer ſon eſchaffault ſur la place où ſe debuoient faire les courſes, & le combat. Le iour aſſigné, enuiron vne heure apres midy, ſe trouua ſur les rēcs le bon Cheualier armé de toutes armes, & trois ou quatre de ſes compaignons, comme le Seigneur de Bouuent, le Seigneur de Mondragon, & autres. où gueres ne feurent que tous ceulx qui deuoient courir ne ſe preſentaſſent. Premier commença le bon Cheualier, & contre luy veint le Seigneur de Rouaſtre, vn gaillard Gentil-homme, qui portoit

Louys
XII.

l'enseigne du Duc Philebert de Sauoye, fort hardy & adroict Cheualier, qui donna vn beau coup de lance, car il en feit trois ou quatre pieces. Mais le bon Cheualier luy bailla si grand coup sur le hault de sa grande buffe, qu'il l'en desarma, la percea au iour, & feit voller sa lance en cinq ou six pieces. Le dict Seigneur de Rouastre repreint sa grande buffe, & courut la seconde lance, dont il feit tres-bien son debuoir. Car il la rompit aussi bien ou mieulx que la premiere. Mais le bon Cheualier luy donna dedans la veuë, & luy emporta de ce coup son panna-che, & le feit tout chancelier, toutesfois il demeura à cheual. A la tierce lance croisa le Seigneur de Rouastre, & le bon Cheualier rompit la sienne, qui s'en alla par esclats. Apres eulx veindrent Mondragon, & le Seigneur de Cheuron, qui tant bien feirent leurs courses, que tout le monde les loüa. Deux autres les suyurent. Et finalement tous se porterent si bien, que la compaignée s'en contenta. Les lances rompuës, conueint venir aux espées: mais le bon Cheualier ne frappa que deux coups, qu'il ne rompist la sienne, & qu'il ne feist voller hors des poings celle que tenoit celui qui combattoit contre luy. Puis les vns apres les autres veindrent sur les rences, & si bien feirent tous que possible n'eust esté de l'amander, & feust fort tard quand chascun eust acheué. Madame feit par le Seigneur de Fluxas conuier tous les Gentils-hommes pour aller soupper au Chasteau, qui ne refuserent pas la priere, & croyez qu'ils feurent bien traictez, car leans en sçauoit on bien

bien la maniere. Apres soupper, commencerent à sonner les haults bois & menestriers, où auant que l'on se meit en train de danfer, conueint donner le pris à celuy qui par raison l'auoit gaigné. Les Seigneurs de Grandmont, & de Fluxas, qui Iuges en estoient, demanderent à tous les assistans tant Gentils-hommes, Dames, que aux combatans mesmes, mais tous feurent d'opinion que le bon Cheualier auoit par le droict des armes gaigné le pris. Parquoy les dicts Iuges le luy veindrent presenter. Mais tout rougissant de honte le refusa, en disant que à tort & sans cause luy estoit attribué cest honneur: mais que s'il auoit aucune chose bien faicte, Madame de Fluxas en estoit cause, qui luy auoit presté son manchon, & que à elle pour luy remectoit de donner le pris où bon luy sembleroit. Le Seigneur de Fluxas qui congnoissoit la grande hōnesteté du bon Cheualier n'en entra aucunement en ialousie, & vint droict à sa femme, avec le Seigneur de Grandmont, qui luy dit, Madame present vostre mary que voycy, Monseigneur de Bayard, à qui on donne le pris du Tournoy, a dict que c'est vous quil' auez gaigné, au moyen de vostre manchon que luy donnastes, parquoy il le vous enuoye pour en faire ce quil vous plaira. Elle qui tant sçauoit d'hōneur que merueilles, ne s'en effraya aucunement, ains tres-humblement remercia le bon Cheualier de l'honneur quil luy faisoit. Et dit ces mots, Puis qu'ainsi est que Monseigneur de Bayard me faict ce bien de dire que mon manchon luy a faict gaigner le pris, ie le

Louys garderay toute ma vie pour l'amour de luy. Mais le
XII. ruby, puis que pour le mieulx faisant ne le veult ac-
cepter, ie suis d'aduis qu'il soit donné à M^oseigneur
de Mondragon. Car on tient que c'est celuy qui a
mieulx faict apres luy. Ainsi qu'elle ordonna feut
accomply, sans ce qu'on en ouyst aucun murmu-
rer. Si feut Madame Blanche bien ioyeuse d'auoir
faict telle nourriture que du bon Cheualier dont
tout le monde disoit bien. Le pris donné, les danfes
cominécèrent, qui durerent iusques apres minuiet,
que chascun se retira. Les Gentils-hommes François
feurent encores cinq ou six iours à Carignan en
ioye, & desdaiet, faisans grand chere, puis s'en re-
tournerent en leurs garnisons. Le bon Cheualier
preint aussi congé de Madame sa bonne maistresse,
à laquelle il dict qu'il n'y auoit Prince ne Princesse
en ce monde apres son souuerain Seigneur, qui eust
plus de commandement sur luy qu'elle y en auoit,
dont il feut remercié grandement. Ce faict, con-
ueint aller prendre congé de ses premieres amours
la Dame de Fluxas, qui ne feut pas sans tomber
larmes de la part d'elle, & de son costé estoit le
cœur bien ferré. L'amour honnestes a duré entre
eux deux iusques à la mort, & n'estoit année qu'ils
ne s'enuoyassent presens l'un à l'autre. En la ville de
Carignan, ne au Chasteau, durant vn mois ne feut
autre propos tenu que de la proüesse, honneur,
douceur & courtoisie du bon Cheualier. Et estoit
autant prisé leans, que s'il en eust deu estre heritier.
Il y trouua luy y estant seruant en quelque office Pi-

Fou de Chenas, qui auoit esté maistre palefrenier du Duc Charles de Sauoye son maistre, & duquel il auoit eu autresfois du plaisir. Ce qu'il voulut alors recongnoistre. Car apres l'auoir mené à son logis, & faict bien traicter, luy donna vn cheual, qui valloit bien cinquante escus, dont le bon homme de bon cœur le remercia. Il luy demanda qu'estoit deuenu son Escuyer du temps qu'il estoit en la Maison de Monseigneur de Sauoye. Pisou de Chenas luy dit qu'il se tenoit à Moncalier, où il estoit marié, & retiré, & qu'il estoit deuenu fort goutteux. Le bon Cheualier non ingrat des gracieusetez que par le passé luy auoit faictes, par le dict Pisou mesmes luy enuoya vne fort bonne & belle mulle. Et monstroït bien en ce faïcant, qu'il n'auoit pas mis en oubly les biens qu'on luy auoit faicts en ieunesse.

Louys
XII.

CHAPITRE XIV.

*Comment le Seigneur Ludouic Sforce retourna
d'Allemagne avec bon nombre de lansque-
nets, & repreint la ville de Milan
sur les François.*



VOUS AVEZ entendu comment le Seigneur Ludouic se retira en Allemagne deuers le Roy des Romains. Et fault entendre qu'il n'y alla pas sans porter deniers. Car au faict qu'il vouloit entrepren-

Louys
XII.

dre en auoit bien à besongner, & le monstra par effect. Car peu de temps apres son chassement retourna en Lombardie avec bon nombre de lansquenets, & quelques Suisses, aucuns hommes d'armes Bourgongnons, & force gens de cheual d'Allemagne. Et le troisieme iour de Ianuier, par quelque intelligence repreint la ville de Milan, dont feurent les François chassez, combien que le Chasteau demeura tousiours entre les mains du Roy. A l'exemple de Milan se reuolterent plusieurs villes en la Duché. Entre les autres toutes celles du chemin de Gennes comme Tortonne, Vaugaire, & plusieurs Chasteaulx. Quand le Roy de France eust entendu le trouble de sa Duché, comme Prince magnanime & vertueux dressa vne grosse armée pour y enuoyer, dont il fait chefs le Seigneur de Ligny, & le Seigneur Iean Iacques, qui assemblerent leur armée en l'Astefan, & commencerent à marcher. Or durant que le Seigneur Ludouic feut dedans Milan, & peu apres qu'il l'eust repris, fault que ie vous face vn compte du bon Cheualier sans peur & sans reproche. Il estoit demeuré par le congé de son maistre en Italie, quand le Roy de France s'en retourna. Pource qu'il desiroit sur toutes choses les armes, & imaginoit bien qu'il ne pouuoit demeurer longuement, que le Seigneur Ludouic qui estoit allé chercher secours en Allemagne, ne retournaist avec puissance, & par ce moyen y auroit combat. Car à la premiere conqueste de la Duché ne s'estoit pas fait grands armes. Il estoit en garnison à vingt

milles de Milan, avec d'autres ieunes Gentrys-hommes, & faisoient chascun iour courtes les vns sur les autres belles à merueilles. Vn iour feut le dict bon Cheualier aduertie que dedās Binasque y auoit trois cent cheuaulx, qui seroient bien aisez à deffaire, si pria ses compaignons que leur plaisir feust luy tenir compaignée à les aller visiter. Il estoit tant aymé de tous, que facilement luy feust sa requeste accordée. Si s'apprestèrent de bon matin, & s'en allerent iusques au nombre de quarante ou cinquante hommes d'armes, pour essayer s'ils feroient quelque bonne chose. Le Capitaine qui estoit dedans Binasque estoit tres-gentil Cheualier, saige, & aduisé à la guerre, & s'appelloit Messire Iean Bernardin Cazache. Il auoit bonnes espies, par lesquels entendit comment les François cheuauchent pour le venir trouuer. Il ne voulut pas attendre d'estre pris au nid. Si se meir de sa part en ordre, & se tira hors des barrières la portée de deux iects d'arc. Si va aduiser les ennemis, qui luy donnerent grand ioye. Car selon son iugement, au peu de nombre qu'ils estoient pensoit bien qu'ils ne luy feroient point de deshonneur. Ils commencerent à approcher les vns contre les autres crians France, France, More, More. Et à l'aborder y eust grosse & perilleuse charge. Car de tous les deux costez en feut porté par terre, qui remonterent à grand peine. Qui eust veu le bon Cheualier faire faicts d'armes, entamer testes, coupper bras, & iambes, eust plustost esté pris pour lyon furieux, que pour Damoisel amoureux. Brief ce combat dura

Louys vne heure, qu'on n'eust sceu dire qui auoit du meilleur, qui faisoit fort à iceluy bon Cheualier. Lequel parla à ses compagnons, disant He Messieurs, nous tiendra tout aujourd'huy tout ce petit nombre de gens? Si ceulx qui sont dedas en estoient aduertis, iamais nul de nous ne se saueroit. A coup prenons couraige ie vous supplie, & pouffons cecy par terre. Aux paroles du bon Cheualier s'esuertuerent ses compagnons, & en criant tous d'une voix France, France, liurerent vn aspre & merueilleux assault aux Lombards. Lesquels commencerent à perdre place, & à eulx reculler tousiours, eulx defendans tres-bien. Mais en ce recullement feirent plus de quatre ou cinq milles, tirāt vers Milan, où quand ils se veirent si pres tournerent bride, & à course de cheual à qui mieulx mieulx preindrent la fuyte vers la ville. Les François chasserent tant qu'ils en feurent bien pres. Alors feut crié par quelqu'un des plus anciens, & qui fort bien entendoit la guerre, Tourne homme d'armes, tourne. A quoy chascun entendit, excepté le bon Cheualier, qui tout eschauffé tousiours chassoit & poursuyuit ses ennemis. De sorte que pesse messe parmy eulx entra dedans Milan, & les suyuit iusques deuant le Palais, où estoit logé le Seigneur Ludouic. Et pource qu'il auoit les croix blanches, tout le monde cryoit apres luy *pigla, pigla*. Il feut enuironné de toutes parts, & preins prisonnier du Seigneur Iean Bernardin Cazache, qui le mena à son logis, & le feit defarmer. Si le trouua fort ieune Gentil-homme, comme de l'aage de vingt & deux

à vingt & trois ans, dont il s'esmerueilla, & mesmement commēt en telaage pouuoit auoir en luy tant de proüesse qu'il en auoit congneuē. Le Seigneur Ludouic qui auoit oüy le bruit demanda que c'estoit. Aucuns qui auoient entendu l'affaire le luy compterent, & comment le Seigneur Iean Bernardin estāt à Binasque auoit esté chargé des François, qui en fin l'auoient repoussé iusques dedans Milan, & parmy eulx à la chässe estoit entré pesse melle vn des dictz François, qu'on tenoit à merueilles vailant, & hardy Gentil-homme, & n'estoit rien si ieune. Alors commanda qu'on l'allast querir, & qu'il luy feust amené, ce qui feust faict incontinent.

Louys
XII.

CHAPITRE XV.

Comment le Seigneur Ludouic voulut veoir le bon Cheualier sans peur & sans reproche.

Et comment apres auoir deuisé avec luy le renuoya, & luy feist rendre son cheual, & ses armes.



NALLA incontinent au logis du Seigneur Iean Bernardin chercher son prisonnier, pour l'amener au Seigneur Ludouic qui le demandoit. Il eust peur que en la fureur iceluy Seigneur Ludouic luy feist faire quelque desplaisir. Il estoit courtois, & gracieux Gentil-homme, si le voulut mener luy mesme,

Louys
XII.

apres l'auoir vestu d'une de ses robes, & mis en estat de Gentil-homme. Si le veint presenter au Seigneur Ludouic, qui s'esmerueilla quand il le veid si ieune, & on luy donnoit si grād los. Toutesfois luy adressa son parler, en disant, Venez ça mon Gentil-homme, qui vous a amené en ceste ville? Le bon Cheualier qui ne feut de rien esbahy luy respondit, Par ma foy Monseigneur, ie n'y pensois pas entrer tout seul, & cuidois bien estre suiuy de mes compaignons, lesquels ont mieulx entendu la guerre que moy. Car s'ils eussent faict ainsi que i'ay, ils feussent comme moy prisonniers. Toutesfois apres mon inconueniēt ie meloüe de fortune, de m'auoir faict tomber entre les mains d'un si bon maistre que celui qui me tient. Car c'est vn tres-vailāt & aduisé Cheualier. Apres luy demandale Seigneur Ludouic par sa foy de combien estoit l'armée du Roy de France. Sur mon ame Monseigneur respondit il, à ce que ie puis entendre il y a quatorze ou quinze cent hommes d'armes, & seize ou dix-huict mille hommes de pied. Mais ce sont tous gens d'eslite, qui sont deliberez si bien besongner à ceste fois, qu'ils asseureront l'estat de Milan au Roy nostre maistre. Et me semble Monseigneur que seriez bien en aussi grande seureté en Allemagne que vous estes icy. Car vos gens ne sont pas pour nous combattre. Tant asseurement parloit le bon Cheualier, que le Seigneur Ludouic y prenoit grand plaisir, ce neantmoins que son dire feust assez pour l'estonner. Mais pour monstret qu'il ne se soucioit pas grandement

ment du retour des François, luy dit comme par riefée, Sur ma foy mon Gentil-homme i'ay belle enuie que l'armée du Roy de France & la mienne se trouuent ensemble. A celle fin que par la bataille se puisse congnoistre à qui de droit appartient cest heritaige. Car ie n'y veois point d'autre moyen. Par mon serment Monseigneur dit le bon Cheualier, ie voudrois que ce feust dès demain, pourueu que ie feusse hors de prison. Vrayement à cela ne tiendra pas respondit le Seigneur Ludouic, car ie vous en mects dehors presentement, mais dauantaige demandez moy ce que vous voudrez, & ie le vous donneray. Le bon Cheualier qui le genoüil en terre remercia le Seigneur Ludouic des offres qu'il luy faisoit, comme estoit bien raison, luy dit, Monseigneur ie ne vous demande autre chose, sinon que si vostre courtoisie se vouloit tant estendre que de me faire rendre mon cheual, & mes armes, que i'ay apportées dedans ceste ville, & m'en enuoyer ainsi deuers ma garnison, qui est à vingt milles d'icy, me feriez vn tres-grand bien, dont toute ma vie me fentirois obligé à vous. Et hors le seruice du Roy mon maistre, & mon honneur sauf, le voudrois recongnoistre en ce qu'il vous plairoit me commander. En bonne foy dit le Seigneur Ludouic, vous aurez presentement ce que demandez. Si dit au Seigneur Iean Bernardin, A coup Capitaine qu'on luy trouue cheual, armes, & tout son cas. Monseigneur dit le Capitaine il est bien aisé à trouuer, tout est à mon logis. Si y enuoya incontinent deux ou trois serui-

Louys teurs, qui apportèrent ses armes, & amenerent son
xii. cheual, & le feit armer le Seigneur Ludouic deuant
luy. Quand il feust accoustre, monta sur son cheual,
sans mectre pied à l'estrief. Puis demanda vne lance
qui luy feust baillée. Et leuât sa veüe dit au Seigneur
Ludouic, Monseigneur, ie vous remercie de la cour-
toisie que m'avez faicte, Dieu le vous veuille ren-
dre. Il estoit en vne belle grande court. Si commen-
cea à donner del'esperon au cheual, lequel feit qua-
tre ou cinq saults, tant gaillardement, que impossi-
ble feroit de mieulx. Et puis luy donna vne petite
course, en laquelle contre terre rompit sa lance en
cinq ou six pieces. Dont le Seigneur Ludouic ne
fesioiuyt pas trop, & dit tout hault ces paroles, Si
tous les hommes d'armes de France estoient pareils
à cestuy cy, i'aurois mauuais party. Ce neantmoings
luy feit bailler vn trompette, pour le conduire ius-
ques à sa garnison, mais il ne feust pas si auant. La
estoit l'armée des François à dix ou douze milles de
Milan, qui estoit toute abreuuée de ce que le bon
Cheualier estoit pris, & par sa hardiesse: toutesfois il
y auoit eu de la ieunesse meslée parmy. Quand il
feut arriué au camp, s'en alia incontinent deuers son
bon maistre le Seigneur de Ligny. Qui en riant luy
dit, He comment Picquet qui vous a mis hors de
prison, auez vous payé vostre rançon? Vrayement
ie voulois enuoyer vn de mes trompettes pour
vous chercher, & la payer. Monseigneur dit le bon
Cheualier, ie vous remercie tres-humblement de
vostre bon vouloir, le Seigneur Ludouic m'a deli-

üré par sa grande courtoisie. Si leur cōpta de poinct en poinct comme tout estoit allé de sa prinse, & de sa deliurance. Tous ses compaignons le veindrent veoir, qui luy feirent grand chere. Le Seigneur Iean Iacques luy demanda s'il esperoit à veoir la contenance du Seigneur Ludouic, à l'ouïr parler, s'il donneroit la bataille. A quoy il respondit Monseigneur il ne m'a pas tant déclaré de ses affaires, ne si auant. Toutesfois à le veoir, il est homme qui pour peu de chose n'est pas aisé à estonner, vous verrez que ce pourra estre en peu de iours. De luy ne me sçauroye plaindre, car il m'a faict tres-bon & honnesté party. La plus part de ses gens sont dedans Nouarre, il a delibéré les faire venir à Milan, ou aller à eulx.

CHAPITRE XVI.

*Comment le Seigneur Ludouic se retira dedans
Nouarre, dont tant que les François entraissent
dedans Milan par le Chasteau, &
comment il feut prins.*



VAND LE Seigneur Ludouic congneut l'armée du Roy de France si pres de Milā, & que le Chasteau estoit hors de ses mains, il se doubta d'estre surprins dedans la ville. Si se desroba de nuiet avec ce qu'il auoit de gens dedans Milan, au moings peuy en laissa avec son frere le Cardinal

Louys
XII.

Ascaigne, & s'en alla veoir son armée qui estoit dedans Nouarre. Où quand il feust sceu au camp du Roy de France, ses Lieutenans, où peu de iours auoit que le Seigneur de la Trimouille estoit arriué, delibererent l'aller assaillir au dict lieu de Nouarre. Le Seigneur Ludouic auoit beaucoup de gens : mais ils estoient de Nations fort differentes, comme Bourguignons, lansquenets, & Suisses, & par ce trop plus mal aisez à gouverner. Car en quelque sorte que les choses allassent, peu de iours apres feust renduë la ville de Nouarre es mains des Lieutenans du dict Roy de France. Et pource qu'on faisoit courir le bruit que le Seigneur Ludouic n'estoit pas dedans la ville, & qu'il s'estoit retiré en Allemagne pour la seconde fois, feust ordonné que les gens de pied passeroient par dessoubs la picque, ce qu'ils firent. Et parmy eulx feut congneu le pauvre Seigneur Ludouic, qui se rendit quand il veid que force luy estoit au Seigneur de Ligny. Je ne sçay qui feit l'affaire, mais il feut plus que mal seruy. Ce feut le Vendredy deuant Pasques flories l'an mille cinq cent. Le reste de son armée s'en alla bagues saufues. Je croy bien qu'ils eurent quelque payement. Car on disoit que les Suisses que le Seigneur Ludouic auoit avec luy s'estoient mutinez, à faulte de payement. Mais depuis i'ay entendu du contraire, & que le Bailly de Dijon qui auoit gros credit avec eulx les auoit gaignez. Ioinct aussi qu'en l'armée du Roy y en auoit beaucoup plus gros nombre qu'ils n'estoient dedans Nouarre, & s'excusoient de ne combattre point.

les vngs contre les autres. I'ay veu aduenir plusieurs fois cela, qui a porté beaucoup de dommaige en France. Or quoy que ce feust le Seigneur Ludouic demeura prisonnier, feut mené en France droit à Lyon, depuis au liz Sainct George, & en fin au Chasteau de Loches, auquel il a finy ses iours. Ce feut vne grosse pitié. Car il auoit esté triomphant Prince en sa vie: mais fortune luy monstra au dernier son rigoureux visaige. Le Cardinal Ascaigne son frere, lequel estoit demeuré dedans Milan, quand il sceut l'inconuenient, feit sauluer en Allemaigne ses deux nepueux, enfans du dict Seigneur Ludouic, deuers le Roy des Romains. Et de luy se meit en fuyte, bien & groslement accompaigné, comme de quatre à cinq cent cheuaulx, vers Boulongne. Mais en chemin par vn Capitaine Venicien, nommé Soncin de Gonzague, feut prins prisonnier. Et depuis le meit entre les mains des François: mais il ne rendit pas les meubles, & son cariage, qu'on estimoit valloir deux cent mille ducats. Ne demeura gueres de temps apres, quand ceulx de la Duché de Milan sceurent la prinse de leur Seigneur, i'entends ceulx lesquels à son retour s'estoient reuoltez, ne se retournerassent François, en grand crainte d'estre pilléz & saccaigez. Mais ils y trouuerent toute douceur, & amitié. Car ils auoient à faire à bon Prince, & à vertueulx Capitaines.

Louys
XII.

CHAPITRE XVII.

Comment le Seigneur de Ligny alla visiter Vaugaire, Tortonne, & autres places en la Duché de Milan, que le Roy luy auoit données. Et d'un gentil tour que feit le bon Cheualier.



L F A V L T entendre que quand le Roy de France eust fait sa premiere conqueste de la Duché de Milan, il voulut recompenser ses bons seruiteurs, en leur donnant terres & Seigneuries au dict Duché. Mesmement au Seigneur de Ligny Tortonne, Vaugaire, & quelques autres places, où ils s'estoient reuoltez quand le Seigneur Ludouic reueint d'Allemaigne, qui auoit fort fâché au dict Seigneur de Ligny. Si se delibera de les aller veoir, & mena en sa compaignée le vertueux Capitaine Louys d'Ars, son Lieutenant, le bon Cheualier sans peur, & sans reproche, qui portoit son guidon alors, & plusieurs autres Gentils-hommes. Si veint iusques à Alexandrie, & faisoit courir le bruit qu'il mectroit Tortonne & Vaugaire à sac, combien qu'il n'en auoit nulle volonté, car il estoit de trop bonne nature. Quand ses subiecs sceurent sa venue, & le bruit qui couroit de leur destruction, feurent & non sans cause bien estonnez. Si eurent

conseil ensemble qu'ils enuoyeroient au deuant de leur Seigneur le plus humblemēt qu'ils pourroient, pour impetrer misericorde. Ce qu'ils feirent, & iusques au nombre de vingt des plus apparens le vindrent trouuer à deux milles de Vaugaire, pour luy cuider faire la reuerence, & eulx excuser. Mais combien qu'on les mōstrast au dict Seigneur de Ligny, & les congneust assez, ne feit pas semblant de les veoir, & tira oultre iusques dedans la ville au logis qui estoit prins pour luy. Les pauures gens qui estoient allez au deuant feurent bien estonnez de si estrange recueil. Si se retirerent en leur ville, le plus doucement qu'ils peurent, & chercherent moyen de parler au Capitaine Louys d'Ars, pour faire leur appoinctement enuers leur Seigneur. Ce qu'il promet à son possible faire: car iamais ne feut Gentilhomme de meilleure nature. Si leur assigna iour au lendemain. Cependant alla faire ses remonstrances au Seigneur de Ligny, luy suppliant qu'en sa faueur il les voulüst escouter, qui luy feut accordé. Et le lendemain apres le dīner cinquante des plus apparens de la ville vindrent à son logis, & testes nuës se iecterent à genouils deuant luy, en criant misericorde. Puis commença à parler l'un d'entre eulx homme fort eloquent, & en langage Italien proferatelles ou semblables paroles, Monseigneur, vos tres-humbles & tres-obeyssans subiects & seruiteurs de ceste pauvre ville vostre de tout leur cōur se recommandent tres-humblement à vostre bonne grace. Vous suppliant par vostre gentillesse leur

Louys
XII.


vouloit pardonner l'offense qu'ils ont faicte, tant enuers le Roy de France leur souuerain, que vous, pour eulx estre reuoltez. Et ayez à considerer en vostre cœur, que la ville n'est pas pour tenir contre vne puissance. Et que quelque chose qu'ils ayent faicte, leur cœur n'est iamais mué, qu'il ne soit demeuré bon François. Et si par leur pauureté d'esprit ils ont faict vne lourde faulte, par vostre grande bonté vostre ire veuille estre appaisée. Vous assurant M^{seigneur} que iamais plus ne les y trouuerez. Et où comme de Dieu abandonnez vne autre fois ils y retourneroient, se mectent eulx, leurs enfans, & femmes, avec tous leurs biens, pour en disposer ainsi qu'il vous plaira. Et en signe qu'ils veulent demeurer enuers vous tels que ie vous dis, vous font en toute humilité vn petit present, selon leur puissance, qui est de trois cent marcs de vaisselle d'argent, lequel il vous plaira prendre, en demonstrent que vostre ire est cessée sur eulx. Alors se teult, & fait apparostre sur deux tables bassins, tasses, gobelets, & autre maniere de vaisselle d'argent, que le dict Seigneur de Ligny ne daigna regarder. Mais en homme courroucé fieremēt respondit, Comment meschans, lasches, & infames, estes vous si hardis d'entrer en ma presence, qui comme faillis de cœur, sans cause ny moyen vous estes reuoltez, quelle foy deormais pourray ie auoir en vous? Si on feust venu mectre le siege deuant vostre ville, icelle canonner, & assaillir, c'eust esté autre chose: mais ennemy ne s'est iamais mōstré. Qui faict assez apparostre que
de

de vostre propre volonté estes retournez à l'vsurpateur de ceste Duché. Si ie faisois mon debuoir, ne vous ferois ie pendre & estrangler comme traistres & delloyaulx aux croisées de vos fenestres? Allez, fuyez de deuant moy, que iamais ne vous veoye. En disant lesquelles paroles, les pauures citoyens estoient tousiours à genouils. Alors le vaillant & prudent Capitaine Louys d'Ars, met le bonnet hors de la teste, & vn genouil en terre dit, Monseigneur, pour l'honneur de Dieu, & de sa passion, faites moy ceste grace, que à ma requeste leur veuillez pardonner vostre maltalent. Car ie leur ay promis, & iamais n'auroient fiance en moy si m'auez refusé. I'espere Monseigneur que toute vostre vie les trouuerez bons & vrayz subiects. Et les pauures gens sans attendre qu'on repliquast, commencerent tous d'une voix à crier, Monseigneur il sera ainsi que dict le Capitaine au plaisir de mon Seigneur. Le bon Seigneur de Ligny oüye leur clameur, met de pitié, & quasi larmoyant les feit leuer, & leur declara deux propos, l'un d'amitié, & l'autre de rudesse, pour monstrier qu'ils auoient grandement failly. Quant à l'un, dict Allez pour l'amour du Capitaine Louys d'Ars, qui tant m'a faict de seruices, que pour beaucoup plus grosse chose ne le voudrois refuser. Je vous pardonne, & n'y retournez plus. Mais au regard de vostre present, ie ne le daignerois prendre, car vous ne le valez pas. Si regarda autour de luy, & aduisa le bon Cheualier. Auquel il dict, Picquet prenez toute ceste vaisselle, ie la vous donne pour

Louys vostre cuisine. A quoy soubdainement respondit,
XII. Monseigneur, du bien que me faictes tres-humble-
ment vous remercie : mais ja à Dieu ne plaise que
biens qui viennent de si meschans gens que ceulx
cy entrent en ma maison, ils me porteroient mal-
heur. Si prend piece à piece toute ceste vaisselle, & à
chascun qui estoit là en fait present, sans que pour
luy en reteint la valeur d'un denier. Qui fait esbahir
toute la compaignée, car alors il n'eust sceu finer de
dix escus. Quand il eust tout donné, partit hors de la
chambre, aussi firent les habitans. Si commença à
dire le Seigneur de Ligny à ceulx qui estoient de-
meurez, que voulez vous dire Messieurs, auez
vous veu le cœur de Picquet, & sa liberalité ? Ne luy
fait pas Dieu grand tort, qu'il ne le fait Roy de
quelque puissant Royaulme : Il eust acquis tout le
monde à luy par sa grace. Croyez moy que ce sera
vne fois un des plus parfaicts hommes du monde.
Brief toute la compaignée donna grande loüange
au bon Chevalier. Quand le Seigneur de Ligny
eust un peu pensé pour ce iour, & considéré qu'il ne
luy estoit rien demeuré du present qu'il luy auoit
faict, le lendemain à son leuer luy enuoya vne belle
robe de veloux cramoisy, doublée de satin broché,
un fort excellent courfier, & trois cent escus en vne
bourse, qui ne luy durerent gueres. Car ses compai-
gnons y eurent part comme luy. Peu de iours demeu-
ra le Seigneur de Ligny qu'il ne retournast à Milan,
où estoit venu le Cardinal d'Amboise, Lieutenant
general pour le Roy. Et de là s'en vint en France.

CHAPITRE XVIII.

*Comment le Roy de France enuoya grosse armée
à Naples, où il feit son Lieutenant general
le Seigneur d'Aubigny.*

 O V S A V E Z entendu par cy deuant commét apres la mort de Monseigneur de Montpensier les Neapolitains se reuolterent, & s'en veindrent tous les François en France. Dont le Roy Charles huictiesme feut fort desplaisant, & s'en feust vengé s'il eust vescu, mais mort le preueint. Incontinent que le Roy Louys XII. vint au Regne, il voulut entendre à la conqueste de sa Duché de Milan, parquoy les affaires du dict Royaume de Naples demeurèrent long temps en suspens, & estoit desia mort Ferrand, fils d'Alphonse, & regnoit au dict Royaume son oncle Federic. Entendre debuez vne chose, c'est que quand le feu Roy Charles conquesta le Royaume, il maria son cousin le Seigneur de Ligny à vne grande Dame du pays, appelée la Princeesse d'Altemore, mais guieres ne vesquit. Car quand le dict Roy voulut retourner en France, amena avec luy le dict Seigneur de Ligny, dont bien tost apres ainsi que le bruit feut la dicte Dame mourut de deuil. Par le trespas d'elle, & aussi par don que ice-luy Roy Charles en auoit faict, estoient demeurées

Louys au dict Royaume plusieurs terres au dict Seigneur
XII. de Ligny, mesmement en la Poüille, comme Venose, Canose, Moneruine, Bescille, & plusieurs autres. Si preint volonté au Roy Louys douziesme d'enuoyer reconquester son dict Royaume de Naples, & y cuidoit bien aller le dict Seigneur de Ligny: mais par deux fois luy feut le voyage rompu, dont aucuns voulurent dire que de deuil il en mourut. Si y feut enuoyé pour Lieutenant general le Seigneur d'Aubigny, vn tres-gentil & vertueux Capitaine, tres-bien accompagné de gens de cheual, & de pied. Entre lesquels estoit la compaignée du Seigneur de Ligny, que mena & conduict son bon Lieutenant le Capitaine Louys d'Ars. Or n'auoit garde de demeurer le bon Cheualier derriere, ains demanda congé à son bon Seigneur de maistre, qui à grand regret le luy donna, car desia l'auoit prins en grand amour, & depuis ne se veirent l'un l'autre. Ainsi marcha ce vaillât Capitaine le Seigneur d'Aubigny droit au dict Royaume, où il feut si bonne diligence, & trouua Dom Federic si peu de secours & d'amitié parmy ses hommes, qu'il feut cōtrainct abandonner le Royaume. Et feut quelque composition avec iceluy Seigneur d'Aubigny, qui l'enuoya avec sa femme, & enfans en France, où il feut receu tres-bien du Roy. Et luy feut baillé la Duché d'Anjou, & d'autres terres, suiuant la composition faicte, & dont il a iouï iusques à sa mort. Depuis sa femme ne feut pas trop bien traictée, dont il me semble que ce feut mal faict, & pour vne femme de Roy a esté

depuis veüe en grande necessité. Le Royaume de Naples prins par ce Seigneur d'Aubigny, assieist ses garnisons par compaignées. Et feut celle du Seigneur de Ligny mise sur ses terres, dont le Capitaine Louys d'Ars bailla le gouuernement d'aucunes au bon Cheualier, qui en feittres-bien son debuoir. Et feurent quelque temps en paix le Roy d'Arragon qui y pretendoit quelque droit, & le Roy de France qui luy en auoit laillé quelque portion. Et feut icelle paix crüe l'année mesme à Lyon entre France, Espaigne, & le Roy des Romains, par le moyen del Archeduc d'Autriche, qui auoit à femme l'aînée fille d'Espaigne, & avec elle en retournant passa par Lyon, & alla veoir sa sœur alors Duchesse de Sauoye. Mais ce feut vne paix fourrée. Car en ce mesme instant le Roy d'Arragon enuoya grosse puissance à Gonsalle Ferrand estant au dict Royaume, par l'intelligence du Pape Alexandre, qui repreint la ville de Naples, & la plus part du dict Royaume feut reuoltée. Le dict Seigneur d'Aubigny y feut ce qu'il peut: mais en fin feut contrainct de se retirer en la Poiuille. Je ne suis pas deliberé de traicter autrement ce qui adueint au dict Royaume de Naples durant deux ou trois ans, ne des batailles de la Cerignolle, de Troye, du Garilian, & plusieurs autres, dont en aucunes gaignerent les François, & en autres perdirēt, car il est assez escript ailleurs. Combien que au dernier ne sçay si ce feut par faulte d'ordre, ou de bien combattre, les François en feurēt chaslez de tous poincts l'an mille cinq

Louys
XII.

1504.

Louys cent & quatre, & depuis n'y retournerent. Je ne sçay
 XII. si tel estoit le vouloir de Dieu: mais sans difficulté
 celuy qui les en chassa, ne celuy qui le tient à pre-
 sent ny ont aucun droict, sinon par la force, qui est
 le poinct où tous Princes taschent en fin de venir.
 Je veulx seulement parler des fortunes qui aduein-
 drent au bon Cheualier sans peur, & sans reproche,
 durant la guerre guerroyable que eurent ensemble
 François, & Espaignols. Et premier vous diray d'une
 fortune qui luy adueint.

CHAPITRE XIX.

*Comment le bon Cheualier sans peur & sans
 reproche sortit de sa garnison de Moneruiue.*

*Comment il trouua Espaignols sur les
 champs, & ce qu'il en adueint.*



STANT le bon Cheualier en vne gar-
 nison, où le vaillant Capitaine Louys
 d'Arsl'auoit logé, qui s'appelloit Mo-
 neruiue, avec aucuns de ses compai-
 gnons, ennuyé d'estre si longuement
 en caige, sans aller veoir les champs, leur dit vn soir:
 Messeigneurs, il me semble que nous croupissons
 trop en ce lieu, sans aller veoir nos ennemis, il en
 pourroit de trop demeurer aduenir deux inconue-
 niens. L'un, que par faulte d'exercer les armes sou-
 uent, deuiendrions tous effeminez. L'autre, que à

nos ennemis le cœur pourroit croistre, pensant entre eulx que pour la craincte qu'en auons, n'osons partir de nostre fort. Parquoy ie suis delibéré d'aller demain faire vne course entre cy & Andre, ou Barlete. Peut estre aussi que nous trouuerons de leur costé coureurs, ce que ie desirerois à merueilles. Car nous nous pourrons mesler ensemble, & à qui Dieu en donnera l'honneur si l'emporte. A ces paroles n'y eust celuy qui respondist autrement que à sa volonté. Si feirent le soir ceulx qui debuoiens estre de la course regarder si rien failloit à leurs cheualx, & se meirent en ordre comme pour acheuer ce qu'ils auoient entrepris. Si se leuerent assez matin, & se meirent aux champs, enuiron trente cheualx, tous ieunes Gentils-hommes, & bien deliberez, cheualcherent vers les garnisons de leurs ennemis, esperans d'auoir quelque bonne rencontre. Le iour mesme estoit sorty de la ville d'Andre pour pareillement courir sur les François vn Gentil-homme Espagnol, parent prochain du grand Capitaine Gonsalle Ferrand, qui s'appelloit Don Alonse de Sotomajore, vn fort gentil Cheualier, & expert aux armes, qui en sa compaignée auoit quarante ou cinquante cheualx d'Espagne, sur lesquels estoient Gentils-hommes tous elleus aux armes. Et telle feut la fortune des deux Capitaines, que au descendre d'vn tertre se vont veoir les vns les autres, enuiron la portée d'vn canon. Ie ne vous sçauroye dire lequel feut le plus ioyeux, mesmement quand ils apperceurent que leur puissance estoit pareille. Si com-

Louys mencea le bon Cheualier apres qu'il eust au vray
XII. apperceu les croix rouges parler à ses gens, auxquels
il dit. Mes amis, au combat sommes venus. Je vous
prie que chascun ait son honneur pour recomman-
dé, & si vous ne me voyez faire aujourd'huy mon
debuoir, reputez moy lasche & meschant toute ma
vie. Tous respondirent, Allons Capitaine, donnons
dedans, n'attendons pas qu'ils ayent l'honneur de
commencer. Alors baissèrent la veüe, & en criant
France, France, se mettent au grand galop pour
charger leurs ennemis. Lesquels d'une asseurée &
fiere contenâce à course de cheual, crians Espagne,
Santiago, à la poincte de leurs lances gaillardement
les receurent. Et en ceste premiere rencontre en feu-
rent portez par terre de tous les deux costez, qui
feurent releuez par leurs compaignons à bien grand
peine. Le combat dura vne bonne demie heure,
qu'on n'eust sceu iuger qui auoit du meilleur. Et
comme chascun en desiroit l'yssue à sa gloire, se li-
urerent les vns aux autres, comme fils feussent tous
frais, vn tres-perilleux assaut. Mais comme chascun
peut assez entendre, en telles choses est de nécessité
que l'un ou l'autre demeure vainqueur. Si adueint si
bien au bon Cheualier, avec la grande peine qu'il y
meit, & le couraige qu'il donnoit à ses gens, qu'en
ce dernier assaut rompit les Espaignols. Et y de-
meura sur le champ de morts iusques au nombre de
sept, & bien autant de prisonniers. Le reste se meit à
la fuyte, desquels estoit le dict Capitaine Dom A-
lonse. Mais de pres pourfuiuy par le bon Cheualier,
qui

qui souuent luy escrivoit, Tourne homme d'armes, grande honte te sera mourir en fuyant, voulut plustost eslire honnestte mort, que honteuse fuyte. Et comme vn lyon eschauffé se retourna contre le dict bon Cheualier, auquel il liura aspre assault. Car sans eulx reposer se donnerent cinquante coups d'espée. Cependant fuyoiēt tousiours les autres Espaignols, qui auoient abādonné leur Capitaine, & laissé seul. Ce neantmoins gaillardement se combatoit, & si tous les siens eussent faict comme luy, ie ne sçay qui en fin eust eu du meilleur. Brief apres auoir longuement combatu par les deux Capitaines, le cheual de Dom Alonse se recreut, & ne vouloit tirer auant. Quoy voyant par iceluy bon Cheualier dit ces paroles, Rends toy homme d'armes, ou tu es mort. A qui respōdit il me rendray-ic? Au Capitaine Bayard dit le bon Cheualier. Alors Dom Alonse qui desia auoit oüy parler de ses faicts vertueux, aussi qu'il congnoissoit bien ne pouuoir eschapper, pour estre de toutes parts enclos, se rendit, & luy bailla son espée, qui feust receüe à grande ioye. Puis se meirent les cōpaignons au retour vers leur garnison, ioyeux de la bonne fortune que Dieu leur auoit ce iour donnée. Car ils n'y perdirent vn seul homme, bien y en feust blessé cinq ou six, & deux cheualx tuez: mais ils auoient des prisonniers pour les recompenser. Eulx arriuez à la garnison, le bon Cheualier, fils adoptif de Dame courtoisie, qui desia par le chemin auoit entendu de quelle Maison estoit le Seigneur Dom Alonse, le feit loger en vne des belles

Louys
XII.

chambres du Chasteau. Et luy donna vne de ses robes, en luy disant ces paroles, Seigneur Dom Alonse ie suis informé par les autres prisonniers qui sont ceans, que vous estes de bonne & grosse Maison, & qui mieulx vault, de vostre personne grandement renommé en proüesse, parquoy ne suis pas deliberé vous traicter en prisonnier. Et si vous me voulez promectre vostre foy de ne partir de ce Chasteau sans mon congé, ie le vous bailleray pour toute prison. Il est grand, vous vous y esbaterez parmy nous autres, iulques à ce que vous ayez composé de vostre rançon, & icelle payée, en quoy me trouuerez tout gracieux. Capitaine respondit Dom Alonse, ie vous remercie de vostre courtoisie, vous assurant sur ma foy ne partir iamais de ceans, sans vostre congé. Mais il ne teint pas bien sa promesse, dont mal luy. en preint à la fin, comme vous orrez cy apres. Toutesfois vn iour comme ils deuisoient ensemble, composa Dom Alonse de sa rançon à mille escus.

CHAPITRE XX.

Comment Dom Alonse de Sotomaiore se voulut desrober par le moyen d'un Albanois qui le garnit d'un cheual, mais il feut repris sur le chemin, & reserré en plus forte prison.



VINZE OV vingt iours feut Dom *Louys*
Alonse avec le Capitaine Bayard, XII.

dict le bon Cheualier, & ses compaignons, faisant grand chere, allant & venant par tout le Chasteau, sans ce que personne luy dict rien. Car il estoit sur sa foy, qu'on estimoit qu'il ne romproit iamais. Il en alla autremet, combien que de luy ainsi qu'il dict apres n'y auoit aucune faulte, ains s'excusoit que pource qu'il ne venoit nuls de ses gens deuers luy, alloit querir sa rançon luy mesme, pour icelle enuoyer au bon Cheualier, qui estoit de mille escus. Toutesfois le cas feut tel. Dom Alonse allant & venant par le Chasteau se fascha. Et vn iour deuisant avec vn Albanois, qui estoit de la garnison du Chasteau, luy dict, Vien ça Theode, si tu me veulx faire vn bon tour, tu me le feras bien, & iete promects ma foy, que tant que ie viuray n'auras faulte de bien. Il m'en nuye d'estre icy, & encores plus que ie n'ay nouuelles de mes gens. Si tu veulx faire prouision d'un cheual pour moy, considere que ie ne suis en ceste place aucunement gardé, ie me sauueray bien demain matin. Il n'y a que quinze ou vingt milles iusques à la garnison de mes gens, i'auray faict cela en quatre heures, & tu viendras avec moy. Ie te feray fort bien appoincter, & si te donneray cinquante ducats. L'Albanois qui estoit auaricieux le promet, combien qu'il luy dit deuant, Seigneur i'ay entendu que vous estes sur vostre foy par ce Chasteau, nostre Capitaine vous en feroit querelle. Ie ne veulx pas rom-

Louys
XII.

pre ma foy dit Dom Alonse, il m'a mis à mille ducats de rançon, ie les luy enuoyeray, ie ne suis obligé à autre chose. Bien doncques dit Theode l'Albanois, il n'y aura point de faulte, que demain au poinct du iour ie ne soye à cheual, à la porte du Chasteau, quand elle ouurira, faiçtes semblant de venir à l'esbat, & vous trouuerez le vostre. Cela feut accordé entre eulx, & executé le lendemain. Car ainsi qu'il feut proposé se trouuerēt si bien à poinct, que sans ce que le portier s'en donnast autrement garde, pource que desia estoit aduerty qu'il estoit sur sa foy, parquoy le laissoit aller, & venir, Dom Alonse monta à cheual, & s'en alla tant qu'il peut. Ne demeura guieres que le bon Cheualier, qui estoit vigilant, veint en la basse court du Chasteau, & demanda où estoit son prisonnier, car tous les matins se desduisoit avec luy, mais personne ne luy peut enseigner. Si feut esbahy, & veint au portier, auquel il demanda s'il l'auoit point veu. Il dit que ouy dès le poinct du iour, & pres de la porte. La guette sonna pour sçauoir où il estoit : mais il ne feut point trouué, ne aussi le dict Theode Albanois. Qui feut bien marry ce feut le bon Cheualier. Si commanda à vn de ses soldats nommé le Basque & luy dit, A coup, montez à diligence à cheual vous dixiesme, & picquez droit vers Andre veoir si trouuerez nostre prisonnier, & si le trouuez, faiçtes qu'il soit ramené mort ou vif. Et si ce meschant Albanois est empoigné qu'il soit ramené aussi. Car il sera pendu aux creneaux de ceans, pour exemple de ceulx qui

vouldroient vne autre fois faire le lasche tour qu'il a faict. Le Basque ne feit autre delay: mais incōtinent monta à cheual, & à poincte d'esperons sans regarder qui alloit apres luy, combien qu'il feust tres-bien fuiuy, preint son chemin vers Andre, où à enuiron deux milles trouua Dom Alonse descendu, qui habilloit les fangles de son cheual qui estoient rompues. Lequel quand il apperceut qu'il estoit pourfuiuy cuida remonter, mais il ne peut. Si feut attainct, repris, & remonté. Theode ne feut pas si fol de se laisser prendre. Car il sçauoit bien qu'il y alloit de la vie. Si se sauua dedans Andre, & Dom Alonse remené à Moneruine, où quand le Seigneur bon Cheualier le veid, luy dit: He comment Seigneur Dom Alonse, vous m'avez promis vostre foy ne partir de ceans sans mon congé, & vous avez faict le cōtraire? Je ne me fieray plus en vous. Car ce n'est pas honnestemēt faict en Gentil-homme de se desrober d'une place, quand on y est sur sa foy. Dom Alonse respondit: Je n'estois pas deliberé en rien vous faire tort, vous m'avez mis à mille escus de rançon, dedans deux iours les vous eussie enuoyez, & ce qui m'en a faict partir a esté le desplaisir que j'ay prins pour n'auoir aucunes nouuelles de mes gens. Le bon Cheualier qui estoit encores tout courroucé ne preint pas ses excuses en payement, ains le fait mener en vne tour, & en icelle le teint quinze iours. Sans toutesfois le mettre en fers, ne faire autre iniure: ains de son boire & manger estoit si bien traicté, que par raison s'en pouuoit bien contenter.

Louys
XII.

Au bout de quinze iours, veint vn trompette de-
mander sauf-conduict pour vn de ses gens, qui luy
vouloit apporter l'argent de sa rançon. Il feut baillé,
& par ainsi l'argent apporté deux iours apres. Par-
quoy le Seigneur Dom Alonse feut de tous poincts
deliuré. Si preint congé du bon Cheualier, & de
toute la compaignée, allez honnestement, puis s'en
retourna à Andre. Mais deuant son partement il
veid comment iceluy bon Cheualier donna entie-
rement l'argent de sa rançon à ses soldats, sans pour
luy en retenir vn seul denier.

CHAPITRE XXI.

*Comment le Seigneur Dom Alonse de Sotoma-
iore se plaignit à tort du traictement que luy
auoit faict le bon Cheualier, dont ils
veindrent au combat.*



VAND LE Seigneur Dom Alonse
feut arriué à Andre, de tous ses compai-
gnons & amis eut recueil merueilleux.
Car à dire la verité, il n'y auoit homme
en toute l'armée des Espaignols plus estimé que
luy, ne qui plus desirast les armes. Si le conforterent
le mieulx qu'ils peurent, luy remonstrant qu'il ne se
debuoit point fascher d'auoir esté prisonnier. Que
c'estoient fortunes de guerre perdre vne fois, & gai-
gner l'autre, & qu'il suffisoit que Dieu l'eust rendu

fain & fauf parmy les amys. Apres plusieurs propos luy feut demandé de la façon & maniere de viure du bon Cheualier, quel homme c'estoit, & comment durant sa prifon il auoit esté traicté avec luy. A quoy respondit Dom Alonse, ie vous promects ma foy Messeigneurs que quant à la perfonne du Seigneur de Bayard, ie ne cuide point que au monde il y ait vn plus hardy Gentil-homme, ne qui moins soit oisieux. Car s'il ne va à la guerre, sans cesse faiët quelque chose en sa place avec ses soldats, soit à luiëter, saulter, iecter la barre, & tous autres honnestes passetemps, que sçauent faire Gentils-hommes pour eulx exercer. De liberalité il n'est point son pareil, car cela ay-ie veu en plusieurs manieres. Mesmement quand il receut les mille ducats de ma rançon, deuant moy les departit à ses soldats, & n'en receint vn seul ducat. Brief à vray dire, s'il vit longuement il est pour paruenir à haultes choses. Mais quant à ce que me demandez du traictement qu'il m'a faiët, ie ne m'en sçauroye trop louer, ie ne sçay si ce a esté de son commandement: mais les gens ne m'ont pas traicté en Gentil-homme, ains trop plus rudement qu'ils ne debuoient, & ne m'en contenteray de ma vie. Les vns se babilloient de ces paroles, considéré l'honnesteté que l'on disoit estre au bon Cheualier. Les autres disoient qu'on ne trouuoit iamais belle prifon. Aucuns luy en donnoient blasme. Et feurent tant auant ces paroles, que par vn prifonnier de la garnison de Monerue qui retourna, feut amplemet informé le bon Cheualier,

Louys comment Dom Alonse se plaignoit oultrageuse-
XII. ment du mauuais traictement qu'il disoit luy auoir
esté faict, & en iettoit grosses paroles peu honne-
stes, dont il s'esmerueilla grandement. Et sur l'heure
fait appeller tous ses gens, ausquels il dit : Messei-
gneurs voila Dom Alonse qui se plainct parmy les
Espaignols, que ie l'ay si meschamment traicté, que
plus n'eusse peu. Vous sçauiez tous comment il en
va. Il m'est aduis qu'on n'eust sceu mieulx traicter
prisonnier qu'on a faict luy deuant qu'il s'efforceast
d'eschapper. Ne depuis, combien qu'il ait esté plus
referré, ne luy a l'on faict chose dót il se doie plain-
dre. Et sur ma foy si ie pensois qu'on luy eust faict
tort, ie le voudrois amender enuers luy. Parquoy
ie vous prie dictes moy si vous en auez apperceu
quelque chose, que ie n'aye point entendu. A quoy
tous respondirent, Capitaine, quand c'eust esté le
plus grand Prince d'Espaigne, vous ne l'eussiez sceu
mieulx traicter, & faict mal & peche de s'en plain-
dre. Par ma foy dit le bon Cheualier ie luy veulx
bien escrire, & l'aduertir, combien que i'aye la
siebure quarte, que sil veult dire que ie l'aye mal
traicté, ie luy prouueray le contraire, par le combat
de sa personne à la mienne, à pied, ou à cheual, ainsi
qu'il luy plaira. Si demanda incontinent vn clerc, &
escriuit vnes lectres en ceste substance. Seigneur
Alonse, i'ay entendu que apres vostre retour de ma
prison vous estes plainct de moy, & auez semé par-
my vos gens que ie ne vous ay pas traicté en Gentil-
homme: Vous sçauiez bien le cōtraire. Mais pource
que

que si cela estoit vray, me seroit gros deshonneur, ie vous ay bien voulu escrire ceste lectre, par laquelle vous prie r'habiller autrement vos paroles deuant ceulx qui les ont ouïes. En confessant, comme la raison veut, le bon & honnestre traictement que ie vous ay faict. Et ce faisant, ferez vostre honneur, & r'habillerez le mien, lequel contre raison auez fonné. Et où seriez refusant de le faire, ie vous declare que ie suis deliberé le vous faire desdire par combat mortel de vostre personne à la mienne, soit à pied, ou à cheual, ainsi que mieulx vous plairont les armes. Et à Dieu. De Monerue ce dixiesme Iuliet. Par vn trompette qui estoit au vaillant & noble Seigneur de la Palisse, qu'on appelloit la Lune, feut enuoyée ceste lectre à ce Seigneur Dom Alonse, dedans la ville d'Andre: Laquelle quād il l'eust leüe, sans en demander conseil à personne, luy fait respōse par le mesme trompette, & escriuit vne lectre contenant ces mots, Seigneur de Bayard i'ay veu vostre lectre, que ce porteur m'a baillée. Et entre autres choses dictes dedans icelle, auoir esté semé paroles deuant ceulx de ma Nation, que ne m'auez pas traicté en Gentil-homme, moy estant vostre prisonnier, & que si ie ne m'en desdis estes deliberé de me combattre. Ie vous declare que oncques ne me desdis de chose que i'aye dicté, & n'estes pas homme pour m'en faire desdire. Parquoy du cōbat que me presentez de vous à moy, ie l'accepte entre cy & douze ou quinze iours, à deux milles de ceste ville d'Andre, ou ailleurs que bon vous semblera. La Lu-

Louys
XII.

ne donna ceste responce au bon Cheualier, qui n'en eust pas voulu tenir dix mille escus, quelque maladie qu'il eust. Si luy remanda incontinent qu'il acceptoit le combat, sans se trouuer en faulte au iour de l'assignation. La chose ainsi promise, & accordée, le bon Cheualier en aduertit incontinent le Seigneur de la Palisse, qui estoit homme fort expérimenté en telles choses. Et là preint apres Dieu pour son guidon son ancien compaignon Bella-bre. Si commença à approcher le iour du combat, qui feut tel que vous orrez.

CHAPITRE XXII.

Comment le bon Cheualier sans peur & sans reproche, combatit contre Dom Alonse de Sotomaiore, Et le vainquit.



VAND CE veint au iour assigné du combat, le Seigneur de la Palisse, accompagné de deux cent homes d'armes (Car desia auoient les deux combatans cest accord l'un à l'autre,) amena son champion sur le champ, monté sur vn fort bel & bon courfier, & vestu tout de blanc par humilité. Encores n'estoit point venu le Seigneur Alonse. Si alla la Lune le haster, auquel il demanda en quel estat estoit le Seigneur de Bayard. Il respondit qu'il estoit à cheual, en habillement d'homme d'ar-

mes. Comment dit il c'est à moy à eslire les armes, & à luy le champ. Trôpette va luy dire que ie veulx combattre à pied. Or quelque hardiesse que monstraist le Seigneur Alonse, il eust bien voulu n'en estre pas venu si auant. Car iamais n'eust pensé, veu la maladie qu'auoit alors le bon Cheualier, il eust iamais voulu combattre à pied. Mais quand il veid que desia estoient les choses prestes à vuyder, s'aduüsa d'y combattre, pour deux raisons. L'vne, que à cheual on n'eust sceu trouuer en tout le monde vn plus adroiët Gentil-homme que le bon Cheualier. L'autre, que pour la maladie qu'il auoit en feroit de beaucoup plus foible. Et cela le meëtoit en grand espoir de demeurer vainqueur. La Lune vëint vers le bon Cheualier, auquel il dit Capitaine, il y a bien des nouuelles, vostre homme dit à ceste heure qu'il veult combattre à pied, & qu'il doibt eslire les armes, aussi estoit il vray, Mais toutesfois auoit desia esté auparauant conclud que le combat se feroit à cheual, en accoustrement d'hommes d'armes, mais par là sembloit aduis que le Seigneur Dom Alonse voulust fuyr la lice. Quand iceiuy bon Cheualier eust escouté le trompette, demeura pensif vn Lien peu, car le iour mesme auoit eu sa fiebure. Neantmoins d'un couraige de lyon respondit, La Lune mon amy allez le halter, & luy dictes qu'il ne demeurera pas pour cela que auiourd'huy ne repare mon honneur, aydant Dieu, & si le combat ne luy plaist à pied, ie le feray tout ainsi qu'il aduifera. Si feit cependant le bon Cheualier dresser son champ,

Louys
XII.

Louys
XII.

qui ne feut que de pierres grosses mises l'une pres de l'autre. Et s'en vint meſtre à l'un des bouts, accompagné de plusieurs bons, hardis & vaillans Capitaines, comme les Seigneurs de la Palisse, d'Oroſe, de Humbercourt, de Fontrailles, le Baron de Bearn, & plusieurs autres. Lesquels tous prioient nostre Seigneur, qu'il vouluſt eſtre en ayde à leur champion. Quand la Lune feut retourné deuers le Seigneur Alonſe, & qu'il congneuſt que plus n'y auoit de remede, que pour ſon honneur ne veinſt au combat, ſ'en vint tres-bien accompagné. Comme du Marquis de Licite, de Dom Diego de Quiñones, Lieutenant du grand Capitaine Gonſſale Ferrand, Dom Pedro de Valdes, Dom Francisque d'Altemeſe, & plusieurs autres, qui l'accompaignerent iuſques ſur le champ. Où luy arriué, enuoya les armes au bon Cheualier, pour en auoir le choix, qui eſtoient d'un eſtoc, & d'un poignard. Eux armez de gorgerin, & ſecrete, il ne ſ'amuſa point à choiſir. Et par vn des bouts feut mis dedans le champ par ſon compaignon Bellabre, qu'il preint pour ſon parrain, & le Seigneur de la Palisse pour la garde du champ de ſon coſté. Le Seigneur Dom Alonſe entra par l'autre bout, où le mit ſon parrain Dom Diego de Quiñones, & pour la garde du champ de ſa part feut Dom Francisque d'Altemeſe. Quand tous deux feurent entrez, le bon Cheualier ſe mit à deux genouils, & feit ſon Oraïſon à Dieu. Puis ſe coucha de ſon long, & baiſa la terre. Et en ſe releuant, feit le ſigne de la croix, marchât droit à ſon ennemy, auſſi.

asseuré que s'il eust esté en vn Palais, à danser parmy les Dames. Dom Alonse ne mōstroît pas aussi qu'il feust de rien espouuenté: ains venant de droict fil au bon Cheualier, luy dit ces paroles, *Señor de Bayardo que me quieres ?* Lequel en son langaige respondit, Je veulx deffendre mon honneur. Et sans plus de paroles se vont approcher, & de venuë se ruèrent chascun vn merueilleux coup d'estoc, dont de celuy du bon Cheualier feut vn peut bleissé le Seigneur Alonse au visaige en coulant. Croyez que tous deux auoient bon pied, & bon œil, & ne vouloient ruër coup qui feust perdu. Si iamais feurent veus en champ deux champions mieulx semblans preud'hommes croyez que non. Plusieurs coups se ruèrent l'un sur l'autre, sans eulx atteinre. Le bon Cheualier qui congneut incontinent la ruse de son ennemy, qui incontinent ses coups ruëz se couuroit du visaige, de sorte qu'il ne luy pouuoit porter dommage, l'aduisa d'une finesse. C'est que ainsi que Dom Alonse leua le bras pour ruër vn coup, le bon Cheualier leua aussi le sien, mais il teint l'estoc en l'air, sans iecter son coup. Et comme homme asseuré, quand celuy de son ennemy feut passé, & il le peut choisir à descouuert, luy va donner vn si merueilleux coup dedans la gorge, que nonobstant la bonté du gorgerin, l'estoc entra dedans la gorge quatre bons doigts, de sorte qu'il ne le pouuoit retirer. Dom Alonse se sentant frappé à mort, laissa son estoc, & va saisir au corps le bon Cheualier, qui le preint aussi come par maniere de luiète, & se pour-

Louys menerent si bien, que tous deux tomberent à terre
XII. l'un pres de l'autre. Le bon Cheualier diligent & soubdain prend son poignard, & le meit dedans les naseaulx de son ennemy, en luy escriant, Rendez vous Seigneur Alonse, ou vous estes mort. Mais il n'auoit garde de parler, car desia estoit passé. Alors son parrain Dom Diego de Quiñones commēcea à dire, *Señor Bayardo, ja es moerto, vencido auéis*. Ce qui feut trouué incōtinent. Car plus ne remüa pied, ne main. Qui feut bien desplaissant, ce feut le bon Cheualier. Car s'il eust eu cent mille escus, il les cust voulu auoir donnez, & il l'eust peu vaincre vif. Ce neantmoings en congnoissant la grace que Dieu luy auoit faiët, se meit à genoüils, le remerciant tres-humblement. Puis baïsa par trois fois la terre. Apres tira son ennemy hors du champ, & dit à son parrain Seigneur Dom Diego, en ay ie assez faiët? Lequel respondit piteusement, *Tropo Señor Bayardo, por loñor d'España*. Vous sçauiez dit le bon Cheualier qu'il est à moy de faire du corps à ma volonté: toutesfois ie le vous rends. Et vraiment ie voudrois mon honneur sauf qu'il feust autrement. Brief les Espaignols emporterent leur champion en lamentables plaints. Et les François emmenerent le leur avec trompettes, & clérons, iusques en la garnison du bon Seigneur de la Palisse. Où auant que faire autre chose, le bon Cheualier alla à l'Eglise remercier nostre Seigneur. Et puis apres feirent la plus grand ioye du monde. Et ne se pouuoient tous les Gentils-hommes François saouller de dōner loüan-

ge au bon Cheualier. Tellement que par tout le Royaume, non seulement entre les François, mais aussi entre les Espaignols, estoit tenu pour vn des accomplis Gentils-hommes, qu'on eust sceu trouuer.

Louys
XII.

CHAPITRE XXIII.

*D'un combat qui feut au Royaume de Naples
de treize Espaignols contre treize François,
où le bon Cheualier feit tant d'armes,
qu'il emporta le pris sur tous.*



LA VEZ entendu comment le bon Cheualier desfeit le Seigneur Dom Alonse de Sotomaiore, dont les Espaignols auoient grand ducil au cœur, & cherchoient chascun iour le moyen pour eulx venger. Il y eut entre les François & eulx, peu de iours apres le trespas du Seigneur Alôse, vne trefue de deux mois. La raison pourquoy ie ne la sçay pas. Tant y a que durant icelle trefue, les Espaignols s'alloient esbatre pres des garnisons Françoises, où hors des places trouuoient aucunesfois des François qui pareillement s'esbatoient, & auoient souuent paroles ensemble: mais tousiours les dictes Espaignols ne demandoient que riote. Vn iour entre les autres, vne bande de treize Gentils-hommes Espaignols, hommes d'armes, & tous bien môtez, se va esbatre iusques pres de la garnison du bon Che-

Louys ualier, où l'estoit venu veoir le Seigneur d'Orose, de
XII. la Maison d'Urfé, vn tres-gentil Capitaine. Qui eulx
deux de compaignée estoïent faillis de la place, pour
prendre l'air iusques à vne demie lieüe, où ils vont
rencontrer les dicts Espaignols qu'ils salüerent, &
les autres leur rendirent le semblable. Ils entrèrent
en propos de plusieurs choses. Et entre autres paro-
les, vn Espaignol hardy & courageux, qui se nom-
moit Diego de Bifaigne, lequel auoit esté de la cõ-
paignée du feu Seigneur Dom Alonse de Sotoma-
iore, & luy souuenoit encores de sa mort, dit Messei-
gneurs les François, ie ne sçay si ceste trefue vous
fasche point, il n'y a que huit iours qu'elle est com-
mencée: mais elle nous ennuye merueilleusement.
Si pendant qu'elle durera il y auoit vne bande de
vous autres dix contre dix, vingt contre vingt, ou
plus, ou moins, qui se voulussent combattre sur la
querelle de nos maistres, me ferois bié fort les trou-
uer de mon costé, & ceulx qui seront vaincus de-
meureront prisonniers des autres. Sur ces paroles se
regarderent le Seigneur d'Orose, & le bon Cheua-
lier, qui dict, Monseigneur d'Orose que vous sem-
ble de ces paroles? Autre chose dit il, sinon que ce
Gentil-homme parle tres-honnêtement. Je sçau-
rois bien que luy respondre, mais ie vous prie tant
que ie puis que luy respondiez selon vostre opi-
nion. Puis qu'il vous plaist dit le bon Cheualier,
ie luy en diray mon aduis. Seigneur, mon com-
paignon & moy auons tres-bien entendu vos pa-
roles. Et à vous ouyr, desirez merueilleusement
les

les armes, nombre contre nombre. Vous estes icy treize hommes d'armes. Si vous auez vouloir d'aujourd'huy en huit iours vous trouuer à deux milles d'icy montez & armez, mon compaignon & moy vous en amenerons treize autres. Et qui aura bon cœur, si le monstre. Alors tous les Espaignols en leur langage respondirent, Nous le voulons. Ils s'en retournerent. Et le Seigneur d'Orose, & le bon Cheualier aussi dedans Moneruine. Lesquels assemblerent leurs compaignons, & au iour assigné se trouuerent sur le lieu promis aux Espaignols, qui pareillement s'y rendirent. De toutes les deux Nations y en auoit plusieurs autres, qui les estoient venus veoir. Ils limiterent leur champ, sous condition que celuy qui passeroit oultre demeureroit pour prisonnier, & ne combatroit plus du iour. Pareillement celuy qui seroit mis à pied, ne pourroit plus combattre. Et au cas que iusques à la nuict l'une bande n'eust peu vaincre l'autre, & n'en demeurast il que l'un à cheual, le camp seroit finy, & pourroit remmener tous ses compaignons francs & quictes, lesquels sortiroient en pareil honneur que les autres hors du dict champ. Pour faire fin, les François se meirent d'un costé, & les Espaignols d'un autre. Tous auoient lance en arrest, si picquerent leurs cheualx. Mais les dicts Espaignols ne tascherent pas aux hommes, ains à tuër les cheualx, Ce qu'ils feirent iusques au nombre de onze, & ne resta à cheual que le Seigneur d'Orose, & le bon Cheualier. Mais ceste tromperie ne seruit de guieres aux

Louys Espaignols. Car oncques puis leurs cheuaulx ne
XII. voulurent passer outre, quelque coup d'esperon
 qu'ils sceussent bailler. Et les dictz Seigneurs d'Orose
 & bon Cheualier menu & fouuent leur liuroient as-
 pres assaults. Puis quand la grosse trouppes les vou-
 loit charger, se retiroient derriere les cheuaulx morts
 de leurs compaignons, où ils estoient comme con-
 tre vn rampart. Pour conclusion, les Espaignols
 feurent bien frottez. Et combien qu'ils feussent trei-
 ze à cheual contre deux, ne sceurent obtenir le
 champ, iusques à ce que la nuit feust suruenue,
 sans rien auoir gaigné. Parquoy conueint à chascun
 sortir, suyuant ce qu'ils auoient accordé ensemble.
 Et demeura l'honneur du combat aux François.
 Car ce feut tres-bien combatu durant quatre heu-
 res, deux contre treize, sans estre vaincus. Le bon
 Cheualier sur tous y feit d'armes, tant que son bruit
 & renommée en augmentèrent assez.

CHAPITRE XXIV.

Comment le bon Cheualier preint vn Thresorier, & son homme, qui portoient quinze mille ducats au grand Capitaine Gonssales Ferrand, & ce qu'il en feit.



ENVIRON vn mois apres ce combat,
que les trefues feurent faillies, feut le
bon Cheualier aduertiy par ses espies,
que à Naples auoit vn Threforier, qui
changeoit monnoye à or, pour l'ap-

Louys
XII.

porter la part où estoit le grand Capitaine Gonfla-
les Ferrand, & ne pouuoit bonnement passer, que
ce ne feust à trois ou quatre milles pres de sa garni-
son. Il ne dormit pas depuis qu'il le sceut, sans y faire
si bon guet, que l'on le veint aduertir qu'il estoit ar-
riué en vne place que tenoiēt les Espaignols, laquel-
le estoit seulement à quinze milles de Moneruine.
Et que le matin, accompagné de quelques genetai-
res pour sa seureté, estoit deliberé se retirer deuers le
grand Capitaine. Le bon Cheualier qui grand desir
auoit d'empoigner cest argent, non pas pour luy,
mais pour en departir à ses soldats, se leua deux heu-
res deuant iour, & s'en alla embuscher entre deux
petites montaignettes, accompagné de vingt che-
uaulx, & non plus. Et enuoya d'un autre costé son
compaignon Tardieu, avec vingt cinq Albanois,
afin que s'il eschappoit par vn costé, ne peust es-
chapper par l'autre. Or le cas adueint tel. C'est que
enuiron les sept heures au matin, les escoutes du dict
bon Cheualier vōt ouyr bruit de cheuaulx, qui le luy
veindrent dire. Il estoit si à couuert entre ces deux
rochers, qu'on feust aisément passé sans l'apperce-
uoir. Ce que feirēt les Espaignols, qui au milieu d'en-
tre eulx auoient leur Threforier, & son homme, les-
quels en bouge derriere leurs cheuaulx auoient leur

Louys argent. Quand ils feurent outre passez, ne feut faict
XII. autre demeure, sinon par le bon Cheualier, & les
gens donner dedans, en criant France, France, à
mort, à mort. Quand les dicts Espaignols se veirent
ainsi chargez, & prins en defarroy, cuidans qu'il y
eust beaucoup plus grand nombre de gens qu'il n'y
auoit, se meirent en fuite vers Barlete. Ils feurent vn
peu chassez, mais non pas loing. Car on n'en vou-
loit que au pauvre Thresorier, lequel feut prins
auec son homme, & mené à Moneruine. Eux arri-
uez, feurent desployées leurs bouges, où on trouua
de beaulx ducats. Le bon Cheualier les vouloit faire
compter: mais le dict Thresorier en son langage
Espagnol luy dict, *Non contaeis Señor, seno quinze*
milia ducados, qui tres-ioyeulx feut de ceste prinse.
Sur ces entrefaictes, va arriuer Tardieu, qui quand il
veid ceste belle monoye, feut bien desplaisant qu'il
n'auoit faict la prinse. Toutesfois il dit au bon Che-
ualier. Mon compaignon i'y ay ma part comme
vous, car i'ay esté de l'entreprinse. Il est vray respon-
dit le bon Cheualier en soubfriaunt: mais vous n'a-
uez pas esté de la prinse. Et pour le faire debatre, dit
encores. Et quand vous en eussiez esté, vous estes
soubz ma charge. Je ne vous donneray que ce qu'il
me plaira. Sur cela se courroucea le dict Tardieu, &
en iurant le nom de Dieu, dit qu'il en auroit la rai-
son. Si s'en alla plaindre au Lieutenant general du
Roy de France, qui manda le bon Cheualier, lequel
veint incontinent. Luy arriué, chascun dit sa raison.
Lesquelles ouïyes, le dict Lieutenant general de-

manda les opinions à tous les Capitaines: mais en fin feut par luy fuiuant ce qu'il auoit trouué dict que Tardieu n'y auoit rien. Dont il feut bien marry. Toutesfois il estoit ioyeux, & fort plaissant homme, si se print à dire, Par le sang Sainct George, ie suis bien malheureux. Et puis s'adressa au bon Cheualier en disant, Par Dieu c'est tout vn, car aussi bien me nourrirez vous, tant que serons en ce pays. Lequel se preint à rire, & pour cela ne laisserent pas de retourner ensemble à Moneruine. Où quand ils feurent arriuez, le bon Cheualier deuant Tardieu, & pour plus le faire debatre, feit les ducats apporter, & iceulx desployer sur vne table. Et puis dit compaignon que vous en semble, voicy pas belle dragée? Et ouy respondit il, mais ie n'y ay rien. Si i'auoye seulement la moictié de cela, iamais n'auroye faulte de biens, & serois homme de bien toute ma vie. Comment compaignon dict le bon Cheualier, ne tiendra il que à cela que ne soyez assuré de vostre vie en ce monde? Et vrayement ce que n'avez peu ne sceu auoir par force, ie le vous donne de bon cœur, & de bonne volonté, & en aurez la droicte moictié. Si les feit incontinent compter, & luy liura sept mille cinq cent ducats. Tardieu qui cuidoit auparauant que ce feust vne mocquerie, quand il s'en veid faisly, se iecta à deux genoüils, ayant de ioye les larmes aux yeulx. Et dit, Helas mon maistre mon amy, commét pourray ie iamais satisfaire aux biens que me faiçtes. Oncques Alexandre ne feit pareille liberalité. Taisez vous compaignon luy respondit

Louys
XII.

le bon Cheualier, Si i'auoye la puissance, ie ferois beaucoup mieulx pour vous. De faict toute sa vie enfeut riche Tardieu. Car au moyen de cest argent, apres qu'ils feurent retournez de Naples veint en France, où en son pays espousa vne heritiere, fille d'un Seigneur de Sainct Martin, qui auoit trois mille liures de rente. Il fault sçauoir que deueindrent les autres sept mille cinq cent ducats. Le bon Cheualier sans peur, & sans reproche, le cœur net comme la perle, feit appeller tous ceulx de la garnison, & à chascun selon la qualité les departit, sans en retenir vn seul denier. Puis dit au Thresorier, Mon amy ie sçay bien que si ie vouloye i'aurois bonne rançon de vous, mais ie me tiens content de ce que i'ay eu. Quand vous & vostre homme voudrez partir, ie vous feray conduire seurement en quelque place de vos gens que voudrez. Et si ne vous sera rien osté de ce qui est sur vous, ny ne vous fouillera l'on point. Si auoit il vaillant à luy en bagues ou en argent cinq cent ducats, & mieulx. Qui feut bien aise feut ce pauvre Thresorier, lequel par vn trompette du bon Cheualier, auquel il donna trois escus, feut conduict iusques à Barlete, avec son homme. Bien heureux, veul la fortune qui luy estoit aduenüe, d'estre rombé en si bonne main.

CHAPITRE XXV.

*Comment le bon Cheualier garda vn pont sur la
ruiere du Garillan, luy seul, vn espace de
temps, contre deux cent Espaignols.*



ASSEZ AVEZ peu veoir en autre Histoire comment au Royaume de Naples, & vers la fin de la guerre, qui feut entre François, & Espaignols, se teint longuemēt l'armée des dicts François sur le bort d'une ruiere, dictle Garillan, & l'armée des Espaignols estoit de l'autre costé. Il fault entendre que s'il y auoit du costé des François de vertueulx & gaillards Capitaines, aussi y auoit il du costé des Espaignols. Et entre autres le grād Capitaine Gonsfales Ferrand, homme saige, & vigilant. Et vn autre appelé Pedro de Pas, lequel n'auoit pas deux couldees de haut: mais de plus hardye creature n'eust on seu trouuer. Et si estoit si fort boillu, & si petit, que quand il estoit à cheual, on ne luy voyoit que la teste au dessus de la selle. Vn iour s'aduila le dict Pedro de Pas de faire vne alarme aux François, & avec cent ou six vingts cheualx se mit à passer la ruiere du Garillan, en vn certain lieu où il scauoit le gué, & auoit mis vn homme de pied derriere chascun cheual, garny de harquebute. Il faisoit ceste alarme afin que l'armée y courust, qu'on abandon-

Louys naist le pont, & que cependant leur force y veint, &
XII. le gaignast. Il executa tres-bien son entreprinse, &
fait au camp des François vn aspre & chauld alarme, où vn chascun se retiroit, cuidant que ce feust tout l'effort des Espaignols, mais non estoit. Le bon Cheualier qui desiroit tousiours estre pres des coups, s'estoit logé ioignant du pont, & avec luy vn hardy Gentil-homme, qui se nommoit l'Escuyer le Basco, Escuyer d'Escuyrie du Roy de France Louys douzieme. Lesquels commencerent à eulx armer, quand ils ouyrent le bruit, (s'ils feurent bien tost prests & montez à cheual ne fault pas demander,) deliberez d'aller où l'affaire estoit. Mais en regardant par le bon Cheualier de là la riuiere, va aduiser enuiron deux cent cheuaulx des Espaignols, qui venoient droict au pont pour le gaigner. Ce qu'ils eussent faict sans grande resistance, & cela estoit la totale destructiō de l'armée Françoisie. Si commença à dire à son cōpaignon, Monseigneur l'Escuyer mon amy, allez vistement querir de nos gens pour garder ce pont, ou nous sommes tous perdus, cependant ie mectray peine de les amuser iusques à vostre venuë. Mais hastez vous, ce qu'il feit. Et le bon Cheualier la lance au poing s'en va au bout du dict pont, où de l'autre costé estoient desia les Espaignols prests à passer, mais comme lyon furieux va mectre sa lance en arrest, & donna en la troupe, qui desia estoit sur le dict pont. De sorte que trois ou quatre se vont esbranler, desquels en cheut deux en l'eau, qui oncques puis n'en releuerent, car la riuiere

uiere estoit grosse & profonde. Cela faict, on luy
 railla beaucoup d'affaires, car si durement feut assail-
 ly, que sans trop grande Cheualerie n'eust sceu resi-
 ster. Mais comme vn tygre eschauffé s'accula à la
 barriere du pont, à ce qu'ils ne gagnassent le derriere,
 & à coups d'espée se defendit si tres-bien, que les
 Espaignols ne scauoient que dire, & ne cuidoient
 point que ce feust vn homme, mais vn ennemy.
 Brief tant bien & si longuement se maintint, que
 l'Escuyer le Basco son compaignó luy amena assez
 notable secours, comme de cent hommes d'armes.
 Lesquels arriuez, firent aux dicts Espaignols aban-
 donner du tout le pont, & les chasserent vn grand
 mille de delà. Et plus eussent faict, quand ils apper-
 ceurent vne grosse troupe de leurs gens de sept à
 huict cent cheualx, qui les venoient secourir. Si
 dit le bon Cheualier à ses compaignons, Messei-
 gneurs nous auons aujourd'huy assez faict d'auoir
 sauué nostre pont, retirons nous le plus serrément
 que nous pourrons. Son conseil feut tenu à bon, si
 commencerent à eulx retirer le beau pas. Tousiours
 estoit le bon Cheualier le dernier, qui soustenoit
 toute la charge, ou la plus part. Dont au long aller se
 trouua fort pressé, à l'occasion de son cheual, qui si
 las estoit que plus ne se pouuoit soustenir, car tout
 le iour auoit combatu dessus. Si veint derechef vne
 grosse enuahie des ennemis, qui tous d'vn flot don-
 nerent sur les François, en façon que aucuns feurent
 versez par terre. Le cheual du bon Cheualier feut
 acculé contre vn fossé, où il feut enuironné de vingt

Louys ou trente, qui cryoient, *Rende, rende Señor*. Il combattoit tousiours, & ne sçauoit que dire sinon, Messieurs il me fault bien rendre, car moy tout seul ne sçauois cōbatre vostre puissance. Or estoient desia fort eslongnez les compaignons, qui se retiroient droict à leur pont, cuidans tousiours auoir le bon Cheualier parmy eulx. Et quand ils feurent vn peu eslongnez, l'vn d'entre eulx nommé le Cheualier Guiffroy, Gentil-homme du Daulphiné, & son voisin, commença à dire, He Messieurs nous auons tout perdu, Le bon Capitaine Bayard est mort, ou prins, car il n'est point avec nous. N'en sçaurons nous autre chose? Et auiourd'huy il nous a si bien conduicts, & faict receuoir tant d'honneur. Je fais vœu à Dieu, que s'il n'y debuoit aller que moy seul i'y retourneray, & plustost seray mort ou prins, que ie n'en aye des nouuelles. Je ne sçay qui de toute la troupe feut plus marry, quand ils congneurent que le Cheualier Guiffroy disoit vray. Chascun se mit à pied pour resangler son Cheual, puis remonterent. Et d'vn couraige inuaincu se vont mettre au grand galop apres les Espaignols, qui emmenoiēt la fleur & l'essite de toute gentillesse. Et seulement par la faulte de son cheual. Car s'il eust autant peu endurer de peine que luy, iamais n'eust esté prins. Il fault entendre que ainsi que les Espaignols se retiroient, & qu'ils emmenoiēt le bon Cheualier, pour le grand nombre qu'ils estoient, ne se daignerent amuser à le desrober de ses armes, ne luy oster son espée, qu'il auoit au costé. Bien le dessaisirent d'vne

hache d'armes, qu'il auoit en la main. Et en marchant, luy demandoient tousiours qui il estoit. Il qui sçauoit bien que s'il se nómoit par son droict nom, iamais vif il n'eschapperait, (parce que plus le doubtoient Espaignols que homme de la Nation François,) si le sceut bien changer, & tousiours disoit il qu'il estoit Gentil-homme. Cependant vont arriuer les François ses compaignons, cryant *France, France, tournez, tournez Espaignols, ainsi n'emmenerez vous pas la fleur de Cheualerie.* Auquel cry les Espaignols, combien qu'ils feussent grand nombre, se trouuerent estonnez. Neantmoins d'un visaige asseuré receurent ceste lourde charge des François, mais ce ne peut si bien estre, que plusieurs d'entre eulx, & des mieulx montez, ne feussent portez par terre. Quoy voyant par le bon Cheualier, qui encores estoit tout armé, & n'auoit faulte que de cheual, car le sien estoit recréu, meit pied à terre. Et sans le meitre en l'estrier, remonta sur vn gaillard courfier, dessus lequel auoit esté mis par terre, de la main de l'Escuyer le Basco, Saluador de Borgia, Lieutenant de la compaignée du Marquis de la Padule, gaillard Gentil-homme. Quand il se veid dessus monté, commença à faire choses plus que merueilleuses, cryant *France, France, Bayard, Bayard, que vous auez laissé aller.* Quand les Espaignols ouyrent le nom, & la faulte qu'ils auoient faict, de luy auoir laissé les armes, apres l'auoir prins, sans dire recours, ou non, (Car si vne fois eust baillé sa foy, iamais ne l'eust faullée,) le cœur leur faillit du tout. Et dirent

Louys
XII.

Louys
XII.

entre eulx, Tirons oultre vers nostre camp, nous ne ferons meshuy beau faict. Quoy disans, se iecterent au galop, & les François qui voyoient la nuit approcher, tres-ioyeulx d'auoir recouuert leur vray guidon d'honneur, s'en retournerent avec l'yeuse en leur camp. Où durant huit iours ne cesserent de parler de leur belle aduventure, & mesmement des proüesses du bon Cheualier.

EN CESTE mesme année, enuoya le Roy de France Louys douzième en la Comté de Roussillon bon nombre de gens, sous la conduite du Seigneur de Dunois, pour la remettre entre ses mains. Mais ils s'en retournerent sans grands choses faire, qui à honneur monta. Et si y mourut de la part des dictz François vn gentil Cheualier, appelé le Seigneur de la Rochepot.

DE PUIS ie ne sçay de qui feut la faulte, les François ne seiournerēt gueres au Royaume de Naples, qu'ils ne retournassent en leur pays, les plusieurs en assez pauvre estat. Et en passant par Rome, le Pape Iules leur feit tout plein de courtoisies: mais depuis les a bien vendus. Le vaillant Capitaine Louys d'Ars, qui encores tenoit quelques places en la Pouille, & en sa compaignée le bon Cheualier sans peur, & sans reproche, apres l'armée des François retournée, demurerent au dict Royaume, en despit de toute la puissance des Espaignols, enuiron vn an. Auquel temps, ils firent plusieurs belles faillies, & lourdes escarmouches, dont de la plus part emporterent tousiours l'honneur. Et plus eussent tenu.

leurs dictes places, n'eust esté que le Roy Louys leur
maistre & souuerain leur manda les laisser, & eulx
en venir. Ce qu'ils feirent à grand regret, en l'an mil-
le cinq cent & quatre. Et feurent tres-honorable-
ment receus d'un chascun, comme bien l'auoient
merité. Mesmement de leur bon maistre le Roy de
France, qui comme saige & prudent preint les for-
tunes de la guerre, ainsi qu'il plaist à Dieu les en-
uoyer, auquel il auoit son principal recours.

IE VOVS laisseray vn peu à parler de la guerre,
& viendray à desduire ce qui adueint en France, &
autres pays voisins, durant deux ans.

CHAPITRE XXVI.

*De plusieurs choses qui adueindrent en deux
années, tant en France, Italie,
que Espaigne.*



PRES TOUTES ces choses passées,
y eut quelque abstinence de guerre
entre France, & Espaigne. Qui n'e-
stoit guieres bien à propos. Car les vns
auoient ce qu'ils demandoient, & les autres non.

EN L'AN mille cinq cent cinq, mourut Ieanne
de France, Duchesse de Berry, qui auoit esté mariée
au Roy Louys douzième. Lequel en celle mesme
année en sa ville de Blois feut si griefuement mala-
de, qu'on ne luy esperoit vie, abandonné de tous ses
medecins, & de tout remede humain. Mais ie croy

Louys que à la requeste de son peuple, & par leurs prieres,
 XII. (Car il estoit bien aymé, au moyen que iamais ne
 les auoit oppressé ne foullé de tailles,) nostre Sei-
 gneur luy prolongea ses iours.

AV DICT an mourut Dom Federic d'Arragon, au Plessis les Tours, iadis Roy de Naples. Qui feut le dernier de la lignée de Pierre d'Arragon, lequel sans raison ny moyen vsurpa le dict Royaume de Naples. Et nel'ont ceulx qui l'ont tenu depuis, & tiennent encores, à autre tiltre.

1506. L'AN MILLE cinq cent & six, vne des plus triomphantes & glorieuses Dames, qui puis mille ans ait esté sur la terre, alla de vie à trespas. Ce feut la Royne Ysabel de Castille, qui ayda le bras armé à conquerter le Royaume de Grenade sur les Maures. Et preint prisonniers les enfans du Roy, qui occupoit le dict Royaume, lesquels elle feit baptiser. Je veulx bien asseurer aux lecteurs de ceste presente Histoire, que sa vie a esté telle, qu'elle a bien merité couronne de laurier apres sa mort.

L'ANNEE mesme, trespassa son gendre, qui par le deces d'elle auoit esté son heritier, Philippe Roy des Espaignes, à cause de sa femme, Archeduc d'Autriche, & Comte de Flandre.

LE PAPE Iules par le secours du Roy de France, & à l'ayde de son Lieutenant general au Duché de Milan, le Seigneur de Chaumont, Messire Charles d'Amboise, homme diligent, & vertueux, conquesta Boulongne sur Messire Iean de Bentiuogle, au dict an. Où pour recompése, & pour payement,

bailla en France de beaulx pardons. Je ne sçay qui donna ce conseil, mais oncques puis les François ne feurent fort asseurez en Italie. Car avec ce que le dict Pape n'estoit pas trop bon François, il se fortifia de ça les Alpes à l'encontre des terres du Roy de France qu'il tenoit en Lombardie. Je m'en rapporte à ce qui s'en est ensuiuy depuis. Plusieurs pour l'heure s'en trouuerent bons marchands. Car aucuns Capitaines qui gouernoient ce Seigneur de Chaumont en eurent deniers de present, & aucuns de la plume benefices. Brief c'est vne diablerie quand auarice precede l'honneur. Et cela a tousiours beaucoup plus regné en France qu'en autre lieu. Si est ce le plus excellent pays de l'Europe, mais toutes bonnes terres n'apportent pas bon fruit, en quelque sorte que ce soit. Je me tiendray avec celuy qui a fait le Romant de la rose, qu'on nomme Maistre Iean de Meun, lequel dit que beaulx dons donnent los aux donneurs, mais ils empirent les preneurs.

LE ROY d'Arragon veuf par le trespas d'Ysabel sa femme, preint l'année mesme la niepce du Roy de France Germaine de Foix, qui feut emmenée en grand triomphe en Espaigne. Et la veint querir le Comte de Cifuentes, & vn Euesque Iacobin. Depuis qu'elle feut en Espaigne, elle a bien rendu aux François les honneurs qu'elle auoit receu du pays. Car iamais ne feut veüe de tous ceulx qui depuis l'ont congneüe vne plus mauuaise Française.

Louys
XII.

Louys

XII.

CHAPITRE XXVII.

Comment les Geneuois se reuolterent, & comment le Roy de France passa les monts, & les remeit à la raison.



EN E veulx pas dire que tous vrayes Chrestiens ne soient subiects à l'Eglise, & qu'ils n'y doibuent obeyr: mais ie ne dis pas aussi que tous les ministres d'icelle soient gens de bien. Et de ce ie puis bailler exemple assez ample du Pape Iules, qui pour recompense des bons tours que le Roy Louys luy auoit faicts, de le faire mestre, ie ne sçay pas bien à quel tiltre, dedans Boulongne, pour commencer à chasser les François d'Italie, par subtils & sinistres moyens feit reuolter les Geneuois, & mutiner le populaire contre les nobles, lesquels ils chasserent tous hors de la ville. Et esleurēt entre eulx vn Duc appellé Messire Paul de Noue, homme mecanique, & de mestier de tainturier. Vn Gentil-homme Geneuois nommé Messire Iean Louys de Flisco, qui estoit fort bon François, le Seigneur de Las, qui tenoit le Chastellet, & plusieurs autres en aduertirent le Roy de France. Et pource que le saige Prince qui en tels affaires estoit assez congnoissant, voyoit bien que si cela n'estoit bien tost r'habillé, il en pourroit sortir de gros inconueniens, delibera de passer les monts,

avec

avec bonne & grosse puissance. Ce qu'il feit à grande diligence. Car pour beaucoup de raisons la matiere le requeroit. Le bon Cheualier estoit alors à Lyon malade de sa fiebure quarte, qui sans la perdre, l'a gardée sept ans, & dauantaige. Il auoit en vn bras vn gros inconuenient d'vn coup de picque, que autresfois il auoit eu, & en auoit esté si mal pensé, que vn vlcere luy en estoit demeuré, qui n'estoit encores du tout bien guery. Au retour du Royaume de Naples, le Roy son maistre l'auoit retenu pour vn de ses Escuyers d'Escuyrie, attendant qu'il y eust quelque compaignée de gens d'armes vacquant pour l'en pourueoir. Si pensa en soy mesme, que encores qu'il ne feust bien sain, si luy tourneroit il à grande lascheté, où il ne suiuroit son Prince. Et ne regardant à nul inconuenient, se delibera marcher avec luy. En deux ou trois iours il donna ordre à son cas, & se mit au passage des montaignes comme les autres. Tant & si diligemment chemina l'armée, qu'elle approcha la ville de Gennes, dont les habitans feurent fort estonnez. Car ils esperoient en peu de iours auoir gros secours du Pape, & de la Romaine, mesmement de sept ou huit mille hommes, qu'on appelle en Italie Besignels, qui sont les meilleurs gens de pied qui soyent en Italie, & fort hardis à la guerre. Ce neantmoins faisoient tousiours leur debuoir. Et mesmement au hault de la montaigne, par laquelle conuenoit aux François passer, pour aller à la ville, auoient fait & cōstruit vn fort bastillon à merueilles, garny de bōnes gens,

Q

Louys
XII.

& d'artillerie. Qui donna tiltre d'esbahissement à tout l'armée. Dont le Roy feit assembler les Capitaines sçauoir qu'il estoit de faire. Plusieurs feurent de diuerſes opinions. Les vns diſoient que par là ſe pourroit l'armée meſtre en hazard, & que au hault pourroit auoir groſſe puiſſance, qu'on ne pouuoit veoir, qui les pourroit repouſſer, ſi on y alloit foibles, & faire receuoir vne honte. Autres diſoient que ce n'eſtoit que canaille, & qu'ils ne dureroiēt point. Le Roy regarda le bon Cheualier, auquel il dict, Bayard que vous en ſemble? Sur ma foy Sire, dit-il, ie ne vous en ſçauois encores que dire, il fault aller veoir qu'ils font là hault. Et de ma part ſ'il vous plaift m'en donner congé, deuant qu'il ſoit vne heure, ſi ie ne ſuis mort, ou prins, vous en ſçauerez des nouuelles. Et ie vous en prie, dit le Roy, car aſſez vous entendez en tels affaires. Ne ſejourna guieres le bon Cheualier, que avec pluſieurs de ſes amis & compaignons, comme le Vicomte de Rhodéz, le Capitaine Maugeron, le Seigneur de Beaudifner, le baſtard de Luppe, & pluſieurs autres, iuſques au nombre de cent, ou ſix vingt, entre leſquels eſtoient deux nobles Seigneurs de la Maifon de Foix, les Seigneurs de Barbaſan, & de l'Eſparre, enfans du Seigneur de Lautrec, qu'il ne feit ſonner l'alarme. Et ſes compaignons tous aſſemblez, commença le beau premier à grauir ceſte montaigne. Quand on le veid deuant, il feut aſſez qui le ſuiuit. Et trauaillèrent fort, auant qu'ils feuffent paruenus iuſques au hault, où ils preindrent vn peu d'haleine. Puis mar-

cherent au bastillon, où en chemin trouuerent forte resistance, & y eust aspre combat. Mais en fin les Geneuois tournerent le dos, où apres vouloient courir les François. Mais le bon Cheualier s'escria: Non Messeigneurs, allons droict au bastillon. Possible est qu'il y a encores des gens dedans, qui nous pourroient endorre. Il faut veoir qu'il y a. A ce conseil s'euint vn chascun, & y marcherent. Ainsi qu'il auoit dict adueint. Car encores dedans auoit deux ou trois cent hommes, qui se meirent en defense assez rude, pour le commencement. Mais en fin guerpirent le fort, fuyans comme fouldre au bas de la montaigne, pour gaigner leur ville. Ainsi feut prins le bastillon, Et depuis ne feirent les Geneuois beau faict: ains se rendirēt à la mercy du Roy, qui y entra, & fait aux habitans payer le deffroy de son armée. Et à leurs despens fait construire contre la ville vn fort Chasteau, qu'on nomma Codefa. A leur Duc feut la teste couppée, & à vn autre nommé Iustinian. Ils feurent assez bien chastiez pour vn coup.

P E V apres se veirent le Roy de France, & le Roy d'Arragon, retournant de Naples en Espagne, en la ville de Sauonne. Et y estoit sa femme Germaine de Foix, qui tenoit vne merueilleuse audace. Elle feut peu de compte de tous les François, mesmement de son frere le gentil Duc de Nemours, dont ceste Histoire fera cy apres mention. Le Roy de France festoya fort bien le grand Capitaine Gonslaes Ferrand. Et le Roy d'Arragon porta gros honneur au Capitaine Louys d'Ars, & au bon Cheualier sans

Louys
XII.

peur & sans reproche. Et dit au Roy de France ces mots, Monseigneur mon frere, bien est heureux le Prince qui nourrit deux tels Cheualiers. Les deux Princes apres auoir esté quelques iours ensemble, preindrent congé. L'vn alla en Espaigne, & l'autre retourna en sa Duché de Milan.

CHAPITRE XXVIII.

Comment l'Empereur Maximilian fait la guerre aux Venitiens, Où le Roy de France enuoya le Seigneur Iean Iacques de Triuulce, avec grosse puissance pour les secourir.



PRES LA prinse de Gennes, & la veüe des deux Roys à Sauonne, celuy de Fracere passa par sa ville de Milan. Où le Seigneur Iean Iacques de Triuulce luy fit vn destriumphans banquet, qui iamais feust veu pour vn simple Seigneur. Car quand on cherchera bien par tout, se trouuera qu'il y auoit plus de cinq cent personnes d'affiete, sans les Dames, qui estoient cent ou six vingt. Et n'eust esté possible d'estre mieulx seruis qu'ils feurent de mets, entremets, mommeries, comedies, & toutes autres choses de passetemps.

APRES s'en retourna le Roy en France, où l'année ensuyuant feut aduertie par les Venitiens, qui

estoint ses alliez, comment l'Empereur Maximilian descendoit en leur pays, & leur vouloit faire la guerre. A ceste cause, par vn leur Ambassadeur, qui estoit deuers luy, appelé Meslire Antoine Gondelmar, luy feirent supplier leur donner secours. Ce qu'il feit volontiers. Et manda au Seigneur Iean Iacques de Triuulce y aller avec six cent hommes d'armes, & six mille homes de pied. A quoy il obeït, & se vint ioindre avec la puissance des dicts Venitiens, en vn lieu appellé la Pedre, où l'armée de l'Empereur estoit desia arriüée. Qui eust bien tost passé plus outre, n'eust esté la venue du dict Seigneur Iean Iacques qui l'arresta. Et depuis ne feit pas l'armée de l'Empereur grand' chose. Venitiens qui sont subtils, & caults, aduiferent qu'il valloit mieulx appoincter, que d'entrer plus auant en la guerre. Si en chercherent le moyen, tant qu'en fin le trouuerent. Ie croy bien qu'ils fournirent quelque argent. Car c'estoit la chose en ce monde dont le dict Empereur Maximilian estoit le plus souffreteux. Si en feit retourner son armée. Le Seigneur Iean Iacques qui en cest appoinctement n'auoit aucunement esté appellé n'en feut pas trop content. Et dit bien au Prouidadour de la Seigneurie, qu'il en aduertiroit le Roy son maistre, & que à son opinion trouueroit la chose assez estrange, & n'en seroit pas content. Cela demeura vn peu en suspens. Où durant cetemps le Roy de France Louys douziesme alla faire son Entrée en sa ville de Rouën, & sa bonne compaignie la Royne. Qui feut fort triom-

Louys
XII.

phante. Car si les Gentils-hommes y feirent leur debuoir, les enfans de la ville n'en feirent pas moins. Il y eut ioustes, & tournois, par l'espace de huit iours. Cependant se dressa quelque Traicté entre le Pape, l'Empereur, les Roys de France, & d'Espagne. Où pour y mettre fin, feut par eulx ou leurs Ambassadeurs conclud & accordé, quel'on se trouueroit en la ville de Cambray, à certain iour par eulx prins. Et y feut enuoyé de la part du Roy de France, le Cardinal d'Amboise, Legat au dict Royaume, son nepueu le grand Maistre de France, Seigneur de Chaumont, & chef des armes de la Maison d'Amboise, & plusieurs autres. Et de chacun des autres Princes, Ambassadeurs avec toute puissance. A quelle fin ils conclurent, n'est rien si certain, que ce feust pour ruiner la Seigneurie de Venise, qui en grand pompe, & à peu de congnoissance de Dieu, viuoient glorieusement, & en opulence, faisant peu d'estime des autres Princes de la Chrestienté. Dont peut estre que nostre Seigneur feut courroucé, comme il apparut. Car auant que ces Ambassadeurs deslogeassent de la dicte ville de Cambray, feirent alliance amys d'amys & ennemys d'ennemys pour leurs maistres. Et là feut conclud, que le Roy de France en personne passeroit apres Pasques, l'année ensuyuant, qu'on diroit mille cinq cent & neuf, en Italie, & entreroit au pays des Venitiens, quarante iours deuant que nul des autres se meissent à la campagne. Je ne sçay à quelle fin ils auoient posé ce terme, sinon qu'ils vouloient taster


1509.

le gué. Et peut estre que si le Roy de France eust eu du pire, en lieu de courir aux Venitiens, eussent couru sur luy mesme. Il me semble à dire le vray, qu'ils vouloient faire eslayer la fortune aux François, & vouloient ioïier à vn ieu que ioïent petits enfans à l'eschole, S'il est bon, ie le prens, & si est mauuais, ie le laisse. Toutesfois si bien adueint à ce bon Roy Louys, qu'il executa son entreprinse, à son grand honneur, & au profit de ses alliez, comme vous entendrez.

Louys
XII.

CHAPITRE XXIX.

*Comment le Roy de France Louys douziésme
fait marcher son armée en Italie contre les
Venitiens, & de la victoire qu'il
en obtint.*



VR LA FIN de l'an mille cinq cent 1508.
& huiet, vers le mois de Mars, feit le
Roy de France marcher sa gend'arme-
rie en sa Duché de Milan. Et pareille-
ment ses auenturiers François, qui estoient en nom-
bre de quatorze à quinze mille. Lesquels il bailla
à gouuerner & conduire à de bons & vertueux
Capitaines, tels que les Seigneurs de Molart, de
Richemont, la Crote, le Comte de Roussillon,
le Seigneur de Vendenessé, le Capitaine Odet,
le cadet de Duras, & plusieurs autres, lesquels chas-
cun en leur endroict meirent peine d'auoir des

Louys
XII.

plus gentils compagnons. Le bon Cheualier sans peur, & sans reproche, en ceste saison feut enuoyé querir par le Roy, qui luy dit, Bayard vous sçauiez que ie m'en veois passer les monts, pour auoir raison des Venitiens, qui à grand tort me tiennent la Comté de Cremone, la Guiradade, & autres pays. Ie veulx qu'en ceste entreprinse, combien que dès à present vous donne la compaignée du Capitaine Chatelart, (qu'on m'a dict qui est mort, dont ie suis desplaisant,) ayez sous vostre charge des gens de pied. Et vostre Lieutenant le Capitaine Pierrepont, qui est tres-homme de bien, conduira vos gens d'armes. Sire, respondit le bon Cheualier, ie feray ce qu'il vous plaira. Mais combien me voulez vous bailler de gens de pied à conduire? Mille dit le Roy, il n'y a homme qui en ait plus. Sire dit le bon Cheualier c'est beaucoup, pour mon sçauoir, vous suppliant estre content que i'en aye cinq cent. Et ie vous iure ma foy Sire, que ie me tray peine de les choisir, qu'ils seront pour vous faire seruice. Et si me semble que pour vn homme seul, c'est bien grosse charge, quand il en veult faire son debuoir. Bien dit le Roy, allez doncques vistement au Daulphiné, & faictes que soyiez en ma Duché de Milan, à la fin de Mars. De tous les Capitaines n'y eust celuy qui tres-bien ne fournist sa bende. Et en sorte feirent, que à la fin de Mars, ou au commencement d'Auril, furent tous passez & logez par garnisons au Duché de Milan. Les Venitiens desia deffiez par le herault Montjoye, delibererent eulx defendre. Et sçachans
la

la puissance du Roy de France, qui n'estoit point trop grande, (Car en toutes gens n'auoit que trente mille hommes, dont il pouuoit auoir vingt mille hommes de pied, compris six mille Suisses, & deux mille hommes d'armes,) dresserent vne fort gaillarde armée, où ils eurent plus de deux mille hommes d'armes, & bien trente mille hommes de pied. Leur chef pour les conduire estoit le Comte de Petiglane. Et le Capitaine general de leurs gens de pied estoit le Seigneur Barthelemy d'Aluiane. Qui entre autres gens auoit vne bonne bende de ces Bre-sig-nels, qui portoient sa liurée de blanc, & rouge, tous gentils compaignons, & nourris aux armes. Le ne vous feray long recit des courses, allées, & venües. Mais en fin le Roy de France ayant passé les monts, & arriué en la ville de Milan, entendit que les Venitiens auoient repris Treuy, vne petite villete de la riuere d'Ade. Que puis peu de iours deuant le grand Maistre, Seigneur de Chaumont, auoit prinse sur eulx, avec les Capitaines Molart, la Crote, Richemont, & le bon Cheualier, qui avec leurs gens estoient passez des premiers. En laquelle ville de Treuy, les Venitiens, parce qu'elle s'estoit tournée Françoise, meirent le feu, & emmenerent les gens de cheual tous prisonniers, dont estoit chef le Capitaine Fontrailles. Aussi feut prisonnier le Capitaine de la Porte, le Seigneur d'Estançon, & deux autres Capitaines de gens de pied, le Cheualier Blanc, & le Capitaine Ymbault. Ainsi ces nouuelles sceües par le dict Seigneur marcha droict à Cassan. Où il feut

Louys
XII.

incontinent sur ceste riuere d'Ade dresser deux ponts sur bateaulx. Où par l'un faisoit passer les gens de cheual, & par l'autre les gens de pied. Et luy mesme armé de toutes pieces, y faisoit tenir l'ordre. L'armée passée, le lendemain feut prinse vne petite ville appelée Riualte, & mise à sac. Et deux iours apres, en un villaige nommé Aignadel, au partir d'un autre appelé Pandin, se rencontrerent les deux armées des François, & Venitiens. Et combien que les Capitaines le Comte de Petiglanc & le Seigneur Barthelemy d'Aluiane eussent expres commandement de leur Seigneurie ne donner point de bataille au Roy, ains seulement temporiser à garder les villes, & chasteaulx, afin de les miner par fâcherie & longueur de temps, iceluy d'Aluiane plus hardy que bien aduisé se voulut aduenturer. Pensant en luy mesme, comme presumptueux, qu'il ne sçauroit iamais auoir plus grand honneur à perte, ou à gaing, que d'auoir combattu un Roy de France. Et voulant essayer sa fortune, s'en veint droit au combat, où il y eut dur assault & mortel encombre. Car à vray dire, en la premiere pointe se monstrent tres-bien les gens de la Seigneurie. Durant ce combat le Seigneur Barthelemy va aduiser l'arriere-garde des François, dont estoit le bon Cheualier, qui marchoit d'un desir merueilleux, en passant fossez pleins d'eau iusques au cul, laquelle luy venoit donner sur un des costez, qui fort esbahirent luy, & sa route. Ne oncques puis ne feirent grand effort, ains feurent rompus, & du tout deffaits. Les rouges

& blancs demurerent sur le champ. Et le dict d'Aluiane apres auoir esté blessé en plusieurs lieux, feut prins prisonnier du Seigneur de Vendenesse, vn droict petit lyon, frere du gentil Seigneur de la Pallisse. Le Comte de Petiglanc voyant les gens de pied deffaicts, ne voulut plus tenter la fortune, & à toute sa gend'armerie se retira vn petit bien tost. Il eut la chasse: mais peu y en demeura. Car les gens de pied amuserent les François, lesquels apres auoir faict leur debuoir, se retirerent chascun à son enseigne, à peu de dommaige. De leurs ennemis en demeura quatorze ou quinze mille sur le champ. Le Seigneur Barthelemy feut mené prisonnier au logis du Roy, lequel apres disner feut faire vn faulx alarme, pour congnoistre si ses gens seroient diligens, si vn affaire venoit. On demanda à ce Seigneur d'Aluiane, que ce pouuoit estre. Il feut responce en son langage, Il fault dire que vous voulez combattre les vns contre les autres. Car de nos gens ie vous assure sur ma vie qu'ils ne vous visiteront de quinze iours. Et en se mocquant, congnoissant sa Nation, disoit ces paroles. La dicte bataille feut le quatorzième iour de May, mille cinq cent & neuf.

Louys
XII.

1509.

CHAPITRE XXX.

*Comment le Roy de France Louys douzième
gaigna toutes les villes & places des
Venitiens, iusques à Pesquaire.*

R ij

Louys
XII.



LE ROY de France sejourna vn iour ou deux au champ de bataille. Cependant le Chasteau de Carauas se voulut faire battre d'artillerie. Mais en deux heures il feut emporté, & y eut quelques rustres dedans prins, lesquels essayerent si leur col pourroit par force emporter vn creneau. Cela espouuenta ceulx qui estoient aux autres places. De sorte que oncques puis ne setrouua ville ny aucune forteresse qui voulust combattre, excepté le Chasteau de Pesquaire, dont mal en preint à ceulx de dedans. Car tous y moururent, ou peu en eschappa, qui feurent prins prisonniers. Entre lesquels estoit vn Prouidadour de la Seigneurie, & son fils, qui voulurent payer bonne & grosse rançon. Mais cela ne leur seruit de rien. Car chascun à vn arbre feurent tous deux pendus, qui me sembla grande cruauté. Vn fort gailard Gentil-homme, qu'on appelloit le Lorrain, auoit leur foy, & en eut grosses paroles avec le grand Maistre, Lieutenant general du Roy: mais il n'en amenda d'autre chose. Le Roy se logea au dict lieu de Pesquaire, apres auoir eu en ses mains toutes les villes & places par luy querellées. Comme Cremone, Creme, Bresse, Bergame, & cent autres petites villes, que toutes il eut en cinq ou six iours, excepté le Chasteau de Cremone, qui teint quelque temps, mais en fin se rendit. Et bien fait dauantaige le dict Prince. Car par le moyen de la bataille qu'il gaigna, feut rendu au Pape Iules Rauenne, Fourly, Imole, Fayence, & plusieurs autres places, que les

dicts Venitiens tenoient en Romaigne. Et au Roy d'Espagne en son Royaume de Naples Brindis, & Otrante. Et à luy mesme feurent presentées les clefs des villes de Verone, Vincence, & Padoüe: mais il les meit entre les mains de l'Empereur qui les querelloit. Toutesfois il ne garda guierès bien les aucunes, dont mal luy en preint, comme vous verrez cy apres. Sur ces entrefaictes, le reste de l'armée des Venitiens bien estonnée se retira vers le Treuifan, & le Frioul, cuidans que tousiours on les deust suiure. Ce qui ne se fait pas. Qui feut gros malheur pour l'Empereur, lequel de iour en iour s'attendoit par le Roy de France, en ceste petite ville de Pesquaire. Car promis auoit se trouuer dedans vn vaisseau, accompagné comme bon luy eust semblé, sur vn lac, qui enuironne partie de la dicte ville de Pesquaire, pour parlementer ensemble plus amplement de leurs affaires. Et à ceste cause, auoit esté enuoyé vers luy le Legat d'Amboise iusques à Rouuray, mais oncques ne le sceust amener. Parquoy apres son retour, & qu'il eust amené l'Euesque de Gurce, Ambassadeur pour le dict Empereur, deuers le Roy de France, lequel vint tellement quellement excuser son maistre, le Roy s'en retourna par ses iournées à Milan, au commencement de Iuliet. Cependant la ville de Padoüe, en laquelle l'Empereur auoit seulement enuoyé huit cent lanfquenets pour la garder, laquelle a six milles de tour, feut reprise par les gens de la Seigneurie de Venise. Et y entra Messire André Gritti, avec vn

Louys
XII.

autre Capitaine appellé Messire Luce Maluezze, par vne subtilité teile que ie vous diray. Tousiours auoient les Venitiens quelque intelligēce en la ville. Et fault bié noter vne chose, que oncques Seigneurs ne feurent sur la terre plus aymez de leurs subiects, qu'ils ont tousiours esté, & seulement pour la grande iustice en quoy ils les maintiennent. Or entendez, que sur le commencement de Iuillet, qui est le temps que pour la seconde fois on fauche les foins en Italie, vn Mardy matin, s'estoient venus embuscher à vn iect d'arc de la dicte ville, (qui est alentour pleine d'arbres, tellement qu'on ne sçauoit veoir guieres loing,) les dicts Capitaines Messire André Gritti, & Messire Luce Maluezze, avec quatre cent hommes d'armes, & deux mille hommes de pied. Or en ceste ville de Padoüe chascun iour se recueilloit ordinairement force foins, & en ce cartier là font les charettes grandes, de sorte que au passer en vne porte elles y entrent quasi à force. Le iour de leur embusche, dés le poinct du iour, ces charettes commencerēt à entrer dedans la dicte ville. Quand quatre eurent passé, apres la cinquiesme venoient six hommes d'armes Venitiens, & derriere chascun de leurs cheuaulx vn homme de pied, garny de hacquebute, toute chargée. Et parmy eulx auoient vn trompette, pour sonner incontinent qu'ils auroient gaigné la porte, afin que la grosse force qui estoit en embusche veint. Si peu de lansquenets qui estoient dedans la ville faisoient fort bon guet, & ne renoient que deux portes ouuertes, où pour le moings

y auoit tousiours à chascune trente hommes de garde. Il y auoit vn Gentil-homme en la ville nommé Messire Geralde Magurin, qui estoit aduertty par la Seigneurie de ceste entreprinse, & auoit en charge que quand il verroit l'affaire commencé se debuoir mettre en armes, & tous ceulx qui tenoient leur party. Ceste cinquiesme charette veint à passer, laquelle entrée, ces six hommes d'armes qui suyuoient commencerent à crier *Marco, Marco*. Leurs gens de pied se iecterent à terre, & deschargerent leurs hachebutes, de sorte que chascun tua son homme, car ils tiroient en bute. Les pauures lansquenets qui se veirent surprins feurent bien estonnez. Toutesfois ils se meirent en defense, & sonnerent l'alarme. Cela leur valut peu. Car incontinent que la trompette eust esté entenduë, la grosse flote va venir, faisant vn bruit merueilleux, en criant *Marco, Marco, Italie, Italie*. D'une autre part ce Gentil-homme Messire Geralde Magurin auoit faict son effort en la ville, dont des maisons sortirent plus de deux mille hommes armez avec ronçons, & iauelines. De façon que les lansquenets ne sceurent que faire, sinon qu'ils se ferrerent, & tous ensemble se vont iecter en la place, où ils se meirent en bataille. Ne demeura guieres, qu'ils ne feussent assaillis en deux ou trois lieux. Mais oncques gens ne se defendirent mieulx, car ils feurent plus de deux heures deuant qu'on les sceust rompre. En fin il veint tant de gens, qu'ils ne peurent plus soustenir le fais. Ils feurent ouuerts, rompus, & tous mis en pieces, sans que iamais en feust

Louys prins vn à mercy. Qui feut grosse pitié. Mais ils
 XII. vendirent bien leur vie. Car d'entre eulx ne peut
 mourir que ce qui y estoit: mais ils tuèrent plus de
 quinze cent hommes, tant de la ville, que des gens
 de guerre. Toutesfois la ville de Padoüe feut prinse,
 en laquelle bien tost apres surueint le Comte de
 Petiglane, qui meit grosse diligence pour la faire
 remparer, & fortifier, bien considerant qu'elle fe-
 roit bon besoin à la Seigneurie. Ces nouuelles vein-
 drent aux oreilles de l'Empereur, qui cuida desespé-
 rer, & feit vœu à Dieu qu'il s'en vengeroit, & que
 luy mesme iroit en personne. Ce qu'il feit. Il escriuit
 vnes lectres au Roy de France, qui estoit encores à
 Milan, que son plaisir feust de luy ayder de cinq
 cent hommes d'armes, pour trois mois, à ce qu'il
 peust mectre les Venitiens à la raison. Ce qui luy
 feut accordé, & s'en ensuyuit ce que vous orrez.

CHAPITRE XXXI.

*Comment le Roy de France enuoya le Seigneur
 de la Palisse au secours de l'Empereur, avec
 cinq cent hommes d'armes, & plusieurs
 Capitaines, desquels estoit le bon
 Cheualier sans peur, &
 sans reproche.*

QUAND



VAND le Roy de France entendit que Padoüe estoit reuoltée, feut bien marry, & encores plus de ce que c'estoit par la faulte de l'Empereur, qui pour garder vne telle ville, auoit seulement enuoyé huiët cent lansquenets. Toutesfois à la requeste du dict Empereur, commanda au Seigneur de la Palisse, qu'il preint cinq cent des plus gaillards hommes d'armes qui feussent en Italie, & qu'il s'en allast au seruice de l'Empereur qui descendoit au Padoüan. Le dict Seigneur qui ne demandoit que telles commissions, car c'estoit toute sa vie que la guerre, delibera faire son preparatif. Et ainsi qu'il sortoit du Chasteau de Milan, trouua le bon Cheualier, auquel il dict, Mon compaignon mon amy, voulez vous pas que nous soyons de compaignée? Si luy declara l'affaire plus au long. Il qui ne demandoit pas mieulx, mesmement d'estre en sa compaignée, gracieusement luy respondit qu'il estoit à luy, pour en disposer à son plaisir. De ceste mesme entreprinse feurent le Baron de Bearn, qui mena vne partie de la compaignée du Duc de Nemours, le Baron de Conty, qui auoit cent hommes d'armes, le Seigneur Theode de Triulce, le Seigneur Iules de Sainct Seuerin, le Seigneur de Humbercourt, le Capitaine de la Clayette, le Seigneur de la Crote, Lieutenant du Marquis de Montferrat, & le bon Cheualier. Avec lesquels cinq cent hommes d'armes, se meirent en compaignée plus de deux cent Gentils-hommes. Et entre autres le fils aîné

Louys
XII.

Louys
XII.

du Seigneur de Bucy , cousin germain du grand Maistre, Seigneur de Chaumôt, qui luy bailla vingt de ses hommes d'armes. Et deux gaillards Gentilshommes, l'un appelé le Seigneur de Bonnet , Breton, tres-renommé Cheualier , & l'autre le Seigneur de Mypont, du Duché de Bourgongne, lesquels le bon Cheualier tenoit avec luy comme ses freres, & fort les honnoroit , pour la grande proüesse qu'il sçauoit en eulx. Le cas du gentil Seigneur de la Palisse prest commença à marcher avec ses compaignons, & tira droict à Pesquaire. Cependant le Roy de France s'en retourna en son Royaume, laissant sa Duché , & ce qu'il auoit conquis sur ses ennemis paisible. Il fault sçauoir que incontinent que les Venitiens eurent repris Padoüe, s'en allerent courir iusques deuant Vincence , qui incontinent se retourna. Aussi n'est elle pas ville pour tenir contre puissance. Ils en voulurent autant faire de Verone: mais le bon Seigneur de la Palisse, qui en auoit esté aduerty, deslogea avec ses compaignons, deux heures deuant iour, d'un lieu appelé Villefranche, & se veint presenter deuât la ville. Qui leur donna crainte, & par ce moyen s'en retournerent les dicts Venitiens vers Vincence. Mais s'ils eussent peu gaigner Verone , le secours du Seigneur de la Palisse s'en pouuoit bien retourner. Car la ville est forte, & passe par dedans vne riuere fort impetueuse. Tellement que sans autre effort que de gend'armerie n'eust pas esté renduë si tost. Bien en preint au Seigneur de la Palisse de sa bonne diligence, mesmement de celle

du bon Cheualier, qui tousiours menoit les auant-
coureurs. Il n'auoit lors que trente homme d'armes
soubz luy : mais il en y auoit vingt cinq qui meri-
toïent d'estre Capitaines de cent. Toute ceste troupe
de gend'armerie entra dedans Verone, où l'Euef-
que de Trente, qui y estoit pour l'Empereur, les re-
ceut à grand' ioye. Car il auoit eu belle peur. Ils feu-
rent seulement deux iours dedans la ville, fort bien
festoyez des habitans, & puistirerent vers Vincen-
ce. Où incontinent que ceulx que la Seigneurie y
auoit mis le sceurent deslogerent, & se retirerent les
vngs à Padoüe & les autres à Treuise. Dedans Vincen-
ce feut le Seigneur de la Palisse, & ses compai-
gnons, cinq ou six iours, attendans quelques nou-
uelles de l'Empereur, lequel on disoit estre desia aux
champs. Quand ils veirēt qu'il n'approchoit point,
partirent de Vincence, & allerent en vn gros villai-
ge appellé Castelfranc, cū ils séjournerent quinze
iours. Cela estoit à dix milles de Padoüe. Cependant
arriua au camp des François le Seigneur du Reu,
auec quelques hommes d'armes Bourguignons. Et
enuiron six mille lanquenets, que conduisoit vn
Seigneur d'Allemagne, gentil Prince, & hardy, en-
treprenant à merucilles, comme ill'a monstré, tant
qu'il a vescu, On l'appelloit le Prince d'Anhalt. Au
commencemēt d'Aoust, arriua l'Empereur au pied
de la montaigne, au dessoubs d'vn Chasteau appel-
lé Bassan, & tout son equippage apres luy. Lequel
combien qu'il n'y eust pas grande montaigne à pas-
ser, demeura huiet iours entiers, auant qu'il feust en

Louys

XII.

la plaine. L'Empereur veid le Seigneur de la Palisse, & les Capitaines François, auxquels il feit tres-bonne chere. Ceste veüe premiere feut aupres d'une petite ville appellée Est, dont les Ducs de Ferrare portent le furnom. Pour lors y auoit ensemble vne des belles armées qu'on eust veüe cent ans auparauant.

CHAPITRE XXXII.

Comment l'Empereur Maximilian alla mettre le siege deuant Padoüe, & ce qu'il adueint durant iceluy.



L'EMPEREUR se feit longuement attendre, dont il ennuyoit aux François: mais vous deuez aussi entendre qu'il arriua en la plaine en Empereur. Et si sa puissance eust bien voulu faire son debuoir, c'estoit assez pour conquerir vn monde. Parquoy est bien requis que son equippage soit descript, qui tel estoit. Il auoit cent six pieces d'artillerie sur roüe, dont la moindre estoit vn faulcon, & six grosses bombardes de fonte, qui ne se pouuoient tirer sur affust: mais estoient portées chascune sur vne puissante charette chargées avec engins. Et quand on vouloit faire quelque batterie, on les descendoit. Et quand elles estoient à terre, par le deuant avec vn engin on leuoit vn peu la bouche de la piece, sous laquelle on mettoit vne grosse piece de bois, &

derriere faisoit on vn merueilleux taudis, de peur qu'elle ne reculast. Ces pieces portoient boulets de pierre, car de fonte on ne les eust sceuleuer, & ne pouuoient tirer que quatre fois le iour au plus. Il auoit en sa compaignée que Ducs, Comtes, Marquis, & autres Princes & Seigneurs d'Allemagne bien six vingt, & enuiron douze mille cheuaulx, cinq ou six cent hommes d'armes Bourguignons, & Hennuyers. De gens de pied lansquenets ils estoient sans nombre: mais par estimation on les prenoit à plus de cinquante mille. Le Cardinal de Ferrare veint pour son frere au secours du dict Empereur, qui amena douze pieces d'artillerie, cinq cēt cheuaulx, & trois mille hommes de pied. Et autant, ou peu moins en amena le Cardinal de Mantoüe. Brief avec les hommes d'armes François on tenoit au camp y auoir cent mille combatans. Vn grand deffault estoit quant à l'artillerie. Car il n'y auoit equippage, que pour la moitié. Et quand on marchoit, estoit force que partie de l'armée demeurast pour la garder, iusques à ce que la premiere bende feust deschargée au camp, où on vouloit sejourner, & puis le charroy retournoit querir l'autre, qui estoit grosse fascherie. Le dict Empereur se leuoit fort matin, & incontinent faisoit marcher son armée, & ne se logeoit volontiers qu'il ne feust deux ou trois heures apres midy. Qui n'estoit pas, veu la saison, pour rafraischir les gens d'armes sous leur armet. Le premier camp qu'il feit feut pres du Palais de la Royne de Cypre, distant de Padoue huiēt

Louys milles. Où arriua le Seigneur de Millaut, vn ieune
XII. Gentil-homme de France, hardy, & en reprenant
Capitaine, fils d'un vertueux & faige Cheualier le
Seigneur d'Alegre, avec bien mille ou douze cent
auenturiers François, tous gens d'élite & d'escar-
mouche. En ce camp mesme feut conclud d'aller
mettre le siege deuant la ville de Padoüe. Et pour
ceste cause feut assemblée le conseil, où il y eut diuer-
ses opinions. Car l'Empereur auoit vn Lieutenant
general, de Nation Grec, qu'on appelloit le Sei-
gneur Constantin, qui vouloit faire toutes choses
à sa teste, dont en fin tres-mal en preint à son mai-
stre, comme vous orrez. Il feut vn peu soupçonné
de trahison, & l'en voulut le Seigneur de la Palisse
combattre: mais il ne feut possible le faire venir au
poinct. Or laissons ce propos, iusques à ce qu'il sera
besoin d'en parler. Conclusion feut prinse à ce con-
seil d'aller mettre le siege au dict Padoüe. Et que
pour les approches les gens d'armes François feroiēt
la pointe, avec le Prince de Anhalt, & ses lansque-
nets, qui estoit la plus triomphante bende de tous
les Allemans. Mais que premier il estoit tres-neces-
saire prendre vne petite ville, appelée Montielles,
où il y auoit vn Chasteau tres-fort, à six ou sept mil-
les de Padoüe. Parce que la garnison qui estoit de-
dans pour la Seigneurie, eust peu merueilleusement
fascher le camp & les viures, qui y venoient. Le len-
demain matin, se partit l'armée, & veint loger à de-
my mille de ceste petite ville, qui ne teint point, car
guieres ne valloit. Mais le Chasteau estoit deffenfa-

ble pour vn long temps, si les coquins qui estoient dedans eussent rien valu. Mais le cœur leur faillit incontinent. Car les approches faictes, & l'ennemie eut faict bien peu de breche, & malaisée, feut sonnè l'alarme pour aller à l'affault. Il falloit bien monter vn grand ject d'arc, mais les auenturiers François du Capitaine Millaut y feurent soubdainement, & sembloit qu'ils n'eussent mangé de huiet iours, tant legers estoient. Ceulx de dedans feirent quelque resistance: mais guieres ne continuerent. Car en moings d'un quart d'heure ils feurent emportez, & tous mis en pieces. Ces auenturiers y feurent assez bon butin, & entre autres choses y auoit sept ou huiet vingt fort beaux cheuaulx. La ville & Chasteau feurent rendus és mains du Duc de Ferrare, qui les querelloit: mais il presta trente mille ducats. Deux iours apres ceste prinse de Montfelles deslogea l'armée, qui s'en alla droict deuant Padoüe où feut assis le siege.

CHAPITRE XXXIII.

Comment l'Empereur Maximilian planta son siege deuant Padoüe, Et les gaillardes approches faictes par les Gentils-hommes François. Et d'une grande hardiesse que monstra le bon Cheualier sans peur, & sans reproche.

Louys
VII.



APRES LA prinse de la ville & Chasteau de Montfelles, & iceluy baillé entre les mains du Cardinal de Ferrare, qui là estoit pour son frere, il y meit bonne garnison. Le Duc de Ferrare estoit d'un autre costé, faisant la guerre aux Venitiens. Et en la mesme année leur donna vne rouverte sur le Pau, qui ne leur porta guieres moings de dommage, que le iour qu'ils perdirent la bataille contre le Roy de France. Car ainsi que les dictz Venitiens estoient deliberez luy destruire vn quartier de pays sur le Ferrarois, appelé le Polesine de Rouigue, meirent sur le Pau quatorze ou quinze galeres, & trois ou quatre mille hommes dedans, & veindrent partans de Chiose iusques à Francolin. Mais le Duc de Ferrare auoit faict faire deux bastillós, l'un à l'endroit de la tour de Loifelin, & l'autre al Popos, qui sont l'un deuant l'autre. Et auoit trois ou quatre mille bons hommes dedans, & quatre bonne galeres sur le Pau bien armées & equippees. Il sceut que ses ennemis estoient descendus en terre, ou la plus part, il les alla trouuer, & les deffait, sans que nul en eschappast. Depuis avec ses galeres & autres grosses barques alla combattre les galeres, qui quasi estoient toutes desnüées de gens. Desquelles deux feurent effondrées, & six prinſes, avec tout l'equippage & artillerie qui estoit dessus, dont il y auoit trente bonnes pieces de fonte, sans les hacquebutes. Ce feut vne triomphante victoire, & à peu de perte, sinon que le Comte Ludouic de la Mirandole y feut tué,
d'un

d'un coup d'artillerie. Les Venitiens y eurent gros & merueilleux dommaige.

Louys
XII.

OR retournons au camp de l'Empereur. L'armée deslogea de deuant Montfelles, & tout d'une traicte s'en veint à un mille de Padoüe, qui est une fort grosse Cité, & fiere à l'aborder. Dedans estoit le Comte de Petiglanc, accôpaigné de mille hommes d'armes, douze mille hommes de pied, & bien deux cent pieces d'artillerie. Et quelque siege qu'il y eust, iamaïs ne leur peut estre osté la voye d'un canal qui va à Venise, lequel passe par la ville. Et y a seulement dix huit milles de l'une à l'autre. Quand l'armée eust ainsi approché la ville, l'Empereur assembla tous ses Capitaines, mesmement les François, auxquels il portoit gros honneur, pour entendre où seroit planté le siege. Chascun en dit son aduis: mais pour conclusion feut ordonné que le gros camp, auquel seroit la personne de l'Empereur, se logeroit à la porte qui va à Vincence, & auroit les François avec luy. A une autre porte plus hault seroit le Cardinal de Ferrare, les Bourguignons, & Hennuyers, avec dix mille lansquenets. Et à une au desfous, seroit le Cardinal de Mantoüe, le Seigneur Iean de Mantoüe, son frere, & la troupe des lansquenets du Prince de Anhalt. Afin que chascune des dictes deux bendes feust secourüe du gros camp, si besoin estoit. Cela feut trouué tres-bon, & n'y eut plus que du marcher. Le bon Cheualier sans peur, & sans reproche, feut ordonné pour les approches, lequel eust en sa compaignée le ieune Seigneur de

Louys
XII.

Bucy, & les Capitaines la Clayete, & la Crote. Or pour venir deuant ceste porte de Vincence, falloit entrer en vn grand chemin droict comme vne ligne, où ils auoient faict quatre grosses barrieres, à deux cent pas l'une de l'autre, & à chascune auoit à qui combattre. Des deux costez de ce chemin, comme sçauent ceulx qui ont esté en Italie, y auoit fossez, parquoy on ne les pouuoit prendre que par le deuant. Sur les murailles de la ville auoient force artillerie, où ils battoient sur ce grand chemin, par dessus leurs gens, à la venüe des François, si menu & souuent qu'il sembloit gresle. Nonobstant cela le bon Cheualier & ses compagnons commencerent à escarmoucher. Et viuement veindrent à la premiere barriere, à laquelle eust fort assault, & y pleuuoient les coups de hacquebute : toutesfois elle feut gaignée, & les ennemis repoussez iusques à la seconde. Si la premiere feut bien combatuë, encores ceste le feut mieulx. Et y feut blessé d'un coup de hacquebute au bras le ieune Seigneur de Bucy, & son cheual tué sous luy. Mais nonobstant cela ne feut possible le faire retirer, & croyez que pour ce iour oncques homme ne feist mieulx que luy. Le Capitaine Millaut arriua à ceste seconde barriere, avec cent ou six vingt de ses rustres qu'il auoit esleus, lesquels feirent raige. Or il fault entendre que ces approches se faisoient enuiron midy, parquoy faisoit assez clair pour veoir les mieulx combatās. Vne bonne demie heure dura l'assault à ceste seconde barriere, qui en fin feut gaignée. Et si viuement sui-

uis ceulx qui la gardoient, qu'ils n'eurent loisir de-
meurer à la troiefme, ains leur conueint fans com-
bat l'abandonner, & eulx rendre à la quatriefme. Où
il y auoit mille ou douze cent hommes, & trois ou
quatre faulconneaus, qui commencerent à tirer le
long de ce grand chemin : mais peu de mal feirent,
finon qu'ils tuèrent deux cheuaulx. Ceste barriere
n'estoit que à vn iect de pierre du bouleuart de la
ville, qui donnoit grand couraige aux gens de la
Seigneurie de bien combattre. Ce qu'ils feirent, car
l'affault y dura vne heure, à coups de picques & de
hacquebutes. Quand le bô Cheualier veid que cela
duroit tant, il dit à ses compaignons, Messeigneurs,
ces gens icy nous amusent trop, descendons à pied,
& pouffons à ceste barriere. Si descendirent incont-
nient iusques à trente ou quarante hommes d'ar-
mes, quila veüe leuée vont droict à ceste barriere à
poux de lance. Ce gentil Prince de Anhalt estoit
toufiours ioignant du bon Cheualier. Et le Seigneur
de Millaut, avec deux autres, l'un nommé grand
Jean le Picard, & l'autre, le Capitaine Mauleurier,
qui faisoient raige. Maistoufiours aux Venitiens, ve-
noient gens frais. Quoy voyant par le bon Cheua-
lier, dit tout hault. Messeigneurs ils nous tiendront
toufiours d'icy à six ans en ceste sorte, sans rien faire,
car ils se rafraichissent de gens à toute heure. Don-
nonsleur vn aspre assault, & puis que chascun face
comme moy. Ce qui luy feut accordé. Sur cela il
dit, Sonnetrompette. Et puis comme vn lyon à qui
on a osté ses faons va avec ses compaignons liurer.

Louys
XII.

vn merueilleux assault, tellement qu'il feit aux ennemis abandonner la barriere, de la longueur d'une picque. Alors en cryant, Auant compaignons, ils sont nostres, va saulter icelle barriere, & trente ou quarante apres luy, qui feurent fort bien recueillis. Toutesfois quand les François veirent le danger, où f'estoient mis leurs compaignons, chascun se meit à passer. Et cryant *France, France, Empire, Empire*, feirent vne telle charge sur leurs ennemis, qu'ils leur feirent guerpir la place, tournerent le dos, & tout abandonnerent, eulx retirans comme quasi rompus en la ville. Ainsi feurent gaignées les barrieres de deuant Padoüe, en plein midy, où les François acquerent gros honneur, tant ceulx de cheual, que de pied, mesmement le bon Cheualier, à qui chascun en donnoit la gloire. Si feurent faictes les approches, & l'artillerie amenée sur le bort du fossé, qui y demeura six sepmaines, sans partir, & iusques au siege leuer, qui feut tel que vous entendrez.

CHAPITRE XXXIV.

De la grosse et lourde baterie, qui feut deuant Padoüe, & de la grande breche qui y feut faicte.



ES APPROCHES faictes deuant Padoüe, & l'artillerie assise, chascun se logea en son cartier, en trois camps, selon l'ordonnance cy deuant dicte. Et fault entendre qu'il y auoit tant de peuple, que le dict

camp tenoit de tous costez plus de quatre milles de pays. Et feut vne merueilleuse chose, que durant le siege, qui feut de deux mois, ou enuiron, les fourrageurs n'allerent iamais plus loing que de six milles du camp, pour auoir force foins, bleds, auoines, chairs, poullailles, vins, & autres choses necessaires, tant pour les hommes, que pour les cheuaulx. Et si grande abondance y en auoit, que quand on leua le siege, feut brullé pour cent mille ducats de viures, dont on auoit fait prouision, cuidant que plus longuement durast le siege. C'est vn incident, venons à la matiere. Le lendemain des approches, commencerent les canonniers à faire leur debuoir. Et sans cesser, dura huiët iours la baterie, qui feut la plus impetueuse, & terrible, que cent ans auparauant auoit esté veüe. Car il y feut tiré des trois camps plus de vingt mille coups d'artillerie. Si l'Empereur ou ses gens seruoient bien d'artillerie ceulx de la ville, croyez que de leur part rendoient bien la pareille, & beaucoup mieulx. Car pour vn bien qu'on leur faisoit en rendoient deux. Bref la dicte ville feut si bien battüe, que de toutes les trois breches ne s'en feist que vne. Durant ce temps, feut prins vn des canonniers de l'Empereur, qu'on trouua en lieu de tirer en la ville, qu'il tiroit contre les gens. Et disoit l'on que ce Seigneur Constantin le luy faisoit faire, & qui pis estoit chascun iour aduertissoit le Comte de Petiglance de ce qu'il auoit à faire. Je ne sçay si il estoit vray, mais le canonnier feut mis sur vn mortier, & enuoyé par pieces en la ville. Il en feut dict assez

Louys
XII.

d'iniures au dict Seigneur Constantin, mais on ne pouuoit prouuer le faict sur luy. Le Seigneur de la Palisse l'appella lasche & meschât, & qu'il l'embroiât: mais il ne respondit rien à propos, & en fait sur l'heure l'Empereur qui en estoit coiffé l'appointement. Or ces trois breches mises en vne elle estoit de quatre à cinq cens pas. Qui estoit assez beau passage pour donner l'assault. Car quant aux fosses ce n'estoit pas grand' chose. Mais le Comte de Petiglance auoit si bien accoustré la ville par dedans, que s'il y eust eu cinq cent mille hommes deuant, ils n'y feussent pas entrez, si ceulx de dedans eussent voulu. Et vous declareray comment. Derriere la breche pour entrer en la ville, auoit iceluy Comte de Petiglance faict faire vne trenchée ou fossé à fonds de cuue, de la haulteur de vingt pieds, & quasi autant de largeur. En icelle auoit faict mettre force fagots, & vieil bois, bien enrosez de pouldre à canon. Et de cent pas en cent pas y auoit bouleuart de terre garny d'artillerie, qui tiroient le long de ceste trenchée. Apres icelle passée, s'il eust esté possible, toute l'armée des Venitiens estant en la dicte ville se trouuoit en bataille à cheual, & à pied. Car il y auoit belle esplanade, iusques à mettre vingt mille hommes de pied & de cheual en ordre. Et derriere estoient plates formes, où on auoit monté vingt ou trente pieces d'artillerie, qui par dessus leur armée eussent tiré sans leur mal faire, droit à la breche. De ce terrible danger feurent les François aduertis par aucuns prisonniers, qui aux escarmouches quelques fois estoient

prins , & par leur rançon payer rendus , auxquels monstroit le Comte toutes ces choses, afin qu'ils le remonstrassent au Seigneur de la Palisse, & aux Capitaines François. Et disoit encores ces paroles à leur departir. I'espere mes amis, avec l'ayde de Dieu, que le Roy de France, & la Seigneurie retourneront en amitié quelque iour. Et n'estoit les François qui sont avec l'Empereur, croyez que deuât qu'il feust vingt & quatre heures ie sortiroye hors de ceste ville, & si en ferois leuer le siege honteusement. Je ne scay comment il eust faict cela, au nombre de gens qu'il auoit deuant luy. Bien feurent r'apportez ces propos aux Seigneurs Capitaines de France: mais ils n'y pensoient autrement. Pource que par leur maistre estoient au seruice de l'Empereur, pour faire ce qu'il leur ordonneroit. Vous auez ouy cy dessus la belle breche qui estoit à la ville, qui trop grande estoit, & feust ce pour aller mille hommes de front, de quoy l'Empereur feut deuëment acertené. Si se delibera y donner l'assault, comme vous orrez cy apres. Mais premier vous parleray d'une course, que feit le bon Cheualier avec ses compaignons.

CHAPITRE XXXV.

Comment le bon Cheualier sans peur, & sans reproche, durant le siege de Padoüe feit une course avec ses compaignons, où il acquist gros honneur.

Louys
XII.



DURANT le siege de Padoüe souuent venoient alarmes au camp del'Empereur, tant des faillies que faisoïët ceulx de la ville, que de leurs gens qui estoïët en garnison dedans Treuise, bonne & forte ville, qui est à vingt ou vingt & cinq milles du dict Padoüe. En icelle entre autres Capitaines estoit Messire Luce Maluezze, homme de guerre, & entreprenant, s'il en y auoit point au monde. Deux ou trois fois la sepmaine refueilloit sans trompette le camp del'Empereur, & s'il voyoit qu'il y feïst bon, ne s'espargnoit pas parmy ses ennemis, & par le contraire s'il n'y faïloit bon, fort faïgement se retiroit, & ne perdit iamais vn homme. Tant cōtinua ce train, qu'il feit parler de luy à merueilles. Ceste maniere de faire fascha fort au bon Cheualier. Et sans grād bruit, par des espies à qui il dōnoit tant d'argent, que pour mourir ne l'eussent trompé, entendit beaucoup des allées & des venuës du dict Maluezze, de sorte qu'il delibera l'aller trouuer aux champs. Si veint à deux de ses compaignons, & qui estoient logez auec luy, dont l'un estoit le Capitaine la Clayete, & l'autre le Seigneur de la Crote, tous deux gaillards & triomphans Capitaines. Ausquels il dit, Messeigneurs, ce Capitaine Maluezze nous donne bien de la fascherie. Il n'est gueres iour qu'il ne nous vienne refueiller, & ne se parle sinon de luy, ie n'ay pas enuie de son bien faire: mais ie suis marry qu'il ne nous congnoist autrement. I'ay beaucoup entendu de son affaire. Voulez vous venir à la guerre, & vous
verrez

verrez quelque chose, j'espère que nous le trouverons demain au matin. Car deux iours a qu'il ne nous donna alarme. Ses compagnons respondirent, Nous irons où vous voudrez. Or faictes doncques dit le bon Cheualier à deux heures apres minuiet armer chascun trente hommes d'armes, des plus gentils galans que vous ayez. Et ie meneray ma compaignée, & les bons compagnons qui sont avec moy, comme Bonnet, Mypont, Cosley, Brezon; & autres, que congnoissez comme moy. Et sans sonner trompette, ne faire bruit, monterons à cheual. Et vous süssiez que j'ay fort bonne guide. Comme il feut dict ainsi feut mis à execution. Et entre deux & trois, au mois de Septembre, monterent à cheual, leur guide deuant, qui estoit tres-bien gardé de quatre archers. Et luy auoit on promis bon payement, sil faisoit bien son debuoir: mais aussi où il iroit de trôperie, il luy alloit de là vie. Et cela auoit ordonné le bon Cheualier: parce que souuent espies sont doubles, & fôt tourner la perte où il leur plaist. Mais il feit bien son debuoir. Car de nuiet les mena bien dix milles de pays, & tellement que la pointe du iour va apparoitre. Si vont aduiser vn grand Palais, où il y auoit vne longue closture de muraille. Lors l'espie commença à dire au bon Cheualier, Monseigneur, si le Capitaine Messire Luce Malueze fort auourd'huy de Treuise, pour aller visiter vostre camp, il fault de necessité qu'il passe icy deuant. Si bon vous semble de vous cacher en ce logis, auquel n'est demeuré personne, au moyen de la

Louys
XII.

guerre, vous le verrez passer, & il ne vous pourra veoir. Cela feut trouué bon par tous les Capitaines, & se meirent dedans, où ils feurent bien deux heures, ou enuiron, qu'ils ouyrent gros bruit de cheuaulx. Le bon Cheualier auoit faict monter vn vieil archer de sa compaignée, appelé Monart, autant expérimenté en guerre, que homme viuant, dedans vn colombier, afin de veoir quels gens passeroient, & quel nombre. Si veid venir d'assez loing Messire Luce Maluezze, en nombre selon son iugement de cent hommes d'armes, l'armet en teste, & bien deux cent Albanois, que conduisoit vn Capitaine nommé Scanderbec, tous bien montez, & à leur contenance gens d'effect. Il passerent à vn iect de boule du logis, où estoiet embuschez les François. Quand ils feurent outre, Monart descendit tout ioyeux, & fait son rapport. Qui feut bien aise eut nom chascun. Si dict le bon Cheualier qu'on ressemblast les cheuaulx. Or n'y auoit il paige ne varlet en la bende. Car ainsi l'auoit il ordonné. Et dit à ses compaignons, Messeigneurs, il y a dix ans qu'il ne nous veint si belle aduenture. Si nous sommes gentils galans, ils sont deux fois plus que nous: mais ce n'est rien, Allons apres. Allons, allons dirent les autres. Ainsi eulx remontez à cheual, la porte feut ouuerte. Si allerent le beau trot apres leurs gens. Il n'eurent pas cheminé vn mille, qu'ils les vont apperceuoir sur vn beau grand chemin. Alors le bon Cheualier dict au trompette, Sonne, sonne trompette. Qui le fait incontinent. Les Capitaines Venitiens qui n'eussent iamais

pensé qu'il y eust eu gens derriere eulx, estimoient que ce feussent encores des leurs qui voulussent courir. Toutesfois ils sans tirer plus auant s'arrestèrent, & si longuement, qu'ils apperceurent au vray que c'estoient ennemis. Ils feurēt vn peu estonnez, pour se trouuer enclos entre le cāp de l'Empereur, & ceulx qu'ils voyoient, & falloit passer par là, ou par la fenestre. Cela les confortoit qu'ils ne voyoient pas grand nombre de gens. Si feit comme assuré le Capitaine Messire Luce Maluezze à tous les gens commandement de bien faire. Leur remonstrent que force estoit d'estre deffaicts, ou deffaïre les autres. Aux deux costez du chemin estoient grands fossez. Vn homme d'armes, sans estre trop bien monté, ne se feust osé aduenturer de le faillir, de peur d'y demeurer. Ainsi en quelque sorte que ce feust force estoit de combatre. Si commencerent trompettes à sonner de tous les deux costez. Et enuiron la portée d'un iect d'arc se preindrent à courir les vns sur les autres. En criant par les vns *Empire, Empire, France, France*, & les autres *Marco, Marco*. C'estoit vn droit plaisir de les ouyr. En ceste premiere charge y en eut beaucoup de portez par terre. Meismement Bonnet donna vn coup de lance, dont il percea vn homme d'armes tout oultre. Chascun se meit en son debuoir. Les Albanois s'escarterent du grand chemin, & abandonnerent leur gend'armerie, pour cuider prendre les François par le derriere. Dont bien s'aperceut le bon Cheualier, qui dit au Capitaine la Crote, Compaignon gardez le derriere, que

Louys

XII.

ne soyons enclos. Cecy est nostre. Ainsi feut faict. Et quand les dicts Albanois cuiderent approcher, feurent receus, & bien frottez. Tant qu'il en demeura vne douzaine par terre, & les autres à gaigner pays à belle fuyte. Guieres ne les suyuit le gentil Capitaine la Crote, ains retourna au gros affaire. Mais à son arriuée trouua les Venitiens en rouverte, & entendoit desia chascun à prendre son prisonnier. Messire Luce Maluezze, qui estoit monté à l'auantaige, faillit hors du grand chemin, & vingt ou trente des mieulx montez, qui se meirent à la fuite vers Treuise. Ils feurent suyuis quelque peu : mais on eust perdu sa peine. Car trop bien alloient leurs cheuaulx, avec ce que les fuyans y auoient bon vouloir. Si se retirerent iceulx de la chasse, & se meirent au retour avec leurs prisonniers, desquels y auoit plus qu'ils n'estoient de gens. Car sans nulle faulte en feut bien prins huit ou neuf vingts, ausquels ils osterent leur espèces, & masses, & les meirent au milieu d'eulx. Et ainsi arriuierēt en leur camp, où ils trouuerent l'Empereur qui se pourmenoit à l'entour. Lequel quand il veid ceste grosse poussiere, enuoya sçauoir que c'estoit, par vn Gentil-homme François de sa Maison, qu'on appelloit Louys du Peschin, Qui incontinent retourna, & dit, Sire, c'est le bon Cheualier Bayard, & les Capitaines la Clayere, & la Crote, qui ont faict la plus belle rencontre, qui cent ans a feut faicte. Car ils ont plus de prisonniers, qu'ils ne sont de gens, & ont gaigné deux enseignes. L'Empereur feut aise au possible. Si s'approcha des François, aus-

quels il donna le bon soir, & les François le saluerent, ainsi que à si hault Prince appartenoit. Si loüa chascun Capitaine en son endroict merueilleusement. Puis dit au bon Cheualier, Seigneur de Bayard, mon frere vostre maistre est bien heureux d'auoir vn tel seruiteur que vous. Je voudrois auoir donné cent mille florins de rente, & en auoir vne douzaine de vostre sorte. Le bon Cheualier respondit, Sire, vous dictes ce qu'il vous plaist, & du los que me donnez tres-humblement vous remercie. D'une chose vous vueil bien aduiser, que tant que mon maistre sera vostre allié, ne trouuerrez point de meilleur seruiteur que moy. L'Empereur le remercia, & sur ce luy & ses compaignons preindrent congé, & se retirerent à leurs logis. Iamais tel bruit ne feust demené en camp, comme il feut de ceste belle entreprinse, dont le bon Cheualier emporta la plus part de l'honneur. Combien qu'entre toutes gens en donnoit le los entierement à ses deux compaignons. Car de plus doux, ne courtois Cheualier, n'eust on sceu trouuer en tout le monde. Je feray fin à ce propos, & vous diray d'une autre course que feist le bon Cheualier tout seul.

Louys
XII.

CHAPITRE XXXVI.

D'une autre course que feist le bon Cheualier sans peur, & sans reproche, où il feut prins soixante Albanois, & trente arbalestriers.

Louys
XII.



ROIS OV quatre iours apres ceste course qu'auoient faicte ensemble les Capitaines la Crote, la Clayete, & le bon Cheualier, il feut aduertty par vn de ses espies, que dedans vn Chasteau appellé Bassan, s'estoit retiré le Capitaine Scanderbec, & ses Albanois, avec quelques autres gens de cheual arbalestriers, soubz la conduicte du Capitaine Reinald Contarin, Gentil-homme Padoüan. Et que chascun iour ils faisoient courses sur ceulx qui venoient au camp, & sur les lansquenets qui retournoient en Allemaigne, pour sauluer le bestail qu'ils auoient gaigné sur les ennemis. Tellement que depuis deux ou trois iours en auoient deffaict plus de deux cent, & recouuert plus de quatre ou cinq cent bœufs, & vaches, qu'ils auoiēt retiré dedans ce Chasteau de Bassā. Et que si par vn matin se vouloit rencontrer en vn passaige, au pied d'une montaigne, au dessoubz du dict Chasteau, ne faudroit point à les trouuer. Le bon Cheualier qui tousiours auoit trouué l'espie veritable, aussi l'auoit il enrichy de plus de deux cent ducats, delibera y aller, sans en parler à personne. Car il luy estoit bien aduis, veu qu'il auoit entendu qu'ils n'estoient pas plus de deux cent cheuaulx legers en tout, qu'il les defferoit bien avec ses trente hommes d'armes, qui estoient tous gens d'esslite. Toutesfois il auoit encores huiet ou dix Gentils-hommes avec luy, & lesquels estoient venus en sa compaignée pour leur plaisir au camp de l'Empereur, seulemēt pour l'amour qu'ils portoient

au bon Cheualier. Et eulx avec sa compaignée n'estoient pas gens pour estre deffaicts en peu d'heures. Il leur compta son entreprinse, sçauoir s'ils en vouloient estre. C'estoit leur vie, & ne demandoient autre chose. Parquoy vne heure deuant iour, par vn Sabmedy, au mois de Septembre, monterent à cheual, & feirent bien quinze milles, tout d'une traicte, iusques à ce qu'ils veinssent au passaige où l'espie les mena. Mais ce feut si couuertement, que oncques ne feurent apperceus. Et si cela estoit aussi pres du Chasteau, que la portée d'un canon. La s'embuscherent, où guieres ne feurent, qu'ils ouyrent vn trompette au Chasteau, qui sonnoit à cheual, dont ils feurent bien resiouys. Le bon Cheualier demanda à son espie à son aduis quel chemin ils prendroient. Il respondit, Quelque part qu'ils vueillent aller, il fault par force qu'ils passent par dessus vn petit pont de bois, qui est à vn mille d'icy, que deux hommes garderoient contre cinq cent. Mais qu'ils ayent passé ce pont, vous enuoyerez de vos gens quelque peu, pour le garder, à ce qu'ils ne retournent au Chasteau. Et ie vous meneray par le derriere de ceste montaigne en vn passaige que ie sçay, si ne fauldrez point à les rencontrer en la plaine, entre cy & le Palais de la Royne de Cypre. C'est bien aduisé dit le bon Cheualier, qui demeurera à ce pont? Le Seigneur de Bonnet dit, Mon compaignon Mypont & moy le garderons s'il vous plaist, & nous laisserez quelques gens avec nous. Je le veulx bien dit il. Petit Jean de la Vergne, & tels & tels iusques

Louys au nombre de six hommes d'armes & dix ou douze
XII. archers vous feront compaignée. En deuifant fur ce
propos, vont aduifer ces Albanois, & arbalestriers
defcendre du Chafteau, qui fembloient aller aux
nopces, & faire auffi beau butin, comme ils auoient
faict depuis deux iours: mais il leur alla bien autre-
ment, comme vous orrez. Quand ils feurent paffe-
z, Bonnet alla droict au pont, avec fes gens. Et le bon
Cheualier avec le refte de fa compaignée, s'en alla
droict au paffaige, où l'efpie le mena, qui fi bien le
guida, qu'en moins de demie heure le rendit en la
plaine, où on eust veu vn homme à cheual, de fix
milles loing. Si vont aduifer enuiron la portée d'vne
longue couleurine leurs ennemis, qui marchotent
le chemin de Vincence, où ils penfoient trouuer
leur proye. Le bon Cheualier appella le bastart du
Fay, fon guidon, & luy dit, Capitaine prenez vingt
de vos archers, & allez à ces gens là efcarmoucher.
Quand ils vous verront fi petit nombre, ils vous
chargeront, n'en faiçtes doubte. Tournez bride, fai-
fant de l'effrayé, & les amenez iufques icy, où ie vous
attendray à la cofte de cefte montaigne, & vous
verrez beau ieu. Il ne luy conueint pas dire deux
fois. Car il fçauoit le meftier de la guerre le poffible.
Si commença à marcher, tant qu'il feust apperceu
des ennemis. Le Capitaine Scanderbec ioyeux de
cefte rencontre, commença à marcher fierement
avec fes gens, tant qu'ils apperceurent les François
aux croix blanches. Si commencerent à les charger,
criant *Marco, Marco*. Le bastart du Fay qui fçauoit
fa

sa leçon par cœur commença à faire l'effrayé, & à se mettre au retour. Il feut viuement pourfuiuy, & de façon qu'il feut rembarré iusques à l'embusche du bon Cheualier, qui avec ses gens l'armet en teste, & l'espée au poing, comme vn lyon veint donner dedans, en escryant *France, France, Empire, Empire*. De ceste premiere charge y eut des ennemis portez par terre plus de trente. Le premier assaut feut dur & aspre; mais en fin les Albanois & arbalestriers se meirent en fuite, le grand galop, cuidans gagner Bassan, dont ils sçauoient fort bien le chemin. S'ils faisoient leur debuoir de courir, les François faisoient debuoir de chasser. Toutesfois trop bien alloient leurs cheuaults legers. Et eust le bon Cheualier perdu sa proye, n'eust esté ce pont que gardoit Bonnet, lequel avec son compaignon Mypont, & les gens qu'ils auoient, deffendirent le passage aux ennemis. De façon que le Capitaine Scanderbec congneut bien qu'il falloit combattre, ou fuyr à l'aduenture. Ce qu'ils aymerent mieulx eslire, & se meirent en fuite à bride abatuë. Mais si bien feurent les espérons chauffez, qu'il feut prins soixante Albanois, & trente arbalestriers, avec les deux Capitaines. Le demeurant s'en alla à trauers pays vers le Treuisan. En la compaignée du bõ Cheualier, puis six iours auoit esté fait archer vn ieune Gentil-homme du Dauphiné, nommé Guy Guiffroy, fils du Seigneur de Boutieres, lequel n'auoit point plus de seize à dix-sept ans: mais il estoit de bonne Race, & auoit grand desir d'ensuyure ses parens. Durant le combat il veid

Louys celui qui portoit l'enseigne des arbalestriers de
XII. Reinald Contarin, qui s'estoit iecté au delà d'un fossé, & se vouloit sauuer. Le ieune garçon se voulut essayer, & passa apres luy, & avec sa demie lance luy donna si grand coup, qu'il le porta par terre, & la rompit. Puis mit la main à l'espée, & luy escryoit, Rends toy enseigne, ou ie te tuëray. L'enseigne ne vouloit pas encores mourir, si bailla son espée & son enseigne au ieune enfant, auquel il se rendit, qui n'en eust pas voulu tenir dix mille escus. Si le feit remonter sur son cheual, & le mena droict où estoit le bon Cheualier, qui faisoit sonner la retraicte, & y auoit tant de prisonniers, qu'il ne scauoit qu'en faire. Bonnet veid venir de loing le ieune Boutieres; & dit, Monseigneur, ie vous prie voyez venir Guy, il a prins vn prisonnier, & vne enseigne, & en ces paroles arriua. Le bon Cheualier quand il le congneut, feut si ayse qu'oncques ne le feust plus. Et dit, comment Boutieres, auez vous gaigné ceste enseigne, & prins ce prisonnier? Ouy Monseigneur, respondit il, puis qu'il a pleu à Dieu, il n'a faict que saige de se rendre, autrement ie l'eusse tué. Dont toute la compaignée se preint à rire, mesmement le bon Cheualier, qui tant auoit d'ayse que merueilles. Et dit, Boutieres bon amy, vous auez bon commencement, Dieu le vous vueille continuer. Aussi a il faict. Car depuis par ses vertus a esté Lieutenant de cent hommes d'armes, que le Roy de France donna au bon Cheualier, apres ce qu'il eust si bien gardé la ville de Mesieres contre les gens de l'Empereur,

comme verrez quand temps sera. Apres ces propos, le bon Cheualier dit à Bonnet, à Mypont, au Capitaine Pierrepont, lors son Lieutenant, gentil Cheualier, faige, & hardy, & aux plus apparens, Messieurs, il nous fault auoir ce Chasteau. Car il y a gros butin dedans, ce fera pour nos gens. Ce seroit bien fait dirent les autres, mais il est fort, & n'auons point d'artillerie. Taisez vous dit il, ie sçay la maniere comment ie l'auray deuant vn quart d'heure. Il fait appeller les Capitaines Scanderbec, & Reynald Contarin, auxquels il dit, Sçauiez vous qu'il y a Seigneurs, faictes rendre ceste place incontinent, car ie sçay bien qu'en auez le pouuoir, ou sinõ ie fais vœu à Dieu que ie vous feray trencher la teste deuant la porte, tout à ceste heure. Ils respondirent qu'ils le feroient, s'il leur estoit possible. Ce qu'ils feirent. Car vn nepueu du Capitaine Scanderbec la tenoit, qui la rendit incontinent que son oncle eust parlé à luy. Le bon Cheualier & tous ceulx de sa compaignée y monterent, & trouuerent plus de cinq cent bœufs, & vaches, & force autre butin, qui feut esgalement party, tant que chascun feut content. Le bestail feut mené vendre à Vincence. Ils feirent tres-bien repaistre leurs cheuaulx, & y repeurent aussi, car ils trouuerent assez de quoy. Le bon Cheualier fait seoir à table les deux Capitaines Venitiens, & comme ils acheuoient de disner, voicy arriuer le petit Boutieres, qui venoit veoir son Capitaine, & amenoit son prisonnier, lequel estoit deux fois aussi hault que luy, & aagé de trente ans. Quand le bon Cheualier

Louys

XII.

le veid se preint à rire. Et dit aux deux Capitaines Venitiens, Messeigneurs, ce ieune garçon, qui estoit paige n'a pas six iours, & n'aura barbe de trois ans, a prins vostre enseigne, c'est vn gros cas. Je ne sçay comment vous faictes: mais nous autres François ne baillons pas volontiers nos enseignes sinon aux plus suffisans. L'enseigne Venitien eust honte, & se veid à ceste occasion fort abaissé de son honneur. Si dit en son langaige, Par ma foy Capitaine ie ne me suis pas rendu à celuy qui m'a prins, par peur de luy, car luy seul n'est pas pour me prendre prisonnier. I'eschapperoie bien de ses mains, & de meilleur homme de guerre que luy, mais ie ne pouuois pas combattre vostre trouppes moy seul. Le bon Cheualier regarda Boutieres, auquel il dit, Escoutez que dit vostre prisonnier, que vous n'estes pas homme pour le prendre. Le ieune enfant feut bien marry, & comme courroucé respondit, Monseigneur, ie vous supplie m'accorder ce que ie vous demanderay. Ouy vrayement dit le bon Cheualier, Qu'est ce? C'est dit il que ie rebayllay à mon prisonnier son cheual, & ses armes, & ie monteray sur le mien, nous irons là bas, si ie le puis conquerir encores vne fois, soit asseuré de mourir, & i'en fais vœu à Dieu, & s'il peut eschapper, ie luy donne sa rançon. Iamais le bon Cheualier ne feust plus ayse de propos, & dict tout hault, Vrayement ie le vous accorde. Cela ne seruit de rien. Car le Venitien ne voulut pas accepter l'offre, dont il n'eust guieres d'honneur, & par le contraire le petit Boutieres beaucoup. Apres dis-

ner, le bon Cheualier & les François remonterent à cheual, & retournerent au camp, où ils emmenerent leurs prisonniers. De ceste belle prinse feut bruit plus de huiët iours, & en feut donné grande loüange au bon Cheualier par l'Empereur, & par tous les Allemans, Hennuyers, & Bourguignons. Mesmement le bon Seigneur de la Palisse en feut tant ayse que merueilles, auquel feut compté le tour qu'auoit faiët le petit Boutieres, & l'offre qu'il auoit faiëte à son prisonnier. S'il en feut ris par tout le camp ne fault pas demander. Bien diët le Seigneur de la Palisse qu'il congnoissoit de longue main la Race de Boutieres, & que de ceste Maison estoient tous gaillards Gentils-hommes. Ainsi alla de ceste aduenture au bon Cheualier sans peur, & sans reproche, pour ceste fois.

Louys
XII.

CHAPITRE XXXVII.

Comment l'Empereur delibera donner l'assault à Padoüe, & l'occasion pourquoy il demeura.



VOUS AVEZ entendu cy deuant comment l'artillerie de l'Empereur, du Duc de Ferrare, & Marquis de Mantouë, auoit faiët trois breches, toutes mises en vne, qui contenoit demy mille, ou peu s'en failloit. Ce que par vn matin l'Empereur accompaigné de ses Princes, & Seigneurs d'Al-

Louys lemaigne alla veoir. Dont il s'esmerueilla, & se don-
xii. noit grand honte, au nombre de gens qu'il auoit,
que plustost il n'auoit faict donner l'assault. Car ja y
auoit trois iours que les canonniers ne tiroient que
à pierre perduë en la ville, pource que à l'endroit
où ils estoient, n'y auoit plus de muraille. Parquoy
luy reuenu à son logis, qui estoit distant de celuy du
Seigneur de la Palisse d'un iect de boulle seulement,
appella un sien Secretaire François, auquel il feit es-
crire vnes lettres au dict Seigneur, qui estoient en
celle substance. Mon cousin, i'ay à ce matin esté
veoir la breche de la ville, que ie trouue plus que rai-
sonnable, à qui voudra faire son debuoir, i'ay adui-
sé dedans aujourd'huy y faire donner l'assault. Si
vous prie que incontinent que mon grand tabou-
rin sonnera, qui sera sur le midy, vous faictes tenir
prests tous les Gentils-hommes François, qui sont
sous vostre charge, à mon seruice, par le comman-
dement de mon frere le Roy de France, pour aller
au dict assault avec mes pietons. Et i'espere avec l'ai-
de de Dieu que nous l'emporterons. Par le mesme
Secretaire qui auoit escript la lettre l'enuoya au Sei-
gneur de la Palisse, lequel trouua assez estrange ce-
ste maniere de proceder. Toutesfois il en dissimula.
Bien dit au Secretaire, ie m'esbahis que l'Empereur
n'a mandé mes compaignons & moy, pour plus as-
seurément deliberer de cest affaire. Toutesfois vous
luy direz que ie les vois enuoyer querir, & eulx ve-
nus leur monstreray la lettre. Je croy qu'il n'y aura
celuy qui ne soit obeïssant à ce que l'Empereur voul-

dra commander. Le Secretaire retourna faire son messaige, & le Seigneur de la Palisse manda tous les Capitaines François, lesquels veindrent à son logis. Desia estoit bruit par tout le camp que l'on donneroit l'assault à la ville sur le midy, ou peu apres. Lors eussiez veu vne chose merueilleuse, Car les Prebsters estoient retenus à poids d'or à confesser, pour ce que chascun se vouloit mettre en bon estat. Et y auoit plusieurs gens d'armes qui leur bailloient leur bourse à garder. Et pour cela ne fault faire nulle doubte que Messeigneurs les Prebsters n'eussent bien voulu que ceulx dont ils auoient l'argent en garde feussent demeurez à l'assault. D'une chose veulx bien aduiser ceulx qui liront ceste Histoire, que cinq cent ans auoit qu'en camp de Prince ne feut veu autant d'argent, qu'il y en auoit là. Et n'estoit iour qu'il ne se desrobaist trois ou quatre cent lanquenets, qui emmenoient bœufs & vaches en Allemagne, liets, bleds, soyes à filer, & autres vtenfiles. De sorte que au dict Padoüan feut porté dommage de deux millions d'escus, qu'en meubles, qu'en maisons & Palais bruslez, & destruits. Or reuenons à nostre propos. Les Capitaines François arriuez au logis du Seigneur de la Palisse leur dit, Messeigneurs, il faut disner. Car i'ay à vous dire quelque chose, que si ie le vous disoye deuant, par aduenture ne feriez vous pas bonne chere. Il disoit ces paroles par ioyeuseté. Car assez congnoissoit ses compaignons, qu'il n'y auoit celuy qui ne feust vn autre Hector, ou Roland, & sur tous le bon Cheualier,

Louys qui oncques en sa vie ne s'estonna de chose qu'il
XII. veid, ne ouyst. Durant le dîner ne se feirent que
gaudir les vns des autres. Tousiours en vouloit le
dict Seigneur de la Palisse au Seigneur de Humbercourt, qui luy rendit bien son change, en toutes paroles d'honneur, & de plaisir. Je croy que vous auez
ouy nommer cy deuant tous les Capitaines François qui estoient là ensemble: mais ie croy qu'en
tout le reste de l'Europe on n'en eust pas encores
trouué autant de la sorte. Apres le dîner on fait sortir tout le monde de la chambre, excepté les Capitaines à qui le Seigneur de la Palisse communicqua
la lectre de l'Empereur, qui feut leüe deux fois, pour
mieulx l'entendre. Laquelle ouye, chascun se regarda l'un l'autre en riant, pour veoir qui commenceroit la parole. Si dit le Seigneur de Humbercourt, il ne fault point tant songer. Monseigneur dit il au
Seigneur de la Palisse, mandez à l'Empereur que nous sommes tous prests. Il m'ennuye desia aux
champs, car les nuiets sont froides, & puis les bons
vins commencent à nous faillir, dont chascun se
preint à rire. Il n'y eust celuy de tous les Capitaines, qui ne parlast deuant le bon Cheualier, & tous s'accordoient au propos du Seigneur de Humbercourt.
Le Seigneur de la Palisse le regarda, & veid qu'il faisoit semblant de se curer les dents, comme s'il n'auoit pas entendu ce que ses compaignons auoient
proposé. Si luy dit en riant. He puis l'Hercules de France qu'en dictes vous? Il n'est pas temps de se curer les dents, il fault respondre à ceste heure promptement

ptement à l'Empereur. Le bon Cheualier qui tousiours estoit coustumier de gaudir, ioyeusement respondit, Si nous voulons trestous croire Monseigneur de Humbercourt, il ne fault que aller droict à la breche. Mais pource que c'est vn passetemps assez fascheux à hommes d'armes que d'aller à pied, ie m'en excuserois volontiers. Toutesfois puis qu'il fault que i'en die mon opinion, ie le feray. L'Empereur mande en sa lectre que vous faciez mectre tous les Gentils-hommes François à pied, pour donner l'assault avec ses lansquenets. De moy combien que ie n'aye guieres des biens de ce monde: toutesfois ie suis Gentil-homme. Tous vous autres Messeigneurs estes gros Seigneurs, & de grosses Maisons. Et si sont beaucoup de nos gens d'armes. Pense l'Empereur que ce soit chose raisonnable de mectre tant de Noblesse en peril & hazard avec des pietons, dont l'un est cordonnier, l'autre mareschal, l'autre boulenger, & gens mecaniques, qui n'ont leur honneur en si grosse recommandation que Gentils-hommes? C'est trop regardé petitement, sauf sa grace, à luy. Mais mon aduis est que vous Monseigneur dit il au Seigneur de la Palisse, debuez rendre response à l'Empereur, qui fera telle. C'est que vous auez fait assembler vos Capitaines, suyuant son vouloir, qui sont tres-deliberez de faire son commandement, selon la charge qu'ils ont du Roy leur maistre. Et qu'il entend assez que leur dict maistre n'a point de gens en ses Ordonnances, qui ne soient Gentils-hommes. De les meller parmy gens de pied, qui

Louys
XII.

font de petite condition, seroit peu faict d'estime d'eulx. Mais qu'il a force Comtes, Seigneurs, & Gentils-hommes d'Allemaigne, qu'il les face meëtre à pied avec les gensd'armes de France, & volontiers leur monstrent le chemin. Et puis les lansquenets les suyurent, fils congnoissent qu'il y face bon. Quand le bon Cheualier eust dict son opinion, n'y eust autre chose repliqué: mais feust son conseil tenu à vertueux & raisonnable. Si feut à l'Empereur rendu ceste responce, qu'il trouua tres-honneste. Si fait incontinent & tout soubdainement sonner ses trompettes, & tabourins, pour assembler son rain, où se trouuerent tous les Princes, Seigneurs, & Capitaines, tant d'Allemaigne, Bourgongne, que Hainault. Lesquels assemblez, l'Empereur leur declara comme il estoit deliberé dedans vne heure donner l'assault à la villé, dont il auoit aduertty les Seigneurs de France, qui tous estoient fort desirans d'y tres-bien faire leur debuoir. Et qu'ils le prioient que avec eulx allassent les Gentils-hommes d'Allemaigne, ausquels volontiers pour eulx meëtre les premiers monstrent le chemin. Parquoy Messeigneurs ie vous prie tant que ie puis les y vouloir accompagner, & vous meëtre à pied avec eulx. Et i'espere, avec l'ayde de Dieu, que du premier assault nous emporterons nos ennemis. Quand l'Empereur eust acheué son parler, soubdainement se leua vn bruit fort merueilleux & estrange parmy ses Allemans, qui dura vne demie heure, auant qu'il feust appaisé. Puis l'un d'entre eulx chargé de respōdre pour tous,

dit qu'ils n'estoient point gens pour eulx meſtre à pied, ny aller à vne breche, & que leur vray eſtat eſtoit de combattre en Gentils-homme à cheual. Et autre reſponſe n'en peut auoir l'Empereur. Mais combien qu'elle ne feust pas ſelon ſon deſir, & ne luy pleust guieres, il ne ſonna mot, ſinon qu'il dict, Bien Meſſeigneurs, il faudra doncques aduiſer comment nous ferons pour le mieulx. Et puis ſur l'heure appella vn ſien Gentil-homme nommé Rocandolf, qui d'heure en autre venoit parmy les François comme Ambaſſadeur, (Et à vray dire, la plus part du temps eſtoit avec eulx,) Auquel il dit, Allez au logis de mon couſin le Seigneur de la Paliffe, recommandez moy à luy, & à tous Meſſeigneurs les Capitaines François que trouuerez avec luy, & leur dictes que pour ce iourd'huy ne ſe donnera pas l'aſſault. Il alla faire ſon meſſaige, & chaſcun par ce moyen ſ'en alla deſarmer, les vngs ioyeux, & les autres marris. Je ſuis bien aſſeuré que les Prebſtres n'en feurent paſtrop aiſes. Car il leur feut beſoing rendre ce qu'on leur auoit baillé en garde. Je ne ſçay comment ce feut, ne qui en donna le conſeil : mais la nuit apres ce propos tenu, l'Empereur ſ'en alla tout d'une traicte à plus de quarante milles du camp, & de ce logis là manda à ſes gens qu'on leuaſt le ſiege. Ce qui feut faiſt, comme vous entendrez.

Louys
XII.

Louys
XII.

CHAPITRE XXXVIII.

Comment l'Empereur se retira du camp de deuant Padoüe, quand il congneut que ses Allemans ne vouloient pas donner l'assault.



LE NE fault pas demander si l'Empereur feut bien courroucé, quand il eust entendu le bon vouloir des Capitaines François, & que ses gens d'Allemagne ne vouloient rien faire pour luy. Dont de ceste opinion n'estoit pas le gentil Prince de Anhalt, qui ne demandoit autre chose, & s'offroit à l'Empereur, & pareillement se veint excuser & presenter aux Capitaines François. Entre autres Capitaines qu'il auoit parmy ses bendes, y en auoit vn qu'on nommoit le Capitaine Iacob, qui depuis feut au seruice du Roy de France, & mourut à la Iournée de Rauenne, comme vous entendrez, Lequel chascun iour alloit escarmoucher avec les François, & de hardiesse & de toute hōnesteté estoit accomply à merueilles. Mais ces deux Allemans ne pouuoient pas satisfaire à tout. L'Empereur enflé de courroux, & fascherie, le lendemain deux heures deuant iour, sans bruit faire, accompagné de cinq ou six cent cheuaulx de ses plus priuez seruiteurs, deslogea de son camp, & s'en alla tout d'une traicte.

à quarante milles de là tirant en Allemagne. Et manda au Seigneur Constantin, son Lieutenant general, & au Seigneur de la Palisse, qu'ils leuassent le camp, le plus honnestement qu'il seroit possible. Chascun s'esbahit assez de ceste façon de faire, mais on n'en eust autre chose. Les Capitaines tant François, Allemans, que Bourguignons eurent conseil ensemble, où ils conclurent leuer le siege, qui estoit assez fascheux & malaisé, pour auoir fix ou sept vingts pieces d'artillerie deuant la ville, & n'y auoit pas d'equippaige pour en mener la moitié. Les François feurent ordonnez à tenir escorte, tant que l'artillerie seroit leuée. Mais le gentil Prince d'Anhalt, qui assez cōgnoissoit la turpitude de sa Nation, avec sa bende qui estoit de sept à huit mille hommes, ne partit oncques d'aupres l'artillerie, qui luy feut tourné à gros honneur. Car depuis le matin au poinct du iour iusques à deux heures de nuict conueint tenir bataille, & si on mangea ce ne feust guieres à son aise. Car d'heure en autre y auoit chaulds & aspres alarmes, parce que ceulx de la ville faisoient force faillies, & grosses. Aussi qu'il conuenoit mener vne partie de l'artillerie au camp, où on alloit loger, puis la laisser là & ramener les cheuaulx & bœufs querir le demeurant. Sans perte nulle des gens de l'Empereur ny des François se leua le siege. Vn grād mal y eust, que les lansquenets meirent le feu en tous leurs logis, & par tout où ils passoient. Le bon Cheualier par charité feit demeurer sept ou huit de ses hommes d'armes en vn beau logis, où il s'estoit te-

Louys nu durant le siege, pour le sauuer du feu, iusques à ce
 XII. que les dictz lansquenets feussent passez oultre. Et
 vous assure que tels bouteux ne luy plaisoient
 guieres. De camp en camp l'armée vint iusques à
 Vincence, où là enuoya l'Empereur quelque pre-
 sent au Seigneur de la Palisse & à tous les Capitaines
 François, selon sa puissance. Car il estoit assez libe-
 ral, & n'estoit possible trouuer vn meilleur Prince,
 s'il eust eu de quoy donner. Vn mal auoit en luy,
 qu'il ne se fioit à personne, & tenoit à part luy ses
 entreprinſes si secretes, que cela luy a porté beau-
 coup de dommaige en sa vie. De Vincence s'en re-
 tournerent la plus part de tous les Allemans, vne
 partie demeura en la ville, pour la garder avec le Sei-
 gneur du Reu. Si s'en retournerent le Seigneur de la
 Palisse, & tous ses compaignons, enuiron la Touf-
 ſaincts, au Duché de Milan. Excepté le bon Cheua-
 lier sans peur, & sans reproche, qui demeura quel-
 que temps en garnison à Verone, où il receut beau-
 coup d'honneur, comme vous orrez. Les Venitiens
 tenoient encores vne ville nommée Lignago, où ils
 auoient grosse garnison, & souuent faisoient cour-
 ses contre ceulx du Veronois.

CHAPITRE XXXIX.

*Comment le bon Cheualier sans peur, & sans
 reproche, estant à Verone fait vne course sur les
 Venitiens, où il feut prins et rescous deux fois
 en vn iour, & quelle en feut la fin.*



E BON Cheualier sans peur , & sans reproche , feut ordonné en garnison à Verone , avec trois ou quatre cent hommes d'armes , que le Roy de France presta à l'Empereur. Où peu de temps apres ceulx qui estoient pour le dict Empereur à Vincence , congnoissans que la ville n'estoit pas pour tenir , s'en veindrent retirer au dict Verone , parce que les dicts Venitiens estoient forts aux champs , & marchaient pour y venir meestre le siege. Mais quand ils la veirent abandonnée , tirerent leur armée iusques à vn villaige nommé Sainct Boniface , à quinze ou dixhuiet milles du dict Verone. C'estoit sur le temps de l'hyuer , & conuenoit aux soldats qui estoient dedans la ville , enuoyer au fourrage pour leurs cheualx , aucunes fois bien loing. Tellement que bien souuent se perdoient des varlets , & des cheualx , tant qu'il feut besoin leur donner escorte. Mais il n'estoit guieres iour qu'ils ne rencontraissent les ennemis , & se frotoient tres-bien l'un l'autre. De la part des Venitiens y auoit vn Capitaine fort gentil galand , & plein d'entreprises , qui s'appelloit Iean Paul Manfron , lequel chascun iour faisoit courses iusques aux portes de Verone. Et tant continua , qu'il en fascha au bon Cheualier : lequel se delibera au premier iour que les fourrageurs iroient aux champs , luy mesme leur aller faire escorte , & vser de quelque subtilité de guerre. Mais si secretement ne le peut faire , que par vn espie qui se tenoit à son logis n'en feust aduertie le Ca-

Louys
XII.

pitaine Manfron. Parquoy delibera quand il iroit aux champs mener si bonne force, que s'il rencontroit le bon Cheualier, luy faire receuoir de la honte. Vn leudy matin feurent mis les fourrageurs hors de Verone, & à leur queue trente ou quarante hommes d'armes, & archers, que conduisoit le Capitaine Pierrepont, Lieutenant du dict bon Cheualier, qui estoit saige, & aduisé. Si se iecterent à l'escart du grand chemin, pour aller chercher les cassines, & faire leurs charges. Le bon Cheualier accompagné de cent hommes d'armes, qui ne pensoit point estre descouuert, s'estoit allé iecter en vn villaige sur le grand chemin, appelé Sainct Martin, à six milles du dict Verone. Et enuoya quelques coureurs pour descouurir, qui guieres ne feurent loing, sans veoir leurs ennemis en nombre de cinq cent cheuaulx, ou environ, lesquels marchaient droit vers ceulx qui alloient au fourraige. Ils en veindrent faire leur rapport au dict bon Cheualier, qui en feut fort ioyeux, & incontinent monta à cheual, avec la compaignée qu'il auoit, pour les aller trouuer. Le Capitaine Jean Paul Manfron, qui par l'espie auoit esté aduertie de l'entreprinse, auoit fait embuscher en vn Palais pres de là cinq ou six cent homes de pied picquiers, & hacquebutiers, ausquels il auoit tres-bien chanté leur leçon. Et entre autres choses, qu'ils n'eussent à sortir, iusques à ce qu'ils le verroient retirer, & que les François le chasseroient. Car il feroit semblant de fuyr, & par ce moyen ne fauldroit point à les enclore, & defaire. Le bon Cheualier qui s'estoit
mis

mis aux champs, ne fait pas deux milles, qu'il ne veid à clair les ennemis. Si commença à marcher droict à eulx, & en criant *Empire, & France*, les voulut aller charger. Ils firent quelque contenance de tenir bon : mais quand ils les veirent approcher, commencerent à eulx retirer le long d'un chemin, & droict à leur embusche, laquelle ils trespasserent d'un peu. Et alors s'arresterēt tout court, & en criant *Marco, Marco*, se meirent en deffense vaillamment. Les gens de pied sortirent de leur embusche, qui firent un merueilleux cry, & veindrent ruër sur les François, en tirant force hacquebutes. Dont d'un coup feut tué le cheual du bon Chevalier entre ses iambes, qui tomba si mal à pounct, que un de ses pieds tenoit deffoubs. Ses homes d'armes qui pour mourir ne l'eussent iamais laissé là, firent vne grosse enuahie, & en descendit l'un à pied qu'on appelloit Grandmont, lequel iecta son Capitaine hors de ce peril. Mais quelques armes qu'ils feissent, ne leur peurent de tant seruir, que tous deux ne demeurassent prisonniers parmy les gens de pied, qui les vouloient desarmer. Le Capitaine Pierrepont qui estoit avec les fourrageurs ouyt le bruit, si y courut le grand galop incontinent. Et vint à si bonne heure, qu'il rencontra son Capitaine, & Grandmont, en dur party. Car desia les tiroit on hors de la presse, pour les emmener à sauueté. Il ne fault pas demander s'il feut ioyeux. Car comme un lyon frappa sur ceulx qu'il tenoit, lesquels soudain abandonnerent leur prinse, & se retirerent à leur troupe, qui com-

Louys
XII.

batoit contre le reste des François furieusement. Le bon Cheualier & Grandmont feurent incontinent remontez, & s'en retournerent droict au secours de leurs gens, qui auoient beaucoup à souffrir, car ils estoient assaillis deuant & derriere: mais à la reuenüe du dict bon Cheualier & du Capitaine Pierrepont feurent beaucoup soulagez. Toutesfois le ieu estoit mal party. Car les Venitiens estoient quatre contre vn, & puis ces hacquebutiers faisoient beaucoup de mal aux François. Si commença le bon Cheualier à dire au Capitaine Pierrepont, Capitaine, si nous ne gagnons le grand chemin, nous sommes affollez, & si nous sommes vne fois là, nous nous retirerons en despit d'eulx, & si n'aurons point de perte, aydant Dieu. Ie suis bien de cest aduis dit le Capitaine Pierrepont. Si commécerent tousiours combatans à eulx retirer sur ce grand chemin, où ils parueindrent: mais ce ne feut pas sans beaucoup souffrir. Neantmoins encores n'auoient point perdu de gens: mais si auoient bien les ennemis, comme quarante ou cinquante hommes de pied, & sept ou huit de cheual. Quand le bon Cheualier & les François feurent sur ce grand chemin, qui tiroit à Verone, se ferrerent & meirent à la retraicte tout doucement, & de deux cent pas en deux cent pas retournoient sur leurs ennemis, tant gaillardement que merueilles. Mais ils auoient ces gens de pied à leurs ailles, qui tiroient coups de hacquebute menu & souuent. De façon que à la dernière charge feut encores tué le cheual du bon Cheualier, qui le

sentant chancelier, se iecta à pied, l'espée au poing, où il feit merueilles d'armes. Mais bien tost feust enclos, & eust eu mauuais party, quand le bastard du Fay son guidon, avec ses archers, veint faire vne charge si furieusement, que au milieu de la troupe des Venitiens recouura son Capitaine, & le remonta à cheual, en d'espit d'eulx, Puis se ferrent avec les autres. La approchoit la nuit, parquoy commanda le bon Cheualier qu'on ne chargeast plus, & qu'il suffisoit bien se retirer à leur grand honneur. Ce qu'ils feirent iusques à Sainct Martin, dont le matin estoient partis. Il y auoit vn pont garny de barrieres, au bout duquel ils s'arrestèrent. Le Capitaine Iean Paul Manfron congneut bien que plus ne leur sçauoit porter dommaige, & puis qu'ils pourroient estre secourus de Verone. Si feit sonner la retraicte, & se meit au retour vers Sainct Boniface, ses gens de pied deuant luy, qui estoient fort lassez de ceste iournée, où ils auoient combatu quatre ou cinq heures. Et voulurent sejourner en vn villaige à quatre ou cinq milles du dict Sainct Boniface, dont le Capitaine Iean Paul Manfron n'estoit pas d'opinion, & s'en retourna avec ses gens de cheual bien despit, dont il auoit esté si bien galoppé, & par si peu de nombre de gens. Le bon Cheualier, & ses gens, pour ce soir se logerent en ce villaige de Sainct Martin, où ils feirēt grand' chere de ce qu'ils auoient, en parlāt de leur fort belle retraicte. Car ils n'auoient perdu que vn archer, & quatre cheualx tuēz, & leurs ennemis auoient porté lourde perte au pris.

Louys
XII.

En ces entrefaictes, vn de leurs espies va arriuer, lequel venoit du dict Sainct Boniface. Il feut mené deuant le bon Cheualier, qui luy demanda que faisoient les ennemis. Il respondit, Rien autre chose. Ils sont en grosse troupe dedans Sainct Boniface, & entre eulx font courir bruit que bien tost auront Verone, & tiennent qu'ils ont grosse intelligence dedans. Comme i'en vouloye partir, est arriué le Capitaine Manfron bien eschauffé, & bien courroucé. Car i'ay ouy qu'il disoit qu'il venoit de la guerre, & que les diables d'enfer auoit trouuez, & non pas hommes. Et m'en venant à quatre ou cinq milles d'icy, suis passé en vn villaige, où i'ay laissé tout plein de leurs gens de pied qui y sont logez, & semble aduis à les veoir qu'ils soyent bien las. Alors dit le bon Cheualier, le vous donne ma vie si ce ne sont leurs gens de pied, que nous auons auourd'huy combatus, qui n'ont pas voulu aller iusques à Sainct Boniface. Si vous voulez ils sont nostres. La lune est claire, faisons repaistre nos cheuaulx, & sur les trois ou quatre heures allons les refueiller. Son opinion feut trouuée bone. On feit penser les cheuaulx le mieulx qu'on peut. Et apres auoir assis le guet, chascun se meit au repos. Mais le bon Cheualier qui taschoit d'acheuer son entreprinse, ne reposa guieres: ains environ les trois heures apres minuiet, sans faire bruit, monta à cheual, avec ses gens, & s'en vint droit à ce villaige, où estoient demeurez les gens de pied Venitiens. Lesquels ils trouuerent endormis comme beaulx pourceaulx, sans aucun guet, au moings.

fil y en auoit, il feut tres-mauuais. Eulx arriuez, commencerent à crier *Empire, Empire, France, France, à mort, à mort.* A ce ioyeulx chant, s'esueillierent les rustres, qui sortoient des maisons les vns apres les autres: mais on les assommoit comme bestes. Leur Capitaine accôpaigné de deux ou trois cent hommes se iecta sur la place du villaige, où là se cuidoit assembler, & fortifier: mais on ne luy en donna pas le loisir. Car il feut chargé par tant d'endroiets, que luy & tous les gens feurent rompus & deffaicts, & n'en demeura que trois en vie. Dont l'un feut le Capitaine, & deux autres Gentils-hommes, qui estoient freres. Pour lesquels en les relaschant, on retira deux autres Gentils-hommes François, prisonniers es prisons de la Seigneurie de Venise. Quand le bon Cheualier eust du tout & à son grand honneur acheué son entreprinse, ne voulut plus sejourner, doubtant nouuel inconuenient. Si se retira avec tous les gens dedans Verone, où il feut receu à grand ioye. Et au contraire les Venitiens, quand ils sceurent la perte de leurs gens, feurent bien marris. Et en voulut Messire André Gritti, Prouidadour de la Seigneurie, blasmer le Capitaine Iean Paul Mantron, de ce qu'il les auoit laisse derriere. Mais il s'excusa tres-bien, disant qu'il n'auoit esté à luy possible les tirer du villaige, où ils auoient esté deffaicts, & de l'inconuenient les auoit tres-bien aduisez: mais iamaïs ne les auoit sceu rengier à cōgnoître la raison. Toutesfois en luy mesme se pensa bien venger en peu de iours: mais il accreust sa honte, ainsi que vous entendrez.

Louys

XII.

CHAPITRE XL.

*Comment le bon Cheualier cuida estre trahy par
vn espie, qui auoit promis au Capitaine Iean
Paul Manfron le mettre entre ses
mains, & ce qu'il en adueint.*



SEPT OV huit iours apres ceste belle course, le Capitaine Iean Paul Manfron bien desplaisant de ce que si lourdement auoit esté battu & repoussé, ses gens morts, & perdus, sans aucunement ou moins que rien auoir dommaigé ses ennemis, delibera de se venger en quelque sorte que ce feust. Il auoit vn espie, lequel alloit & venoit souuent de Verone à Saint Boniface, & seruoit à luy, & au bon Cheualier, donnant à entendre à chascun des deux, qu'il ne taschoit que à leur faire seruice. Mais tousiours ont ces espies le cœur à l'vn plus que à l'autre beaucoup, comme cestuy mesme auoit au Capitaine Manfron. Qui par vn iour qu'il eust vn peu pensé à son affaire, luy dit. Il fault que tu ailles à Verone, & donnes à entendre au Capitaine Bayard, que la Seigneurie de Venise a escript au Prouidadour, qu'il m'enuoye dedans Lignago, pour la garde de la place. Pource qu'on enuoye querir le Capitaine qui y est, pour l'enuoyer en Leuant, avec vn nombre de galeres. Que tu sçais certainement que ie par-

tiray demain au poinct du iour, avec trois cent che-
 uaulx legers, & que de gens de pied ie n'en mene
 point. Je suis asseuré qu'il a le cœur si hault, qu'il ne
 me laissera iamais passer, sans me venir escarmou-
 cher. Et s'il y vient, j'espere qu'il ne s'en retournera
 point qu'il ne soit mort, ou prins. Parce que ie me-
 neray deux cent hommes d'armes, & deux mille
 hommes de pied, que ie feray embulcher à Isole de
 l'escala, vers le quel lieu s'il me vient veoir veulx estre
 rencontré. T'aduillant que si tu sçais bien faire ta
 charge, te promets ma foy donner cent ducats d'or.
 Les espies comme chascun sçait ne sont creez que
 par Dame auarice, & aussi de six qu'on en prend, s'il
 en eschappe vn, doibt bien louer Dieu. Car la vraye
 medecine qu'ils portent pour le mal qui les tient
 c'est vn cordeau. Or ce galand promet au Capitai-
 ne Iean Paul Manfron qu'il sçauroit bien faire le cas.
 Si s'en veint incontinent à Verone, droict au logis
 du bon Cheualier. Car leans estoit assez congneu de
 tous les seruiteurs, qui cuidoient certainement qu'il
 feust totalement au seruice de leur maistre. Ils le luy
 amenerent, ainsi qu'il acheuoit de soupper, lequel
 incontinent qu'il le veid, luy fit vn fort bon recueil,
 & luy dit, Vincētin tu foyes le bien venu, tu ne viens
 pas sans cause, quelles nouuelles? Lequel respondit,
 Tres-bonnes Monseigneur, Dieu mercy. Si se leua
 incontinent le bon Cheualier de table, & traicpie
 à part, pour sçauoir que c'estoit. Il luy compta de
 poinct en poinct le faict, & le luy fit trouuer si
 bon, qu'oncques homme ne feut plus ioyeux. Si

Louys

XII.

Louys commanda qu'on menast soupper Vicentin, &
xii. qu'on luy feit grosse chere. Puis aprestira à part le Capitaine Pierrepont, le Capitaine la Varenne, qui portoit son enseigne, le bastard du Fay, & vn Capitaine de Bourgongne, qui ce soir souppoit avec luy, qui s'appelloit Monseigneur de Sucre. Ausquels il compta ce que l'espie luy auoit dict, & comment le Capitaine Iean Paul Manfron se retiroit dedans Lignago le lendemain, & ne menoit que trois cent cheualx. Parquoy s'ils se vouloient monstrier gentils compaignons, son voyage ne s'acheueroit point sans coups ruër, & que la matiere requeroit brieue yssuë. A son dire chascun trouua goust. Et sur l'heure feut conclusion prinse qu'ils partiroyent au poinct du iour, & meneroient deux cent hommes d'armes. Dont del'entreprinse esleurent le Seigneur de Conty, & l'en aduertirent, à ce qu'il se teint prest comme les autres. Lequel ne s'en feit guieres prier, car c'estoit vn tres-gentil Cheualier. Cela deliberé tout le monde se retira à son logis, pour faire accoustrer son cas pour le matin. Mesmement le Capitaine Sucre, qui assez loing estoit du sien. Qui feut bonne aduventure. Car ainsi qu'il s'en retournoit va aduiser l'espie, qui estoit venu parler au bon Cheualier, lequel sortoit de la maison d'un Gentil-homme de Verone, qu'on estimoit estre fort mauuais Imperial, & au contraire auoit Marco escript dedans le cœur, qui le feit doubter de trahison. Si vint prendre l'espie au collet, & luy demanda dont il venoit. Il ne sceut promptement respondre, & changea de couleur,

couleur, qui le fait doubter de plus en plus. Et tour-
na tout court saisy de l'espie droict de là où il venoit
de soupper. Luy arriué, trouua que le bon Cheua-
lier se vouloit mettre dedans le liect. Toutesfois il
preint vne robe de nuit, & s'asseirent aupres du feu
eulx deux ensemble, & seulet. Car cependant feut
baillé l'espie en bonne garde. Le Capitaine sur ce
declara au bon Cheualier l'occasiõ de son soubdain
retour. Qui estoit pour auoir trouué l'espie sortant
de la maison de Messire Baptiste Voltege, qui
estoit le plus grand Marquesque qui feust au mon-
de. Et par ce doubtoit qu'il y eust de la meschance-
té. Car dit il quand ie l'ay surprins est deuenue eston-
né à merueilles. Quand iceluy bon Cheualier eust
entendu ce propos, ne feut pas sans doubte non
plus que le Capitaine Sucre. Il feut venir l'espie, au-
quel il demanda qu'il estoit allé faire au logis de
Messire Baptiste Voltege. Il dit premierement qu'il
estoit allé veoir vn parent qu'il y auoit, apres il teint
vn autre propos, & en fin feut trouué en cinq ou
six paroles. On apporta des gresillons, esquels on
luy meit les deux poulces, pour le veoir parler d'v-
ne autre sorte. Le bon Cheualier luy dit, Vicentin
dictes la verité, sans rien celer, & ie vous promects
en foy de vray Gentil-homme que quelque chose
qu'il y ait ie ne vous feray faire nul mal, quand bien
ma mort y seroit conspirée: mais par le contraire si
ie vous trouue en mensonge, vous feray pendre &
estrangler demain au poinct du iour. L'espie con-
gneut bien qu'il estoit prins, si se iecta à deux ge-

Louys
XII.

Louys nouils, demandant misericorde, qui luy feut asseu-
xii. rément promise. Si cōmencea à compter de poinct
en poinct la trahison, & comment le Capitaine Iean
Paul Manfron auoit faict embuscher à Isole de l'es-
cale deux cent hōmes d'armes, & deux mille hom-
mes de pied, pour deffaire le bon Cheualier. Et qu'il
venoit du logis de Messire Baptiste Voltege, pour
l'aduertir de l'entreprinse. Et aussi l'aduiler com-
ment il pourroit trouuer moyen, par quelque nuit
liurer vne des portes de la ville au Prouidadoyr
Messire André Gritti. Et plusieurs autres choses dit
ce vilain espion. Bien declara que Messire Baptiste
Voltege luy auoit dict qu'il ne se mesleroit iamais
de telle meschanceré, & que puis qu'il estoit sous
l'Empereur, qu'il y vouloit viure, & mourir. Quand
il eust faict son beau sermon, le bon Cheualier luy
dit, Vicentin i'ay mal employé les escus que ie vous
ay donné, & dedans vostre corps repose le cœur
d'un lasche & meschant homme, combien que ia-
mais ne vous ay guieres estimé autre. Vous auez biē
defferuy la mort: mais puis que ie vous ay promis
ma foy, vous n'aurez nul mal, & vous feray meētre
hors de la ville seurement. Mais gardez que tant que
ie y seray n'y foyez veu. Car tout le monde ne vous
sauueroit pas, que ne vous feisse pendre & estran-
gler. Il feut emmené de deuant eulx, & enfermé en
vne chābre, iusques à ce qu'on en eust à besongner.
Le bō Cheualier dit au Capitaine Sucre, Mon amy,
que ferons nous à ce Capitaine Iean Paul Manfron,
qui nous cuide auoir par finesse. Il luy fault don-

ner vne venuë , & si vous pouuez faire ce que ie vous diray, nous ferons vne des gorgiases choses qui feut faicte cent ans a. Sucre respondit Monseigneur commendez , & vous serez obey. Allez doncques dit il tout à ceste heure au logis du Prince de Anhalt, & me recommandez humblement à sa bonne grace, declarez luy cest affaire bien amplement. Et faictes tant qu'il soit d'accord de nous bailler demain au matin deux mille de ses lansquenets , & nous les menerons avec nous le beau pas , & les laisserons quelque part en embusche , où auât que tout soit desmessé , si ne voyez merueilles , prenez vous en à moy. Le Capitaine Sucre part incontinent , & s'en alla droict au logis du Prince, qui ja dormoit. Il le feit esveiller , puis alla parler à luy , & luy compta tout ce que vous auez ouy cy dessus. Le gentil Prince qui n'aymoit rien tant que la guerre, & entre tous Gentils-hommes auoit prins vn tel amour au bon Cheualier , pour sa proüesse , que la chose eust esté bien estrange , quand il l'en eust refusé , dict qu'il estoit bien desplaisant que plustost n'auoit sceu ceste entreprinse, car luy mesme y feust allé, mais que de ses gens le bon Cheualier en pouuoit mieulx disposer que luy mesme. Et sur l'heure enuoya son Scribe en aduertir quatre ou cinq Capitaines, qui feurent, pour faire le compte court, aussi prests au poinct du iour, que les gensd'armes qui l'auoyent sceu dés le soir, & se trouuerent à la porte quand & les gensd'armes. Qui donna tiltre d'esbahissement au Seigneur de Conty, car rien ne luy en auoit esté

Louys
XII.

Louys
XII.

mandé le soir. Si s'enquit au bon Cheualier que ce pouuoit estre. Lequel luy declara bien au long tout le demené. Sur ma foy dit le Seigneur de Conty, si Dieu veult nous ferons aujourd'huy vne belle chose. La porte ouuerte, se meirent en chemin vers Isole de l'escale. Le bon Cheualier dit à Sucre. Il faut que vous & les lansquenets demeuriez embuschez à Seruode, (c'estoit vn petit villaige à deux milles d'Isole,) & ne vous souciez point. Car ie vous attireray nos ennemis iusques à vostre nez, parquoy aurez aujourd'huy assez d'honneur, si vous estes gentil compaignon. Comme il feut dict ainsi feut faict. Car arriuez au dict villaige les lansquenets, demeurerét en embusche. Et le bon Cheualier, le Seigneur de Conty, & leur trouppes, s'en vont vers Isole, faignant ne sçauoir rien de ce qui estoit dedans. Cela regardoit en vne belle plaine, où de tous costez on voyoit assez loing. Si vôt choisir le Capitaine Manfron, avec quelques cheuaulx legers. Le bon Cheualier y enuoya son guidon le bastart du Fay, avec quelques archers, pour les vn petit escarmoucher. Et luy marchoit apres le beau pas, avec les gens d'armes. Mais il ne feut guieres loing, quand il veid failir de la ville de Isole de l'escale les gens de pied de la Seigneurie, & vne trouppes d'hommes d'armes. Il feit vn peu de l'estonné, & dit au trompette qu'il sonnast à l'estandart. Quoy oyant par le bastart du Fay, selon la leçon qu'il auoit se retira avec la grosse trouppes, qui se ferrerent tres-bien. Et feignans d'eulx retirer droict à Verone, s'en vont le petit pas vers ce

villaige, où estoient leurs lansquenets. Et desia estoit allé vn archer dire au Capitaine Sucre, qu'il sortist en bataille. La gend'armerie de la Seigneurie, qui à leur aille auoient ceste troupe de gens de pied, chargeoient menu & souuent les François, & faisoient tel bruit qu'on n'eust pas ouy tonner, Pensant entre eulx, que ce qu'ils voyoient, ne leur pouuoit elchapper. Les François ne se desfroutoient point, & escarmouchoient saigement. De façon qu'ils feurent pres de Seruode, à vn iect d'arc, où ils apperceurent les lansquenets qui venoient le beau pas, & tous ferrez, lesquels se vout descouurir aux Venitiens, qui feurent bien estonnez. Le bon Cheualier dict alors, Messeigneurs, il est temps de charger. Ce que chascun feit. Et donnerent dedans les Venitiens, qui se monstrent gens de bien. Toutesfois il en feut beaucoup porté par terre. Leurs gens de pied ne pouuoient fuyr, car ils estoient trop loing de sauueté. Ils feurent pareillement chargez des lansquenets, dont ils ne peurent porter le fais, & feurent ouuerts, renuersez, & tous mis en pieces, sans en prendre vn prisonnier. Ce que veid deuant ses yeulx le Capitaine Jean Paul Manfron, qui tresbien faisoit son debuoir: toutesfois il congnoissoit assez que fil ne ioüoit de la retraicte, il seroit mort, ou prins. Si commença se retirer le grand galop vers Sainct Boniface, où il y auoit bonne traicte. Il feut assez bien suiuy. Mais le bon Cheualier feit sonner la retraicte. Parquoy tout homme s'en reueint. Mais ce feut avec gros gaing de prisonniers, & de

Louys
XII.

cheuaulx, le butin y feut fort beau. Les Venitiens y feirent grosse perte. Car tous leurs deux mille hommes de pied, & bien vingt cinq hommes d'armes y moururent. Et y en eut environ soixante de prisonniers, qui feurent menez à Verone. Oū les François, Bourguignons, & lansquenets feurent receus ioyeusement de leurs compaignons, lesquels estoient bien marris qu'ils n'auoient esté avec eulx. Ainsi alla de ceste belle entreprinse pour ceste fois, qui feut grosse fortune au bon Cheualier, & eut de tous en general grande loüange. Luy reuenu à son logis, enuoya querir l'espie, auquel il dit, Vicentin suyuant ma promesse tu t'en iras au camp des Venitiens, & demanderas au Capitaine Iean Paul Manfron, si le Capitaine Bayard est aussi subtil que luy en guerre. Et que quand il voudra pour le pris le trouuera aux champs. Il commanda à deux de ses archers le conduire hors de la ville. Ce qu'ils feirent. Il s'en alla droit à Saint Boniface, où le Seigneur Iean Paul Manfron l'apperceut, qui le fait prendre, pendre, & estrangler, disant qu'il l'auoit trahy, ne excuse qu'il sceust faire ne luy seruit en rien.

LES Venitiens tenoient encores ceste ville nommée Lignago, où ils auoient grosse garnison. Et souuent faisoient courtes ceulx du Veronois & eulx les vngs contre les autres. Et tout l'hyuer demeurèrent en ceste sorte.

1510.

SVR le commencement de l'année mille cinq cent & dix, & bien tost apres Pasques, preint congé du Roy de France Louys douziemeson nepueu le

gentil Duc de Nemours, dont de si peu de vie qu'il eust ceste Histoire fera ample mention. Car il merite bien estre cronicqué en toutes sortes. Il passa en Italie, & en sa cōpaignée mena le Capitaine Louys d'Ars, vertueux & hardy Cheualier. Oū eulx arriuez, feurent receus chascun selon sa qualité du Seigneur de Chaumont, grand Maistre de France, & Gouverneur de Milan, & de tous les Capitaines estans en Italie, tant honnestement que possible ne feroit de mieulx. Et sur tout du bon Cheualier sans peur, & sans reproche, qui tant aymé estoit du Duc de Nemours, & de son premier Capitaine Louys d'Ars. Par le commandement du Roy de France estoit encores passé le Seigneur de Molart, avec deux mille aduenturiers, & plusieurs autres Capitaines. Si alla le dict grand Maistre Seigneur de Chaumont mettre le siege deuât ceste ville de Lignago, que tenoient Venitiens. Et afin qu'elle ne feust aucunement secourüe de gens, ny de viures, feut enuoyé le Seigneur d'Alegre, avec cinq cent hommes d'armes, & quatre ou cinq mille lansquenets, qui estoient soubz la charge de ce gentil Prince de Anhalt à Vincence, qui auoit encores soubz luy ce Capitaine Iacob, qui depuis feut au Roy de France. Ceste place de Lignago le feut fort battre. Aussi y auoit il bonne artillerie, mesmement celle du Duc de Ferrare, qui entre autres auoit vne longue couleuine, de vingt pieds de long, que les aduenturiers nommoient le grand diable. En fin feurent la ville & chasteau prins, & mis à mort tout ce qui estoit de-

Louys dans, ou la plus part. En ceste prinse le Seigneur de
 XII. Molart & ses aduenturiers se porterent fort bien,
 & y eurent gros honneur. Car ils n'eurent iamais le
 loisir d'attendre que la breche feust raisonnable,
 pour y donner l'assault. Le Seigneur de Chaumont
 y cōmeit pour la garder le Capitaine la Crote, avec
 cent hommes d'armes, dont il auoit la charge sous
 le Marquis de Montferrat, & mille hōmes de pied,
 sous deux Capitaines, l'un nommé l'Herisson, &
 l'autre Iacomo Corse, Neapolitain.

DV RANT ce siege de Lignago eut nouuelles
 le Seigneur de Chaumont de la mort de son oncle
 le Legat d'Amboise, où il fit vne grosse & lourde
 perte. Car il auoit esté moyen de l'eleuer és hon-
 neurs où il estoit, & pareillement auoit faict auoir
 de grands biens à tous ceulx de sa Maison, tant en
 l'Eglise, que autrement. Car c'estoit tout le gouuer-
 nement du Roy de France Louys douziesme, & du
 Royaume. Il auoit esté vn tres-saige Prelat, & hom-
 me de bien en son temps. Et ne voulut iamais auoir
 que vn benefice, & à son trespas estoit seulement
 Archeuesque de Roüen. Il en eust eu assez d'autres,
 s'il eust voulu. Ceste piteuse mort porta le Seigneur
 de Chaumont dedans son cœur aigrement. Car il
 ne vesquit guieres apres, combien que deuant les
 gens n'en monstroït pas grand semblant, & n'en
 laissoit à bien & saigement conduire les affaires de
 son maistre.

QV AND il eust donné ordre à Lignago, s'en
 vint assembler avec les gens de l'Empereur, pour
 marcher

marcher sur le pays des Venitiens, & essayer de les
 mectre à la raison. Le Roy d'Espaigne auoit depuis
 peu de iours enuoyé au secours de l'Empereur,
 sous la charge du Duc de Termes quatre cent
 hommes d'armes Espaignols, & Neapolitains, qu'il
 faisoit merueilleusement bon veoir : mais pource
 qu'ils estoient trauaillez, on les enuoya sejourner
 dedans Verone. Le camp tant de l'Empereur, que
 du Roy de France marcha iusques à vn lieu nommé
 Saincte Croix, où il sejourna quelque temps. Car on
 pensoit que l'Empereur voulut descendre : mais non
 fait. Durant ce camp, la chaleur feut par trop vehe-
 mente, & pource feut de la plus part de ceulx qui y
 estoient appellé le camp chauld.

A v delloger de là, & pres d'un gros villaige ap-
 pellé Longare, y eut merueilleuse pitié. Car comme
 chascun s'en estoit fuy pour la guerre, en vne caue,
 qui estoit dedans vne montaigne, laquelle duroit
 vn mille, ou plus, s'estoient retirez plus de deux mil-
 le personnes, tant hommes, que femmes, & des plus
 apparens du plat pays, qui y auoient force viures. Et
 y auoient porté quelques harnois de guerre, & des
 hacquebutes, pour deffendre l'entrée, qui les voul-
 droit forcer, laquelle estoit quasi imprenable. Car il
 n'y pouuoit venir que vn homme de front. Les ad-
 uenturiers, qui sont volontiers coustumiers d'aller
 piller, mesmement ceulx qui ne vallent rien pour la
 guerre, veindrent iusques à l'entrée de ceste caue,
 qui en langage Italien s'appelloit la grote de Lon-
 gare. Je croy bien qu'ils vouloient entrer dedans:

Louys
XII.

mais doucement on les pria qu'ils se deportassent, & que leans ne pourroient rien gagner, parce que ceulx qui y estoient auoient laissé leurs biens à leurs maisons. Ces coquins ne preindrent point ces prieres en payement, & s'efforcerent d'entrer, ce qu'on ne voulut permectre, & tira l'on quelques coups de hacquebute, qui en feirent demeurer deux sur le lieu. Les autres allerent querir leurs compagnons, qui plus prests de mal faire, que autrement, tirerent ceste part. Quand ils feurent arriuez, congneurent bien que par force iamais n'y entreroient. Si s'aduiserent d'une grande lascheté & meschanceré. Car au droict du pertuis meirent force bois, paille, & foin, avec du feu, qui en peu de temps rendit si horrible fumée dedans ceste caue, où il n'y auoit air que par là, que tous feurent estouffez, & morts à martyre, sans aucunement estre touchez du feu. Il y auoit plusieurs Gentils-hommes, & Gentilles-femmes, qui apres que le feu feut failly, & qu'on entra dedans, feurent trouuez estaincts, & eust on dit qu'ils dorment. Ce feut vne horrible pitié, mesmement eust on veu à plusieurs belles Dames sortir les enfans de leur ventre tous morts. Les dicts aduenturiers y feurent gros butin. Mais le Seigneur grand Maistre & tous les Capitaines en feurent à merueilles desplaisans. Et sur tous le bon Cheualier sans peur, & sans reproche, qui tout au long du iour meit peine de trouuer ceulx qui en auoient esté cause, desquels il en print deux, dont l'un n'auoit point d'oreilles, & l'autre n'en auoit que vne. Il feit si bone inquisition

de leur vie, que par le Preuost du camp feurent menez deuant ceste grotte, & par son bourreau pendus & estranglez, & y voulut estre present le bon Cheualier. Ainsi comme ils faisoient cest exploict, quasi par miracle va sortir de ceste caue vn ieune garçon, de l'aage de quinze à seize ans, qui mieulx sembloit mort que vif, & estoit tout iaulne de la fumée. Il feut amené deuant le bon Cheualier, qui l'enquist comment il s'estoit sauué. Il respondit que quand il veid la fumée si grande, il s'en alla tout au fin bout de la caue, où il disoit auoir vne fente du dessus de la montaigne bien petite, par où il auoit prins l'air. Et dit encores vne piteuse chose, c'est que plusieurs Gentils-hommes, & leurs femmes, quand ils apperceurent qu'on vouloit mettre le feu, vouloient sortir, en cōnoissant aussi bien qu'ils estoient morts. Mais les villains qui estoient avec eulx, & beaucoup les plus forts, ne le voulurent iamais consentir, & leur venoient au deuant avec la pointe des ronçons, en disant qu'ils mourroient aussi bien que eulx. Et ainsi les pauvres gens feurent assaillis du feu, & des leurs mêmes.

DE ce lieu de Longare marcha le camp droit à Montfelles, que les Venitiens auoient repris, & remparé, & dedans logé mille ou douze cent hommes. En chemin feurent rencontrez par le Seigneur d'Alegre, & le bon Cheualier, avec le Seigneur Mercure & ses Albanois, qui estoient pour lors à l'Empereur, quelques cheualx legers de ceulx de la Seigneurie, qu'on appelloit Coruats, & sont plus Turcs

Louys
XII.

ques Chrestiens, lesquels venoient veoir s'ils gaigneroient quelque chose sur le camp. Mais ils firent mauvais butin. Car tous ou la plus part y demeurèrent, & feurent bien vn quart d'heure prisonniers. Entre lesquels le Seigneur Mercure va congnoistre le Capitaine, qui estoit ainsi qu'il dit depuis son cousin germain, & l'auoit iecté de son heritage en Croatie, lequel il tenoit & occupoit par force, & estoit le plus grand ennemy qu'il eust en ce monde. Si luy vint à ramenteuoir toutes les meschancetez qu'il luy auoit faictes, & que à present estoit bien en luy d'en prendre vengeance. L'autre dit qu'il estoit vray: mais qu'il auoit esté prins en bonne guerre, & que par raison debuoit sortir, en payant rançon selon sa puissance, dont il offroit six mille ducats, & six beaulx & excellens cheuaulx Turcs. Nous parlerons de cela plus à loisir dit le Seigneur de Mercure: mais par ta foy, si tu me tenois ainsi que ie te tiens, que ferois tu de moy? Lequel respondit, Puis que si fort me presses que de ma foy, ie t'aduise que si tu estois en ma mercy, comme ie suis en la tienne, tout l'or du monde ne te sauuerait pas, que ie ne te feisse mettre en pieces. Vrayement dict le Seigneur Mercure ie ne te feray pas pis. Si commanda à ses Albanois en son langage iouier des cousteaulx, lesquels soubdainement meirent leurs cimenterres en besongne, Et n'y eut Capitaine, ne autre, qui n'eust dix coups apres sa mort. Puis leur coupperent les testes, qu'ils picquoient au bout de leurs estradiotes, & disoient qu'ils n'estoient pas Chrestiens. Ils

auoient estrange habillement de teste. Car il estoit comme vn chapperon de Damoiselle. Et où ils estoient la teste cela estoit garny de cinq ou six gros papiers collez ensemble, de façon que vne espée n'y faisoit non plus de mal que sur vne secrete. Le siege feut mis deuant Montmelles, qui se feist canonner l'espace de quatre ou cinq iours. Et n'eust iamais esté prins, veu la fortification qu'on y auoit faicte, n'eust esté que ceulx qui estoient dedans sortoient, pour venir à l'escarmouche, & bien souuent iusques à vn bon iect de pierre de leur fort contre les aduenturiers François, qui volontiers eussent esté veoir quel il faisoit en la place. Par vne apres disnée, que l'on n'y pensoit point, les gens du Capitaine Molart, avec vn Gentil-homme qui se nommoit le Baron de Montfaucon, allerent escarmoucher ceulx du chasteau, qui gaillardement y veindrent, & faisoient merueilles. Tellement que deux ou trois fois repousserent assez lourdement les aduenturiers. Et vne fois entre autres les chasserent trop loing, tellement que quand ils se cuiderent retirer, se trouuerent lassez. Dont les dicts aduenturiers s'apperceurent, qui les chasserent viuement, & de façon qu'ils entrerent pelle mesle parmy les ennemis dedans la place. Quand ceulx qui la gardoient veirent qu'ils estoient perdus, se retirerent en vne grosse tour, où incontinent ils feurent assiegez & bouta on le feu au pied. La plus part s'y laissa brasser, plustost que se rendre. Les autres sortoient par les creneaulx, qui estoient receus sur la pointe des picques par les ad-

Louys uenturiers. Brief il en eschappa bien peu en vie. Il y
XII. feut tué du costé des François vn Gentil-homme
nommé Camican, & le Baron de Montfaucon
blessé à mort. Toutesfois il en eschappa: mais ce
feut à bien grand' peine.

ON feit remparer la place, & y meit on grosse
garnison, cuidant aller mestre le siege à Padoüe.
Mais nouuelles veindrent que le Pape Iules estoit
reuolté, & qu'il alloit faire la guerre au Duc de Fer-
rare, lequel estoit allié du Roy de France, auquel le
dict Duc en auoit amplement escript, pour estre se-
couru. A quoy le Roy voulut bien obtemperer, &
escriuit au grand Maistre, son Lieutenant general,
luy bailler secours. Ce qu'il feit. Car il enuoya les
Seigneurs de Montoison, de Fontrailles, du Lude,
& le bon Cheualier, avec trois ou quatre mille hom-
mes de pied François, & huiët cent Suisses, qu'auoit
tiré du pays comme aduenturiers vn Capitaine
nommé Iacob Zemberc. Eulx arriuez à Ferrare,
feurent fort bien receus du Duc, de la Duchesse, &
de tous les habitans.

LE grand Maistre, avec son armée qui luy resta,
se retira au Duché de Milan. Parce qu'il feut aduer-
ty que les Suisses, qui vn peu auparauant auoient
laissé l'alliance du Roy son maistre, y faisoient vne
descente, & estoient desia au pont de la Treille.
Quand il arriua, il ne sejourna point à Milan, ains
avec sa gend'armerie, les deux cent Gentils-hom-
mes, & quelque petit nombre de gens de pied, les
alla attendre en la plaine de Galeras, & leur feist oster

tous ferremens de moulins & tous viures de leur chemin. Et qui pis est, à ce qu'on disoit, auoit faict empoisonner tous les vins estans au dict lieu de Galeras iusques où veindrent les Suisses, & en beurent tout leur saoul: mais au diable celuy qui en eust mal. Guieres ne feurent aux champs, que viures ne leur faillissent, parquoy leur en conueint retourner en leur pays, où ils feurent tousiours conduicts de pres, afin qu'ils ne meissent le feu en nuls villaiges. Il alla des aduenturiers François au dict lieu de Galeras, qui voulurent boire du vin qu'on auoit empoisonné pour les Suisses: mais il en mourut plus de deux cent. Il fault dire que Dieu s'en mella, ou que l'espace estoit demeurée au fond du tonneau.

OR ie laisseray vn peu ceste matiere, & retourneray à la guerre du Pape, & du Duc de Ferrare. Mais premier ie declareray vne merueilleuse & perilleuse aduenture, qui aducint à ceulx de Lignago, en la mesme année.

CHAPITRE XLI.

Comment ceulx de la garnison de Lignago feirent vne course sur les Venitiens, par l'aduertissement de quelques espies qui les trahirent, parquoy ils feurent deffaicts.

Louys
XII.



QUAND le gentil Cheualier de la Crote se feut mis en ordre dedans Lignago, peu demeura de iours qu'il ne tombast malade, & feut en grand danger de mort. Il auoit tout plein de ieunes gens, & volôtaires, dont entre autres estoit vn Gentil-homme appelé Guyon de Cantiers, fort hardy, & courageux, plus que de conduicte. Les Venitiens venoient aucunes fois courir iusques deuant ceste place de Lignago: mais ceux de dedans icelle mis en garnison n'osoient sortir. Car il leur estoit seulement enchargé de la garder seuremēt. Ce Guyon de Cantiers auoit des espies deça & dela, & feist tant qu'il preint congnoissance à quelqu'vng de la ville de Montaignane, distant de Lignago douze ou quinze milles. Lequel venoit bien souuent veoir iceluy de Cantiers en sa place, & luy tenoit tousiours propos, que si quelque fois vouloit sortir avec nombre de gens de cheual, & de pied, non pas trop grand, il ne fauldroit point de prendre prisonnier le Prouidadour de la Seigneurie de Venise Messire André Gritti. Car souuent venoit au dict Montaignane, avec deux ou trois cent cheuaulx legers. Et que estant iceluy de Cantiers & ses compaignons embuschez aupres de la ville, par vn matin auant iour, ne fauldroient point ainsi que le Prouidadour sortiroit de le prendre, & quand & quand la ville, & icelle piller, & se faisoit fort le galand d'aduertir seurement le iour qu'il y feroit bon. Cantiers qui grand desir auoit de faire courses, & aussi d'atraper ce beau butin,

butin, l'assura qu'il n'y auroit point de faulte, mais *Louys*
 qu'il feust aduerty au vray. Ce que l'autre luy pro- *XII.*
 meit assez, & puis s'en retourna à Montaignane, où
 luy arriué, donna à entendre à celuy qui l'auoit en
 garde pour la Seigneurie la menée qu'il auoit faicte
 à ceulx de Lignago. Et que s'ils vouloient bien iouer
 leur personnaige, ne fauldroient point d'auoir à leur
 mercy la plus part de ceulx de la garnison, & par
 ainsi aisément reprendre la place, qui leur estoit de
 merueilleuse importance. Le Capitaine de Montai-
 gnane trouua cest aduis tres-bon, & incontinent le
 fit entendre par homme expres au Prouidadour
 Messire André Gritti, qui amena trois cent hommes
 d'armes, huit cent cheuaulx legers, & deux mille
 hommes de pied. De ceste bende, à deux ou trois
 milles du dict Môtaignane, luy arriué, enuoya deux
 cent hommes d'armes & mille hommes de pied en
 embusche, lesquels feurent instruits laisser passer
 ceulx qui sortiroient de Lignago, & puis apres leur
 clorre le passaige. Ils ne meirent pas en oubly ce
 qu'on leur auoit chargé, aussi iouèrent ils fort bien
 leur roolle. L'espie de Montaignane retourna pour
 parler à Guyon de Cantiers, qui luy fit grosse che-
 re, luy demandant qui le menoit. Lequel en hom-
 me assuré respondit, bonnes nouuelles pour vous,
 si vous voulez. Car à ce soir arriue en nostre ville
 Messire André Gritti, avec deux cent cheuaulx seu-
 lement. Si vous voulez partir vne heure ou deux
 deuant iour, ie vous conduiray, & ne fauldez point
 del'empoigner. Qui feut bien aise ce feut Cantiers,

Louys
XII.

lequel s'en veint incontinent à ses compaignons, mesmement à vn Gentil-homme qu'on appelloit le ieune Malherbe, qui portoit leur enseigne, & leur compta l'affaire de poinct en poinct. Iamais chose ne feut trouuée meilleure. Et quant à leur vouloir, n'estoit question que de partir: mais il conuenoit auoir congé. Le Capitaine la Crote gardoit encores sur iour quelque peu le lict, pour n'estre pas trop bien reuenu de sa maladie. Si allerent vers luy les dicts Seigneurs de Cantiers, & Malherbe, luy supplier leur donner congé de faire vne course, où ils auroient gros hōneur, & grand proffict. Si luy compterent l'entreprinse d'un bout en autre. Quand il eust ouy leurs raisons, respondit en saige & aduisé Cheualier, & dit, Messeigneurs vous sçauiez que i'ay ceste place sur ma vie, & sur mon honneur, pour la garder seulement. S'il auenoit que eussiez rencontre autre que bōne, ie serois destruict & perdu à iamais, & dauantaige le reste de mes iours ne viurois qu'en melancolie, parquoy ne suis pas deliberé de vous donner congé. Ils commencerent à luy faire des plus belles remonstrances du monde, en disant qu'il n'y auoit nul danger, que leur espie estoit asseuré. Et tant luy en dirent d'vnes & d'autres, que moictié de gré moictié par importunité leur donna congé. Mais au vray dire c'estoit quasi à force. Cela ne leur donnoit rien, car le cerueau bouilloit encores dedans leur teste, & à quelque peril que bled se vendist voulurent essayer leur mauuaise fortune. Ils en aduertirent tous leurs compaignons, qu'ils tirerent

à leur cordelle. Et quand ils congneurent que l'heure approchoit, en firent monter iusques à cinquante à cheual, tous hommes d'armes, que Malherbe menoit, & enuiron trois cent hommes de pied, que conduisoit Guyon de Cantiers. Sur les deux heures apres minuiet partirent de Lignago, leur double espie avec eulx, qui les conduisoit à l'escorchoüer. Il n'est rien si certain que c'estoit toute fleur de Cheualerie ce qui sortit de Lignago, quant à hardiesse: mais ieunesse estoit avec eulx de compaignée. Ils se meirent ensemble le long du grand chemin qui alloit du dict Lignago à Montaignane. Les gens de pied deuant, & ceulx de cheual à leur aisse. Tant allerent, qu'ils approcherent la premiere embusche des gens de la Seigneurie, qui estoient en vn petit villaige: mais ne se doubans de rien, passerent oultre, & pousserent iusques à vn petit mille de Montaignane. Alors leur dit l'espie, Messeigneurs laissez moy aller, & vous tenez icy tous ferrez, ie vais scauoir dedans la ville quel il y faiet, pour vous en aduertir. Ils le laisserent aller: mais trop mieulx leur eust vallu luy auoir couppé la teste. Car il ne feust pas si tost arriué, qu'il n'allast au Seigneur Messire André Gritti, auquel il dit, Seigneur, ie vous ay amené la corde au col la plus part de ceulx de Lignago, Et n'est possible qu'il s'en peust sauuer vn seul, si vous voulez. Car desia ont ils passé vostre embusche, & sont à vn mille d'icy. Messire André Gritti feut incontinent à cheual, & tous ses gens pareillement, tant de cheual, que de pied. Et se iectant hors

Louys de la ville, enuoya enuiron cent hommes de chetial
XII. pour escarmoucher. Qui bien tost trouuerent les
François, lesquels feurent ioyeux à merueilles, pen-
sant qu'il n'y eust autre chose, & que le Prouida-
dour feust en ceste trouppes. Les François à cheual
commencerent à charger, & les autres tournerent le
dos, iusques à ce qu'ils feussent sur la grosse trouppes.
Laquelle quand ils l'apperceurent, s'estonnerent
beaucoup, & retournerent aux gens de pied, aus-
quels ils dirent. Nous sommes trahis, car ils sont
trois mille hommes, ou plus, il fault essayer à nous
sauuer. Ceulx de la Seigneurie les suyuoient à grosse
furie, criant *Marco, Marco, Acarne, Acarne*, & char-
gerent rudement les François, lesquels meirent leurs
gens de pied deuant, & leurs gens de cheual sur leur
queüe, pour les soustenir. Et de faict, reculerent sans
perte iusques au villaige, où estoit la premiere em-
busche des Venitiens, qui au son de la trompette,
suiuant la charge qu'ils auoient, commencerent à
sortir, & se iecterent entre Lignago, & les François.
Par ainsi feurent enclos & assaillis par deux costez.
Et fault entendre que depuis que Dieu crea ciel, &
terre, pour le nombre de gens, ne feut mieulx com-
batu, pour vn iour. Car le combat dura plus de qua-
tre heures, sans ce que les François, qui tousiours se
retiroient, peussent estre deffaicts. D'une chose s'ad-
uifa Messire André Gritti, C'est qu'il feit iecter sur
les aisles quelques arbalestriers de cheual, qui vein-
drent donner dedans les gens de pied, de sorte qu'ils
leur feirent rompre vne partie de leur ordre. Tou-

tesfois tousiours se retirerent vers leur place, laquelle ils approcherent à quatre milles: mais là les conueint demeurer. Car ils feurent chargez par tant d'endroiets, & de telle sorte, que la plus part des hommes d'armes feurent mis à pied, car leurs cheualx feurent tuez. Quand Guyon de Cantiers veid que tout estoit perdu, comme vn lyon eschauffé va entrer dans les gens de pied de la Seigneurie, où il fait merueilles d'armes. Car il en tua de sa main cinq ou six: mais il auoit trop petit nombre, au pris des autres. Si luy feut force là demeurer abatu, & tué, avec tous ses trois cent hommes, sans que nul en eschappast vif. Le Capitaine Malherbe s'estoit avec si peu de gens à cheual qu'il auoit encores tiré aux champs, où il combatit l'espace d'une grosse heure: mais en fin il feut prins prisonnier, & vingt & cinq de ses compagnons, le demeurant y mourut. Et pour conclusion, il n'eschappa homme viuât, pour en aller dire les nouuelles à Lignago. Quand Messire André Gritti veid du tout la victoire sienne, se va aduiser d'une subtilité. C'est qu'il fait tous les gens de pied François, qui estoient morts, despoüiller, & desarmer, & en fait vestir des siens autant, prend les habillemens des gens d'armes, leurs cheualx, & plumails, & les baille à de ses gens. Et dauantaige leur bailla cent ou six vingts de ses hommes, qu'ils emmenoiét comme prisonniers, & leur faisoit conduire trois faulcons, que ceux de Lignago auoient menez. Puis leur dit, Allez en ceste sorte iusques à Lignago, & quand serez aupres, criez *France, France,*

Louys
XII.

Louys
XII.

viçtoire, viçtoire. Ceulx de dedans penferont que cē
foient leurs gens, qui ayent gaigné. Et pour ce enco-
res mieulx leur donner à congnoiftre, oultre leurs
enseignes emporterez encores deux ou trois des no-
ftres. Ie ne fais nulle doubte qu'ils ne vous ouurent
la porte, faiffiez vous en. Et ie feray à vn ieçt d'arc
de vous, & au fon de la trompette ie me rendray là
incontinent. Ainfi auiourd'huy fi fçauiez bien con-
duire l'affaire reprendrons Lignago, qui eft de telle
importance à la Seigneurie que fçauiez. Ce qui leur
feut commandé, feut tres-bien executé, & menant
feste & ioye approcherent d'un ieçt d'arc Lignago,
sonnant trompettes & clérons. Le Seigneur de la
Crote auoit vn Lieutenant en la place, qui s'appel-
loit Bernard de Villars, ancien faige Cheualier, &
qui auoit beaucoup veu. Il monta fur la tour du
portail, pour veoir venir ces gens, qui demenoient
fi grand ioye, afin de leur faire ouurir la porte. Il re-
garda de loing leur contenance, dont il s'esbahit, &
dit à vn qui estoit aupres de luy. Voila les cheuaulx,
& les accouftremens de nos gens: mais il m'est aduis
que ceulx qui font deffus ne cheuauchent point à
nostre mode, & ne font point des nostres, ou ie fuis
deceu. Il y pourroit bien auoir du malheur en no-
ftre endroict, & le cœur le me iuge. Ie vous prie
descendez, & faictes abaisser la planchette du pont,
& puis dictes qu'on la retire. Si ce font nos gens
vous en congnoistrez assez. Si ce font ennemis, pen-
sez de vous fauluer à la barriere. I'ay icy deux pieces
chargées, s'il est befoin en ferez fecouru. Au dire du

Capitaine Bernard descendit le compaignon, qui Louys
 sortit hors de la place, cuidant venir au deuant de XII.
 ses gens, en demandant, *Qui viue, où est le Capitaine
 Malherbe ?* Ils ne respondirent rien : mais cuidans
 que le pont feust abaissé, commencerent à course
 de cheual marcher. Le dict compaignon se saulua
 tellement quellement en la barriere. Alors feurent
 tirées les deux pieces d'artillerie, qui les arresta sur le
 cul. Ainsi feut sauluée la place de Lignago pour
 ceste fois : mais les François y eurent grosse honte, &
 perte, dont plusieurs s'apperceurent. Quand le pau-
 ure Seigneur de la Crote eust entendu le piteux af-
 faire il cuida mourir de dueil. Le Roy de France en
 feut desplaisant à merueilles, & luy en cuida faire
 faire vn mauuais tour. Mais cela s'appaisa, par le
 moyen du Seigneur Iean Iacques, qui estoit pour
 lors venu en France, pour tenir sur fonds Madame
 Renée, fille du Roy Louys douziesme, & de Anne
 sa femme, Duchesse de Bretagne, lequel luy feit
 plusieurs remonstrances, à la descharge du dict
 Seigneur de la Crote.

OR laissons ce propos, & retournons au Pape
 Iulessecond, qui marchoit vers Ferrare.

CHAPITRE XLII.

*Comment le Pape Iules veint en personne en la
 Duché de Ferrare, Et comment il meit le
 siege deuant la Mirandole.*

Louys
XII.



LE PAPE Iules qui desiroit à merueilles recouurer le Duché de Ferrare, qu'il pretendoit estre de l'Eglise, dressa vne grosse armée, qu'il feit en Boulonnois, pour l'amener au dict Duché. Et s'en veint de iournée en iournée loger en vn gros villaige, qu'on appelle Sainct Felix, entre la Concorde, & la Mirandole. Le Duc de Ferrare, & tous les François qui estoient avec luy, s'estoient venus loger à douze milles de Ferrare, entre deux bras du Pau, en vn lieu dict l'Hospitalet, où il feit dreiser vn pont de batteaulx, qu'il faisoit tres-bien garder. Car par là souuent ses ennemis estoient escarmouchez. Le Pape arriué à Sainct Felix, manda à la Comtesse de la Mirandole, qui fille naturelle estoit du Seigneur Iean Iacques de Triuulce, alors veufue, qu'elle voulust meestre sa ville de la Mirandole entre ses mains, parce qu'elle luy estoit necessaire pour son entreprise de Ferrare. La Comtesse qui suiuant le cœur de son pere estoit toute Françoisse, & sçauoit tres-bien que le Roy de France fauorisoit & secouroit le Duc de Ferrare, ne l'eust faict pour mourir. Elle auoit vn sien cousin germain appellé le Comte Alexandre de Triuulce avec elle, qui ensemble feirent responce à celuy qui estoit venu de par le Sainct Pere. Et luy feut dict, que quād il luy plairoit, s'en pourroit bien retourner, & dire à son maistre, que pour rien la Comtesse de la Mirandole ne bailleroit sa ville, qu'elle estoit sienne, & que Dieu aydant la sçauroit bien garder, contre tous ceulx qui la luy voudroient

droient oster. De ceste responce feut courroucé merueilleusement le Pape, & iura Sainct Pierre, & Sainct Paul, qu'il l'auroit par amour, ou par force. Si commanda à son nepueu le Duc d'Vrbin, Capitaine general de son armée, que le lendemain y allast mectre le siege. Le Côte Alexandre de Triulce qui n'en pensoit pas moings, enuoya deuers le Duc de Ferrare, & les Capitaines François, à l'Hospitalet, qui n'estoit que à douze milles, leur supplier, pource qu'il ne se sentoit pas bien garny de gens pour l'heure, & que de iour en autre attendoit le siege, qu'on luy enuoyast iusques à cent bons compagnons, & deux canonniers. La chose luy feust aisément accordée. Car la perte de la Mirandole estoit de grosse importance au Duc de Ferrare, qui estoit vn gentil Prince, saige, & vigilant à la guerre, & qui sçait quasi tous les sept arts liberaulx, & plusieurs autres choses mecaniques, comme foudre artillerie, dont il est aussi bien garny que Prince son pareil de tout le monde, & si en sçait tres-bien tirer, faire les affuils, & les boulets. Or laissons ses vertus là, car assez en auoit & a encores. Par l'aduis des Capitaines François il enuoya à la Mirandole les deux canonniers, & les cent compagnons qu'on demandoit. Et avec eulx allerent deux ieunes Gentils-hommes, l'un du Daulphiné, appelé Monchenu, nepueu du Seigneur de Montoison, & l'autre nepueu du Seigneur de Lude, qu'on appelloit Chantemerle, du pays de la Beaussé. Aufquels au partir le bon Cheualier sans peur, & sans reproche dit, Mes en-

Louys fans, vous allez au seruice des Dames, mōstrez vous
XII. gentils compaignons, pour acquerir leur grace, & faictes parler de vous. La place où vous allez est tres-bonne & forte. Si le siege y vient, vous aurez honneur à la garder. Et plusieurs autres ioyeux propos leur disoit le bon Cheualier, pour leur mectre le cœur au ventre. Si monta luy mesme à cheual, avec sa compaignée, pour leur faire escorte. Et si bien les conduisit, qu'ils entrèrent dedans la ville, où ils feurent receus de la Comtesse & du Comte Alexandre tres-honneſtement. Ils n'y feurent iamais trois iours, que le siege ne feust deuant, & l'artillerie plantée sur le bord du fossé, qui commença à tirer fort, & roide. Et ceulx de la ville, qui ne monstroient pas tiltre d'esbahissement, leur rendoient la pareille, au mieulx qu'ils pouuoient.

LE bon Cheualier qui ne plaignit iamais argent, pour ſçauoir que faisoient ses ennemis, auoit ses espies, qui souuent luy rapportoient nouuelles du camp, & du Pape, qui estoit encores à Saint Felix, & comment il se deliberoit de partir dedans vn iour ou deux, pour aller au siege qu'il auoit faict mectre deuât la Mirandole. Il renuoya encores vn des dictes espies à Saint Felix, dont ils n'estoient que à dix milles, pour entendre au vray quand le Pape partiroit. Il feit si bonne inquisition, qu'il sceut pour vray que le lendemain iroit en son camp. Si en veint aduertir le bon Cheualier, qui en feut bien ayse. Car il auoit telle chose pensée, qu'il esperoit prendre le Pape, & tous ses Cardinaulx. Ce qu'il eust faict,

n'eust esté vn inconuenient qui adueint, comme *Louys*
vous orrez. XII.

CHAPITRE XLIII.

Comment le bon Cheualier sans peur, & sans reproche, cuida prendre le Pape entre Sainct Felix, & la Mirandole, & à quoy il teint.



LE BON Cheualier s'en veint au Duc de Ferrare, & au Seigneur de Montoison, auxquels il dit, Messseigneurs, ie suis aduertuy que demain matin le Pape veult desloger de Sainct Felix, pour aller à la Mirandole. Il y a six grands milles del'vn à l'autre. I'ay aduisé vne chose, si la trouuez bonne, dont il sera memoire d'icy à cent ans. A deux milles de Sainct Felix y a deux ou trois beaulx Palais, qui sont abandonnez, pour l'occasion de la guerre, ie suis deliberé toute ceste nuict m'en aller loger avec cent hommes d'armes, sans paige, ne varlet, dedans l'vn de ces Palais. Et demain au matin, quand le Pape deslogera de Sainct Felix, ie suis informé qu'il n'a que ses Cardinaulx, Euesques, & Protonotaires, & bien cent cheualx de sa garde, ie sortiray de mon embusche, & n'y aura nulle faulte que ie ne l'empoigne. Car l'alarme ne sçauroit estre si tost au camp, que ie ne me sauue, veu que il n'y a que dix mille d'icy là. Et pre-

Louys nez le cas que ie feusse pourfuiuy , vous Monseigneur, dit il au Duc de Ferrare , & Monseigneur de Montoison , passerez le matin le pont , avec tout le reste de la gend'armerie , & me viendrez attendre à quatre ou cinq milles d'icy , pour me recueillir , si par cas fortuit m'aduenoit inconuenient. Oncques chose ne feut trouuée meilleure que la parole du bon Cheualier , ne restoit que à l'executer. Ce que guieres ne tarda. Car toute la nuit apres auoir bien faict repaistre les cheuaulx , preint cent hommes d'armes , tous esleus. Et puis apres que chascun feut en ordre , comme pour attendre le choc , s'en va avec son espie le beau pas droit à ce petit villaige. Si bien luy adueint , qu'il ne trouua homme ne femme pour estre descouuert , & se logea enuiron vne heure deuant iour. Le Pape qui estoit assez matineux estoit desleué , & quand il veid le iour monta en sa liètiere pour tirer droit en son camp. Et deuant estoient Protonotaires , Clercs , & Officiers de toutes sortes , qui alloient pour prendre logis , & sans penser aucune chose s'estoient mis à chemin. Quand le bon Cheualier les entendit ne fait autre demeure , ains sortit de son embusche , & veint charger sur les rustres , qui comme fort effrayez de l'alarme , retournerent dont ils estoient partis , picquans à bride abatuë , & crians *alarme, alarme*. Mais tout cela n'eust de rien seruy que le Pape , ses Cardinaulx , & Euesques n'eussent esté prins , sans vn inconuenient qui feut tres-bon pour le Sainct Pere , & fort malheureux pour le bon Cheualier. C'est qu'ainsi que le Pape

feut monté en sa liètiere, & forty hors du chemin de Sainct Felix, ne feut pas à vn iect de boule, qu'il ne tombast du ciel la plus aspre & vehemente neige, qu'on eust veu cent ans deuant: mais c'estoit par telle impetuosité, qu'on ne voyoit pas l'un l'autre. Le Cardinal de Paue, qui estoit alorstout le gouuernement du Pape, luy dit *Pater Sancte*, Il n'est pas possible d'aller par pays cependant que cecy durera, il est plus que necessaire & me semble que debuez sans tirer oultre retourner. Ce que le Pape accorda, qui nesçauoit rien de l'embusche. Et de malheur, ainssi que les fuyans retournoient, & le bon Cheualier à poincte d'esperon les chassoit, sans se vouloir arrester à prendre personne, car là ne s'estendoit point son couraige, sur le poinct qu'il arriuoit à Sainct Felix, le Pape ne faisoit qu'entrer dedans le Chasteau. Lequel au cry qu'il ouyt eust telle frayeur, que subitement & sans ayde sortit de sa liètiere, & luy mesmes ayda à leuer le pont, qui feut d'homme de bon esprit. Car s'il eust autant demeuré qu'on mettroit à dire vn *Pater noster* il estoit croqué. Qui feut bien marry ce feut le bon Cheualier. Car encores qu'il sceust le Chasteau n'estre guieres fort, & qu'en vn quart d'heure se pourroit prendre, si n'auoit il nulle piece d'artillerie. Et puis d'un autre costé pensoit bien qu'il seroit descouuert incontinent à ceulx du camp de la Mirandole, qui luy pourroient faire receuoir vne honte. Si se meit au retour, apres qu'il eust prins tant de prisonniers qu'il voulut. Où entre autres y auoit deux Euesques, & force

Louys XII. mulets de cariage que ses gens d'armes emmenerent. Mais oncques homme ne retourna si melancolié qu'il estoit, d'auoir failly si belle prinse, combien que ce ne feust pas par sa faulte. Car iamais entreprinse ne feut mieulx ne plus subtilement conduite. Quand il feut arriué vers le Duc de Ferrare, le Seigneur de Montoison, & ses autres compaignons, qu'il trouua à six milles de leur pont, pour le receuoir & secourir, si besoin en eust eu, & qu'il leur eust compté sa deffortune, feurent bien marris. Toutesfois ils le reconforterent le mieulx qu'ils peurent, luy remonstrant que la faulte n'estoit pas venue de luy, & que iamais homme ne fait mieulx. Ainsi l'emmenèrent, tousiours deuifans de ioyeuses paroles, & parlans avec leurs prisonniers, dont dessus le chemin en renuoyerent à pied la plus part. Les deux Euesques payerent quelque legere rançon, & puis s'en retournerent.

LE Pape demeura dedans le Chasteau de Saint Felix, lequel de la belle peur qu'il auoit eüe trembla la fiebure tout au long du iour, & la nuit manda son nepueule Duc d'Vrbain, qui le veint querir avec quatre cent hommes d'armes, & le mena en son siege, où il feut tant que la Mirandole feut prinse. Bien y demeura trois semaines deuant, & ne l'eust iamais eüe, sans vn inconuenient qui adueint. C'est qu'il neigea bien six iours & six nuits, sans cesser, & tellement que la neige estoit dedans le camp de la haulteur d'un homme. Apres la neige il gela si fort, que les fossez de la Mirandole le feurent de

plus de deux grands pieds. En sorte que dessus le bort tomba vn canó avec son affust, qui ne rompit point la glace. L'artillerie du Pape auoit faict deux bonnes & grandes breches. Ceulx qui estoient dedans, n'esperoient aucunemēt que de part du monde on leur allast leuer le siege. Car le Seigneur de Chaumont, grand Maistre de France, & Gouverneur de Milan, avec le reste de l'armée du Roy son maistre, se tenoit à Rege, laquelle il faisoit remparer chascun iour. Doubtāt que le Pape apres la prise de la Mirandole n'allast là, lequel auoit grosse puissance. Car la plus part de l'armée du Roy d'Espagne estoit avec luy, & celle des Venitiens, qui ja auoient prins son alliance. Si eust conseil le Comte Alexandre, & la Comtesse, de rendre la ville, les vi-
franches: mais le Pape vouloit tout auoir à sa mercy. Toutesfois cela se traicta par le moyen du Duc d'Vrbain, qui auoit tousiours le cœur François. Car le Roy de France Louys douziesme l'auoit nourry en ieunesse, & sans luy le Sainct Pere n'eust pas esté si gracieux. Quand les nouuelles de la prise de la Mirandole feurent sceües au camp du Duc de Ferrare toute la compaignée en feut desplaisante à merueilles. Le Duc se doubta que bien tost seroit assié-
gé à Ferrare. Si deffait son pont, & se retira avec toute son armée en sa ville, delibéré iusques au dernier iour de sa vie la garder. Le Pape ne daigna entrer dedans la ville de la Mirandole par la porte. Il fit faire vn pōt par dessus le fossé, sur lequel il passa, & entra dedans par vne des breches. Il s'y teint quel-

Louys
XII.

ques iours, où par tous les moyens du monde ad-
uisoit comment il pourroit dommaiger le Duc de
Ferrare.

CHAPITRE XLIV.

*Comment le Pape enuoya vne bende de sept à
huiet mille hommes deuant vne place du Duc
de Ferrare, nommée la Bastide. Et com-
ment ils feurent deffaicts par l'aduis du
bon Cheualier sans peur, Et
sans reproche.*



VAND le Pape feut dedans la Mi-
randole feit vn iour assembler son
nepueu, & tous les Capitaines, tant de
cheual, que de pied, ausquels il dit
comment il vouloit, sans plus autre
chose entreprendre, aller meêtre le siege deuant
Ferrare. Si vouloit sur ce auoir leur aduis, & commēt
la chose se pourroit plus seurement conduire. Car il
sçauoit la dicte ville forte à merueilles, bien garnie
de bonnes gens de guerre, & d'artillerie, & que à
grand peine sans faulte de viures l'auroit il qu'elle
neluy coustast beaucoup. Mais par ce poinct les fe-
roit il venir à la raison, cōsideré qu'il auoit le moyen
de leur couper le passaige du Pau, que au dessus de
Ferrare ne leur viendrait rien, & du dessoubs que
les Venitiens aussi garderoient bien qu'ils n'en au-
roient

roient point. Il n'y eust celuy qui n'en dit son opinion, tant que ce feut à parler à vn Capitaine de la Seigneurie de Venise, qu'on appelloit Iean Fort. Qui en son langage, & en s'adressant au Pape dict, Tressainct Pere, l'ay ouy les opinions de tous Messigneurs qui sont icy en presence, & à les ouyr, concluent suyuant ce qu'avez proposé, que en gardant que par le Pau n'entrent viures dedans Ferrare, & que par l'Isle soit assiegée, en peu de iours sera affamée. Je congnois le pays, & en a beaucoup & de bon le Duc de Ferrare, par Argente luy pourront viures venir, & en abondance, mais à cela pouruoyeroit on bien. D'autre part, il a vn pays qu'on appelle le Polesine de Saint George, qui tant est garny de biens, que quand d'ailleurs n'en viendrait à Ferrare, il est suffisant la nourrir vn an. Et est bien difficile de garder qu'il n'en eust de là, sans prendre vne place à vingt & cinq milles du dict Ferrare, qu'on appelle la Bastide: mais si elle estoit prinse, ietiendrois la ville affamée en deux mois, au grand peuple qui est dedans. A grand peine eust le Capitaine Iean Fort acheué son propos, que le Pape ne dit, Or à coup il fault auoir ceste place, ie ne seray iamais à mon aise qu'elle ne soit prinse. Si feurent ordonnez deux Capitaines Espaignols, avec deux cent hommes d'armes, ce Capitaine Iean Fort, avec cinq cent cheualx legers, & cinq ou six mille hommes de pied, pour aller executer ceste entreprinse, accôpaignez de six pieces de grosse artillerie. Eulx assemblez se meirent à chemin, & allerent sans rencontre se trou-

Louys

XII.

Louys
XII.

uer iusques deuant la place. Quand le Capitaine qui en auoit la garde veid si grosse puissance, eust frayer, & non sans cause. Car il n'estoit pas à l'heure fort bien garny de gens de guerre. Toutesfois il delibera de faire son debuoir, & d'aduertir le Duc son maistre de son inconuenient. Les gens du Pape ne feirent autre sejour, sinon apres eulx estre logez asseoir leur artillerie, & commencer à batre la place à force. Le Capitaine auoit faict secretement partir vn homme, par lequel il mandoit au Duc son affaire. Et que s'il n'estoit secouru en vingt & quatre heures, il se voyoit en dur party. Par ce qu'il n'auoit pas gens dedans pour deffendre, à la puissance qu'il auoit deuant luy. Le messaiger feit extrefme diligence, & feut enuiron midy à Ferrare, ainsi ne meit point six heures. Le bon Cheualier estoit allé à l'esbat à vne porte, par où entra le messaiger, qui feut enquis à qui il estoit, & amené deuant luy. Qui luy demanda dont il venoit. Lequel respondit asseurément, Monseigneur, ie viens de la Bastide, laquelle est assiegée de sept ou huiet mille hommes, & m'enuoye le Capitaine dire au Duc, que s'il n'est secouru, il ne sçauroit tenir demain tout au lóg du iour, au moings s'ils luy liurent assaut. Comment mon amy, est si mauuaise la place? Non dit le messaiger, ains vne des bonnes d'Italie: mais il n'a que vingt cinq hommes de guerre dedás, qui n'est pas pour la deffendre contre la force des ennemis. Or venez doncques mon amy, ie vous meneray deuers le Duc. Ils estoient luy & le Seigneur de Montoisson ensemble sur leurs

mules, en la place de la ville, deuifans des affaires. Ils veirent venir le bon Cheualier, qui amenoit cest homme, & eurent imagination que c'estoit vn espie. Si dit le Seigneur de Montoison, s'adressant au bon Cheualier, Mon cōpaignon, vous aymeriez mieulx estre mort, que ne feissiez tous les iours quelque prinse sur nos ennemis, combien vous payera ce prisonnier pour sa rançon? Sur ma foy respondit le bon Cheualier, il est des nostres, & nous apporte d'estranges nouuelles, cōme il dira à Monseigneur. Lors le Duc l'enquist, & puis regarda les lettres que le Capitaine de la Bastide luy escripuoit. En les lisant chascun le voyoit biesmir & changer de couleur. Et quand il eust acheué de lire, haulla les espaulles, & dit, Si ie pers la Bastide, ie puis bien abandonner Ferrare, & ie ne veois pas bien le moyen qu'elle soit secourüe dedans le terme, que celuy qui est dedans me rescript. Car il demande secours dedans demain pour tout le iour, & il est impossible. Pourquoy respondit le Seigneur de Montoison? Dit le Duc, par ce qu'il y a vingt & cinq milles d'icy là. Et dauantaige au temps qu'il faict, il fault passer par vn chemin, où l'espace de demy mille fault aller l'un apres l'autre. Et encores y a il vne autre chose, C'est que si nos ennemis estoient aduertis d'un passaige qu'il y a, vingt hommes garderoient dix mille de passer: mais ie croy qu'ils ne le sçauent pas. Quand le bon Cheualier sans peur & sans reproche veid le Duc ainsi esbahy, & non sans cause, luy dit, Monseigneur, quand il est question de peu de chose, la for-

Louys
XII.

tune est aisée à passer : mais quand il y va de sa destruction, on y doit pourueoir par tous les moyens qu'il est possible. Les ennemis sont deuant la Bastide, & cuidēt estre bien asseurez, par ce que au moyē de ce que la grosse armée du Pape est pres d'icy, leur est aduis que n'oserions partir de ceste ville, pour leur aller leuer le siege. I'ay pensé vne chose, qui sera fort aisée à executer, & si le malheur n'est trop contre nous, en viendrons à honneur. Vous auez en ceste ville quatre ou cinq mille hommes de pied, gentils compaignons, & gens aguerris le possible. Prenons en deux mille, avec les huiēt cent Suisses du Capitaine Iacob, & les faisōs sur la nuit en bateaulx mectre sur l'eau. Vous estes encores Seigneur du Pau iusques à Argente. Ils nous iront attendre à ce passaige que vous dictes. S'ils y sont les premiers ils le prendront, & la gend'armerie qui est en ceste ville ira par terre toute ceste nuit. Nous aurons bonnes guides, & ferons de façon que y ferōs au poinēt du iour. Et ainsi nous ioindrons les vns avec les autres. Nos ennemis ne se doubteront iamais de ceste entreprinse. Il n'y a du passaige que vous dictes sinon trois milles ou moins encores iusques à la Bastide. Deuant qu'ils se soient mis en ordre de combattre leur irons liurer la bataille aigrement, & le cœur me dict que nous les defferons. Si on'eust donné cent mille escus au Duc, n'eust pas esté plus ioyeux. Si respondit en soubfriaing, Par ma foy Monseigneur de Bayard, il ne vous est rien impossible, mais ie vous promects sur mon hōneur, que si Mes-

seigneurs qui sont icy trouuent vostre opinion bonne, ie ne fais doubte que ne facions de nos ennemis ce que vous dictes. Et de ma part les en supplie tant que ie puis. Lors meit le bonnet hors de la teste. Le Seigneur de Montoison, hardy & vertueulx Capitaine, respondit, Monseigneur, nous n'auons mestier de prieres en vostre endroict, & ferons ce que commanderez. Car ainsi l'auons en charge du Roy nostre maistre. Autant en dirent le Seigneur du Lude, & le Capitaine Fontrailles, bien deliberez de faire leur debuoir. Ils enuoyerent querir les Capitaines de gens de pied, ausquels ils declarerent l'affaire, qui leur feust aduis estre en Paradis. Le Duc feit secretement apprester force barques, sans bruit quelconque. Car il y auoit des gens en la ville, qui estoient fort bons Papalistes. Les barques prestes sur le soir se meirent les gens de pied dedans, qui eurent bons & feurs mariniers. Les gens de cheual, où le Duc estoit en personne, partirent sur le commencement de la nuict. Ils auoient bonnes guides, & quelque mauuais temps qu'il feit feurent seurement conduicts. Et si bien leur adueint, que demie heure deuant iour, arriuerent les dicts gens de cheual au passaige, où ils ne trouuerent nul empeschement, dont ils feurent tres-ioyeux. Et ne demeura pas demie heure que les barques lesquelles amenoient les gens de pied n'arriuaissent. Si descendirent, & puis apres le petit pas allerent droict à ce mauuais passaige, qui estoit vn petit pont, où ne pouuoit passer que vn homme d'armes de frôt. Et estoit sur vn canal assez profond,

Louys
XII.

Louys entre le Pau, & la Bastide. Ils meirent bien vne grosse heure à passer, tellement qu'il estoit iour tout clair, dont le Duc eust mauuaise opinion. Et parce qu'il n'oyoit point tirer l'artillerie, doubtoit que sa place feust perduë. Mais ainsi qu'il parloit aux Capitaines François, va ouyr trois coups de canon, tout d'une bende. Dont luy, & toute la belle & bonne compaignée feurent fort ioyeux. Il n'y auoit pas plus d'un mille iusques aux ennemis. Si commença à dire le bon Cheualier, Messeigneurs, i'ay ouy tousiours dire, que celuy est fol, qui n'estime son ennemy. Nous sommes pres des nostres, ils sont trois contre vn. S'ils sçauoient nostre entreprinse, sans nulle faulte nous aurions de l'affaire, & beaucoup. Car ils ont artillerie, & nous n'en auons point. D'auantage i'ay entendu que ce qui est deuant la Bastide est toute la fleur de l'armée du Pape, il les fault prendre en desarroy qui pourra. Je suis d'opinion que le bastard du Fay, mon guidon, qui est homme sçauant en telles matieres, par le costé où sont venus les ennemis, leur aille dresser l'alarme, avec quinze ou vingt cheuaulx. Et le Capitaine Pierrepont sera à un iect d'arc, avec cent hommes d'armes, pour luy tenir escorte, s'il est repoussé. Et luy baillerons le Capitaine Iacob Zemberc avec ses Suisses. Vous Monseigneur dit il au Duc, Monseigneur de Montoison, Messeigneurs mes compaignons, & moy, irons droit au siege, où ie iray deuant leur faire un alarme. Si celuy du bastard du Fay est premier dressé, & ils voient tous là, nous les enciurons entre

luy & nous. Et si le nostre est le premier dressé, le Capitaine Pierrepont, & sa bende de Suisses en feront autant de leur costé. Cela les estonnera tant qu'ils ne sçauront que faire. Car ils estimeront que nous soyons trois fois plus de gens que ne sommes. Et sur tout que toutes nos trompettes sonnent à l'aborder. Oncques chose ne feut trouuée meilleure. Car il fault que tous lisans ceste Histoire sçaichent que ce bon Cheualier estoit vn vray registre des batailles. Parquoy tout homme pour sa grande experience se tenoit à ce qu'il disoit. Or venôs au poinct. Les deux bendes deslogerent, L'une alla par le chemin que estoient venus les ennemis, ainsi que ordonné auoit esté, & les autres droict à la place, laquelle ils approcherent, sans estre aucunement aperceus, de la portée d'un canon en bute. Si dressa le bastard du Fay vn aspre & chauld alarme, qui estonna merueilleusement ceulx du camp, Toutesfois ils commencerent à eulx armer, monter à cheual, & aller droict où estoit le dict alarme. Leurs gens de pied se mettoient cepêdant en bataille, & s'ils se feussent vne fois rengez tous ensemble, il y eust eu combat mortel & dangeux pour les Ferrarois, pour le gros nombre qu'ils estoient. Mais deux inconueniens leur adueindrent tout à vn coup. C'est que quand ceulx qui repoussioient le bastard du Fay, feurent à deux cent pas loing, rencontrerent le Capitaine Pierrepont, qui les rembarra à merueilles, & donna dedans eulx tierement. Les Suisses commencerent à marcher, qui veindrent trouuer leurs gens de pied

Louys
XII.

en bataille, & en gros nombre, comme de cinq à six mille. Si feurent lourdement repoussez les dictz Suiffes, & eussent esté rompus, n'eust esté la gend'armerie qui les secourut, laquelle donna aux ennemis par les flancs. Cependant vont arriuer le Duc, les Seigneurs de Montoison, du Lude, de Fontrailles, & le bon Cheualier, avec leurs gens de cheual, & deux mille hommes de pied, qui par le derriere vont enuahir les dictz ennemis, de sorte que tout feut poussé par terre. Le Capitaine Fontrailles & le bon Cheualier apperceurent vne troupe de gens de cheual, en nombre de trois à quatre cent, qui se vouloient rallier ensemble. Si appellerent leurs enseignes, & tournerent ceste part, Et en criant *France, France, Duc, Duc*, les chargerent en façon, que la plus part alla par terre. Les dictz ennemis combattirent vne bonne heure: mais en fin perdirent le camp, & qui se peut fauluer se faulua: mais il n'y en eust pas beaucoup. Le Duc & les François y feirent vne merueilleuse boucherie. Car il mourut plus de quatre ou cinq mille hommes de pied, plus de soixante hommes d'armes. Et y eust plus de trois cent cheualx prins, ensemble tout leur bagaige, & artillerie. Tellement qu'il n'y auoit celuy qui ne feust bien empesché d'emmener son butin. Je ne sçay comment les Cronicqueurs & Historiens n'ont autrement parlé de ceste belle bataille de la Bastide: mais cent ans deuant n'en auoit point esté de mieulx combatuë, ne à plus grand hazard. Toutesfois ainsi le conuenoit faire, ou le Duc & les François estoient perdus,

perdus, lesquels s'en retournerent glorieux & triomphans dedâs la ville, où chascun leur donnoit loüange inestimable. Sur toutes personnes la bonne Duchesse, qui estoit vne perle en ce monde, leur feit singulier recueil. Et tous les iours leur faisoit banquets & festins, à la mode d'Italie, tant beaulx que merueilles. Bien ose dire, que de son temps, ne beaucoup deuant, ne s'est point trouué de plus triomphante Princeesse. Car elle estoit belle, bonne, douce, & courtoise à toutes gens. Elle parloit Espagnol, Grec, Italien, & François, quelque peu tres-bon Latin, & composoit en toutes ces langues. Et n'est rien si certain, que combien que son mary feust faige, & hardy Prince, la dicte Dame par sa bonne grace a esté cause de luy auoir faict faire de bons & grands seruices.

Louys
XII.

CHAPITRE XLV.

De la mort du Seigneur de Montoison, & de plusieurs menées que feirent le Pape Iules, & le Duc de Ferrare, l'un contre l'autre, où le bon Cheualier se monstra vertueux.



PREs ceste gaillarde bataille de la Bastide, le gentil Seigneur de Montoison ne velquit guieres. Car vne fiebure continuë l'empoigna, qui ne le laissa iutques à la mort. Ce feut vn gros dommaige, & y

Louys
XII.

fait France lourde perte. Il auoit esté en sa vie vn des accomplis Gentils-hommes qu'on eust sceu trouuer, & auoit faict de belles choses, tant en Picardie, Bretagne, Naples, que Lombardie. C'estoit vn droict esmerillon, vigilant sans cesse. Et quand il estoit en guerre il estoit tousiours le cul sur la selle. Au moyen de quoy estoit à l'heure de son trespas fort vsé & cassé. Mais tant proprement & mignonement se contenoit qu'il sembloit vn homme de trente ans. De sa piteuse desconuenüe feurent le Duc, & la Duchesse de Ferrare, le bon Cheualier, & tous les autres Capitaines François, si tres-dolens que merueilles. Mais c'est vne chose où on ne peut remedier.

LE Pape estoit encores à la Mirandole, qui quād il sceut les nouuelles de la Bastide, & la deffaicte de ses gens, cuida desesperer, & iura Dieu qu'il s'en vengeroit. Et que pour cela ne demeureroit point qu'il n'allast assieger Ferrare, à quoy soubdainemēt vouloit entendre. Mais les Capitaines & gens de guerre, qu'il auoit avec luy, mesmement le Duc d'Vrbain, son nepueu, qui eust bien voulu que le Roy de France & luy eussent esté amis, l'en destournoient tant qu'ils pouuoient. Luy remonstrent que Ferrare garnie comme elle estoit, & de tels Capitaines, mesmement du bon Cheualier, à qui nul ne se comparoit, ne se prendroit pas aisément, & que si son armée entroit en l'Isle pour l'assieger, viures y viendroient à grand peine. Ce conseil ne trouuoit pas bon le Pape. Si s'aduisa d'un autre moyen, & meit

en son entendement qu'il praticqueroit quelques Gentils-hommes de la ville, par le moyen desquels il la pourroit auoir. Car d'une nuit luy pourroient liurer vne porte, par où ses gens entreroiēt. Il enuoya plusieurs espies, & auoient charge de parler à aucuns Gentils-hommes: mais le Duc & le bon Cheualier faisoient faire si bon guet, qu'il n'en entroit pas vn qui ne feust empoigné, & en feust pēdu six ou sept. Toutesfois le Duc feut en soupçon d'aucuns Gentils-hommes de sa ville, lesquels il feit mectre prisonniers, par aduenture à tort. Entre lesquels feut le Comte Borse Calcagnin, qui auoit logé chez luy le bon Cheualier, qui feut desplaisant de sa detention: mais parce que les choses estoient fort douteuses, ne s'en voulut meller que bien à point. Quand le Pape veid qu'il ne viendrait point à ses attainctes par ce moyen, s'aduisa d'une terrible chose. Car il mit en son entendement, pour se venger des François, qu'il praticqueroit le Duc de Ferrare. Il auoit vn Gentil-homme Lodofan, du Duché de Milan, à son seruice, qu'on appelloit Messire Augustin Gerlo: mais il chāgeoit son nom. C'estoit vn grand faiseur de menées, & de trahisons, dont mal luy en preint à la fin. Car le Seigneur d'Aubigny luy feit coupper la teste dedans Bresse, où il le vouloit trahir. Vn iour feut appelé ce Messire Augustin par le Pape, lequel luy dit, Vien ça, il fault que tu me faces vn seruice. Tu t'en iras à Ferrare deuers le Duc, auquel tu diras que sil se veult depeschier des François, & demeurer mon allié, ie luy bailleray vne de mes

Louys
XII.

Louys niepces pour son fils aîné, le quicteray de toutes querelles, & dauantaige le feray Gonfanonnier & Capitaine general del'Eglise. Il ne fault sinon qu'il die aux François, qu'il n'a plus que faire d'eulx, & qu'ils se retirent. Je suis assurez qu'ils ne sçauroient passer en lieu du monde, que ie ne les aye à ma mercy, & n'en eschappera pas vn. Ce messaiger qui ne demandoit que telles commissions, dit qu'il feroit fort bien l'affaire, & s'en alla à Ferrare droit s'adresser au Duc, qui estoit vn saige & subtil Prince, & lequel escouta tres-bien le galand, faisant mine qu'il entendroit volontiers à ce que le Pape luy mandoit: mais il eust mieulx aymé estre mort de cent mille morts. Car trop auoit le cœur noble & gentil. Bien le monstra, parce que apres auoir faict faire bonne chere à Messire Augustin, & iceluy enfermer en vne chambre dedans son Palais, dont il preint la clef, s'en veint avec vn Gentil-homme seulement au logis du bon Cheualier, auquel de poinct en poinct compta tout l'affaire, qui se signa plusieurs fois, & ne pouuoit penser que le Pape eust si meschant vouloir d'acheuer ce qu'il mandoit. Mais le Duc luy dict qu'il n'estoit rien si vray, & que s'il vouloit le mettroit bien en vn cabinet dedans son Palais, où il entendroit toutes les paroles que le galand luy auoit dictes. Toutesfois il sçauoit que ce n'estoit point mensonge, aux enseignes mesmes qu'il luy auoit baillées: mais que plustost aymeroit estre tout vif desmembré à quatre cheuaulx, que d'auoir seulement pensé consentir à vne si grande

lascheté. Remonstrant de combien il estoit tenu à la Maison de France, & que à son grand besoin le Roy l'auoit si bien secouru. Le bon Cheualier disoit Monseigneur, il n'est ja besoin vous excuser de cela, ie vous congnois assez. Sur mon ame ie tiens mes compagnons & moy aussi aiseurez en ceste vostre ville, que si nous estions dedans Paris. Et n'ay pas peur aydant Dieu que aucun inconuenient nous aduienne, au moins que ce soit de vostre consentement. Monseigneur de Bayard dit le Duc si nous faisons vne chose, le Pape veult icy vsfer d'une meschanceté, il luy fault donner la pareille. Je m'en vois encores parler à son homme, & verray si ie le pourray gagner & tirer à ma cordelle, de façon qu'il nous puisse faire quelque bon tour. C'est bien dit respondit le bon Cheualier. Et sur ces paroles s'en retourna le Duc en son Palais, tout droict en la chambre, où il auoit laissé Messire Augustin Guerlo. Auquel de bien loing entama plusieurs propos, & de plusieurs sortes, pour venir à son poinct, qu'il sceut tres-bien faire venir en ieu, quand temps feut, comme vous orrez. Disant, Messire Augustin, l'ay pensé toute ceste matinée au propos que me mande le Pape, où ie ne puis trouuer fondement, ne grand moyen, pour deux raisons. L'une, que ie ne me doibs iamaïs fier de luy. Car il a dict tant de fois que s'il me tenoit qu'il me feroit mourir, & que i'estoye l'homme uiuant qu'il hayoit le plus, & sçay bien qu'il n'y a chose en ce monde qu'il desire autant, que d'auoir ceste ville, & mes autres terres, parquoy ie ne veois point

Louys
XII.

Louys
XII.

d'ordre que ie deusse auoir feureté en luy. L'autre, que si ie dis au Seigneur de Bayard à present, que ie n'ay plus que faire deluy, ny de ses compaignons, que pourra il penser? Vne fois il est plus fort en la ville que ie ne suis. Peut estre qu'il me respondra que volontiers en aduertira le Roy de France son maistre, ou Monseigneur le grand Maistre, son Lieutenant general deça les monts, qui cy l'a enuoyé, & selon leur response il verra qu'il aura à faire. En ces entrefaictes seroit grandement difficile qu'ils ne congneussent mon faict, & par ainsi, comme la raison seroit, comme vn meschât m'abandonneroient, & ie demeurerois entre deux felles le cul à terre, dont ie n'ay pas besoin. Mais Messire Augustin, le Pape est d'une terrible nature, comme assez sçauiez, colere & vindicatif au possible. Et quelque chose qu'il vous declare de ses secrets affaires, vn de ces matins vous fera quelque mauuais tour, & m'en croyez. Outre plus, s'il vient à mourir, qu'est ce de ses seruiteurs? Vn autre Pape viendra qui n'en retirera pas vn, & est vn tres-mauuais seruice, qui ne veut estre d'Eglise. Vous sçauiez que i'ay des biens, & beaucoup, graces à nostre Seigneur. Si vous me voulez faire quelque bon seruice, & m'ayder à me deffaire de mon ennemy, ie vous donneray si bon present, & assigneray si bonne intrade, que toute vostre vie ferez à vostre ayse, & en soyiez hardimét asseuré. Le lasche & meschant paillard auaricieux quand il eust entendu le Duc parler, son cœur mua soubdainement. Et respōdit quasi gaigné, Sur mon ame Mon-

seigneur, vous dictes verité, aussi y a il plus de six ans que i'auoye vouloir d'estre à vostre seruice. Je vous veulx bien asseurer, qu'il n'y a homme à l'entour de la personne du Pape, qui puisse mieulx faire ce que demandez que moy. Car la nuit & le iour ie suis aupres de luy. Et bien souuent prend sa colation de ma main, qu'il n'y a que nous deux quand il me deuise de ses trafiques. Si vous me voulez bien traicter, deuant qu'il soit huit iours il ne sera pas en vie, & ne veulx rien que ie n'aye fait ce que ie vous promects. Aussi Monseigneur ie voudrois bien n'estre point mocqué apres. Non, non dict le Duc sur mon honneur. Si conueindrent de marché deuant que partir de là. Ce feut que le Duc luy bailleroit deux mille ducats content, & cinq cent ducats d'intrade. Ce fait, feut Messire Augustin tousiours bien traicté, que le Duc laissa en sa chambre, & retourna deuers le bon Cheualier, qui s'estoit allé esbatre sur les réparts de la ville, & s'amusoit à faire nectoyer vne canonniere. Il veid venir le Duc, au deuant duquel il alla, & se preindrent par la main. Et eulx se pourmenans sur les remparts, loing de gens, commença le Duc à dire, Monseigneur de Bayard, il ne feut iamais autrement que les trompeurs en fin ne feussent trompez. Vous auez bien entendu la meschanceté que le Pape m'a voulu faire faire vers vous, & les François qui sont icy. Et à ceste occasiō m'a enuoyé vn homme, comme sçauiez. Je l'ay si bien gagné & renuersé son propos, qu'il fera du Pape ce qu'il vouloit faire de vous. Car dedans huit iours, pour le

Louys
XII.

plus tard, m'a asseuré qu'il ne sera pas en vie. Le bon Cheualier qui n'eust iamais pensé au faict, respondit, Comment cela Monseigneur, il a doncques parlé à Dieu. Ne vous souciez dit le Duc, mais il sera ainsi. Et tant veindrent de parole en parole, qu'il luy dit que Messire Augustin luy auoit promis d'empoisonner le Pape. Sur lesquelles paroles le bon Cheualier dict, He Monseigneur ie ne croyroye iamais que vn si gentil Prince comme vous estes consentist à vne si grande trahison. Et quand ie le scauroye, de vray ie vous iure mon ame, que deuât qu'il feust nuiet en aduertiroye le Pape. Comment dit le Duc, il en a bien autant voulu faire de vous, & de moy? & ja scauez vous que nous auons faict pendre sept ou huit espies. Il ne m'en chault dit le bon Cheualier. Le faire mourir d'une telle sorte iamais ne m'y consentiroye. Le Duc haulia les espaules, & en crachant contre terre, dit ces paroles, Monseigneur de Bayard ie voudrois auoir tué tous mes ennemis en faisant ainsi. Mais puis que ne le trouuez pas bon, la chose demeurera, dont si Dieu n'y met remede, vous & moy nous repentirons. Non ferons si Dieu plaist dit le bon Cheualier. Mais ie vous prie Monseigneur baillez moy le galand, qui veut faire ce beau chef d'œuvre, & si ie ne le fais pèdre dedans vne heure que ie le soye en son lieu. Non Monseigneur de Bayard dit le Duc, ie l'ay asseuré de sa personne: mais ie le vois renvoyer. Ce qu'il feit incontinent qu'il feut retourné à son Palais. Ie ne scay quād il feut deuers le Pape qu'il feist, ne qu'il dist: mais il
n'executa

n'executa nulles de ses entreprinſes. Si demeura il
 toujours à l'entour de la perſonne du Saint Pere, *Louys*
 qui eſtoit biẽ marry dene pouuoir trouuer moyen *XII.*
 de venir au deſſus de ſes affaires. Il feut encores quel-
 que temps à la Mirandole, & la à l'entour, puis ſe re-
 tira à Boulongne, & feit loger ſon armée eſ garni-
 ſons vers Modene.

ENVIRON ceſte ſaiſon, le Duc d'Vrbin, ſon
 nepueu, qui toujours auoit eſté bon François, & à
 qui il deſplaiſoit à merueilles de la guerre que le Pa-
 pe auoit leuée contre le Roy de France, tua le Cardi-
 nal de Paue, Legat à Boulongne, qui gouuernoit le
 Pape entierement, & lequel en feut tres-grãdement
 courroucé, mais il conueint qu'il ſ'appaiaſt. L'occa-
 ſiõ pourquoy ce feut que l'on rapporta au dict Duc
 d'Vrbin, que le Cardinal de Paue auoit dict au Pa-
 pe, qu'il eſtoit plus ſeruiteur des François que de luy,
 & qu'il les aduertifſoit chaſcun iour de ſon gouuer-
 nement. Cela y peut bien ayder: mais la principale
 racine eſtoit que celuy Cardinal de Paue auoit eſté
 le premier qui auoit conſeillé au Pape de commen-
 cer la guerre, il en feut payé en mauuaife monnoye.

IE laiſſeray ce propos, & parleray de ce qui ad-
 ueint durant deux ans en Italie.

CHAPITRE XLVI.

*De pluſieurs choſes qui adueindrent en Italie
 en deux ans.*

Louys
XII.



POURCE que ceste Histoire est principalement fondée sur les vertus & prouesses du bon Cheualier sans peur, & sans reproche, laisseray beaucoup de choses à desmesler, si elles ne sont requises y estre mises. Toutesfois ie veu en gros declarer ce qui adueint durant deux ans en Italie, & iusques à la mort du bon Seigneur de Chaumont, Gouverneur de Milan, auquel gouuernement succeda le gentil Prince Duc de Nemours, Gaston de Foix.

L'EMPEREUR demanda encores secours au Roy de France, pour la conqueste du Frioul, que les Venitiens tenoient. C'est vn tres-bel & bon pays, & par là entre l'on en la Germanie en deux ou trois endroits, & par l'vn bout en l'Esclauonie. Sa demande luy feut accordée, & escripuit le dict Seigneur à son Lieutenant general le dict Seigneur de Chaumont, qu'il enuoyast le Seigneur de la Palisse au dict pays de Frioul, accompagné de douze cent hommes d'armes, & de huiet mille hommes de pied. Ce qui feut faict. Et y alla avec tout plein de gentils Capitaines, tant de cheual, que de pied. Vous pouuez penser qu'il ne laissa pas le bon Cheualier son parfait amy derriere. Ils trouuerent l'armée de l'Empereur à Verone, si marcherent ensemble. Pour lors & en ceste mesme armée estoit Lieutenant pour l'Empereur vn Gentil-homme Alleman; qu'on nommoit Messire George de Stain. Ils entrèrent bien auant, & allerent pour assieger Treuise: mais ils n'y feirent rien. Et aux approches feut tué vn gaillard.

Gentil-homme le Seigneur de Lorges , qui estoit alors Lieutenant du Capitaine Bonnet, qui auoit mille hommes de pied. Et en son lieu le feut vn sien ieune frere, qui depuis a faiçt de belles choses. De là ils tirerent iusques sur le bord d'vne riuere qu'on appelle la Piaue, qui separe le Frioul, & le Treuisan, & y feut dessus faiçt vn pont sur bateaux. Le bon Cheualier & le Capitaine Fontrailles passerent outre avec leurs bendes. Or depuis vn peu auoit le bon Cheualier sous sa charge cent hommes d'armes, dont le Roy de France auoit faiçt don au gentil Duc de Lorraine, par condition que le bon Cheualier les conduiroit comme son Lieutenant: mais pas miculx ne demandoit le bon Prince, Car en tout le monde n'en eust sceu auoir de meilleur. Si allerent ces deux vaillans Capitaines , avec quelques Allemans deuant Gradisque, & deuant Gorice, qui sont sur les confins de l'Esclauonie: toutesfois les Venitiens les tenoient. Elles feurent prinſes, & mises entre les mains de l'Empereur. Et puis s'en retournerent au camp, où ils trouuerent le Seigneur de la Pallisse, qui auoit longuement demeuré, sans grands choses faire, par la mauuaise conduicte des gens de l'Empereur. Et si iamais pauures gës de guerre n'eurent autant de mal. Car ils feurent six iours durant sans manger pain, ne boire vin, & assez d'autres necessitez ils eurent en ce malheureux voyage. De sorte que le Roy de France y perdit plus de quatre mille hommes de pied de maladie, & plus de cent hommes d'armes. Et entre autres gens il y auoit enuiron

Louys
XII.

deux mille cinq cent Grifons, qui quand le pain leur faillit mangerent force raisins. Car c'estoit au mois de Septembre. Vn flus de ventre les preint, de façon qu'ils mouroient cent pour iour. Et feut vne chose bien estrange que des deux mille cinq cent quand ils retournerent en leur pays n'estoient que deux. L'un feit le Capitaine, & l'autre portoit l'enseigne. Brief de tous les gens que le Seigneur de la Palisse auoit mené avec luy n'en eust sceu mestre de sains trois cent hommes d'armes à cheual, ne trois mille hommes à pied.

QUAND il veid ceste malheureté il s'en voulut retourner. Ce que les gens de l'Empereur ne trouuoient pas bon, & y eut entre eulx de grosses paroles. Toutesfois il s'en vint iusques à vn lieu nommé Sainct Boniface. C'est le villaige où les Venitiens en l'année precedente auoient si longuement tenu leur camp, & là feirent sejour quelque peu. Durant lequel, ainsi que le Seigneur du Reu Bourguignon alloit visiter vn chasteau, que luy auoit donné l'Empereur, il feut prins des Albanois de la Seigneurie de Venise. On disoit que le Seigneur Mercure, qui pareillemēt estoit au dict Empereur, luy auoit donné ceste trouffe, pource qu'il querelloit la place comme luy. Je m'en rapporte à ce qu'il en feut.

LE Seigneur Jean Iacques en ces deux ans reconquesta avec l'armée du Roy de France la Mirandole, & repoussa l'armée du Pape iusques deuant Boulogne, où elle feut deffaicte, sans mestre espée en la main, & cuida estre prins le Pape dedans. Iamais

ne feut veu si grosse pitié de camp. Car tout leur bagage y demeura, artillerie, tentes, & pauillons. Et y auoit tel François qui luy seul amenoit cinq ou six hommes d'armes du Pape ses prisonniers. Et en feut vn qui auoit vne iambe de bois appellé la Baulme, qui en auoit trois liez ensemble. Ce feut vne grosse deffaicte, & gentiment executée. Le bon Cheualier sans peur & sans reproche y eut honneur merueilleux. Car il menoit les premiers coureurs, & luy feut cest honneur le soir de la deffaicte le Seigneur Iean Iacques en souppant de dire que apres Dieule Seigneur de Bayard debuoit auoir l'honneur de la victoire. Il y eut beaucoup de vaillans Capitaines quand il profera les paroles. Et estoit si saige & vertueux qu'il ne les eust point dictes, s'il n'y eust eu grande raison.

A v retour le gentil Duc de Nemours alla veoir le Duc & la Duchesse de Ferrare, où il feut receu à grand ioye, & luy faicte force festins à l'usage du pays. Car la gentille Duchesse en sçauoit trop bien la maniere..

L v y estant là se feut vn combat de deux Espagnols, que ie veulx bien reciter.

CHAPITRE XLVII.

Comment deux Espaignols combattirent à outrance en la ville de Ferrare.

Louys
XII.



LE IOVR mesme que ce gentil Duc de Nemours arriua à Ferrare, le Baron de Bearn luy dit, que s'il vouloit auroit le passetemps de veoir vn combat à outrance de deux Espaignols. Dont l'un s'appelloit le Capitaine Saincte Croix, & auoit esté Colonel des gens de pied du Pape. L'autre se nommoit le Seigneur Azeuedo, qui auoit aussi eu quelque charge des dictz gens de pied. L'occasion de leur combat estoit, que le dict Azeuedo disoit, que le Capitaine Saincte Croix l'auoit voulu faire tuër meschamment, & en trahison, & qu'il l'en combatroit. L'autre respondoit qu'il auoit menty, & qu'il s'en deffendrait. Parquoy estoit venu le dict Azeuedo à Ferrare, pour soy presenter au Duc de Nemours, afin de luy faire donner le camp. Ce qu'il feit, apres que le dict Baron de Bearn le luy eust donné à congnoistre. Ainsi Azeuedo bien aise d'estre asseuré du cãp, le manda incontînét à son ennemy Saincte Croix, qui ne feit pas longue demeure. En attendant sa venuë feut dressé le camp deuant le Palais. Et deux iours apres que feut arriué Saincte Croix, lequel veint bien accompagné, car il auoit bien cent cheualx de compaignée, dõt le principal & qu'il auoit prins pour son parrain estoit Dó Pedro de Acuña, Cheualier de Rhodes, & Prieur de Messine, Dom François de Beaumont, qui peu auparauant auoit laissé le seruice du Roy de France, & autres, delibera parfaire ses armes. Et entrèrent en camp vne iournée de Mardy, enuiron vne heure apres midy. Pre-

mier entra l'assaillant qui estoit Azeuedo, avec le Seigneur Federic de Bozzolo, qui estoit de la Maison de Gonzague, qu'il auoit prins pour son parrain. Et si ne sçauoit pas encores comment son ennemy & en quelles armes il vouloit combattre. Toutesfois comme bien conseillé s'estoit garny de tout ce qu'il luy estoit necessaire en homme d'armes, à la genete, & à pied, en toutes les sortes qu'il pouuoit imaginer qu'on sceust combattre. Peu apres qu'il feut entré, va deuers luy le Prieur de Meline, qui faict porter deux secrettes, deux rapieres bien tranchantes, & deux poignards, lesquels il presenta au Seigneur Azeuedo pour choisir. Il preint ce qui luy estoit besoin. Et ce faict, se meit Saincte Croix dedans le camp. Tous deux se iecterent à genoüils, pour faire leurs oraisons à Dieu. Apres feurent taster par les parrains, sçauoir s'ils auoient nulles armes sous leurs vestemens. Ce faict, chascun vuida le camp, qu'il n'y demeura fors les deux combatans, leurs deux parrains, & le bon Cheualier sans peur, & sans reproche, qui par le Duc de Ferrare, & pour plus l'honorer, aussi qu'il n'y auoit homme au monde qui mieulx s'entendit en telles choses, feut ordonné maistre & garde du camp. Le Herault commença à faire son cry, tel qu'on a accoustumé faire en tels cas, que nuls ne feist signe, erachast, ne touffast, ne autres choses, dont nul des dictz combatans peust estre aduisé. Ce faict, marcherent l'un contre l'autre. Azeuedo en la main droicte meit sa rapiere, & en l'autre son poignard. Mais Saincte Croix meit

Louys
XII.

son poignard au fourreau, & teint seulement sa rapie-
riere. Or vous pouuez penser que le combat estoit
bien mortel. Car ils n'auoient nulles armes sur eulx
pour les couvrir. Saigement se iecterent plusieurs
coups, & auoient chascun bon pied, & bon œil, &
bon besoin leur estoit. Or apres plusieurs coups,
Sainte Croix en rua vn dangereux droict au visai-
ge, que Azeuedo deffendit subtilement de sa rapie-
re. Et en descendant son coup luy couppa tout le
hault de la cuisse iusques à l'os, dont incontinent
faillit le sang à grosse abondance. Toutesfois Sain-
te Croix cuida marcher en auant, pour se venger:
mais il tomba. Quoy voyant par iceluy Azeuedo,
bien ioyeux s'approcha de son ennemy, en luy di-
fant en son langage, Rends toy Sainte Croix, ou
ie te tuëray : mais il ne respondit rien, ains se meit sur
le cul, tenant son espée au poing. Et faisant ses excla-
mations delibera plustost mourir, que de se rendre.
Alors Azeuedo luy dit, Leue toy doncques Sainte
Croix, ie ne te frapperois iamais ainsi. Aussi il y fai-
soit dangereux, comme à vn homme desesperé. Et
de grand cœur qu'il auoit se releua, & marcha deux
pas en auant, cuidant enfermer son homme, qui recu-
la vn pas, rabatāt son coup. Si tomba pour la secon-
de fois Sainte Croix, quasi le visaige contre terre,
& eut Azeuedo l'espée leuée, pour luy coupper la
teste. Ce qu'il eust bien faict, s'il eust voulu, mais il
retira son coup, & pour tout cela ne se vouloit point
rendre Sainte Croix. La Duchesse de Ferrare, avec
laquelle estoit le gentil Duc de Nemours, le prioit à
iointes

ioinctes mains qu'il les feit departir. Il respondit *Louys*
 Madame ie le voudrois bien, pour l'amour de vous. *XII.*
 Mais honnestement ie ne puis ne doibs prier le
 vainqueur contre la raison. Sainte Croix perdoit
 tout son sang, & si plus guieres y feust demeuré
 mort estoit sans nul remede. Parquoy le Prieur de
 Messine, qui estoit son parrain, s'en veint à Azeue-
 do, auquel il dit, Seigneur Azeuedo ie congnois
 bien au cœur du Capitaine Sainte Croix, qu'il
 mourroit plustost que se rendre: mais voyant qu'il
 n'y a point de moyen en son faict ie me rends pour
 luy. Ainsi demeura victorieux. Si se meit à deux ge-
 noüils, & fort humblement remercia nostre Sei-
 gneur. Incontinent veint vn Chyrurgien qui estan-
 cha la playe de Sainte Croix. Et ses gens le prein-
 drent entre leurs bras, & l'emporterét hors du camp
 avec ses armes, lesquelles Azeuedo enuoya deman-
 der: mais on ne les vouloit rendre. Si s'en veint plain-
 dre au Duc de Ferrare, qui le dit au bon Cheualier,
 lequel eust la cômmission d'aller dire à Sainte Croix,
 que s'il ne vouloit rendre les armes comme vaincu,
 que le Duc le feroit rapporter dedans le camp, où
 luy seroit sa playe descouuë, & le mettroit on en la
 sorte que son ennemy l'auoit laissé, quand son par-
 rain s'estoit rendu pour luy. Quand il veid que for-
 celuy estoit, rendit ses armes au bon Cheualier, qui
 comme le droict le donnoit les bailla au Seigneur
 Azeuedo. Lequel avec trompettes & clairons feut
 mené aulogis du Seigneur Duc de Nemours.

PEV de temps auant s'estoit faict vn autre com-

Hh

Louys
XII.

bat à Parme, entre deux autres Espaignols. L'un, nommé le Seigneur Peralte, qui autresfois auoit esté au seruice du Roy de France, & feut tué d'un coup de faulcon au camp de la fosse, ainsi que le Seigneur Iean Iacques chassoit l'armée du Pape, & l'autre le Capitaine Aldano. Leur combat feut à cheual, à la genete, la rapiere, le poignard, & chascun trois dards en la main, avec vne targuete. Le parrain de Peralte feut vn Espaignol, & celui de Aldano feut le gentil Capitaine Molart. Il auoit tant neigé, que leur combat se feit en la place de Parme, où on l'auoit releuée, & n'y auoit autres bartieres que de neige. Chascun des deux combatans feit tres-bien son debuoir. En fin, le Seigneur de Chaumont qui auoit donné le camp, les feit sortir en pareil honneur.

LES Venitiens en ce temps veindrent assieger Verone, où estoit le Seigneur du Plessis pour le Roy de France, qui la tenoit en gage pour aucuns deniers, qu'il auoit prestez à l'Empereur. Toutesfois ils n'y feirent rien, & alla leuer le siege le Seigneur de Chaumont, Gouverneur de Milan.

L'ARMEE du Pape & des Espaignols veindrent aussi assieger Boulongne: mais le siege en feut leué pareillement, & se retirerent les ennemis en la Romaigne.

QUEL QUE temps apres, en vn lieu dict Correge, alla de vie à trespas le bon Seigneur de Chaumont. Ce gentil Cheualier, qui par l'espace de dix ou douze ans, auoit si bien gardé la Lombardie à son maistre le Roy de France. Ce feut en son viuant

vn faige, vertueux, & aduisé Seigneur, de grande *Louys*
vigilance, & bien entendant ses affaires. Mort le *XII.*
preint vn peu bien tost. Car lors de son trespas n'auoit que trête & huiët ans, & si n'en auoit pas vingt & cinq quand on luy bailla le gouuernement de la Duché de Milan. Dieu par sa grace luy face pardon. Car il feut homme de bien toute sa vie.

P E V apres enuoya le Roy de France en Italie le Seigneur de Longueuille, son Lieutenant general. Lequel feit faire nouuel serment à tous ceulx qui tenoient les villes & places du Duché de Milan au Roy son maistre, & à la fille aisnée Madame Claude de France. Il y demeura quelques iours, puis s'en retourna. Et ne tarda guieres apres que ce gentil Duc de Nemours ne feust Lieutenant general, en la sorte quel'estoit le dict feu Seigneur de Chaumont. Il ne demeura guieres en cest estat, car mort le surpreint, qui feut gros dommaige à toute gentillesse.

S V R la fin de l'année mille cinq cent & onze, & *1511.*
vers Noël, descendit vne grosse troupe de Suisses, Au deuant desquels feut le dict Duc de Nemours, & quelque nombre de gens: mais il n'estoit pas puissant pour les combattre à la campagne. Par ce que la plus part de ses gens estoient en garnison comme à Verone, Boulongne, & autres villes. Chascun iour se faisoit des escarmouches. Toutesfois les François feurent rembarrez iusques dedans Milan, où le iour mesme le Seigneur de Conty, Capitaine de cent hommes d'armes alla faire vne courle, en laquelle il n'eut pas du meilleur. Car il perdit huiët ou dix hō-

Louys mes d'armes, & si feut fort blessé, De façon que en la
XII. ville de Milan mourut. Le lendemain le bon Che-
 ualier sans peur, & sans reproche, son grand com-
 paignon, & amy, le vengea bien : Car il feut aux
 champs, & deffait cinq cent Suisses, au lieu mesme
 où receut les coups de la mort iceluy Seigneur de
 Conty. Quelques iours feurent les Suisses deuant
 Milan : mais viures leur faillirent. Parquoy feurent
 contraincts venir à quelque appoinctemēt, & eulx
 en retourner. Le dict appoinctement se feit par leur
 Capitaine general, & qui les auoit amenez, que l'on
 nommoit le Baró de Sax, avec le Duc de Nemours,
 en vn lieu pres de Milá, dict Sainct Ange. Les dicts
 Suisses s'en retournerent : mais ceste descente feit
 gros dommaige en la Duché. Car ils bruslerent
 quinze ou vingt gros villaiges.

PE V apres s'en alla le dict Duc de Nemours, par
 ce qu'il entédit que l'armée d'Espaigne approchoit
 Boulongne, pour l'assieger, en vn villaige pres de
 Ferrare, nommé le Final, où il assembla toute l'ar-
 mée, & la logea là à l'entour.

AI N S I que la dicte armée marchoit droict à ce
 Final, passa le noble Duc de Nemours par vne peti-
 te ville appelée Carpi, avec la plus part des Capitai-
 nes, melmement ceulx en qui plus se fioit, & qu'il
 aymoitle mieulx. Il y sejourna deux iours, & y feut
 fort bien receu avec la compaignée du Seigneur de
 la ville, qu'on estimoit de grand sçauoir, tant és le-
 tres Grecques, que Latines. Il estoit cousin ger-
 main de Iean François Pic Comte de la Mirandole,

& luy fappelloit Albert Pie Côte de Carpi. Il soup-
 pa le soir de l'arriuée du dict Duc de Nemours avec
 luy, & les Capitaines François, où il y eut plusieurs
 deuils. Et entre autres d'un Astrologue, que aucuns
 appelloient deuin, lequel estoit en ceste ville de
 Carpi. Et que c'estoit merueilles de ce qu'il disoit des
 choses passées, sans en auoir iamais eu congnoissan-
 ce. Et encores qui plus fort estoit parloit des choses
 à venir. Il n'est rien si certain, que tous vrayes Chre-
 stiens doibuent tenir qu'il n'y a que Dieu qui sçai-
 che les choses futures. Mais cest Astrologue de Car-
 pi a dict tant de choses, & à tant de sortes de gens,
 qui depuis sont aduenües, qu'il a mis beaucoup de
 monde en resuerie. Quand le gentil Duc de Ne-
 mours en eust ouy parler, ainsi que ieunes gens ap-
 petent de veoir choses nouuelles, pria au Comte
 qu'il l'enuoyast querir. Ce qu'il feit, & veint incon-
 tinent. Il pouuoit estre de l'aage de soixante ans, ou
 enuiron, homme sec, & de moyenne taille. Le Duc
 de Nemours luy tendit la main, & en Italien luy de-
 manda comment il se portoit. Il luy respondit tres-
 honnestement. Plusieurs propos feurent tenus, &
 entre autres luy feut demandé par le Seigneur de
 Nemours, si le Visroy de Naples & les Espaignols
 attendroient la bataille. Il dict que ouy, & que sur sa
 vie elle seroit le Vendredy Sainct, ou le iour de Pas-
 ques, & si seroit fort cruelle. Il luy feut demandé qui
 la gaigneroit. Il respôdit ces propres mots, Le camp
 demeurera aux François, & y feront les Espaignols
 la plus grosse & lourde perte qu'ils feirent cent ans.

Louys
 XII.

Louys
XII.

Mais les François n'y gagneront guieres, car ils perdront beaucoup de gens de bien, & d'honneur, dont ce sera dommaige. Il dit merueilles. Le Seigneur de la Palisse luy demanda s'il demeureroit point à ceste bataille. Il dit que nenny, qu'il viuroit encores douze ans pour le moins, mais qu'il mourroit en vne autre bataille. Autant en dit il au Seigneur de Humbecourt, & au Capitaine Richebourg, qu'il seroit en grand danger d'estre tué de fouldre. Brief il n'y eut guieres de gens en la compaignée qu'ils ne s'enquistent de leur affaire. Le bon Cheualier sans peur & sans reproche estoit present qui s'en rioit, & le gentil Duc de Nemours luy dit, Monseigneur de Bayard mon amy, ie vous prie demandez vn peu à nostre Maistre que ce sera de vous. Il ne fault point, respondit il, que ie le demande: Car ie suis asseuré que ce ne sera iamais grand chose. Mais puis qu'il vous plaist ie le veuil bien. Et commença à dire à l'Astrologue, Monseigneur nostre Maistre ie vous prie dictes moy si ie seray vne fois grand riche homme. Il respondit, Tu seras riche d'honneur, & de vertu, autant que Capitaine feust iamais en France: mais des biens de fortune tu n'en auras guieres, aussi ne les cherches tu pas. Et si te veulx bien aduiser, que tu seruiras vn autre Roy de France apres cestuy cy qui regne, & que tu sers, lequel t'aymera & estimera beaucoup: mais les enuieux t'empescheront qu'il ne te fera iamais de grands biens, ny ne te mettra pas aux honneurs que tu auras meritez. Toutesfois croy que la faulte ne procedera pas de luy.

Et de ceste bataille que dictes estre si cruelle, en eschapperay-ie? Ouy dit il: mais tu mourras en guerre dedans douze ans, pour le plus tard, & seras tué d'artillerie. Car autremét n'y finirois tu pas tes iours. Par ce que tu es trop aymé de ceulx qui sont sous ta charge, qui pour mourir ne te laisseroient en peril. Brief ce feut vne droicte farce des propos que chascun luy demanda. Il voyoit qu'entre tous les Capitaines le Duc de Nemours faisoit grande priuaulté au Seigneur de la Palisse, & au bon Cheualier. Il les tira tous deux à part, & leur dit en son langage, Messeigneurs, ie veois bien que vous aimez fort ce gentil Prince icy, lequel est vostre chef, aussi le merite il bien. Car sa face à merueilles demonstre sa bonne nature. Donnez vous garde de luy le iour de la bataille, car il est pour y demeurer. S'il en eschappe, ce sera vn des grands & esleuez personaiges qui iamais sortist de France. Mais ie trouue grosse difficulté qu'il en puisse eschapper. Et pource pësez y bien, car ie veulx que vous me trenchiez la teste si iamais homme feut en si grãd hazard de mort qu'il fera. Helas mauldicte soit l'heure de quoy il dit si bien verité. Le bõ Prince de Nemours leur demanda en soubfiant, Qu'est ce qu'il vous dit Messeigneurs? Le bon Cheualier respondit, qui changea de propos, Monseigneur, c'est Monseigneur de la Palisse, qui luy faiet vne question scauoir mon s'il est autant aymé de Reffuge, que Viuerots. Il luy dict que non, dont il n'est pas fort cõtent. De ce ioyeux propos se preint à rire Monseigneur de Nemours,

Louys
XII.

Louys qui n'y pensa autrement. Sur ces entrefaictes arriua
XII. vn aduenturier en la compaignée, qu'on disoit estre
gentil compaignon, mais assez vicieux, qu'on ap-
pelloit Iacquin Caumont, & portoit quelque en-
seigne és bendes du Capitaine Molard. Il se voulut
faire de feste comme les autres, & veint à l'Astrolo-
gue, qu'il tira à part, & commença à luy dire, Vien
ça bougre, dy moy ma bonne adventure. L'autre se
sentit iniurié, & respondit en homme courroucé,
Va, va, ie ne te diray rien, & si as menty de ce que tu
me dis. Il y auoit beaucoup de Gentils-hommes en
presence, lesquels dirent à Iacquin, Capitaine, vous
auez tort, vous voulez tirer du passetemps de luy, &
luy dictes iniure. Alors il reueint peu à peu, & parla
beaucoup plus doucement, en luy disant, Maistre
mon amy, si i'ay dict quelque folle parole ie te prie
pardonne moy, & fait tant qu'il le rappaisa. Et puis
luy monstra sa main. Car le dict Astrologue regar-
doit le visaige, & les mains. Quand il eust veu celle
de Iacquin, il luy dit en son langaige, ie te prie ne me
demande rien, car ie ne te diroye chose qui vaille.
Toute la compaignée qui estoit là se preint à rire, &
Iacquin bien marry de ce que les autres rioient, dit
encores à l'Astrologue, C'est tout vn, dis moy que
c'est, ie sçay bien que ie ne suis pas cocu, car ie n'ay
point de femme. Quand il se veid ainsi pressé, il luy
dit, Veulx tu sçauoir de ton affaire? Ouy dit Iac-
quin. Or pense doncques à ton ame de bonne heu-
re dit l'Astrologue. Car deuant qu'il soit trois mois
tu seras pendu & estranglé. Et de rire par les escou-
tans

rans de plus belle , lesquels n'eussent iamais pensé que le cas adueint. Car il n'y auoit nulle apparence, pource qu'il estoit en credit parmy les gens de pied, & aussi qu'ils pensoient que le Maistre l'eust dict, pource que Iacquin l'auoit du commencement iniurié : mais il ne feut rien si vray. Et comme on dict en vn commun prouerbe , qui a à pendre ne peut noyer. Je vous diray ce qui adueint de luy. Deux ou trois iours apres que le Duc de Nemours feut arriué au Final , qui est vn gros villaige , au milieu duquel passe vn canal, qui va cheoir au Pau assez profond, & y auoit vn pont de bois pour aller d'un costé à l'autre , de iour en iour en ce canal arriuoient plus de cent barques, qui venoient de Ferrare, & apportoitent toutes manieres de victuailles aux François. Vn iour par aduenture, que Iacquin eust bien soupé, veint enuiron neuf heures de nuict à force torches & tabourins de Suisses au logis de Monseigneur de Molart, son Capitaine, armé de toutes pieces, & môté sur vn fort beau coursier en ordre comme vn Sainct George. Car de sa foulde ou de pillage il estoit fort bien vestu, & auoit trois ou quatre grands cheuaulx , esperant que apres la guerre faille se mectroit des Ordonnances. Quand Monseigneur de Molart le veid en ceste sorte, & veul'heure que c'estoit, se preint à rire, congnoissant bien que la maluoisie luy auoit quelque peu troublé le cerueau. Siluy dit, comment Capitaine Iacquin voulez vous laisser la picque ? Nenny non dit il Monseigneur : mais ie vous supplie menez moy au logis de

Louys
XII.

Louys
XII.

Monseigneur de Nemours, & que deuant luy il me voyerompre ceste lance que ie tiens. Afin qu'il ait congnoissance si vn faulte-buissou ne courra pas vn bois aussi bien que vne aridelle. Le Capitaine Molart congneut bien que la matiere valloit bien venir iusques à la fin, & que le Seigneur Duc de Nemours & toute la cōpagnée s'en pourroit resiouyr. Si mena Iacquin, qui passa tout à cheual par dessus ce pôt de bois, qui trauersoit le canal. Car les gens de pied estoient logez d'un costé, & les gens de cheual de l'autre. Or venu qu'il feut deuant le logis du Duc de Nemours, qui desia en estoit aduertý, & descendu de son dit logis, ensemble la compaignée qui estoit avec luy, pour en auoir leur passetemps, quand ils feurent sur la ruë, Iacquin mieulx garny de vin que d'autre chose, avec force torches, en sorte qu'on y voyoit comme en plein midy, se meit sur les rens. Lors le Duc de Nemours luy escrie Capitaine Iacquin est ce pour l'amour de vostre Dame, ou pour l'amour de moy, que voulez rompre ceste lance? Il respondit en parlant de Dieu à la mode des aduenturiers, que c'estoit pour l'amour de luy, & qu'il estoit homme pour seruir le Roy à pied, & à cheual. Si baissa la veuë, & feist sa course tellement quellement; mais il ne sceut rompre sa lance. Il recourut encores vn coup: mais il en feit autant, & puis la tierce & quarte fois. Quand on veid qu'il ne faisoit autre chose, il fascha la compaignée, & le laissa on là. Bien ou mal faict par luy se meit au retour à son logis le beau pas. Il auoit fort eschauffé son cheual, &

de sorte qu'il alloit tousiours faultelant. Ioinct aussi qu'il ne le menoit guieres bien, luy donnant de l'esperon sans propos, de façon que quand il feut sur ce pont de bois le chatoüilloit tousiours. Il auoit vn peu pleuiné, de sorte que en faisât par le cheual vn petit fault, les quatre pieds luy vont fouyr, & tomberent homme & cheual dedans le canal, où pour le moings y auoit demie lance d'eauë. Ceulx qui estoient de sa compaignée s'escrierent à l'ayde, à l'ayde. D'enhault ne luy pouuoit on donner secours. Car ce canal estoit faict comme vn fossé à fonds de cuue. Et sans le grand nombre des barques qui estoient là, on n'en eult veu iamais pied, ne main. Le cheual se deffoit de son homme, & nagea plus de demy quart d'heure, auant qu'il sceult trouuer moyë d'eschapper. En fin il se trouua à vn lieu qu'on auoit baissé pour abreuuer les cheuaulx, & se sauua. Le Capitaine Iacquin le vaillant homme d'armes grenouïlla en l'eauë longuement: mais en fin comme par miracle feut sauué, & pesché par ceulx qui estoient és barques: mais plus mort que vif. Incontinent feut desarmé & pendu par les pieds, où en peu de temps iecta par la bouche deux ou trois seaux d'eauë, & feut plus de six heures sans parler. Toutesfois les Medecins de Monseigneur de Nemours le veindrent veoir, & feut si bien secouru que dedans deux iours feut aussi sain & gaillard que iamais. Il ne fault pas demander si de ses compaignôs aduenturiers feut mocqué à double carillon. Car l'vn luy disoit, He Capitaine Iacquin, vous souuiens-

Louys

XII.

dra il vne autre fois de courir la lance à neuf heures de nuit en hyuer? L'autre luy disoit, Il vault encores trop mieulx estre faulte-buïsson, que aridelle, on ne tombe pas de si hault. Brief il feut mené comme il luy appartenoit. Mais cela ne me faiçt point tant esmerueiller, comme de ce qu'il se sauua de dedans ce canal, & armé de toutes pieces. Et c'est ce qui m'a faiçt meçtre cest incident en ceste Histoire, à propos del' Astrologue de Carpi, qui luy auoit dit qu'il seroit pendu & estranglé. Comme il feut le Mardy d'apres Pasques ensuyuant, qu'auoit esté la furieuse journée de Rauenne, comme vous orrez.

ESTANT ce gentil Duc de Nemours au Final, attendant tousiours quelques nouuelles des ennemis, se partit vne journée entre les autres, & alla visiter le Duc & la Duchesse de Ferrare en leur ville, lesquels s'ils luy auoient faiçt bonne chere par le passé, encores la luy feirent ils meilleure. Il y demeura cinq ou six iours en ioyeux & honnestes passetemps, & en rapporta les couleurs de la Duchesse, qui estoient de gris & noir. Et puis s'en retourna en son camp, où il eut certaines nouuelles que sans secourir la ville de Boulongne, elle & ceulx qui estoient dedans s'en alloient perdus, parquoy assembla tous les Capitaines pour y aduiser. Si feut conclud qu'on iroit leuer le siege. Il faisoit assez mauuais cheuaucher, comme en la fin du mois de Ianuier. Toutesfois il partit de Final, & preint son chemin droict à Boulongne. Où durant son voyage adueint vn gros inconuenient. Car la ville de Bresse feut reprise par les Venitiens, comme vous entendrez.

CHAPITRE XLVIII.

*Comment Messire André Gritti, Prouidadour
de la Seigneurie de Venise, par le moyen du
Comte Louys Auogare repreint la
ville de Bresse.*



LES VENITIENS taschoient tous les iours entre autres choses de trouuer le moyen à remectre la ville de Bresse entre les mains de la Seigneurie, qui est vne des belles Citez de l'Europe, des plus fortes, & garnie de tous viures que l'on sçauroit souhaicter, pour nature substantier. Dedans icelle sourdent tant de belles fontaines, que c'est vn droict Paradis terrestre. Il y a trois vallées qui viennent entre les montaignes eulx ioindre à la dicte ville, dont l'une vient des Allemaignes, & les deux autres d'entre le Frioul, & Venise, & s'appellent la Val Camonegue, la val Tropic, & la val Zobie. Et par l'une de ces trois se peut tousiours donner secours à la ville, laquelle estoit garnie des gens du Roy de France, & en estoit pour lors Gouverneur le Seigneur de Lude, & Capitaine du chasteau vn Gentil-homme du pays de Basque nommé Herigoye. La grande volonté qu'auoient les Venitiens de reprendre Bresse n'estoit pas fondée sans raison. Car par là affamoient ceulx qui estoient dedans Verone, &

Louys

XII.

faisoient barbe à ceulx qui voudroient partir de Milan, pour leur faire porter des viures. Mais ils ne pouuoient trouuer moyen de la rauoir, ny aussi surprendre ceulx qui la gardoient, sans auoir intelligence dedans à quelque gros personnaige. Et combien que les habitans feussent bons à Saint Marc personne ne s'osoit aduenturer. Parce que le feu Seigneur de Conty, & le bon Cheualier, pour vne surprinse qui leur cuida estre faicte, peu de temps deuant, auoient faict coupper la teste à vn des plus apparés de la ville, & de la plus grosse Maison, nommée le Comte Iean Marie de Martinengue, qui en estoit le chef, & plusieurs autres feurent confinez en France. Toutesfois le diable ennemy de tout repos humain voulut vser de sa science, & va semer vne dissention en la dicte ville entre deux grosses Maisons, l'vne de Gambare, & l'autre de Auogare: mais celle de Gambare estoit beaucoup plus fauorisée des François. Vn iour s'esmeut vn debat entre deux des enfans du Côte de Gambare, & du Comte Louys Auogare, De sorte que celuy de Gambare, qui estoit bien accompagné, blessa oultrageusement l'autre. Le dict Comte Louys Auogare ne s'en feust sceu venger, Car la force n'estoit pas sienne en la ville, si s'en estoit venu à Milã. Aucun temps auoit esté deuers le Duc de Nemours, pour en auoir la iustice & reparation. Le bon Prince le vouloit, & en commanda commissions, pour en faire l'information, afin de rendre à chascun son droict. Je ne sçay comment il alla: mais en fin n'en eut autre chose.

Parquoy comme homme iniurié à tort, sans en pou-
 uoir auoir raison, se desespera, & delibera de retour-
 ner à son naturel. Et faisant semblant d'aller huiet
 ou dix iours à vne sienne possession, s'en va iusques
 à Venise deuers le Duc, & la Seigneurie, les induire
 à regagner & remectre entre leurs mains la bonne
 ville de Bresse. Et de ce leur bailla les moyens qu'il
 falloit tenir, qui pour l'heure sortirent à bon effect.
 S'il feut le bien venu, ne fault pas demander. Car la
 dicte ville de Bresse estoit la fillole de Saint Marc.
 Il feut festoyé trois ou quatre iours comme vn Roy,
 durant lequel temps preindrent conclusion en leur
 affaire. Et luy feut promis au iour par eulx prins, &
 assigné, qu'il n'y auroit nulle faulte que Messire
 André Gritti ne se trouuast deuant la ville, avec sept
 ou huiet mille hommes de guerre, sans les villains
 des montaignes qui descendroient. Et que cepen-
 dant il allast gagner gens en la ville, & faire ses pre-
 paratifs. Il s'en veint, & secretement gaigna & tira à
 sa cordelle la plus part des habitans. Le Seigneur du
 Lude ne se fioit pastrop en eulx, & faisoit chascun
 iour bon guet: mais il estoit bien mal accompagné,
 pour se defendre contre la commune, s'ils eulient
 eu mauuais vouloir, comme tous eurent, ou la plus
 part. Car cinq ou six iours apres à vn matin au
 poinct du iour veindrent les Venitiens à vne des
 portes, qu'ils trouuerent garnie de gens pour la de-
 fendre, si feirent sonner l'alarme. Le Seigneur du
 Lude semoit incontinent en ordre, pour là y cuider
 donner. Mais en arriuerent les François à la porte,

Louys partie des ennemis rompirent certaines grilles de
XII. fer, par où sortoient les immondices de la ville, &
commécerent à entrer dedans, criant *Marco, Marco*. Quand & quand le Comte Louys Auogare se
meit sus, & tous ceulx de sa faction, de sorte qu'on
eust veu toute la ville en armes. Quand le pauvre
Seigneur du Lude veid qu'il estoit trahy, feit sonner
la retraicte à ses gens, & au mieulx qu'il luy feut pos-
sible avec eulx se retira au Chasteau: mais tous les
cheuaulx, harnois, & habillemens y demeurèrent.
La Comtesse de Gambare qui estoit Françoisse, &
tous ceulx qui tenoient le party du Roy de France,
s'y sauuerent. Sur ces entrefaictes, feurent les portes
ouuertes, & mis le Seigneur Messire André Gritti
dedans. Vne grosse pitié feut, Car tous les François
qui feurent trouuez dedans, sans en prendre vn à
mercy, feurent mis en pieces: mais ils le comparu-
rent apres, comme vous verrez. La premiere chose
que feit faire le Comte Louys Auogare, quand il
veid sa force, ce feut d'aller aux maisons de ceulx de
Gambare, lesquelles il feit toutes ruiner & desmo-
lir. Le Prouidadour Messire André Gritti congneut
bien que ce n'estoit pas le plus fort d'auoir eu la ville
s'il n'auoit le Chasteau. Car par là pourroit estre ai-
sément reprinse. Si l'enuoya par vn trompette som-
mer incontinent: mais il perdit sa peine, car trop
estoit garny de gaillarde Cheualerie. Toutesfois au
peuple qui y estoit entré les viures n'eussent guie-
res duré. Et dauantage le Prouidadour feit canon-
ner la place à merueilles, & y eust grosse breche fai-
cte.

etc. Dauantaige feit foubdainement dresser deux engins, en maniere de gruës, pour approcher de la place, lesquels portoient bien chascun cent hommes de front. Brief ils feirent tout ce que possible estoit de faire, pour prendre le Chasteau. Le Seigneur du Lude & le Capitaine Herigoye bië estonnez de ceste trahison, depescherent vn homme deuers le Duc de Nemours, qui estoit allé avec toute sa puissance à Boulongne, en l'aduertissant de leur inconuenient. Et dauantaige que s'ils n'estoient secourus dedans huit iours ils estoient perdus. Le messaiger combien que tous les passaiges feussent gardez eschappa, & feit si bonne diligence, qu'il arriua deuant Boulongne, le iour mesme que le gentil Duc auoit leué le siege, & rafreschy la ville de gens, & de viures. Les lectres luy feurent presentées, que le bon Prince ouurit, & leut. Il feut bien esbahy, quand il entendit l'inconuenient de Bresse. Car c'estoit apres le Chasteau de Milan la place que les François eussent en Italie de plus grosse importance. Les Capitaines feurent assemblez, & conclurent tous ensemble que à toute diligence falloit retourner, & la reprendre s'il estoit possible. Ce qu'ils pensoient aisé à executer, pourueu que le Chasteau ne se perdist point. Apres ceste conclusion n'y eust plus de procez : mais chascun feit trousser son cas, & se meirent à chemin.

Louys
XII.

CHAPITRE XLIX.

De la grande diligence que feit le gentil Duc de Nemours pour reprendre Bresse. Et comment il deffait le Capitaine general des Venitiens en chemin, & cinq ou six mille hommes.



VAND Messire André Gritti feut maistre & Seigneur de la ville de Bresse, & qu'il eut assiegé le Chasteau, comme auez entendu, ne se teint pas à tant. Mais bien congnoissant que dès ce que le Duc de Nemours, qui estoit allé leuer le siege de Boulongne en seroit aduert, soubdain retourneroit. Parquoy s'il ne se trouuoit fort dedans la ville, & aussi puissant que luy pour combatre aux champs, seroit en danger d'estre perdu, il escripuit vne lectre à la Seigneurie, qu'il enuoya en extrefme diligence. Et en icelle leur faisoit entèdre, qu'il estoit plus que necessaire pour conseruer la ville de Bresse par luy prinse, ils enuoyassent secours si puissant, que ce feust pour se deffendre, & à vn besoin donner la bataille au camp des François, & par le moyen de Bresse recouuereroient toutes leurs terres. Sa demande feut trouuée raisonnable, & de grosse importance. Si feut incontinent mandé à Messire Iean Paul Baillon, lors Capitaine general de ceste Sei-

gneurie de Venise, qu'il eust iour & nuict à marcher, accompagné de quatre cent hommes d'armes, & quatre mille hommes de pied, & qu'il s'en allast iecter dedans Bresse. Quand il eut le vouloir de la Seigneurie entendu, il se meit en son debuoir, & à chemin, au plustost qu'il peut. De l'autre costé marchoit le Duc de Nemours si diligemment, que vn cheuaucheur sur vn courtault de cent escus n'eust sceu faire plus de pays, qu'il en faisoit en vn iour avec toute son armée. Et tant fait qu'il arriua aupres d'un Chasteau appelé Valege, qui tenoit pour le Roy de France, & lequel cuidoit prendre le Capitaine Iean Paul Baillon en passant. Et ce qu'il sy amusa luy apporta grand dommaige. Car le Duc de Nemours en feut aduerty, lequel feit faire ce iour là à son armée en fin cœur d'hyuer, comme à la my-Februar, trente milles de pays. Et de façon qu'il se trouua plus pres de Bresse, que le dict Capitaine Baillon, qui en vn passaige feut rencontré des François. Il auoit cinq ou six pieces d'artillerie, lesquelles il feit deslacher, dont del'une feut tué le porte enseigne du Seigneur de Teligny, Capitaine moult à louer, lequel menoit avec le bon Cheualier les premiers coureurs. Toute la nuict le bõ Cheualier auoit eu la fiebure, & n'estoit point armé, ains estoit en vne robe de veloux noir à cheuaucher. Mais quand il veid qu'il falloit combattre, emprunta vn halecret d'un aduenturier qu'il meit sur sa dicte robe, & monta sur vn gaillard coursier. Puis avec son compaignon le Seigneur de Teligny marcha droict aux

Louys
XII.

Louys

XII.

ennemis. La grosse troupe de l'auantgarde des François estoit encores bien loing. Toutesfois ils ne laisserent point de charger, & y eut dure & aspre rencontre, qui dura tousiours, combatant vn quart d'heure. Cepédant en veindrent nouuelles au camp. Si feurét les François rafraischis de gens. Mais quand le Capitaine de la Seigneurie les veid approcher, tourna le dos, se retirant de là où il estoit venu. Il feut chassé longuement: mais iamais ne peut estre prins. Ses gens de pied y demurerent, son artillerie, & la plus part de ses gens de cheual. Ce feut vne gorgiasse deffaicte, & proffictable aux François. Car s'ils feussent entrez dedans Bresse, iamais n'eust esté reprinse. De ceste tant bonne rencontre feut marry & ioyeux le Duc de Nemours: Ioyeux, de ce qu'il estoit victorieux, & marry, de ce qu'il ne s'y estoit trouué. Ces nouuelles feurent incontinent sceües au Chasteau de Bresse, où ils feirent feu de ioye en cinq ou six lieux. Car par là se trouuoient asseurez d'estre secourus dedans deux iours. Mais s'ils en auoient ioye au Chasteau, ils en eurent bien autant de melancolie en la ville, congnoissans que c'estoit leur destruction. Et se feussent volontiers retournez les habitans, lesquels veindrent supplier à Messire André Gritti qu'il se retirast: mais il n'en voulut rien faire, dont mal luy en preint. Le noble Prince Duc de Nemours s'en veint apres la deffaicte de Ieã Paul Baillon loger à vingt milles pres de Bresse, & le lendemain au pied du Chasteau. En marchât il se trouua quelque nombre de villains assemblez en vn pe-

cit villaige, lesquels voulurent tenir fort: mais en fin feurent tous mis en pieces. Quand l'armée des François feut arriüée incontinent monterent au Chasteau quelques Capitaines, pour reconforter les Seigneurs du Lude, & le Capitaine Herigoye, ensemble ceulx qui estoient dedans, & y feut porté force viures. Dont de ioye tirerent dixhuiet ou vingt coups d'artillerie en la ville, & de telle feste se feussent bien passez les habitans. Le lendemain monta le Seigneur de Nemours au Chasteau, aussi feirent les Capitaines, & toute l'armée, où il feut conclud de donner l'assault à la ville, qui feut aspre, dur & cruel.

Loyys
XII.

CHAPITRE L.

Comment le Duc de Nemours repreint la ville de Bresse sur les Venitiens, où le bon Chevalier sans peur, & sans reproche, acquit grand honneur. Et comment il feut blessé quasi à mort.



LE DUC de Nemours, qui ne voulut point songer en ses affaires, apres qu'il feut monté au Chasteau, assembla tous ses Capitaines, pour sçauoir qu'il estoit de faire. Car dedans la ville y auoit gros nombre de gens, comme huiet mille hommes de guerre, & douze ou quatorze mille villains du pays, qui se-

Louys estoient avec eulx assemblez. Et si estoit la ville forte
XII. à merueilles. Vn bien y auoit qu'on descendoit du
Chasteau en la Citadelle, sans trouuer fossé qui guieres donnast empeschement. Bien auoient fait vn bon rampart. Or en toutel'armée du Roy de France n'estoient point alors plus de douze mille combatans. Car vne grosse partie estoit demeurée à Boulongne. Toutesfois au peu de nombre qui y estoit n'y auoit que redire. Car c'estoit toute fleur de Cheualerie. Et croy que cent ans parauant n'auoit esté veu pour le nôbre plus gaillarde compaignée. Et dauantaige avec le bon vouloir que chascun auoit de seruir son bon maistre le Roy de France, ce gentil Duc de Nemours auoit tant gaigné le cœur des Gentils-hommes, & des aduenturiers, qu'ils feussent tous morts pour luy. Eulx assemblez au conseil feut demandé par le dict Seigneur à tous les Capitaines leur aduis, que chascun dist au mieulx qu'il sceut. Et pour conclusion, feut ordonné qu'on donneroit l'assault sur les huit ou neuf heures, lendemain matin. Et telle feut l'Ordonnance. C'est que le Seigneur de Molart, avec ses gens de pied, conduiroit la premiere pointe: mais deuant luy iroit le Capitaine Herigoye & ses gens escarmoucher. Apres en vne troupe marcheroient ce Capitaine Iacob, quel'Empereur Maximilian auoit deuant Padoüe en la bende du Prince de Anhalt, mais par moyens feut gaigné au seruice du Roy de France, & auoit alors deux mille lansquenets; les Capitaines Bonnet, Maugiron, le bastard de Cleues, & autres, iuf-

ques au nombre de sept mille hommes. Et le Duc de Nemours, les Gentils-hommes, que conduisoit le grand Seneschal de Normandie, avec la plus grosse force de la gend'armirie à pied, marcheroient à leur costé, l'armet en teste, & la cuirasse sur le dos. Et Monseigneur d'Alegre feroit à cheual à la porte Sainct Jean, qui estoit la seule porte que les ennemis tenoient ouuerte. Car ils auoient muré les autres, avec trois cent hommes d'armes, pour garder que nul ne sortist. Le vertueux Capitaine Seigneur de la Palisse ne feut point à l'assault. Car le soir de deuant il auoit esté blessé en la teste d'un esclat par un coup de canon qu'on auoit tiré de la ville au Chasteau. Ceste Ordonnance faicte, chascun la trouua bonne, excepté le bon Cheualier, qui dit apres ce que le Duc de Nemours selon son ordre eust parlé à luy, Monseigneur, saufue vostre reuerence, & de tous Messeigneurs, il me semble qu'il fault faire vne chose, dont nous ne parlons point. Il luy feut demandé par le dict Seigneur de Nemours que c'estoit. C'est dit il que vous enuoyez Monseigneur de Molart faire la premiere pointe, de luy ie suis plus que assuré qu'il ne reculera pas, ne beaucoup de gens de bien qu'il a avec luy. Mais si les ennemis ont point de gens d'estoffe, & bien cōgnoissans la guerre avec eulx, comme ie croy que ouy, sçachez qu'ils les mètront à la pointe, & pareillement leurs hacquebutiers. Or en tels affaires si il est possible ne faut iamais reculer. Et si d'auenture ils repouloient les dicts gens de pied, & ils ne feussēt sortis de gen-

Louys d'armerie, il y pourroit auoir gros desordre. Par-
xii. quoy ie suis d'aduis qu'avec mon dict Seigneur de
Molart, on mette cent ou cent cinquante hommes
d'armes, qui seront pour beaucoup mieulx sousten-
nir le fais, que les gens de pied qui ne sont pas ainsi
armez. Lors dict le Duc de Nemours, Vous dictes
vray Monseigneur de Bayard : mais qui est le Capi-
taine qui se voudra mettre à la mercy de leurs hac-
quebutes. Ce sera moy si luy vous plaist Monseigneur,
respondit le bon Cheualier, & croyez que la com-
pagnée dont i'ay la charge fera aujourd'huy de
l'honneur au Roy, & à vous, & tel seruice que vous
en apperceuerez. Quand il eust parlé, n'y eust Capi-
taine qui ne regardast l'un l'autre, car sans point de
faute le faict estoit tres-dangereux. Toutesfois il
demanda la charge, & elle luy demeura. Quand tout
feut conclud, encores dit le Duc de Nemours, Mes-
seigneurs, il fault que selon Dieu nous regardions à
vne chose. Vous voyez bien que si ceste ville se prēd
d'affault elle sera ruinée, & pillée, & tous ceulx de
dedans morts, qui seroit vne grosse pitié. Il fault en-
cores sçauoir d'eulx, auant qu'ils en essayent la fortu-
ne, s'ils se voudroient point rendre. Cela feut trouué
bon, & le matin y feut enuoyé vn des trompettes,
qui sonna dès ce qu'il partit du Chasteau, & marcha
iusques au premier rampart des ennemis, où estoiet
le Prouidadour Messire André Gritti, & tous les Ca-
pitaines. Quand le trompette feut arriué, deman-
da à entrer en la ville. On luy dit qu'il n'entreroit
point : mais qu'il dit ce qu'il voudroit, & que c'e-
stoient

stoient ceulx qui auoient puiſſance de luy reſpon-
 dre. Lors feit ſon meſſaige tel que vous auez enten-
 du cy deſſus, & que ſ'ils vouloient rendre la ville, on
 les laiſſeroit aller leurs vies ſauues, ſinon & où elle ſe
 prendroit d'aſſault, qu'ils pouuoient eſtre tous aſſeu-
 rez de mourir. Il luy feut reſpondu qu'il ſ'en pou-
 uoit bien retourner, & que la ville eſtoit de la Sei-
 gneurie, qu'elle y demeureroit, & dauantaige qu'ils
 garderoient bien que iamais François n'y meit le
 pied. Helas les pauures habitans ſe feurent volon-
 tiers rendus: mais ils ne feurent pas les maiſtres. Le
 trompette reueint qui feit ſa reſponſe. Laquelle
 ouye, n'y euſt autre delay, ſinon que le gentil Duc
 de Nemours, qui deſia auoit ſes gens en bataille,
 commença à dire, Or Meſſeigneurs il n'y a plus
 que bien faire, & nous monſtrer gentils compai-
 gnons, marchons au nom de Dieu, & de Monſei-
 gneur Sainct Denys. Les paroles ne feurent pas ſi
 toſt proferées, que tabourins, trompettes, & clairôs
 ne ſonnaſſent l'aſſault & l'alarme ſi impetueuſemêt,
 que aux coiarts les cheueulx dreſſoient en la teſte,
 & aux hardis le cœur leur croiſſoit au ventre. Les
 ennemis oyâs ce bruit d'eſlacherent pluſieurs coups
 d'artillerie, dont entre les autres vn coup de canon
 veint droit donner au beau milieu de la troupe
 du Duc de Nemours, ſanſ tuer ne bleſſer perſonne:
 Qui feut quaſi choſe miraculeuſe, conſideré com-
 me ils marchotent ferrez. A lors ſe meit à marcher
 auant le Seigneur de Molart & le Capitaine Heri-
 goye avec leurs gens. Et ſur leur aile quand & quâd

Louys le gentil & b^o Cheualier sans peur, & sans reproche,
xii. à pied avec toute la compaignée, qui estoient gens
eilleus. Car la plus part de les gens d'armes auoient en
leurs tēps esté Capitaines : mais ils aymoient mieulx
estre de la compaignée, à moings de bien faiēt la
moictié que d'un autre. Tant se faisoit aymer par
ses vertus. Ils approcherent pres du premier ram-
part, derriere lequel estoient les ennemis, qui com-
mencerent à tirer artillerie, & leurs hacquebutes
aussi dru comme mouches. Il auoit vn peu pleuui-
né, le Chasteau estoit en montaigne, & pour des-
cendre en la ville on couloit vn peu. Mais le Duc de
Nemours en monstrant qu'il ne vouloit pas demeu-
rer des derniers, osta ses fouliers. A son exemple le
feirent plusieurs autres. Car à vray dire ils s'en sou-
stenoient mieulx. Le bon Cheualier, & le Seigneur
de Molart combattirent à ce rampart furieusement :
aussi feut il merueilleusement bien deffendu. Les
François crioient *France, France*, ceulx de la compai-
gnée du bon Cheualier crioient *Bayard, Bayard*, les
ennemis crioient *Marco, Marco*. Brief ils faisoient
tant de bruit, que les hacquebutes ne pouuoient
estre ouyes. Messire André Gritti donnoit merueil-
leux couraige à ses gens, & en son langaige Italien
leur disoit, Tenons bon mes amis, les François se-
ront tantost lassez, ils n'ont que la premiere pointe.
Et si ce Bayard estoit deffaict iamaïs les autres n'ap-
procheroient. Il estoit bien abusé. Car s'il auoit grād
cœur de deffendre, les François l'auoient cent fois
plus grand pour entrer dedans. Et vont liurer vn af-

fault merueilleux, par lequel ils repoussèrent vn peu les Venitiens. Quoy voyant par le bon Cheualier, commence à dire, Dedans, dedans compaignons, ils sont nostres, marchez, tout est deffaict. Luy mesme entra le premier, & passa le rempart, & apres luy plus de mille. De sorte qu'ils gagnerent le premier fort, qui ne feut pas sans se biē battre, & y en demeura de tous les costez : mais peu des François. Le bon Cheualier eut vn coup de picque dedans le hault de la cuisse, & entra si auant que le bout rompit, & demeura le fer & vn bout du fust dedans. Bien cuida estre frappé à mort de la douleur qu'il sentit. Si cōmēcea à dire au Seigneur de Molart, Compaignon, faictes marcher vos gēs, la ville est gaignée, De moy ie ne sçauois tirer oultre, car ie suis mort. Le sang luy sortoit en abondance. Si luy feut force, ou là mourir sans confession, ou se retirer hors de la foule, avec deux de ses archers, lesquels luy estancherent aux miculx qu'ils peurent sa playe, avec leurs chemises qu'ils deschirerent & rompirent pour ce faire. Le pauvre Seigneur de Molart, qui ploroit amèrement la perte de son amy, & voisin, (Car tous deux estoient de l'escarlate des Gentils-hommes,) comme vn lyon furieux delibera le venger, & commença rudemēt à pousser. Et le bon Duc de Nemours, & sa flote apres, qui entendit en passant auoir le premier fort esté gaigné par le bō Cheualier : mais qu'il y auoit esté blessé à mort. Si luy mesme eust eu le coup n'eust pas eu plus de douleur. Si commença à dire, He Messeigneurs mes amis, ne vengerons

Louys

XII.

nous point sur ces villains la mort du plus accompli Cheualier qui feust au mode? Le vous prie que chascun pense de bien faire. A sa venuë feurent Venitiés maltraictez, & guerpirent la Citadelle, faisans mine se vouloir retirer vers la ville, & leuer le pont. Et trop eussent eu à faire les François par ce moyen. Mais ils feurent poursuiuis si viuement, qu'ils passerent le Palais, & entrèrent pesse mesle en la grand' place, en laquelle estoit toute leur force, la gend' armerie & cheualx legers à cheual, avec les gens de pied, en bataille bien ordonnée, selon leur fortune. Là se monstrerent les lansquenets & aduenturiers François gentils compagnons. Le Capitaine Bonnet, y feit de grands appertises d'armes. Et sortant de sa troupe la longueur d'une picque, marcha droict aux ennemis, & feut aussi tres-bien suiuy. Le combat dura demie heure, ou plus. Les Citadins & femmes de la ville iectoient des fenestres gros carreaux, & pierres, avec eaüe chaulde, qui dommaigea plus les François, que les gens de guerre. Ce nonobstant en fin feurent les Venitiens deffaiçts, & y en demeura sur ceste grand' place de si bien endormis, qu'ils ne se refueilleront de cent ans, sept ou huiçt mille. Les autres voyans qu'il n'y faisoit pas trop feur, chercherent leur eschappatoire de ruë en ruë: mais tousiours de leur malheur trouuoient gens de guerre, qui les tuoient comme pourceaux. Messire André Gritti, le Comte Louys Auogare, & autres Capitaines estoient à cheual, lesquels quand ils veirent la rouverte entierement sur eulx, voulurent essayer le

moyen de se sauuer, & s'en allerent droict à ceste porte de Sainct Iean, cuidans sortir. Si feirēt abaïsser le pont, & crioient *Marco, Marco, Italie, Italie* : mais c'estoit en voix de gens bien effrayez. Le pont ne feut iamais si tost baïssé, que le Seigneur d'Alegre, gentil Capitaine, & diligent n'entraist dedans la ville, avec la gend'armèrie qu'il auoit. Et en s'escriant *France, France*, chargea sur les Venitiens, lesquels tous ou la plus grand part porta par terre. Et entre autres le Comte Louys Auogare, qui estoit monté sur vne iument coursiere pour courir cinquante milles sans repaistre. Le Prouidadour Meillire André Gritti veid bien qu'il estoit perdu sans remede, si plus attendoit. Parquoy apres auoir couru de ruë en ruë, pour eschapper la fureur, descendit de son cheual, & se iecta en vne maison, seulement avec vn de ses gens, où il se meit en deffense quelque peu. Mais doubtant plus gros inconuenient fait en fin ouurir le logis, où il feut prins prisonnier. Brieu nul n'en eschappa, qu'il ne feust mort ou prins. Et feut vn des plus cruels assauls, qu'on eust iamais veu. Car des morts tant des gens de guerre de la Seigneurie, que de ceulx de la ville, y eut nombre de plus de vingt mille. Et des François ne s'en perdit iamais cinquante, Qui feut grosse fortune. Or quand plus n'y eut à qui combatre, chascun se meit au pillage parmy les maisons, & y eut de grosses pitieuz. Car comme pouuez entendre, en tels affaires il s'en trouue tousiours quelques vns meschans, lesquels entrerent dedans Monasteres, & feirent beaucoup de

Louys dissolutions. Car ils pillerent & desroberent en beau-
xii. coup de façons, de sorte qu'on estimoit le butin de
la ville à trois millions d'escus. Il n'est rien si certain,
que la prinse de Bresse feut en Italie la ruine des Frá-
çois. Car ils auoient tant gagné en ceste ville de
Bresse, que la plus part s'en retourna, & laissa la guer-
re, & ils eussent faict bon mestier à la Journée de
Rauenne, comme vous entendrez cy apres. Il fault
sçauoir que deueint le bon Cheualier sans peur, &
sans reproche, apres qu'il eut gagné le premier
fort, & qu'on l'eut si lourdement blessé, que con-
trainct auoit esté à son grand regret de demeurer,
auec deux de ses archers. Quand ils veirent la Cita-
delle gagnée, en la premiere maison qu'ils trouue-
rent desmonterent vn huis, sur lequel ils le charge-
rent. Et le plus doucement qu'ils peurent, auec quel-
que ayde qu'ils trouuerent le porterent en vne mai-
son, la plus apparente qu'ils veirent là à l'entour. C'e-
stoit le logis d'un fort riche Gentil-homme: mais il
s'en estoit fuy en vn Monastere, & sa femme estoit
demeurée au logis, en la garde de nostre Seigneur,
auec deux belles filles qu'elle auoit, lesquelles es-
toient cachées en vn grenier dessoubs du foin.
Quand on veint heurter à sa porte, comme cōstan-
te d'attendre la misericorde de Dieu la va ouurir. Si
veid le bon Cheualier, qu'on apportoit ainsi blessé,
lequel feit incontinent ferrer la porte, & meit deux
archers à l'huis, ausquels il dit, Gardez sur vostre vie
que personne n'entre ceans, si ce ne sont de mes gēs.
Je suis asseuré que quand on sçaura que c'est mon

logis, personne ne s'efforcera d'y entrer. Et pource que pour me secourir ie suis cause dont perdez à gagner quelque chose, ne vous souciez, vous n'y perdrez rien. Les archers feirent son commandement, & luy feut porté en vne fort belle chambre, en laquelle la Dame du logis le mena elle mesme. Et se iectant à genoüils deuant luy, parla en ceste maniere, rapportant son langaige au François. Noble Seigneur, ie vous presente ceste maison, & tout ce qui est dedans. Car ie sçay bien qu'elle est vostre, par le debuoir de la guerre : mais que vostre plaisir soit de me sauuer l'honneur, & la vie, & de deux ieunes filles que mon mary & moy auons, qui sont prestes à marier. Le bon Cheualier, qui oncques ne pensa meschanceté, luy respondit, Madame, ie ne sçay si ie pourray eschapper de la playe que i'ay : mais tant que ie viuray à vous ne à vos filles ne sera fait desplaisir, nō plus que à ma personne. Gardez les seulement en vos chambres, qu'elles ne se voyent point. Et ie vous assure qu'il n'y a homme en ma maison qui se ingere d'entrer en lieu, que ne veuilliez bien. Vous assurant au surplus que vous auez ceans vn Gentil-homme, qui ne vous pillera point : mais vous feray toute la courtoisie que ie pourray. Quand la bonne Dame l'ouyt si vertueusement parler feut toute assurée. Apres il luy pria qu'elle enseignast quelque bon Chyrurgien, & qui peust hastiuement le venir habiller. Ce qu'elle feit, & l'alla querir elle mesme avec vn des archers, car il n'y auoit que deux maisons de la sienne. Luy arriué, visita la playe du

Louys bon Cheualier, qui estoit grande, & profonde :
XII. resfois il l'asseura qu'il n'y auoit nul danger de mort.
Au second appareille veint veoir le Chyrurgien du
Duc de Nemours, appellé Maistre Claude, qui depuis le pensa, & en feit tres-bien son debuoir, de sorte qu'en moins d'un mois feust prest à monter à cheual. Le bon Cheualier habillé, demanda à son hostesse où estoit son mary. La pauvre Dame toute esplorée luy dit, Sur ma foy Monseigneur, ie ne sçay fil est mort ou vif. Bien me doute s'il est en vie, qu'il sera dedans vn Monastere, où il a grosse congnissance. Dame dict le bon Cheualier faictes le chercher, & ie l'enuoyeray querir, en sorte qu'il n'aura point de mal. Elle feit enquerir où il estoit, & le trouua. Puis feut enuoyé querir par le Maistre d'Hostel du bon Cheualier, & par deux archers, qui l'amenerent seurement. Et à son arriuée, eut de son hoste le bon Cheualier ioyeuse chere. Et luy dit qu'il ne se donnast point de melancolie, qu'il n'auoit logé que de ses amis. Apres la belle & glorieuse prinse de la ville de Bresse par les François, & que la fureur feut passée, se logea le victorieux Duc de Nemours, qui n'estoit pas l'effigie du Dieu Mars mais luy mesme. Et auant que boire ne māger assembla son conseil, où feurent tous les Capitaines, afin d'ordonner ce qui estoit necessaire de faire. Premier enuoya chasser toutes manieres de gēs de guerre, qui estoient es Religions, & Eglises, & feit retourner les Dames aux logis avec leurs maris, fils n'estoient plus prisonniers, & peu à peu les assura. Il conueint diligenter

genter à vuyder les corps morts de la ville, par peur
 del'infection, où on feut trois iours entiers, sans au- *Louys*
 tre chose faire, & en trouua l'on vingt & deux mille *XII.*
 & plus. Il donna les Offices qui estoient vacans à
 gens qu'il pensoit bien qui les sceussent faire. Le
 procez du Comte Louys Auogare feut fait, lequel
 auoit esté cause de la trahison pour reprendre Bres-
 se, & eut la teste trenchée, & mis apres en quatre
 quartiers, & deux autres de sa faction, dont l'un s'appel-
 loit Thomas Delduc, & l'autre Hieronyme de
 Riue. Sept ou huit iours feut à Bresse ce gentil Duc
 de Nemours, où vne fois le iour pour le moins al-
 loit visiter le bon Cheualier, lequel il reconfortoit
 le mieulx qu'il pouuoit. Et souuent luy disoit, He
 Monseigneur de Bayard mon amy, pensez de vous
 guerir, Car ie sçay bien qu'il faudra que nous don-
 nions vne bataille aux Espaignols entre cy & vn
 mois. Et si ainsi estoit, i'aymerois mieulx auoir per-
 dutout mon vaillant que n'y feussiez, tant i'ay gran-
 de fiance en vous. Le bon Cheualier respondit,
 Croyez Monseigneur que s'il est ainsi qu'il y ait ba-
 taille, tant pour le seruice du Roy mon maistre, que
 pour l'amour de vous, & pour mon honneur, qui
 va deuant, ie m'y feroye plustost porter en lictiere,
 que ie n'y feusse. Le Duc de Nemours luy feit force
 presens, selon sa puissance, & pour vn iour luy en-
 uoya cinq cent escus, lesquels il donna aux deux ar-
 chers, qui estoient demeurez avec luy quand il feut
 blessé.

QVAND le Roy de France Louys douziésme
 Mm

Louys
xii.

feut aduerty de la prinse de Bresse, & de la belle victoire de son nepueu, croyez qu'il en feut tres-fort ioyeux. Toutesfois il congnoissoit assez que tant que ces Espaignols seroient roüans en la Lombardie son Estat de Milan ne seroit iamais assuré. Si en escripuoit chascun iour à son dict nepueu, le noble Duc de Nemours, le priant tant affectueusement que possible luy estoit, qu'il luy iectast la guerre de Lombardie, & qu'il meit peine d'en chasser les Espaignols. Car il luy ennuyoit de soustenir les frais qu'il conuenoit faire, aux gens de pied qu'il auoit, & ne les pouuoit plus porter, sans trop fouler son peuple. Qui estoit la chose en ce monde qu'il faisoit à plus grand regret. Dauantaige qu'il sçauoit bien que le Roy d'Angleterre luy braisoit vn broüet, pour descendre en France, & pareillement les Suisses. Et que si cela aduenoit, luy seroit besoin de s'ayder de ses gens de guerre qu'il auoit en Italie. Et en fin c'estoit en toutes ses lectres la conclusion de donner la bataille aux Espaignols, ou les exterminer si loing qu'ils ne retournassent plus. Ce Duc de Nemours auoit si grand amour au Roy son oncle, qu'en toutes choses se vouloit garder de le courroucer. Et dauantaige il sçauoit certainement que ses lectres ne luy venoient point sans grande raison. Si se meit en totale deliberation d'accomplir volontairement le commandement qui luy estoit faict, touchant mettre fin à la guerre. Si assemble tous ses Capitaines gens de cheual, & de pied, & à belles petites iournées marcha droit à Boulongne, où là au-

pres arriua en son camp le Duc de Ferrare, auquel il bailla son auantgarde à conduire, avec le Seigneur de la Palisse. Et tant alla, qu'il trouua l'armée du Roy d'Espaigne, & du Pape, à quinze milles de Boulougne, en vn lieu dit Castel Saint Pedro. C'estoit vne des belles armées, & des mieulx equippees, pour le nombre qu'ils estoient, qu'on eust iamais veu. Dom Raymód de Cardonne, Visfroy de Naples, en estoit le Chef, & auoit en sa compaignée douze ou quatorze cent hommes d'armes, dont les huict cent estoient bardez. Ce n'estoit que or, & azur, & les mieulx montez de coursiers, & cheuaulx d'Espaigne, que gens de guerre qu'on eust iceu veoir. D'auantaige il y auoit deux ans qu'ils ne faisoient que aller & venir parmy ceste Romaigne, qui est vn bõ & gras pays, & où ils auoient leurs viures à souhaiet. Il y auoit douze mille hommes de pied seulement, deux mille Italiens, soubz la charge d'un Capitaine Ramassot, & dix mille Espaignols, Biscains, & Nauarrois, que conduisoit le Comte Pedre Nauarre, & de toute la troupe des gens de pied estoit Capitaine general. Il auoit autresfois mené ses gens en Barbarie contre les Maures, & avec eulx auoit gaigné deux ou trois batailles. Brief c'estoient tous gens aguerris, & qui scauoient les armes à merueilles. Quand le gentil Duc de Nemours les eut approché, commencerent Espaignols tousiours à eulx retirer le long de la montaigne, & les François tenoient la plaine. Si feurent bien trois sepmaines ou vn mois qu'ils estoient les vns des autres à six ou sept milles,

Louys
XII.

mais bien se logeoient tousiours les Espaignols en lieu fort, & souuent s'escarmouchoient ensemble, en façon que prisonniers se prenoient d'un costé & d'autre, quasi tous les iours. Tant y a que tous les prisonniers François rapportoient que c'estoit vn triomphe de veoir l'armée des Espaignols. Toutes-fois le gentil Duc de Nemours, ne tous les Capitaines & gens de guerre ne desiroient autre chose que à les combattre, mais qu'on les trouuast en lieu marchand. Ceste finesse auoient que tousiours se tenoient en lieu fort, & encores les y alla l'on querir le iour de la bataille de Rauenne, comme vous orrez.

MAIS premier parleray comment le bon Cheualier sans peur & sans reproche partit de Bresse, pour s'en aller apres le Duc de Nemours, & de la grande courtoisie qu'il feit à son hostesse.

CHAPITRE LI.

Comment le bon Cheualier sans peur, & sans reproche, partit de Bresse pour aller apres le Duc de Nemours, & l'armée du Roy de France. De la grande courtoisie qu'il feit à son hostesse au partir, & comment il arrina deuant la ville de Rauenne.



ENVIRON vn mois ou cinq sepmai-
nes feut malade le bon Cheualier sans
peur & sans reproche, de sa playe, en la
ville de Bresse, sans partir du liēt. Dont
bien luy ennuyoit. Car chascun iour

Louys
XII.

auoit nouuelles du camp des François, comment
ils approchoient les Espaignols, & esperoit l'on de
iour en iour la bataille, qui à son grand regret eust
esté donnée sans luy. Si se voulut leuer vn iour, &
marcha parmy la chambre, pour sçauoir s'il se pour-
roit soustenir. Vn peu se trouua foible, mais le grand
cœur qu'il auoit ne luy donnoit pas loisir d'y lon-
guement songer. Il enuoya querir le Chyrurgien,
qui le pensoit alors, & luy dit, Mon amy, ie vous
prie dictes moy s'il y a point de danger de me me-
ctre à chemin, il me semble que ie suis guery, ou
peu s'en fault, & vous promects ma foy, que à mon
iugement le demeurer dorefnauant me pourra plus
nuire que amender. Car ie me fasche merueilleuse-
ment. Les seruiteurs du bon Cheualier auoient des-
ja dict au Chyrurgien le grand desir qu'il auoit d'e-
stre à la bataille, & que tous les iours ne regretoit au-
tre chose. Parquoy ce sçaichant & aussi congnois-
sant sa complexion, luy dit en son langage, Mon-
seigneur vostre playe n'est pas encores close: tou-
tesfois par dedans elle est toute guerie. Vostre bar-
bier vous verra habiller encores ceste fois, & mais
que tous les iours au matin & au soir il y mecte vne
petite tente, & vn emplastre, dont ie luy bailleray
l'oignement, il ne vous empirera point, & si n'y a.

Louys nul dâger. Car le grand mal de la playe est au dessus,
XII. & ne touchera point à la selle de vostre cheual. Qui
eust donné dix mille escus au bon Cheualier il n'eust
pas esté si ayse. Son Chyrurgien feut plus que bien
contenté. Et se delibera de partir dedans deux iours,
commandant à ses gens que durant ce temps ils
meissent en ordre tout son cas. La Dame de son lo-
gis, qui se tenoit tousiours sa prisonniere, ensemble
son mary, & ses enfans, & que les biens meubles
qu'elle auoit estoient siens, car ainsi en auoient faict
les François aux autres maisons, comme elle sçauoit
bien, eut plusieurs imaginations, considerant en soy
mesme que si son hoste la vouloit traicter à la ri-
gueur, & son mary, il en tireroit dix ou douze mille
escus. Car ils en auoient deux mille de rente. Si se de-
libera luy faire quelque honnestes present, & qu'elle
l'auoit congneu si homme de bien, & de si gentil
cœur, que à son opinion se contenteroit gracieuse-
ment. Le matin, dont le bon Cheualier debuoit des-
loger apres disner, son hostesse avec vn de ses serui-
teurs, portant vne petite boëte d'acier entra en sa
chambre, où elle trouua qu'il se reposoit en vne
chaire, apres soy estre fort pourmené, pour tous-
iours peu à peu essayer sa iambe. Elle se iecta à deux
genouïls: mais incontinent la releua, & ne voulut ia-
mais souffrir qu'elle dist vne parole, que premier ne
feust assise aupres de luy. Et puis commença son
propos en ceste maniere, Monseigneur, la grace que
Dieu me feist à la prinse de ceste ville, de vous adres-
ser en ceste vostre maison, ne me feut pas moindre,

que d'auoir sauué la vie à mon mary, la mienne, & de mes deux filles, avec leur honneur, qu'elles doivent auoir plus cher. Et dauantaige depuis que y arriuaſtes, ne m'a eſté faiet ne au moindre de mes gés vne ſeule iniure, mais toute courtoisie, & n'ont pris vos gens des biens qu'ils y ont trouuez la valeur d'un quattrain ſans payer. Monſeigneur ie ſuis aſſez aduertie que mon mary, moy, mes enfans, & tous ceulx de la maiſon ſommes vos priſonniers, pour en faire & diſpoſer à voſtre bon plaſir, enſemble des biens qui ſont ceans. Mais congnoiſſant la nobleſſe de voſtre cœur, à qui nul autre ne pourroit attein- dre, ſuis venue pour vous ſupplier tres-humblement qu'il vous plaiſe auoir pitié de nous, en ellargiſſant voſtre accouſtumée liberalité. Voicy un petit preſent que nous vous faiſons, il vous plaira le prendre en gré. Alors preint la boete, que le ſeruiteur tenoit, & l'ouurit deuant le bon Cheualier, qui la vend pleine de beaulx ducats. Le gentil Seigneur, qui onc- que en ſa vie ne fait cas d'argent, ſe preint a rire, & puis dit, Madame, combien de ducats y a il en ceſte boete? La pauvre femme eut peur qu'il feust courroucé d'en veoir ſi peu. Siluy dit Monſeigneur, il n'y a que deux mille cinq cent ducats, mais ſi vous n'eſtes content, nous en trouuerons plus largement. Alors il dit, Par ma foy Madame, quand vous me doneriez cent mille eſcus, ne m'aurez pas faiet tant de bien, que de la bonne chere que i'ay eüe ceans, & de la bõne viſitation que m'avez faiete. Vous aſſeu- rât que en quelque lieu que ie me trouue, aurez tant

Louys

XII.

Louys
XII.

que Dieu me donnera vie, vn Gentil-homme à vostre commandement. De vos ducats ie n'en veux point, & vous remercie, reprenez les. Toute ma vie ay tousiours plus aymé beaucoup les gens que les escus, & ne pensez aucunemēt que ne m'en voise aussi content de vous, que si ceste Ville estoit en vostre disposition & mel'eussiez donnée. La bonne Dame feut bien estonnée de se veoir esconduite. Si se remeit encores à genoüils, mais gueres ne luy laissa le bon Cheualier. Et releuée qu'elle feut, dit, Monseigneur, ie me sentirois à iamais la plus malheureuse femme du monde, si vous n'emportiez si peu de present que ie vous fais, que n'est rien au pris de la courtoisie que m'avez cy deuant faicte, & faictes encores à present, par vostre grande bonté. Quand le bon Cheualier la veid ainsi ferme, & qu'elle faisoit le present d'un si hardy couraige, luy dit, Bien doncques Madame, ie le prens pour l'amour de vous: mais allez moy querir vos deux filles, car ie leur veux dire à Dieu. La pauvre fēme qui cuidoit estre en Paradis, de quoy son present auoit en fin esté accepté, alla querir ses filles, lesquelles estoient fort belles, bonnes, & bien enseignées, & auoient beaucoup donné de passetemps au bon Cheualier, durant sa maladie, parce qu'elles scauoient fort bien chanter, ioier du lut, & de l'espinette, & fort bien besongner à l'esguille. Si feurent amenées deuant le bon Cheualier, qui cependāt qu'elles s'accoustroient, auoit faict mettre les ducats en trois parties, es deux à chascune mille ducats, & à l'autre cinq cent. Elles arriuées se
vont

vont iecter à genouïls : mais incontinent feurent releuées. Puis la plus aînée des deux commença à dire, Monseigneur, ces deux pauvres pucelles, à qui auez tant faict d'honneur que de les garder de toute iniure, viennent prendre congé de vous. En remerciant tres-humblement vostre Seigneurie de la grace qu'elles ont receüe, dont à iamais pour n'auoir autre puissance serôt tenües à prier Dieu pour vous. Le bon Cheualier quasi larmoyant, en voyant tant de douceur & d'humilité en ces deux belles filles, respondit: Mes Damoiselles, vous faictes ce que ie deburois faire, c'est de vous remercier de la bonne compaignée que m'auiez faicte, dont ie m'en sens fort tenu & obligé. Vous sçauiez que gens de guerre ne sont pas volontiers chargez de belles besongnes pour presenter aux Dames. De ma part me desplaist bien fort que n'en suis bien garny, pour vous en faire present, comme ie suis tenu. Voicy vostre Dame de mere qui m'a donné deux mille cinq cent ducats, que vous voyez sur ceste table, ie vous en dône à chascune mille, pour vous ayder à marier. Et pour ma recompense, vous prierez s'il vous plaist Dieu pour moy, autre chose ne vous demande. Si leur meit les ducats en leurs tabliers, voulussent, ou non. Puis s'adressa à son hostesse, à laquelle il dit, Madame, ie prendray ces cinq cent ducats à mon proffit, pour les departir aux pauvres Religions des Dames, qui ont esté pillées, & vous en donne la charge. Car mieulx entēdrez où sera la necessité que toute autre. Et sur cela ie prens congé de vous. Si leur toucha à

Louys
XII.

Louys

XII.

toutes en la main, à la mode d'Italie, lesquelles se meirent à genoüils, plorâs si tres-fort, qu'il sembloit, qu'on les voulust mener à la mort. Si dit la Dame, Fleur de Cheualerie, à qui nul ne se doit comparer, le benoist Sauueur & Redempteur Iesus Christ, qui souffrit mort & passion pour tous les pecheurs, le vous vueille remunerer en ce monde icy, & en l'autre. Apres se retirerent en leurs chambres. Il feut temps de disner. Le bon Cheualier feit appeller son Maistre d'Hostel, auquel il dit que tout feust prest, pour mōter à cheual sur le midy. Le Gentil-homme du logis, qui ja auoit entendu par sa femme la grande courtoisie de son hôte, veint en sa chambre, & le genoüil en terre, le remercia cent mille fois, en luy offrant sa personne, & tous ses biens, desquels il luy dit qu'il pouuoit disposer comme siens à ses plaisir, & volonté. Dont le bon Cheualier le remercia, & le feit disner avec luy. Et apres ne demeura guieres qu'il ne demandast les cheuaux. Car ja luy tarroit beaucoup, qu'il n'estoit avec la compaignée par luy tant désirée, ayant belle peur que la bataille se donnast deuant qu'il y feust. Ainsy qu'il sortoit de sa chambre pour monter, les deux belles filles du logis descendirent, & luy feirent chacune vn present, qu'elles auoient ouuré durant sa maladie. L'un estoit deux iolis & mignons bracelets, faicts de beaulx cheueulx de fil d'or, & d'argent, tant proprement que merueilles. L'autre estoit vne bourse sur satin cramoisy ouurée moult subtilement. Grandement les remercia, & dit que le present venoit de si

bonnes mains qu'il l'estimoit dix mille escus. Et pour plus les honnorer, se fait mettre les bracelets au bras, & la bourse met en sa manche, les assurant que tant qu'ils dureroient les porteroit pour l'amour d'elles. Sur ces paroles monta à cheual le bon Cheualier, lequel feut accompagné de son grand compaignon & parfaict amy, le Seigneur d'Aubigny, que le Duc de Nemours auoit laissé pour la garde de la Ville, & de plusieurs autres Gentils-hommes, deux ou trois milles. Puis se dirent à Dieu. Les vngs retournerent à Bresse, & les autres au camp des François, où arriua le bon Cheualier, le Mercredi au soir, septiesme d'April, deuant Pasques. S'il feut receu du Seigneur de Nemours, ensemble de tous les Capitaines, ne fault pas demander. Et hommes d'armes & aduenturiers en demenoient telle ioye, qu'il sembloit pour sa venue que l'armée en feust renforcée de dix mille hommes. Le camp estoit arriué ce soir là deuant Rauenne, & les ennemis en estoient à six milles: mais le lendemain qui feut le leudy saint, s'approcherent à deux milles.

Louys
XII.

CHAPITRE LII.

Comment le siege feut mis par le noble Duc de Nemours deuant Rauenne, Et comment plusieurs assaults y feurent donnez le Vendredy saint, où les François feurent repoussez.

Nn ij

Louys
XII.



QVAND le gentil Duc de Nemours feut arriué deuant Rauenne, assembla tous les Capitaines, sçauoir qu'il estoit de faire. Car le camp des François commençoit fort à souffrir, par faulte de viures, qui y venoient à moult grand peine. Et y auoit desia faulte de pain, & de vin. Parce que les Venitiens auoient couppé les viures d'un costé, & l'armée des Espaignols tenoit toute la coste de la Romaine. De sorte qu'il falloit aux aduenturiers manger chair, & fourmaige, par contraincte. Il y auoit encores vn gros inconuenient, dont le Duc de Nemours, ne nul des Capitaines n'estoit aduerty. C'est que l'Empereur auoit mandé aux Capitaines des lansquenets, que sur leur vie eussent à leur retirer incontinent sa lecture veüe, & qu'ils n'eussent à combattre les Espaignols. Entre autres Capitaines Allemans y en auoit deux principaulx. L'un s'appelloit Philippes de Friberg, & l'autre Iacob, qui si gentil compaignon estoit, & de faict tous deux estoient vaillants hommes, & duiets aux armes. Ceste lecture de l'Empereur estoit tombée es mains du Capitaine Iacob. Il estoit allé veoir le Roy de France vne fois en son Royaume depuis qu'il estoit à son seruice, où il luy feut faict quelque present, de façon que son cœur feut tout François. Pareillement ce Duc de Nemours auoit tant gagné les gens, que tous ceulx qu'il auoit avec luy feussent morts à sa requeste. Entre tous les Capitaines François n'y en auoit nul que le Capitaine Iacob aymast tant qu'il faisoit le

bon Cheualier. Et commença cest amour dès le premier voyage de l'Empereur deuant Padoüe, en l'an mille cinq cent & neuf, où le Roy de France luy enuoya cinq ou six cent hōmes d'armes de secours. Quand il eust veu la lectre, & qu'il eust sceu la venüe du bon Cheualier, le vint visiter à son logis, avec son truchement seulement. Car de tout ce qu'il scauoit de François c'estoit bon iour Monseigneur. Ils se feirent grand chere l'un à l'autre, comme la raison vouloit, & que chascun cherche son semblable, & deuiferent de plusieurs choses, sans ce que personne les ouyst. En fin le Capitaine Iacob declara au bon Cheualier ce que l'Empereur leur auoit mandé, & qu'il auoit encores les lectres, que personne n'auoit veu que luy, & ne les vouloit monstrier à nul de ses compaignons. Car il scauoit bien que si leurs lansquenets en estoient aduertis, la plus part ne voudroit point combattre, & se retireroient. Mais que luy il auoit le serment au Roy de France, & sa soulede, & que pour mourir de cēt mille morts ne feroit iamais ceste meschanceté qu'il ne combattist: mais qu'il se falloit hastier. Car il estoit impossible que l'Empereur ne renuoyast bien tost autres lectres, lesquelles pourroient venir à la notice des compaignons de guerre, & que par ce moyen les François pourroient auoir trop de dommaige. Car les dictz lansquenets estoient la tierce part de leur force, pour y en auoir enuiron cinq mille. Le bon Cheualier qui bien cognoissoit le gentil cœur du Capitaine Iacob, le loua merueilleusement. Et luy dit par la bouche

Louys
XII.
1509.

Louys
XII.

de son truchement, Mon compaignon mon amy, iamais vostre cœur ne pensa vne meschanceté, vous m'avez autresfois dict qu'en Allemaigne n'avez pas de grands biens, nostre maistre est riche, & puissant, comme assez entendez, & en vn iour vous en peut faire, dont serez riche & opulent toute vostre vie. Car il vous ayme fort, & ie le scay bien. L'amour croistra dauantaige, quand il sera informé de l'honneste tour que vous luy faictes à present, & il le scaura, aydant Dieu, quand moy mesme le luy debue- rois dire. Voyla Monseigneur de Nemours nostre Chef qui a mandé à son logis tous les Capitaines au conseil, allons y vous, & moy, & à part luy de- clarerons ce que m'avez dict. C'est bien aduilé dit le Capitaine Iacob, allons y. Quand ils feurent au logis du dict Duc de Nemours, se meirent en con- seil, qui dura longuemēt. Et y eut diuerfes opinions. Car les vns ne conseilloyent point le combatre, & auoient de bonnes raisons. Disans que s'ils per- doient ceste bataille, toute l'Italie estoit perdue pour le Roy leur maistre, & que d'entre eulx nul n'en eschapperoit. Par ce qu'ils auoient trois ou quatre riuieres à passer, que tout le monde estoit contre eulx, Pape, Roy d'Espaigne, Venitiens, & Suisses, & que del'Empereur n'estoient pas trop asseurez. Par- quoy vouldroit mieux temporiser, que se hazarder en ceste maniere. Autres disoient qu'il conuenoit combatre, ou mourir de faim, comme meschans & lasches, & que desia estoient trop auant pour se reti- rer, sinon honteusement, & en desordre. Bref chas-

cun en dit son opinion. Le bon Duc de Nemours, qui auoit desia parlé au bon Cheualier, & au Capitaine Iacob, auoit bien au long entendu ce que l'Empereur auoit mandé, & sçauoit bien qu'il estoit force de combattre. Aussi qu'il ne venoit poste que le Roy de France son oncle ne luy mandast de donner la bataille, & qu'il n'attendoit que l'heure d'estre assailly en son Royaume par deux ou trois endroits. Il demanda toutesfois encores l'opinion du bon Cheualier. Lequel dit, Monseigneur, vous sçauiez que ie veins encores hier, ie ne sçay rien de l'estat des ennemis. Messeigneurs mes compaignons les ont veus & escarmouchez tous les iours, qui s'y congnoisent mieulx que moy. Je les ay ouy les vns louer la bataille, les autres la blasmer. Et puis qu'il vous plaist m'en demander mon opinion, sauf vostre reuerence, & de Messeigneurs qui cy sont, ie la vous diray. Qu'il ne soit vray que toutes batailles sont perilleuses si est, & qu'il ne faille bien regarder les choses auant que venir à ce point si faict : mais à cognoistre presentement l'affaire des ennemis, & de nous, il semble quasi difficile que nous puissions departir sans bataille. La raison, que desia auez faict vos approches deuant ceste Ville de Rauenne, laquelle demain matin voulez canonner, & la breche faicte y faire dōner l'assault. Ia estes vous aduertie que le Seigneur Marc Antoine Colonne, qui est dedans depuis huiet ou dix iours, y est entré sous la promesse & foy iurée de Dom Raymōd de Cardonne, Visroy de Naples, & Chef de l'armée de nosenne-

Louys mis, de son oncle le Seigneur Fabrice Colonne, en-
xii. semble du Comte Pedre de Nauarre, & de tous les
Capitaines, que s'il peut tenir iusques à demain, ou
pour le plus tard au iour de Pasques, qu'ils le vien-
dront secourir. Or les dicts ennemis le luy monstrēt
bien. Car ils sont aux faulxbourgs de nostre armée.
D'autre costé, tant plus seiournerez, & plus mal-
heureux deuiendrons. Car nos gens n'ont nuls
viures, & fault que nōs cheuaulx viuent de ce que
les faules iectent à present. Et puis vous voyez que
le Roy nostre maistre chascun iour vous escript de
donner la bataille, & que non seulement en vos
mains repose la seureté de son Duché de Milan:
mais aussi tout son Estat de France, veules ennemis
qu'il a aujourd'huy. Parquoy quant à moy ie suis
d'aduis qu'on la doibt donner, & y aller saigement.
Car nous auons à faire à gens cauteleux, & bons
combatans. Qu'elle ne soit dangereuse si est: mais
vne chose me reconforte. Les Espaignols ont esté
depuis vn an en ceste Romaine, tousiours nourris
comme le poisson en l'eau, & sont gras & replets;
nos gens ont eu & ont encores grand faulte de vi-
ures, parquoy ils en auront plus longue haleine. Et
nous n'auons mestier d'autre chose. Car qui plus
longuement combatra le camp luy demeurera.
Chascun commença à rire du propos. Car si bien
luy aduenoit à dire ce qu'il vouloit, que tout hom-
me y prenoit plaisir. Les Seigneurs de Lautrec, de la
Palisse, le grād Seneschal de Normādie, le Seigneur
de Crussol, & tous ou la plus part des bons Capitai-
nes,

nes, se teindrent à l'opinion du bon Cheualier, qui estoit de donner la bataille. Et dès l'heure en feurent aduertis tous les Capitaines de gens de cheual, & de pied. *Louys XII.*

Le lendemain matin, qui feut le Védredy saint, feut canonnée la Ville de Rauenne bien asprement, de sorte que les ennemis de leur camp enten doient bien à clair les coups de canon. Si delibererent selon la promesse qu'ils auoient faicte, de secourir le Seigneur Marc Antoine Colonne, dedans le iour de Pasques. Durant la batrie feurent blessez deux gail lards Capitaines François, L'un, le Seigneur d'Elpy, Maistre de l'artillerie, & l'autre le Seigneur de Cha stillon, Preuost de Paris, de coups de hacquebute, l'un au bras, l'autre à la cuisse, dont depuis ils moururent à Ferrare, qui feut fort gros dommaige. La breche faicte à la Ville, ceux qui auoient esté ordon nez pour l'assault, qui estoient deux cent hommes d'armes, & trois mille hommes de pied s'approche rent. Le reste de l'armée se meit en belle & triom phante ordonnance de bataille, laquelle desirément ils attendoient, & mille ans auoit que gens ne feurent plus deliberez qu'ils estoient. Et à leurs gestes sembloit qu'ils allassent aux nopces. Si teindrent es corte trois ou quatre grosses heures à leurs gens or donnez pour assaillir, lesquels feirent à la Ville de lourds & diuers assaults. Et y feit tres-bien son deb uoir le Vicomte d'Estoge, lors Lieutenant de Mes sire Robert de la Marche, & le Seigneur Federic de Bozzolo. Car plusieurs fois feurent iectez du hault

Louys du fossé au bas. Si les assaillans faisoient bien leur
XII. debuoir, ceux de la Ville ne se feignoient pas. Et là
estoit en personne le Seigneur Marc Antoine Co-
lonne, qui disoit à ses gens, Messieurs, tenons
bon, nous serons secourus dedans demain, ou Di-
manche, ie vous en assure sur mon honneur. La
breche est fort petite. Si nous sommes pris, il nous
tournera à grande lascheté, & dauantage il est fait
de nous. Tant bien les confortoit ce Seigneur Marc
Antoine, que le cœur leur croissoit de plus en plus.
Et à dire aussi la verité la breche n'estoit pas fort rai-
sonnable. Quand les François eurent donné cinq
ou six assauts, & qu'ils veirent qu'en ceste sorte
n'emporteroient pas la Ville, feirent sonner la re-
traicte. Et Dieu leur ayda bien. Car s'ils l'eussent
prise, iamais n'en eussent retiré les auenturiers, pour
le pillage qui eust esté peut estre occasion de per-
dre la bataille. Quand le Duc de Nemours sceut
que ses gens se retiroient de l'assault, il fit pareille-
ment retirer l'armée pour le soir, affin d'eulx repo-
ser. Car d'heure en autre estoit attendu le combat,
pour estre leurs ennemis à deux milles, ou environ
d'eulx.

LE soir apres soupper, plusieurs Capitaines
estoit au logis du dict Duc de Nemours, deuifans
de plusieurs choses, mesmement de la bataille. Si
adressa sa parole au bon Cheualier sans peur, & sans
reproche, iceluy Seigneur de Nemours, & luy dict,
Monseigneur de Bayard auant vostre venue, les Es-
paignols par de nos gens qu'ils ont prins prison-

niers, demandoient tousiours si estiés point en ce camp, & à ce que i'en ay entendu font grosse estime de vostre personne. Je serois d'auis s'il vous semble bon, car ja de long temps cognoissez leur maniere de faire, que demain au matin ils eussent de par vous quelque escarmouche, de sorte que les puilliez faire mestre en bataille, & que voyez leur contenance. Le bon Cheualier, qui pas mieulx ne demandoit, respondit, Monseigneur, ie vous promects ma foy, que Dieu aydant, deuant qu'il soit demain midy, ie les verray de si pres, que ie vous en rapporteray des nouuelles. Là estoit present le Baron de Bearn, Lieutenant du Duc de Nemours, lequel estoit aduentureux Cheualier, & tousiours prest à l'escarmouche. Si pensa en soy mesme que le bon Cheualier seroit bien matin leué, s'il la dresseoit plustost que luy. Et assembla aucuns de ses plus priuez, auxquels il declara son vouloir, à ce qu'ils se teinssent prests à la pointe du iour. Vous orrez ce qu'il en aducint.

Louys
XII.

CHAPITRE LIII.

*D'une merueilleuse escarmouche, qui feut entre
les François, & les Espaignols, le iour
deuant la bataille de Rauenne, où le
bon Cheualier fait merueilles
d'armes.*

Louys

XII.



VY VANT la promesse que le bon Cheualier auoit faicte au Duc de Nemours, luy arriué à son logis, appella son Lieutenant le Capitaine Pierrepont, son enseigne, son guidon, & plusieurs autres de la compaignée, auxquels il dit : Messeigneurs, i'ay promis à Monseigneur d'aller demain veoir les ennemis, & luy en apporter des nouuelles bien au vray. Il fault aduiser comment nous ferons, à ce que nous y ayons honneur. Je suis deliberé de mener toute la compaignée, & demain desployer les enseignes de M^oseigneur de Lorraine, qui n'ont encores point esté veües. I'espere qu'elles nous porteront bon heur, elles resiouiront beaucoup plus que les cornetes. Vous bastard du Fay dit il à son guidon, prenez cinquante archers, & passerez le canal au dessoubs de l'artillerie des Espaignols, & irez faire l'alarme dedans leur camp, le plus auant que vous pourrez. Et quand vous verrez qu'il sera temps de vous retirer, sans rien hazarder le ferez, iusques à ce que trouuiez le Capitaine Pierrepont, qui sera à vostre queüe, avec trente hommes d'armes, & le reste des archers. Et si tous deux estiez pressez, ie seray apres vous à tout le reste de la compaignée, pour vous secourir. Et si l'affaire est conduict, comme ie l'entends, ie vous assure sur ma foy, que nous y aurons honneur. Chascun entendit bien ce qu'il auoit à faire. Car non pas seulement les Capitaines de la compaignée: mais il n'y auoit homme d'armes en icelle, qui ne meritaist bien auoir charge soubs luy.

Tout homme s'en alla reposer, iusques à ce qu'ils ouyssent la trompette, qui les esueilla au point du iour, que chascun s'arma, & meit en ordre, comme pour faire telle entreprise qu'ils auoient en pensée. Si feurent desployées & mises au vent les enseignes du gentil Duc de Lorraine, qu'il faisoit fort beau veoir. Et cela resiouyissoit les cœurs des Gentils-hommes de la compaignée, qui commencerent à marcher ainsi que ordonné auoit esté le soir precedent, en trois bēdes, à trois iectz d'arc l'une del'autre. Rien ne sçauoit le bon Cheualier de l'entreprise du Baron de Bearn, qui desia s'estoit mis aux champs, & auoit dressé vn chauld alarme au camp des ennemis, tant qu'il l'auoit quasi tout mis en armes, & y fait le dict Baron tres-bien son debuoir. Mais en fin donnerent de la part des ennemis deux ou trois coups de canon dedans sa troupe. Dont de l'un feut emporté le bras droict d'un fort gaillard Gentil-homme, appelé Basillac, & d'un autre feut tué le cheual du Seigneur de Berffac, galād hōme d'armes, & tous deux de la compaignée du Duc de Nemours, lequel feut bien desplaisant de l'inconuenient de Basillac, car il l'aymoit à merueilles. Apres ces coups d'artillerie, tout d'une flote vont donner cent ou six vingts hōmes d'armes Espaignols & Neapolitains sur le Barō, qui contrainct feut de reculer le pas, du pas au trot, & du trot au galop. Tant que les premiers se veindrent embatre sur le bastard du Fay, qui s'arresta, & en aduertit le bon Cheualier, lequel luy manda incontinent qu'il se iectast en la troupe du Capitaine

Louys
XII.

Pierrepont, & luy meſme ſ'aduença tant, qu'il meit toute ſa compaignée enſemble. Si veid retourner le Baron de Bearn, & ſes gens, quaſi deſconfits, & les ſuyuoient Eſpaignols & Neapolitains hardiment, & fierement, leſquels repaſſerent le canal apres luy. Quand le bon Cheualier les veid de ſon coſté, n'en eult pas voulu tenir cent mille eſcus. Si commença à cryer : Auant compaignons, ſecourons nos gens. Et dit à ceulx qui ſuyuoient : Demourez, demourez hommes d'armes, vous auez bon ſecours. Si ſe mect le beau premier en vne troupe des ennemis, de cent à ſix vingt hommes d'armes. Il eſtoit trop aymé & feut bien ſuiuy. De la premiere pointe en feut porté par terre cinq ou ſix. Toutesfois les autres ſe meirent en deſſenſe fort honneſtement : mais en fin tournerent le dos, & ſe meirent au grand galop droict au canal, lequel ils repaſſerent à groſſe diligence. L'alarme eſtoit deſia en leur camp, de ſorte que tout eſtoit en bataille, gens de pied, & de cheual. Ce nonobſtant le bon Cheualier les mena barrant, & chaffant, iuſques bien auant en leur dict camp, où il feit & ceulx de ſa compaignée merueilles d'armes. Car il abatirent tentes, & pauillons, & pouſſerent par terre ce qu'ils trouuerent. Le bon Cheualier qui auoit touſiours l'œil au bois, va aduiſer vne troupe de deux ou trois cent hommes d'armes, qui venoient le grand trot, ferrez en gens de guerre. Si dit au Capitaine Pierrepont, Retirons nous, car voycy trop gros effort. La trôpette ſonna la retraicte, qui feut faicte ſans perdre vn homme,

& repasserent le canal , marchans droict en leur *Louys*
 camp. Quand les Espaignols veirent qu'ils estoient *XII.*
 repassez , & qu'ils perdoient leur peine d'aller apres
 se retirerent. Bien en passa cinq ou six qui deman-
 derent à rompre leurs lances: mais le bon Cheualier
 ne voulut iamais que homme tournast , combien
 que de plusieurs de ses gens en feust assez requis.
 Mais il doubtoit que par là se leuast nouuelle escar-
 mouche , & ses gens estoient assez trauaillez pour le
 iour. Le bon Duc de Nemours auoit desia sceu
 comment tout l'affaire estoit allé, auant que le bon
 Cheualier arriuaist. Auquel quand il l'aperceut,
 combien que tres-dolent feust de l'inconuenient de
 Basillac, le vint embrasser , & luy dit, C'est vous, &
 vos semblables, Monseigneur de Bayard mon amy,
 qui doibuent aller aux escarmouches. Car bien sai-
 gement, sçauiez aller & retourner. Tous ceux qui
 feurent en ceste dure escarmouche disoient qu'onc-
 ques n'auoient veu homme faire tant d'armes, ne
 qui mieulx entédist la guerre que le bon Cheualier.

Le lendemain, y en eut vne bien plus aspre, &
 cruelle, & dont François , & Espaignols mauldiron-
 t la iournée toute leur vie.

CHAPITRE LIV.

*De la cruelle & furieuse bataille de Rauenne;
 Où les Espaignols & Neapolitains feu-
 rent desconfits , & de la mort du gen-
 til Duc de Nemours.*

Louys
XII.



VRETOVR de ceste chaulde escarmouche, qu'auoit faicte le bõ Cheualier sans peur & sans reproche, & apres le disner, feurēt assemblez tous les Capitaines, tant de cheual, que de pied, au logis du vertueux Duc de Nemours, le passepreux de tous ceulx qui feurent deux mille ans a. Car on ne lira point en Cronique ne Histoire d'Empereur, Roy, Prince, ne autre Seigneur qui en si peu de temps ait fait de si belles choses que luy. Mais cruelle mort le preint en l'aage de vingt & quatre ans, qui feut abaissment & dommaige irreparable à toute Noblesse. Or les Capitaines assemblez, commença sa parole le gentil Duc de Nemours, & leur dit Messieurs, vous voyez le pays où nous sommes, & comment viures nous deffailent, & tant plus demeurerions en ceste sorte, & tant plus languirions. Ceste grosse ville de Rauēne nous faict barbe d'un costé, les ennemis sont à la portée d'un canõ de nous, les Venitiens, & Suisses, ainsi que m'escript le Seigneur Iean Iacques, font mine de descendre au Duché de Milan, où vous sçauiez que nous n'auons laissé gens, sinon bien peu. Dauantaige le Roy mon oncle me presse tous les iours de donner la bataille, & croy qu'il m'en presseroit encores plus, si l'sçauoit cõment nous sommes abstraincts de viures. Parquoy ayāt regard à toutes ces choses, me semble pour le proffit de nostre maistre, & pour le nostre, que plus ne debuons delayer, mais avec l'ayde de Dieu, qui y peut letout, aillions trouuer nos ennemis,

mis. Si la fortune nous est bonne, l'en louerons, & remercierôs, si elle nous est contraire, sa volonté soit faicte. De ma part & à mon souhaiet pouuez assez penser, que i'en desire le gain pour nous, mais i'aymerois mieulx y mourir qu'elle feust perdue. Et si tant Dieu me veult oublier que ie la perde, les ennemis seront bien lasches de me laisser vif, car ie ne leur en donneray pas les occasions. Je vous ay icy tous assemblez, affin d'en prendre vne occasion. Le Seigneur de la Palisse dit qu'il n'estoit rien plus certain qu'il failloit donner la bataille, & plus tost se iecteroiêt hors de peril. De ceste mesme opinion furent le Seigneur de Lautrec, le grand Seneschal de Normandie, le grand Escuyer de France, le Seigneur de Crussol, le Capitaine Louys d'Ars, & plusieurs autres, lesquels preindrêt conclusion que le lèdemain, qui estoit le iour de Pasques, iroient trouuer leurs ennemis. Si feut dressé vn pont de bateaulx sur vn petit canal, qui estoit entre les deux armées, pour passer l'artillerie, & les gens de pied. Car des gens de cheual ils trauersoient le canal bien à leur aise, parce que aux deux bords on auoit faict des esplanades. Le bon Cheualier sans peur, & sans reproche, dict present toute la compaignée, qu'il seroit bon de faire l'ordonnance de la bataille sur l'heure: Affin que chacun sceust où il debueroit estre. Et qu'il auoit entendu par tout plain de prisonniers, qui auoient esté au camp des Espaignols, qu'ils ne faisoient que vne troupe de tous leurs gens de pied, & deux de leurs gens de cheual, & que sur cela se failloit renger. Les

Louys
XII.

plus apparens de la compaignée dirent que c'estoit fort bien parlé, & qu'il y falloit aduifer sur l'heure, Ce qui feut faict en ceste sorte. C'est que les lansquenets & les gens de pied des Capitaines Molart, Bonnet, Maugiron, Baron de Grandmont, Bardassan, & autres Capitaines, iusques au nombre de six mille hommes marcheroient tous en vne flote. Et les deux milles Gascons du Capitaine Odet, & du cadet de Duras à leur costé, Lesquels tous ensemble iroient eulx parquer à la portée d'un canon des ennemis, & deuant eulx seroit mise l'artillerie. Et puis à coups de canon tireroient les vns contre les autres, à qui premier fortiroit de son fort. Car les Espaignols se logeoient tousiours en lieu aduantageux, comme assez entendrez. Ioignant les gens de pied seroient le Duc de Ferrare, & le Seigneur de la Palisse, Chefs del'auantgarde, avec leurs compaignons. Et quand & eulx les Gentils-hommes soubz le grand Seneschal de Normandie, le grand Escuyer, le Seigneur de Humbercourt, la Crote, le Seigneur Theodore de Triuulce, & autres Capitaines, iusques au nombre de huit cent hommes d'armes. Et vn peu au dessus, & vis à vis d'eulx seroit le Duc de Nemours, avec sa compaignée, le Seigneur de Lautrec, son cousin, qui feist merueilles d'armes ce iour, le Seigneur d'Alegre, le Capitaine Louys d'Ars, le bon Cheualier, & autres, iusques au nombre de quatre à cinq cent hommes d'armes. Et les gens de pied Italiens, dont il y auoit quatre mille, ou enuiron, soubz la charge de deux freres Gentils-hommes de Plai-

fance, les Comtes Nicole & Francisque Scot, du *Louys*
 Marquis Malespine, & autres Capitaines Italiens, *XII.*
 demeureroient deça le canal, pour donner feureté
 au bagaige, de peur que ceux de Rauenne ne sortif-
 sent. Et feut ordonné Chef de tous les guidons le ba-
 ftard du Fay, qui passeroit le pont, & s'en donneroit
 garde, iusques à ce qu'il feust mandé.

LES choses ainsi ordonnées, & le lendemain ma-
 tin venu, commencerēt premier à passer les lansque-
 nets. Quoy voyant par le gentil Seigneur de Molart,
 dit à ses rustres, comment compaignōs, nous sera-il
 reproché que les lansquenets soient passez du costé
 des ennemis plustost que nous? I'aymeroie mieulx
 quant à moy auoir perdu vn œil. Si commença
 parce que les lansquenets occupoient le pont, à se
 mectre tout chaussé & vestu au beau gué dedans
 l'eau, & ses gens apres. Et fault sçauoir que l'eau
 n'estoit point si peu profonde, qu'ils n'y feussent ius-
 ques au dessus du cul, & feirent si bonne diligence,
 qu'ils feurent plus tost passez que les dictz lansque-
 nets. Ce faict, feut toute l'artillerie passée, & mise de-
 uant les dictz gens de pied, qui tantost se meirent en
 bataille. Apres passa l'auâtgarde des gens de cheual,
 & puis la bataille. Sur ces entrefaictes, fault que ie
 vous face vn incident. Le gentil Duc de Nemours
 partit assez matin de sō logis, armé de toutes pieces,
 excepté de l'armet. Il auoit vn fort gorgias accou-
 strement de broderie, aux armes de Nauarre, & de
 Foix, mais il estoit fort pefant. En sortant de son dict
 logis regarda le soleil ja leué, qui estoit fort rouge. Là

Louys
XII.

estoit vn Gentil-homme, qu'il aymoit à merueilles, fort gentil compaignon, qui s'appelloit Haubourdin, qui luy respondit, sçaez vous bien que c'est à dire Monseigneur? Il mourra aujourd'huy quelque Prince, ou grand Capitaine. Il fault que ce soit vous, ou le Visfroy. Le Duc de Nemours se preint à rire de ce propos, car il prenoit en jeu toutes les paroles du dict Haubourdin. Si s'en alla iusques au pont, veoir acheuer de passer son armée, laquelle faisoit merueilleuse diligence. Cependant le bon Cheualier le veint trouuer qui luy dict, Monseigneur, allons nous esbatre vn peu le long de ce canal, en attédant que tout soit passé. A quoy s'accorda le Duc de Nemours, & mena en sa compaignée le Seigneur de Lautrec, le Seigneur d'Alegre, & quelques autres, iusques au nombre de vingt cheuaulx. L'alarme estoit gros au camp des Espaignols, cōme gens qui s'attendoient d'auoir la bataille en ce iour, & se mettoient en ordre, comme pour receuoir leurs mortels ennemis. Le Duc de Nemours allant ainsi à l'esbat commandea à dire au bon Cheualier, Monseigneur de Bayard nous sōmes icy en bute fort belle, s'il y auoit des hacquebutiers du costé de delà cachez ils nous escarmoucheroiēt à leur aise. Et sur ces paroles, vont aduifer vne troupe de vingt ou trente Gentils-hommes Espaignols, entre lesquels estoit le Capitaine Pedro de Pas, Chef de tous leurs genetaires. Et estoient les dicts Gentils-hommes à cheual. Si aduancea le bon Cheualier vingt ou trente pas, & les salua, en leur disant, Messeigneurs, vous vous esba-

rez cōme nous, en attendant que le beau ieu se commence. Je vous prie que l'on ne tire point de coups de hacquebutes de vostre costé, & on ne vous en tirera point du nostre. Le Capitaine Pedro de Pas luy demanda qu'il estoit, & il se nomma par son nom. Quand il entendit que c'estoit le Capitaine Bayard, qui tant auoit eu de renommée au Royaume de Naples, feut ioyeux à merueilles. Si luy dit en son langage, Sur ma foy Monseigneur de Bayard, encores que ie soye tout asséuré que nous n'auons rien gagné à vostre arriuée : mais par le contraire j'en tiens vostre camp renforcé de deux mille hommes, si suis ie biē aise de vous veoir. Et pleust à Dieu qu'il y eust bonne paix entre vostre maistre & le mien, à ce que peussions deuifer quelque peu ensemble. Car tout le temps de ma vie vous ay aimé, pour vostre grande prouesse. Le bon Cheualier, qui tant courtois estoit que nul plus, luy rendit son chāge au double. Si regardoit Pedro de Pas que chascun honnoroit le Duc de Nemours. Si demanda, Seigneur de Bayard, qui est ce Seigneur tant bien en ordre, & à qui vos gens portent tant d'honneur? Le bon Cheualier luy respondit, C'est nostre Chef le Duc de Nemours, nepueu de nostre Prince, & frere à vostre Royne. A grand peine il eut acheué son propos, que le Capitaine Pedro de Pas & tous ceulx qui estoient avec luy meirent pied à terre, Et commencerent à dire adressans leurs paroles au noble Prince, Seigneur, sauf l'honneur & le seruice du Roy nostre maistre, vous declarós que nous sommes & voulons

Louys
XII.

Louys
XII.

estre & demeurer à iamais vos seruiteurs. Le Duc de Nemours, comme plein de courtoisie, les remercia, & puis se departit d'eulx.

L'AVANTGARDE de gens de cheual des ennemis, dont estoit Chef le Seigneur Fabrice Colonne, se monstroit en belle veüe, & toute descouuerte. Si en parlerët le Seigneur d'Alegre, & le bon Cheualier au Duc de Nemours. Et luy dirent Monseigneur, vous voyez bien ceste troupe de gens de cheual? Ouy dit-il, ils sont en belle veüe. Par ma foy dit le Seigneur d'Alegre, qui vouldra amener icy deux pieces d'artillerie seulement, on leur fera vn merueilleux dommaige. Cela feut trouué tres-bon, & luy mesme alla faire amener vn canon, & vne longue couleurine. Desia les Espaignols auoient commécé à tirer de leur camp, qui estoit fort à merueilles, Car ils auoient vn bon fossé deuant eulx. Derriere estoient tous leurs gens de pied couchez sur le ventre, pour doubte de l'artillerie des François. Deuant eulx estoit toute la leur, en nombre de vingt pieces, que canons, que longues couleurines, & enuiron deux cent hacquebutes à croc. Et entre deux hacquebutes auoient sur petites charrettes à roües de grandes pieces de fer acéré & trenchant, en maniere d'vn ronçon pour faire rouller dedans les gens de pied, quand ils vouldroient entrer parmy eulx. A leur aïsle estoit leur auantgarde, que conduisoit le Seigneur Fabrice Colonne, où il y auoit enuiron huiët cent hommes d'armes. Et vn peu plus hault estoit la bataille, en laquelle auoit plus de quatre cent hommes d'armes,

que menoit le Visroy Dom Raymond de Cardonne. Et ioignant de luy auoit seulement deux mille Italiens, que menoit Ramassot. Mais quant à la gend'armerie, on n'en ouyt iamais parler de mieulx en ordre, ne mieulx montez.

Louys
XII.

LE Duc de Nemours passé qu'il eust la riuere commanda que chacun marchast. Les Espaignols tiroient en la troupe des gens de pied François, comme en vne bute, & en tüerent auant que venir au combat plus de deux mille. Ils tüerent aussi deux triomphans hommes d'armes, l'un appellé Iasses, & l'autre l'Herisson. Aussi moururent ensemble d'un mesme coup de canon ces deux vaillants Capitaines le Seigneur de Molart, & Philippes de Friberg, Qui feut vn gros dômaige & grand desaduentaige pour les François. Car ils estoient deux apparens & ayez Capitaines. Sur tout le Seigneur de Molart, car tous ses gens se feussent faicts mourir pour luy. Il fault entendre que nonobstant toute l'artillerie tirée par les Espaignols les François marchaient tousiours. Les deux pieces que le Seigneur d'Alegre & le bon Cheualier auoient faict retourner de çà le canal, tiroient incessamment en la troupe du Seigneur Fabrice, qui luy faisoient vn dommaige non croyable. Car il luy feut tué trois cent hommes d'armes. Et dit depuis luy estant prisonnier à Ferrare, que d'un coup de canon luy auoit esté emporté trente trois hommes d'armes. Cela faschoit fort aux Espaignols, car ils se veoient tüer, & ne sçauoient de qui. Mais le Capitaine Pedre de Nauarre auoit si bien

Louys
XII.

conclud en leur conseil, qu'il estoit ordonné qu'on ne sortiroit point du fort, iusques à ce que les François les allassent assaillir, & qu'ils se defferoient d'eulx mesmes. Il n'estoit rien si vray : mais il ne feut plus possible au Seigneur Fabricè de tenir ses gens, qui disoient en leur langaige, *Coerpo de Dios, somos matados del cielo, vamos combater los hombres*. Et commencerent, pour euader ces coups d'artillerie, à sortir de leur fort, & entrer en vn beau champ, pour aller combattre. Ils ne preindrent pas le chemin droict à l'auantgarde : mais aduiferent la bataille, où estoit ce vertueux Prince Duc de Nemours, avec petite troupe de gend'armes, si tirerent ceste part. Les François de la bataille ioyeux d'auoir le premier combat, baissèrent la veüe, & d'un hardy couraige marcherent droict à leurs ennemis, lesquels se meirent en deux troupes, pour par ce moyen enclore ceste petite bataille. De ceste ruse s'aperceut bien le bon Cheualier, qui dit au Duc de Nemours, Monseigneur, mettons nous en deux parties, iusques à ce qu'ayons passé le fossé, car ils nous veulent enclore. Cela feut incontinent faict, & se departirent. Les Espaignols feirent vn bruit & vn cry merueilleux à l'aborder, disans *España, España, Santiago, a os cauallos a os cauallos*, & furieusement venoient. Mais plus furieusement feurent receus des François, qui crioient aussi *France, France, aux cheualx, aux cheualx*. Car les Espaignols ne taschoient à autre chose, sinon d'arruée tuer les cheualx. Pource qu'ils ont vn Prouerbe qui dit, *Moerto el cauallo perdido l'hombre d'armas*.

Depuis

Depuis que Dieu crea ciel, & terre, ne feut veu vn plus cruel ne dur assault, que François & Espaignols se liurerēt les vns aux autres, & dura plus d'une grande demie heure ce combat. Ils se reposoient les vns deuant les autres, pour reprendre leur haleine, puis baïssoient la veüe, & recommençoient de plus belle criant France, & Espaigne, le plus impetueusement du monde. Les Espaignols estoient la moiëtië plus que les François. Si s'en courut le Seigneur d'Alegre droit à son auantgarde, & de loing aduifa la bende de Messire Robert de la Marche, qui portoient en deuise blanc, & noir. Si leur escria blanc, & noir, marchez, marchez, & aussi les archers de la garde. Le Duc de Ferrare, & le Seigneur de la Palisse, pësèrent bien que sans grand besoin le Seigneur d'Alegre ne les estoit pas venu querir. Si les feirent incontinent desloger, & à bride abatüe veindrent secourir le Duc de Nemours, & sa bende, laquelle combien qu'elle feust de peu de nôbre, reculloient tousiours peu à peu les Espaignols. A l'arriuee de ceste fresche bende y eut vn terrible hutin. Car les Espaignols feurent viuement assaillis. Les archers de la garde auoient de petites coignées, dont ils faisoient leurs loges, qui estoient pendües à l'arçon de la selle des cheuaulx. Ils les meirent en besongne, & donnoient de grands & rudes coups sur l'armet de ces Espaignols, qui les estonnoit merueilleusement. Oncques si furieux combat ne feut veu: mais en fin conueint aux Espaignols abandonner le camp, sur lequel & entre deux fosses moururent trois ou quatre

Louys
XII.

Louys

XII.

cent hommes d'armes. Aucuns Princes du Royau-
me de Naples y feurent prins prisonniers, ausquels
on sauua la vie. Chascun se vouloit meſtre à la chaf-
fe: mais le bon Cheualier ſans peur, & ſans reproche,
dit au vaillât Duc de Nemours, qui eſtoit tout plein
de ſang, & de ceruelle d'un de ſes hommes d'armes,
qui auoit eſté emporté d'une piece d'artillerie, Mô-
ſeigneur eſtes vous bleſſé? Non dit-il, Dieu mercy:
mais j'en ay bien bleſſé d'autres. Or Dieu ſoit loüé
dit le bon Cheualier, vous avez gagné la bataille,
& demeurerez aujourd'huy le plus honoré Prince
du monde: mais ne tirez plus auant, & rasſemblez
voſtre gend'armerie en ce lieu, qu'on ne ſe meſte
point au pillage encore, car il n'eſt paſ téps. Le Ca-
pitaine Louys d'Ars & moy allons apres ces fuyans,
à ce qu'ils ne ſe retirent derriere leurs gens de pied. Et
pour homme viuant ne departez point d'icy, que
le dict Capitaine Louys d'Ars ou moy ne vous ve-
nions querir. Ce qu'il promeit faire, mais il ne le teint
pas, dont mal luy en preint. Vous avez entendu
comment les gens de pied des Eſpaignols eſtoient
couchés ſur le ventre, en vn fort merueilleux & dan-
gereux à aſſaillir, car on ne les voyoit point. Si feut
ordonné que les deux mille Gaſcons iroient ſur la
queüe deſſacher leur traiet, qui ſeroit cauſe de les
faire leuer. Or les gens de pied François n'en eſtoient
pas loing de deux picques: mais le fort eſtoit trop
deſaduantageux. Car pour ne veoir point leurs en-
nemis, ils ne ſçauoient par où ils debuoient entrer.
Le Capitaine Odet, & le cadet de Duras dirét qu'ils

estoyent tous prests d'aller faire leuer les Espaignols: mais qu'on leur baillast quelques gens de picques, à ce que apres que leurs gens auroient tiré, s'il sortoit quelques enseignes sur eux ils feussent soutenus. Cela estoit raisonnable, & y alla avec eulx le Seigneur de Moncaure, qui auoit mille Picars. Les Gascons deslacherent tres-bien leur traict, & naurerent plusieurs Espaignols, à qui il ne pleut guieres, comme ils monstrent. Car tout soudainement se leuerent en belle ordonnance de bataille. Et du derriere sortirét deux enseignes de mille ou douze cent hommes, qui veindrent donner dedans ces Gascons. Je ne scay de qui feut la faulte ou d'eux, ou des Picars: mais ils feurent rompus des Espaignols, & y feut tué le Seigneur de Moncaure, le Cheualier Desbories, Lieutenant du Capitaine Odet, le Lieutenant du cadet de Duras, & plusieurs autres. A qui il ne pleut guieres, ce feut à leurs amis: mais les Espaignols en feurent vne grande huée, comme s'ils eussent gagné entierement la bataille: toutesfois ils congnoissoient bien qu'elle estoit perdue pour eulx. Et ne voulurent pas retourner en derriere ces deux enseignes, qui auoient rompu les Gascons: mais se delibererent d'aller gagner Rauenne, & se meirent sur la chauffée du canal, où ils marchoyent trois ou quatre de front. Je laisseray vn peu à parler d'eux, & retourneray à la grosse flote des gens de pied François, & Espaignols. C'est que quand les dicts Espaignols feurent leuez, se vont presenter sur le bord de leur fossé, où les François liurerent fier dur &

Louys
XII.

aspre assault : mais ils feurent seruis de hacquebutes à merueilles , de sorte qu'il en feut beaucoup tué. Mesmement le gentil Capitaine Iacob eut vn coup au trauers du corps , dont il tomba : mais soubdain se releua. Et dit à ses gens en Alleman, Messeigneurs, seruons auiourd'huy le Roy de France , aussi bien qu'il nous a traictez. Le bon Gentil-homme ne parla depuis , car incontinent tomba mort. Il auoit vn Capitaine sous luy nommé Fabian , vn des beaulx & grands hommes qu'on veid iamais. Lequel quand il apperceut son bon maistre mort ne voulut plus viure : mais bien feit vne des grandes hardiesses qu'oncques homme sceut faire. Car ainsi que les Espaignols auoient vn gros hoc de picques croisées au bord de leur fossé , qui gardoit que les François ne pouuoient entrer , ce Capitaine Fabian voulut plustost mourir qu'il ne vengeast la mort de son gentil Capitaine , & preint sa picque par le trauers. Il estoit grand à merueilles , & tenant ainsi sa picque , la met deffus celles des Espaignols , qui estoient couchées , & de sa grande puissance leur feit mettre le fer en terre. Quoy voyant par les François , poussèrent roidement , & entrerent dedans le fossé : mais pour le passer y eut vn meurtre merueilleux. Car onques gens ne feirent plus de deffense que les Espaignols , qui encores n'ayans plus bras ne iambe entiere mordoient leurs ennemis. Sur ceste entrée y eut plusieurs Capitaines François morts , comme le Baron de Grandmont , le Capitaine Maugiron , qui y feit d'armes le possible , & le Seigneur de Bardas-

fan. Le Capitaine Bonnet eut vn coup de picque dedans le front, dont le fer demeura en la teste. Brie les François y receurent gros dommaige : mais plus les Espaignols. Car la gend'armerie de l'auantgarde François le leur veint donner sur le costé, qui les rompit du tout, & feurent tous morts & mis en pieces, excepté le Comte Pedre de Nauarre, qui feut prisonnier, & quelques autres Capitaines.

Louys
XII.

IL faut retourner à ces deux enseignes, qui s'enfuyoient pour cuidoer gaigner Rauenne : mais en chemin rencontrerent le bastard du Fay, & les guidons, & archers, qui leur feirent retourner le vilage le long de la chaussée. Guieres ne les suyuit le bastard du Fay : mais retourna droict au gros affaire, où il seruit merueilleusement bien. Entendre debuez que quand ces deux enseignes sortirent de la trouppe, & qu'ils eurent deffaict les Gascons, plusieurs s'enfuyrent, & aucuns iusques au lieu où estoit le vertueux Duc de Nemours, lequel venant au deuant d'eulx demanda que c'estoit. Vn paillard respondit, Ce sont les Espaignols, qui nous ont deffaicts. Le pauvre Prince cuidant que ce feust la trouppe de ses gens de pied feut desespéré, & sans regarder qui le suyuoit, se va iecter sur ceste chaussée, par laquelle se retiroient ces deux enseignes qui le vont rencontrer en leur chemin, & bien quatorze ou quinze hommes d'armes. Ils auoient encores rechargé quelques hacquebutes, qu'ils vont deslacher, & puis à coups de picques sur ce gentil Duc de Nemours, & sur ceulx qui estoient avec luy, lesquels ne se pouuoient

Louys guieres bié remüer. Car la chauffée estoit estroicte,
XII. & d'un costé le canal où on ne pouuoit descendre,
& del'autre y auoit vn merueilleux fossé que l'on ne
pouuoit passer. Brief tous ceulx qui estoient avec le
Duc de Nemours feurét iectez en l'eau, ou tombez
dans le fossé. Le bon Duc eut les iarrets de son cheual
coupez. Sise meit à pied l'espée au poing, & onc-
ques Roland ne fait à Roitceaulx tant d'armes qu'il
en fait là. Ne pareillement son cousin le Seigneur de
Lautrec, lequel veid bien le grand d'ager où il estoit,
& cryoit tant qu'il pouuoit aux Espaignols, Ne le
tuez pas, c'est nostre Visroy, le frere à vostre Royne.
Quoy que ce feust le pauure Seigneur y demeura,
après auoir eu plusieurs playes. Car depuis le men-
ton iusques au front en auoit quatorze ou quinze.
Et par là monstroit bien le gentil Prince qu'il n'a-
uoit pas tourné le dos. Dedans le canal feut noyé le
fils du Seigneur d'Alegre, nommé Viuerots, & son
pere tué à la deffaicte des gens de pied. Le Seigneur
de Lautrec y feut laissé pour mort, & assez d'autres.
Ces deux enseignes se sauuerent le long de la chauf-
fée, qui duroit plus de dix milles. Et quand ils feurent
à cinq ou six milles du camp, rencontrèrent le bon
Cheualier, qui venoit de la chasse, avec enuiron
trente ou quarante hommes d'armes, tant las & tra-
uaillez que merueilles. Toutesfois il se delibera de
charger ses ennemis: mais vn Capitaine fortit de la
troupe, qui commença à dire en son langaige,
Seigneur que voulez vous faire? Assez cognoissez
n'estre pas puissant pour nous deffaite. Vous auez

gagné la bataille, & tué tous nos gens, fuffife vous de l'honneur que vous auez eu, & nous laissez aller la vie sauue, car par la volonté de Dieu sommes échappez. Le bon Cheualier congneut bien quel Espaignol disoit vray, aussi n'auoit il cheual qui se peult soustenir. Toutesfois il demanda les enseignes qui luy feurent baillées, & puis ils s'ouurent, & il passa parmy eulx, & les laissa aller. Las il ne sçauoit pas que le bon Duc de Nemours feust mort, ne que ce feussent ceux qui l'auoient tué. Car il feust auant mort de dix mille morts, qu'il ne l'eust vengé, s'il l'eust sceu. Durant la bataille, & auant la totale def-faïcte, s'enfuyt Dom Raymond de Cardonne, Vif-roy de Naples, avec enuiron trois cent hommes d'armes. Et le Capitaine Ramassot, avec ses gens de pied. Le demeurât feut mort, on prins. Le bon Cheualier, & tous les François retournerent de la chaffe, enuiron quatre heures apres midy, & la bataille estoit commencée enuiron huiët heures du matin. Chascun feut aduerty de la mort de ce vertueux & noble Prince le gentil Duc de Nemours, dont vn dueil commença au camp des François si merueilleux, que ie ne cuide point s'il feust arriué deux mille hommes de pied frais, & deux cent hommes d'armes, qu'ils n'eussent tout deffaïct. Tant de la peine & fatigue que tout au long du iour auoient souffert, car nul ne feut exempté de combattre, s'il voulut, que aussi la grande & extreme douleur qu'ils portoient en leur cœur de la mort de leur Chef, lequel par ses Gentilshommes en grands pleurs & plaintes feut porté à

Louys son logis. Il y a eu plusieurs belles batailles depuis
 XII. que Dieu crea ciel, & terre : mais iamais n'en feut
 veu, pour le nombre qu'il y auoit, de si cruelle, si fu-
 rieuse, ne mieux combatuë de toutes les deux par-
 ties, que la bataille de Rauenne.

CHAPITRE LV.

*Dés nobles hommes qui moururent à la cruelle
 bataille de Rauenne, tant du costé des Fran-
 çois, que des Espaignols, & des prisonniers.
 La prinse de la ville de Rauenne. Comment
 les François feurent chassez deux mois apres
 d'Italie, en l'an mille cinq cent douze. De la
 griefue maladie du bon Cheualier. D'une
 fort grande courtoisie qu'il feit. Du voyage
 faict au Royaume de Nauarre, Et de tout
 ce qui adueint en la dicte année.*



EN CESTE cruelle bataille feit le Roy-
 aume de France grosse perte. Car le
 nompareil en proüesse qui feut au
 mode pour son aage y mourut. Ce feut
 le gentil Duc de Nemours, dont tant
 que le monde aura durée fera memoire. Il y auoit
 quelque intelligence secreete pour le faire Roy de
 Naples, s'il eust vescu, & s'en feut trouué Pape Iules
 mauuais marchand : mais il ne pleut pas à Dieu le
 laisser

laisser plus auant viure. Je croy que les neuf preux *Louys*
 luy auoient faiët ceste requeste. Car fil eust vescu *XII.*
 aage competant les eust tous passez. Le gentil Sei-
 gneur d'Alegre, & son fils le Seigneur de Viuerots
 y finirent leurs iours. Aussi feirent le Capitaine la
 Crote, le Lieutenant du Seigneur de Humbercourt,
 les Capitaines Molart, Iacob, Philippes de Friberg,
 Maugiron, le Baron de Grandmont, Bardassan, &
 plusieurs autres Capitaines. Des gens de pied enui-
 ron trois mille hommes, & quatre vingts hommes
 d'armes des Ordonnances du Roy de France, avec
 sept de ses Gentils-hommes, & neuf archers de sa
 garde. Et de ce qui en demeura la plus part estoient
 blessez. Les Espaignols y eurent perte, dont de cent
 ans ne seront reparez. Car ils perdirent vingt Capi-
 taines de gens de pied, dix mille hommes, ou peu
 s'en fallut. Et leur Capitaine general le Comte Pedre
 de Nauarre y feut prisonnier. Des gens de cheual
 feurent tuez Dom Menaldo de Cardonne, Dom
 Pedro de Acuña, Prieur de Messine, Dom Diego
 de Quiñones, le Capitaine Aluarado, le Capitaine
 Alonso de l'Estelle, & plus de trente Capitaines, ou
 Chefs d'enseignes, & bien huiët cent hommes d'ar-
 mes. Sans les prisonniers, qui feurent Dom Iean de
 Cardonne, qui mourut en prison, le Marquis de Bi-
 ronte, le Marquis de Licite, le Marquis de la Padule,
 le Marquis de Pescare, le Duc de Trayete, le Comte
 de Conche, le Comte de Populo, & vn cent d'au-
 tres gros Seigneurs, & Capitaines, avec le Cardinal
 de Medicis, qui estoit Legat du Pape en leur camp.

Louys Ils perdirent toute leur artillerie, hacquebutes, & ca-
XII. riage. Brief de bien vingt mille hōmes qu'ils estoient
à cheual & à pied n'en eschappa iamais quatre mil-
le, que tout ne feussent morts, ou prins.

LE lendemain, les aduenturiers François & lanf-
quenets pillerent la ville de Rauenne, & se retira le
Seigneur Marc Antoine Colonne dedans la Cita-
delle, qui estoit bonne, & forte. Le Capitaine Iac-
quin, qui auoit si bien parlé à l'Astrologue de Carpi,
en feut cause, par dessus la deffense qui estoit faicte,
à l'occasion de quoy le Seigneur de la Palisse le feit
pendre, & estrangler. Il y auoit bien entreprinse
d'aller plus auant, si le bon Duc de Nemours feust
demeuré vif: mais par son trespas tout cessa. Com-
bien que Petre Morgant, & le Seigneur Robert Vr-
fin auoient tres-bien faict leur debuoir de ce qu'ils
auoient promis. Aussi que le Seigneur Iean Iacques
escripuoit chascun iour, que les Venitiens & Suisses
fassembloient, & vouloient descendre en la Duché
de Milan, & l'Empereur Maximilian commençoit
desia secretement à se reuolter.

PAR QVOY l'armée des François se meit au re-
tour vers la dicte Duché de Milan, où tous les Capi-
taines se trouuerent en la ville. Lesquels feirent en-
terrer dedans le Dome le gentil Duc de Nemours,
en plus grand triomphe que iamais auoit esté en-
terré Prince. Car il y auoit plus de dix mille person-
nes portans le ducil, la plus part à cheual, quarante
enseignes prinſes sur ses ennemis, que l'on portoit
deuant son corps, trainans en terre, & ses enseignes

& guidon apres, & prochains de sa personne, en demonstrant que c'estoient ceulx qui auoient abatu l'orgueil des autres. En ce douloureux Obsequy eut grands pleurs & gemissemens.

Louys
XII.

APRES sa mort tous les Capitaines auoient esleu le Seigneur de la Palisse pour leur Chef, comme tres-vertueux Cheualier. Aussi que le Seigneur de Lautrec estoit blessé à mort, & auoit esté mené à Ferrare, pour se faire guerir, où il eut si bon & gracieux traictement du Duc, & de la Duchesse, qu'il reueint en assez bonne santé.

LE Pape Iules voulant tousiours continuër en son charitable vouloir, feit du tout declarer l'Empereur ennemy des François. Lequel manda à si peu de lansquenets, qui estoient demeurez apres la lournée de Rauenne avec les François, qu'ils eussent à se retirer. Dont le principal Capitaine estoit le frere du Capitaine Iacob, lequel à son mandement s'en retourna, & les emmena tous. Excepté sept ou huit cent, que vn ieune Capitaine aduenturier qui n'auoit que perdre en Allemaigne reteint.

EN ceste saison, ainsi que les François cuidoient emmener le Cardinal de Medicis en France, feut refcous à Pedre de qua. Qui luy feut bonne fortune, & en feut bien tenu à Messire Mathé de Becaria de Pauié, qui feut cest exploict. Car depuis il feut Pape.

PEU apres, l'armée des Venitiens, Suisses, & gens de par le Pape descendirent en gros nombre, qui trouuerent celle des François deffaicte & ruinée. Et combien qu'ils feissent resistance en plusieurs pas-

Louys
XII.

saiges: toutesfois en fin feurēt contraincts eulx venir retirer à Paue, que delibererent garder. Et feurent ordonnez les Capitaines par les portes à fortifier chascun quartier, ce qu'ils commencerent tres-bien: mais peu y demurerent. Car les ennemis y feurent deux iours apres. Les François auoient faict faire vn pont sur bateaux, combien qu'il y en eust vn de pierre au dict Paue: mais c'estoit affin que si aucun inconuenient leur aduenoit, eussent meilleure retraicte, ce qu'il adueint bien tost. Car vne iournée, ie ne sçay par quel moyen ce feut, les Suisses entrerent en la Ville par le Chasteau, & veindrent iusques sur la place, où desia, au moyen de l'alarme, estoient les gens de pied, & plusieurs gens de cheual, comme le Capitaine Louys d'Ars, qui en estoit lors Gouverneur, & y fait merueilles d'armes. Si fait aussi le Seigneur de la Palisse, & le gentil Seigneur de Humbercourt. Mais sur tous le bon Cheualier fait choses non croyables. Car il arresta avec vingt ou trente de ses hommes d'armes les Suisses sur le cul, plus de deux heures, tousiours combatant. Et durant ce temps, luy feut tué deux cheuaulx entre ses iambes. Cependant se retiroit l'artillerie, pour passer le pont. Et sur ces entrefaictes, le Capitaine Pierrepont, qui alloit visitant les ennemis d'un costé, & d'autre, vint dire à la compaignée, qui combatoit en la place, Messeigneurs retirez vous. Car au dessus de nostre pont de bois, en force petits bateaulx passent les Suisses dix à dix. Et si vne fois passent quelque nombre competant, ils gaignerōt le bout de nostre

pont, & nous ferons enclos en ceste Ville, & tous mis en pieces. C'estoit vn saige & vaillant Capitaine, parquoy à sa parole tousiours combattant se retirerēt les François iusques à leur pont, où pour estre viuement pourfuyuis, y eut lourde & dure escarmouche. Toutesfois les gens de cheual passerent, & demeura enuiron trois cent lansquenets derriere, pour garder le bord du dict pont. Mais vn grand malheur y adueint, Car ainsi que l'on acheuoit de passer la derniere piece d'artillerie, qui estoit vne longue couleuvre, nommée Madame de Fourli, & auoit esté gaignée sur les Espaignols à Rauenne, elle enfondra la premiere barque. Parquoy les pauvres lansquenets voyans qu'ils estoient perdus se sauuerent au mieulx qu'ils peurent. Toutesfois y en eut aucuns tuez, & d'autres qui se noyerent au Tefin. Quand les François eurent passé le pont, ils le rompirent, parquoy ne furent plus pourfuyuis. Mais vn grand malheur adueint au bon Cheualier. Ce feut qu'ainsi qu'il estoit au bout du pont pour le garder, feut tiré vn coup de faulconneau de la Ville, qui luy fraya entre l'espaule, & le col, de sorte que toute la chair luy feut emportée iusques à l'os. Ceulx qui veirent le coup cuidoiēt bien qu'il feust mort. Mais luy qui ne s'effraya iamais de chose qu'il veid, combien qu'il se sentist merueilleusement blessé, & par ce aussi qu'il congnoissoit bien n'estre pas à l'heure saison de faire l'estonné, dit à ses compaignons, Messieurs ce n'est rien. On meit peine de l'estancher le mieulx qu'on peut, avec mouisse qu'on preint aux

Louys arbres, & linge, que aucuns de ses soldats preindrent
XII. à leurs chemises. Car il n'y auoit nul Chyrurgien là,
à l'occasion du mauuais temps. Ainsi se retira l'armée des François iusques à Alexandrie, où le Seigneur Iean Iacques estoit allé deuant leur faire faire vn pont. Guieres n'y seiournerent: mais leur conueint du tout abandonner la Lombardie, excepté les Chasteaulx de Milan, & Cremone, Lugan, Lucarne, la Ville & le Chasteau de Bresse, où estoit demuré le Seigneur d'Aubigny, & quelques autres places en la Valteline.

LES François repasserent les monts, & se logerent quelque temps és garnisons, qui leur auoient esté ordonnées. Le bon Cheualier se retira droict à Grenoble, pour visiter l'Euesque son bon Oncle, lequel dés long temps n'auoit veu. C'estoit vn aussi vertueulx & bien viuant Prelat qu'il en feust pour lors au monde. Il receut son nepueu tant honnestement que merueilles, & le feit loger en l'Euesché, où chascun iour estoit traicté comme la pierre en l'or. Et le venoient veoir les Dames d'alentour Grenoble, mesmement celles de la Ville, qui toutes ensemble ne se pouuoient saouller de le louer, dont il auoit grand honte.

OR en ces entrefaictes, ne sçay si ce feut par le grand labeur que le bon Cheualier auoit souffert par plusieurs années, ou si ce feut par le coup du faulconneau qu'il eut à la retraicte de Pauie: mais vne grosse fiebure continuë le va empoigner, qui luy dura dixsept iours, de sorte que l'on n'y esperoit plus

de vie. Le pauvre Gentil-homme qui de maladie se voyoit ainsi abatu, faisoit les plus piteuses complainctes qu'on ouyt iamais. Et à l'ouyr parler, il eust eu bien dur cœur, à qui les larmes ne feussent tombées des yeulx. Las disoit il, mon Dieu puis que c'estoit ton bon plaisir m'oster de ce monde si tost, que ne me feist tu ceste grace de me faire mourir en la compaignée de ce gentil Prince le Duc de Nemours, & avec mes autres compaignons, à la Iournée de Ra-uenne, ou qu'il ne te pleut consentir que ie finisse à l'assault de Bresse, où ie feus si griefuement blessé. Helas i'en feusse beaucoup mort plus ioyeux. Car au moins i'eusse ensuiuy mes bons predecesseurs, qui sont tousiours demeurez aux batailles. Mon Dieu, & i'ay passé rant de gros dangers d'artilleries en batailles, en assaults, & en rencontres, dont tu m'as faict la grace d'estre eschappé, & il fault que presentemēt ie meure en mon liēt comme vne pucelle. Toutes-fois combien que ie desirasse autrement, ta sainte volonté soit faicte. Ie suis vn grand pecheur: mais i'ay espoir en ton infinie misericorde. Helas mon Createur ie t'ay par le passé grandemēt offensé: mais si plus longuement eusse vescu, i'auois bon espoir, avec ta grace, de bien tost amender ma mauuaise vie. Ainsi faisoit ses regrets, & tant piteusement se doulouroit le bon Cheualier, qu'il n'y auoit personne autour de luy qui ne fondist en larmes. Mesmement son bon Oncle l'Euesque, qui sans cesse estoit en oraison pour luy, & non pas luy seulement, mais tous les nobles, bourgeois, marchans, religi-

Louys
XII.

eux, & religieuses, iour & nuict estoient en prieres & oraisons pour luy. Et n'est possible que en tant de peuple n'y eust quelque bonne personne que nostre Seigneur voulut ouyr, comme assez apparut. Car sa fiebure le laissa peu à peu, & commença à reposer, & prendre goust aux viandes. De sorte qu'en quinze iours, ou trois sepmaines, avec le bon traictement, il en feut du tout guery, & aussi gaillard qu'il auoit iamais esté. Et se preint à aller vn peu à l'esbat pres de la Ville, visitant ses amis, & les Dames de maison en maison, à qui il faisoit force bâquets pour se resiouyr. Et tellement, que comme assez pouuez entendre qu'il n'estoit pas Saint, vn iour luy preint volonté d'auoir compaignée Françoise. Si dit à vn sien varlet de chambre, qu'on nommoit le bastard Cordon, bastard, ie te prie que aujourd'huy à coucher avec moy i'aye quelque belle fille, ie croy que ie ne m'en trouueray que mieulx. Le bastard qui estoit diligent, & vouloit bien complaire à son maistre, s'alla adresser à vne pauvre gentile femme, qui auoit vne belle fille, de l'aage de quinze ans, laquelle pour la grande pauureté en quoy elle estoit consentit sa fille estre baillée quelque temps au bon Cheualier, esperant aussi que apres il la marieroit. Si feut la fille langagée par la mere, qui luy feit tant de remonstrances, que nonobstant le bon vouloir qu'elle auoit condescendit au marché, moiitié par amour & moiitié par force. Si feut emmenée secretement par le bastard au logis du bon Cheualier, & mise en vne siene garderobe. Le temps venu de se
retirer

retirer pour dormir, s'en retourna à son logis le dict *Louys.*
 bon Cheualier, lequel auoit souppé en vn banquet *XII.*
 en la Ville. Arriué qu'il feust, le bastard luy dit qu'il
 auoit vne des belles filles du monde, & si estoit gen-
 tile femme, si le mena en la garderobe, & la luy
 monstra. Belle estoit comme vn ange, mais tant
 auoit ploré que tous les yeulx luy en estoient enflez.
 Quand le bon Cheualier la veid en ceste sorte, luy
 dit, Commét m'amie qu'avez vous? ne sçauéz vous
 pas bien pourquoy vous estes venue icy? La pauvre
 fille se meit à genouils, & dit Helas ouy Monsei-
 gneur, ma mere m'a dit que ie feisse ce que vous
 voudriez. Toutesfois ie suis vierge, & ne feis iamais
 mal de mon corps, ne n'auois pas volonté d'en fai-
 re, si ie n'y feusse contraincte: mais nous sommes si
 pauures ma mere & moy que nous mourons de
 faim. Et pleust à Dieu que ie feusse bien morte, au
 moins ne seroye point au nombre des malheureu-
 ses filles, & en deshonneur toute ma vie. Et disant
 ces paroles, pleuroit si tres-fort qu'on ne la pouuoit
 appaiser. Quand le bon Cheualier apperceut son
 noble couraige, quasi larmoyant luy dit, Vraye-
 ment m'amie, ie ne seray pas si meschant, que ie
 vous oste de vostre bon vouloir. Et changeant vice
 à vertu, la preint par la main, & luy feit atfeubler vn
 manteau, & au bastard prendre vne torche, & la
 mena luy mesme coucher chez vne gentile femme
 sa parente, qui se tenoit pres de son logis. Et le len-
 demain matin enuoya querir la mere, à laquelle il
 dit, Venez ça m'amie, ne me mentez point, vostre

Louys
XII.

filles est elle pucelle? Qui respondit Sur ma foy Monseigneur, quand le bastard la veint hier querir iamaiz n'auoit eu congnoissance d'homme. Et n'estes vous doncques bien malheureuse dit le bon Cheualier de la vouloir faire meschante? La pauure femme eut honte, & peur, & ne sceut que respondre sinon qu'elles estoient si pauures que rien plus. Or dit le bon Cheualier, ne faictes iamaiz vn si lasche tour que de vendre vostre fille, qui estes gentile femme, on vous en debueroit plus griefuemēt punir. Venez ça, auez vous personne qui la vous ait iamaiz demandée en mariage? Ouy bien dit elle, vn mien voisin honnest homme: mais il demande six cent florins, & ie n'en ay pas vaillant la moitié. Et fil auoit cela, l'espouseroit il? dit le bon Cheualier. Ouy seurement dit elle. Alors il preint vne bourse, qu'il auoit faict prendre au bastard, & luy bailla trois cent escus, disant tenez m'amie voyla deux cent escus, qui vallent six cent florins de ce pays, & mieulx, pour marier vostre fille, & cent escus, pour l'habiller. Et puis fait encores compter cent autres escus, qu'il donna à la mere. Et commanda au bastard, qu'il ne les perdist iamaiz de veüe, qu'il n'eust veu la fille espousée. Ce qu'elle feut trois iours apres, & a faict depuis vn tres-honorable mesnaige. Elle retira sa mere en sa maison. Et ainsi parla la grande courtoisie & liberalité du bon Cheualier, la chose feut menée, comme il est cy dessus recité.

ICEL VY bon Cheualier feut encores quelque temps apres au Daulphiné, faisant grosse chere, ius-

ques à ce que le Roy de France son maistre enuoya vne armée en Guyenne, sous la charge du Duc de Longueuille, pour cuider recouurer le Royaume de Nauarre, que depuis vn peu auoit vsurpé par force le Roy d'Arragon sur celuy qu'il tenoit à iuste titre, & n'y trouua occasion, sinon qu'il estoit du party du Roy de France. Il ne sçay comment il alla de ce beau voyage : mais apres y auoir longuement esté, sans rien executer, la grosse armée s'en retourna, & feirent passer les monts Pyrenées à vne partie d'icelle, dont feut Chef le Seigneur de la Palisse. Et puis aucun temps apres luy feut enuoyé de renfort le bon Cheualier sans peur & sans reproche, qui luy mena quelques pieces de grosse artillerie. Le Roy de Nauarre dechassé estoit avec eulx. Ils preindrent quelques petits forts, puis veindrent meêtre le siege deuant Pampelune. Cependant le bon Cheualier alla prendre vn Chasteau, où il eut gros honneur, comme vous entendrez.

Louys
XII.

CHAPITRE LVI.

*Comment le bon Cheualier preint vn Chasteau
d'assault au Royaume de Nauarre, cepen-
dant qu'on assist le Siege deuant la Ville
de Pampelune, où il feit vn
tour de saige & appers
Cheualier.*

Louys
XII.



PENDANT que le gentil Seigneur de la Palisse plantoit avec le Roy de Nauarre le siege deuât la Ville de Pampelune, feut aduisé qu'il seroit bon d'aller prendre vn Chasteau à quatre lieües de là, qui nuisoit merueilleusement au camp des François. Je croy bien qu'en la place n'y pouuoit pas auoir grosse force: toutesfois parce que l'on se doubtoit que dedans vne petite Ville pres de là, appellée le Pont de la Roynne, y pourroient estre quelques gens, qui peut estre la vouldroient secourir, feut aduisé qu'on meneroit assez bonne bende de gens de cheual & de pied. Le Roy de Nauarre & le Seigneur de la Palisse prièrēt au bon Cheualier qu'il voulust prendre ceste entreprinse en main. Et luy qui iamais ne feust las de travail qu'on luy sceust bailler, l'accorda incontinent. Il preint sa compaignée, & de celle du Capitaine Bonneual hardy Cheualier quelque nombre d'aduēturiens, & deux enseignes de lansquenets, qui estoient chascune de quatre cent hommes, & ainsi s'en alla tout de plein iour deuant ceste place. Il enuoya vn trompette pour faire entendre à ceulx qui estoient dedans, qu'ils eussent à la mettre entre les mains de leur fouuerain le Roy de Nauarre, Et qu'il les prendroit à mercy, & les laisseroit aller leurs vies & bagues saufues, Autrement s'ils estoient pris d'assault, seroient mis en pieces. Ceulx de la forteresse estoient gens de guerre, que le Duc de Naiare, & l'Alcayde de los donzeles, Lieutenant au dict Royaume pour le Roy d'Espaigne, y auoient mis, &

estoyent tous bons & loyaulx seruiteurs à leur maistre, feirent responce qu'il ne rendroient point la place, & eulx encores moins. Le trompette en vint faire son rapport, lequel ouy par le bon Cheualier, ne fait autre delay, sinon de faire assieoir quatre grosses pieces d'artillerie qu'il auoit, & bien canonner la place, & viuement. Ceulx de dedans qui estoient environ cent hommes, auoient force hacquebutes à croc, & deux faulconneaux, qui feirēt tres-bien leur debuoir de tirer à leurs ennemis. Mais si bien ne sceurent iouer leur roolle, qu'en moins d'une heure n'y eust breche à leur place assez grande: mais mal aylée, pource qu'il failloit monter. Or en telles matieres fault autre chose que souhaiter. Si fait le bon Cheualier sonner l'assault, & vint aux lansquenets, les enhortant d'y aller. Leur truchement parla pour eulx, & dit que c'estoit leur ordonnance, que toutes fois qu'il se prenoit place d'assault, qu'ils debuoyent auoir double paye. Et que si on leur vouloit promettre iroient au dict assault, autrement non. Le bon Cheualier n'entendoit point ces ordonnances: toutes fois il leur fait responce que sans nulle faulte, s'ils prenoient la place, qu'ils auroient ce qu'ils demandoient, & leur en respondit, pource qu'il ne vouloit pas demeurer longuement là. Il eut beau promettre: mais au diable le lansquenet qui mōta iamais à la breche. Les aduenturiers y allerent gaillardement: mais ils furent lourdement repoussez par deux ou trois fois. Et de faict, ceulx qui deffendoient, monstroient bien qu'ils estoient gens de guerre. Quand le bon

Louys
XII.

Cheualier congneut leur cœur, pensa bien qu'il ne les auroit iamais de ceste lucte. Si feit sonner la retraite, laquelle faicte, feit encores tirer dix ou douze coups d'artillerie, faisant mine qu'il vouloit agrandir la breche: mais il auoit autre chose en pensée. Car cependant qu'on tiroit l'artillerie, veint à vn de ses hommes d'armes, fort géril compaignon, qu'on nommoit petit Iean de la Vergne, Auquel il dit, La Vergne, si vous voulez, ferez vn bon seruice, & qui vous sera remuneré. Voyez vous bien ceste grosse tour, qui est au coing de ce Chasteau? Quand vous verrez que ie feray recommencer l'assault, prenez deux ou trois eschelles, & avec trente ou quarante hommes essayez de monter en ceste tour. Car sur ma vie n'y trouuerez personne, pour la deffendre, & si vous n'entrez en la place par là, dictes mal de moy. L'autre entendit tres-bien le commâdement. Si ne demeura guieres, que l'assault ne feust recommencé, plus aspre que deuant. Où tous ceulx de la place veindrent pour deffendre la breche, & n'auoient regard ailleurs. Car ils n'eussent iamais pensé qu'on eust entré par autre lieu. Dont ils feurent trompez. Car la Vergne feit tres-bien sa charge, & sans estre d'eulx apperceu, dressa ses eschelles, par lesquelles il monta dedans ceste tour, & plus de cinquante compaignons avec luy. Lesquels ne feurent iamais veus des ennemis, qu'ils ne feussent dedans la place, où ils crierent France, France, Nauarre, Nauarre. Et veindrent rüer par le derriere sur ceulx qui estoient à deffendre la breche, qui pour estre sur-

pris, feurent estonnez à merueilles. Toutesfois ils se meirent en deffense, & feirent debuoir de bien combattre: mais leur proüesse ne leur seruit de guieres. Car les assaillans entrèrent dedans, qui meirent tout en pieces, ou peu s'en fallut, & feut toute la place courüe, & pillée. Ce faiët, le bon Cheualier y laissa vn des Gentils-hommes du Roy de Nauarre, avec quelques compaignôs, puis se meit au retour droict au camp. Ainsi qu'il vouloit partir, deux ou trois Capitaines de ces lansquenets veindrent deuers luy, & par leur truchement luy feirent dire qu'il leur teint la promesse, de leur faire bailler double paye, & que la place auoit esté prise. De ce propos feut le bon Cheualier si fort fasché que merueilles, & respondit tout courroucé au truchement, Dictes à vos coquins de lansquenets, que ie leur ferois plustost bail-
 ler à chascun vn licol pour les pendre. Les meschans qu'il sont n'ont iamais voulu aller à l'assault, & ils demandent double paye. I'en parleray à Monseigneur de la Palisse, & à Monseigneur de Suffolc, leur Capitaine general: mais ce sera pour les faire casser, ils ne vallent pas putains. Le truchement leur dit le propos, & incontinent commencerent vn bruit merueilleux. Mais le bon Cheualier feit sonner à l'estandart, & assembla ses gens d'armes, & ad-
 uenturiers. De façon, que s'ils eussent faiët semblant de rien estoit delibéré de les mettre en pieces. Ils s'appaiserent petit à petit, & s'en veindrent au camp deuant Pampelune en troupe comme les autres. Il fault faire icy vn petit discours pour rire. Quand le

Louys bon Cheualier feut arriué, eut grande chere du Roy
XII. de Nauarre, du Seigneur de la Palisse, du Duc de
Suffolc, & de tous les Capitaines, auxquels il compta
la maniere de faire des lansquenets, dont il y eut assez
ris. Le soir il donna à soupper à tout plein de Capi-
taines, & entre autres y estoit le Duc de Suffolc, Ca-
pitaine general de tous les lansquenets qui estoient
au camp, dont il y auoit six ou sept mille. Ainsi qu'ils
acheuoient de soupper, va arriuer vn lansquenet, qui
auoit assez bien beu, & quand il entra ne scauoit
qu'il debuoit dire, sinon qu'il cherchoit le Capitaine
Bayard pour le tuer, pource qu'il ne leur vouloit
point faire bailler d'argent. Il parloit quelque peu de
François, & assez mauuais. Le Capitaine Pierre pont
l'entendit, qui dit au bon Cheualier en riant, Mon-
seigneur voicy vn lansquenet, qui vous cherche,
pour vous tuer. C'estoit la plus ioyeuse & recreatiue
personne qu'on eust sceu trouuer. Si se leua de table,
l'espée au poing, & s'adressa au lansquenet, en luy
disant, Est ce vous qui voulez tuer le Capitaine
Bayard? Le voicy, deffendez vous. Le pauvre lans-
quenet, quelque yure qu'il feust, eut belle peur. Et
respondit en assez mauuais langage, Ce n'est pas
moy qui veulx tuer le Capitaine Bayard tout seul:
mais ce sont tous les lansquenets. Ha sur mon ame
dit le bon Cheualier, qui passoit de rire, ie le qui-
cte, & ne suis point deliberé moy seul de comba-
tre sept mille lansquenets. Appoinctement com-
paignon, pour l'amour de Dieu. Toute la com-
pagnée se preint si tres-fort à rire du propos, que
merueilles.

merueilles. Et feut assis à table le lansquenet vis à vis du bon Cheualier, qui le feut acheuer d'habiller, comme il estoit commencé. De sorte, que auant qu'il partist de là promet que tant qu'il viuroit deffendrait le Capitaine Bayard enuers & contre tous, & iura qu'il estoit homme de bien, & qui auoit bon vin. Le Roy de Nauarre & le Seigneur de la Palisse le sceurent le soir, qui en rirent comme les autres.

Louys
XII.

LE lendemain de l'arriuée du bon Cheualier, commença l'artillerie à tirer contre la Ville de Pampelune, qui feut batüe assez bien, & y voulut on donner l'assault, qui feut essayé. Mais si bien se deffendirent ceulx de dedans, qu'on la laissa là, & y eurent les François grosse perte. Dedans estoit ce gentil Cheualier Espagnol, que l'on nommoit l'Alcayde de los Donzeles.

CE feut vn siege assez malheureux. Car les François à leur entrée en Nauarre gasterēt & dissipèrent tous les biens, rompirēt les moulins, & feirent beaucoup d'autres choses, dont ils eurent depuis grande indigence, Car la famine y feut si grosse, que plusieurs gens en moururent. Et si n'y eut iamais en armée si grãde necessité de fouliers, car vne meschante paire pour vn laquais coustoit vn escu. Brief tous ces malheurs assēblez, & aussi que le Duc de Naiare estoit arriué au pont de la Royne pres de Pampelune, avec vn secours de huiēt ou dix mille hommes, feut le Roy de Nauarre conseillē par le Seigneur de la Palisse, & tous les Capitaines, de se retirer iusques à vne autre saison. Si feut leuē le siege en plein iour

Louys de deuant Pampelune, & l'artillerie mise à chemin:
XII. mais peu de iournées feut conduicte. Car les mon-
taignes par où elle debuoit passer estoient trop
estranges. Si feurent contraincts les François, apres
que à force de gens & d'argent l'eurent menée trois
iournées, la laisser au pied d'une montaigne, où ils
la rompirent, au moins la meirent en sorte, que
leurs ennemis ne s'en feussent sceu ayder.

IL fault entendre que au repasser des montai-
gnes Pyrenées y eut de grandes pauuretez, par le
deffault des viures. Et si n'estoit heure au iour qu'il
n'y eust alarme chauld, & aspre. Le Duc de Suffolc,
dict la blanche rose, Capitaine general des lansque-
nets, y estoit, qui grande & parfaicte amitié auoit
avec le bon Cheualier. Vn iour qu'il auoit tant tra-
uailé, que plus n'en pouuoit, car toute ceste iournée
n'auoit beu, ne mangé, ainsi qu'on se vouloit retirer
d'une escarmouche sur le soir bien tard, veint trou-
uer iceluy bon Cheualier. Auquel il dit Capitaine
Bayard mon amy, ie meurs de faim, ie vous prie
donnez moy auiourd'huy à soupper, car mes gens
m'ont dict qu'il n'y a rien à mon logis. Le bon Che-
ualier qui ne s'estonna iamais de rien, respondit,
Ouy vrayement Monseigneur, & si serez bien trai-
cté. Puis deuant luy appela son Maistre d'hostel, au-
quel il dit, Monseigneur de Mylieu, allez deuant fai-
re haster le soupper, & que nous soyons ayfes com-
me dedans Paris. De laquelle parole le Duc de Suf-
folc rist vn quart d'heure. Car desia y auoit deux
iours qu'ils ne mangeoient que pain de millet.

BIEN vous assure que sans perdre gens que de *Lonys*
famine, les François firent vne aussi belle retraicte, *XII.*
que gens de guerre firent oncques. Et surtout y ac-
quit vn merueilleux honneur le bon Cheualier, qui
toufiours demeura sur la queüe, tant que le danger
feust passé. Car volontiers luy a l'on toufiours faict
cest honneur aux affaires, qu'en allant a toufiours
esté mis des premiers, & aux retraictes des der-
niers.

BIEN ioyeux feurent les François, quand par
leurs iournées eurent gaigné Bayonne. Car ils man-
gerent à leur aise. Mais plusieurs gens de pied qui
estoyent affamez, mangerent tant qu'il en mourut
tout plein. Ce feut vn assez fascheux voyage.

EN ceste année mourut le Pape Iules, ce bon
François. Et feut esleu en son lieu le Cardinal de Me-
dicis, Pape Leon nommé.

IL veint aussi en la coste de Bretaigne quelque
armée d'Anglois, qui ne firent pas grand chose.
Vn iour entre les autres vn gros nauire d'Angleter-
re, dict la Regente, & vne nef de la Royne de Fran-
ce, Duchesse de Bretaigne, nommée la Cordeliere,
se trouuerent, & s'accrocherent pour combattre.
Durant le combat, quelqu'un iecta du feu dedans
l'une des nefs: mais finablement feurent toutes deux
bruslées. Les Anglois y firent grosse & lourde per-
te. Car sur la dicte Regente y auoit gros nombre de
Gentils-hommes qui y moururent, sans leur estre
possible trouuer le moyen d'eschapper.

Louys

XII.

CHAPITRE LVII.

Comment le Roy Henry d'Angleterre descendit en France, & comment il meit le siege deuant Theroüenne. D'une bataille dictée la iournée des Esperons, où le bon Cheualier fait merueillis d'armes, & gros seruice en France.

1513.



EN L'AN mille cinq cent & treize, vers le commencement, le Roy de France renuoya vne armée en Italie, sous la charge du Seigneur de la Trimouille. Il auoit esté faict l'appoinctement entre le Roy de France, & les Venitiens, qui y portoient faueur. Toutesfois le cas alla assez mal pour les François. Car ils perdirent vne Iournée contre les Suisses. Et y feurent les enfans de Messire Robert de la Marche, qui auoient charge des lansquenets, quasi laissez pour morts, & les alla querir leur pere dedans vn fossé. Si conueint encores aux François abandonner la Lombardie pour ceste année.

AL E V R retour feut aduertie le Roy de France comment Henry Roy d'Angleterre, allié de l'Empereur Maximilian, estoit descendu à Calais, avec grosse puissance, pour entrer en son pays de Picardie. Auquel pour y resister, enuoya incontinent grosse puissance, & fit son Lieutenant general le

Seigneur de Piennes, Gouverneur au dict pays.

Louys

XII.

LES Anglois entrez qu'ils feurent en la campagne, de pleine arriuée allerēt planter le siege deuant la Ville de Theroüenne, qui estoit bonne, & forte. Où pour icelle garder, estoient commis deux tres-hardis & gaillards Gentils-hommes. L'un, le Seigneur de Teligny, Seneschal de Rouergue, Capitaine saige, & asseuré. Et vn autre du Pays mesme, appellé le Seigneur de Pontdormy, avec leurs compagnées, quelques aduenturiers François, avec aucuns lansquenets, soubz la charge du Capitaine Brandec. Ils estoient tous gens de guerre, & pour bien garder la ville longuement, s'ils eussent eu viures. Mais ordinairement en France ne se font pas volontiers les prouisions de saison, ne de raison. Le siege assis par les Anglois deuant la dicte Ville de Theroüenne, commencerent à la canonner. Encores n'y estoit pas la personne du Roy d'Angleterre: ains pour ses Lieutenans y estoient le Duc de Suffolc, Messire Charles Brandon, & le Capitaine Talbot. Mais peu de iours apres il arriua, qui ne feut pas sans auoir vne grosse frayeur entre Calais, & sō siege de Theroüenne, aupres d'un village dit Tournehan. Car bien cuida là estre combatu par les François, qui estoiet en nombre de douze cent hommes d'armes, tous bien deliberez. Mais avec eulx n'auoient pour l'heure nuls de leurs gens de pied, qui leur feut gros malheur. Et luy par le contraire n'auoit nuls gens de cheual: mais enuiron douze mille hommes de pied, duquel nombre estoient quatre mille lansque-

Louys
XII.

nets. Si s'approcherent les deux armées, à vne portée de canon l'une de l'autre. Quoy voyant par le Roy d'Angleterre, eut peur d'estre trahy. Si descendit à pied, & se meit au milieu des lansquenets. Les François vouloient donner dedans : & mesmement le bon Cheualier, qui dit au Seigneur de Piennes plusieurs fois, Monseigneur, chargeons les, il ne nous en peut aduenir dommaige sinon bien peu. Car si à la premiere charge les ouurons, ils sont rompus. S'ils nous repoussent nous nous retirerons tousiours. Ils sont à pied, & nous à cheual. Quasi tous les François feurent de ceste opinion. Mais le dict Seigneur de Piennes disoit, Messeigneurs, l'ay charge sur ma vie du Roy nostre maistre de ne rien hazarder, mais seulement garder son pays. Faictes ce qu'il vous plaira : mais de ma part ie ne m'y consentiray point. Ainsi demeura ceste chose, & passa le Roy d'Angleterre & sa bende au nez des François. Le bon Cheualier, qui enuis eust laissé departir la chose en ceste sorte, va donner sur la queue avec sa compaignée. Et les fait ferrer si bien, qu'il leur conueint abandonner vne piece d'artillerie, dicté Sainct Iean. Et en auoit le Roy d'Angleterre encores onze autres de ceste façon, & les appelloit ses douze Apostres. Ceste piece feut gaignée & amenée au cap des François. Quand le Roy d'Angleterre feut arriué au siege de Therouienne avec ses gens, ne fault pas demander s'il y eut ioye demenée. Car il estoit gaillard Prince, & assez liberal. Trois ou quatre iours apres arriua l'Empereur Maximilian, avec quelque nombre de Hen-

nuyers, & Bourguignons. Si se feirent les Princes *Louys*
grand chere l'un à l'autre. Apres ce feurent faictes les *XII.*
approches deuant la Ville, & icelle canonnée furieu-
sement. Ceulx de dedans respondoient de mesmes,
& faisoient leurs ramparts au mieulx qu'il pouuoient:
mais sans doute ils auoient necessité de viures.

LE Roy de France estoit venu iusques à Amiens,
& mandoit tous les iours à son Lieutenant general,
le Seigneur de Piennes, que à quelque peril que ce
feust on aduitaillast Theroüenne. Cela ne se pou-
uoit faire sans grand hazard. Car elle estoit toute
enclose d'ennemis. Toutesfois pour complaire au
maistre, feut conclud qu'on iroit avec toute la gen-
d'armes dresser un alarme au camp. Et cependant
que quelques uns ordonnez à porter des lards, pour
mettre dedans la Ville, les iroient iecter dedans les
fossez, & que apres ceulx de la garnison les retire-
roient assez. Si feut pris le iour d'executer ceste en-
treprinse, dont le Roy d'Angleterre & l'Empereur
feurent aduertis, comme pouuez entendre, par quel-
ques espies, dont assez s'en trouue parmy les armées.
Et y en auoit alors de doubles, qui feignoient estre
bons François, & ils estoient du contraire party. Le
iour ainsi ordonné d'aller aduitailler la Ville de The-
roüenne, monterent les Capitaines du Roy de Fran-
ce à cheual, avec leurs gens d'armes. Dès le point
du iour, le Roy d'Angleterre qui sçauoit ceste en-
treprinse, auoit fait mettre au hault d'un tertre dix
ou douze mille archers Anglois, & quatre ou cinq
mille lansquenets, avec huit ou dix pieces d'artille-

Louys
XII.

rie. Affin que quand les François feroient passez outre, ils descendissent, & leur coupassent chemin. Et par le deuant auoit ordonné tous les gens de cheual, tant Anglois, Bourguignons, que Hennuyers, pour les assaillir. Il fault entendre vne chose, que peu de gens ont sceu, & qui ont donné blasme de ceste Journée aux Gentils-hommes de France, à grand tort. C'est que tous les Capitaines François declarerent à leurs gens d'armes, que ceste course qu'ils faisoient estoit seulement pour rafraischir ceux de Theroüenne, & qu'ils ne vouloient aucunement combattre. De sorte que s'ils rencontroient les ennemis en grosse troupe, ils vouloient qu'ils retournassent au pas. Et s'ils estoient pressez, du pas au trot, & du trot au galop. Car ils ne vouloient rien hazarder. Or commencerent à marcher les François, & approcherent la Ville de Theroüenne, d'une lieüe pres, & plus. Où commença l'escarmouche forte, & rude. Et tres-bien feit son debuoir la gend'armerie Françoisse, iusques à ce qu'ils vont veoir sur le costau ceste grosse troupe de gens de pied en deux bendes, qui estoient marchées plus auant qu'ils n'estoient, & vouloient descédre pour les enclore. Quoy voyant, feut la retraicte sonnée par les trompettes des François. Les gens d'armes qui auoient leur leçon de leurs Capitaines, se meirent le grand pas au retour. Ils feurent pressez, & allerent le trot, & puis au grand galop. Tellement que les premiers se veindrent iecter sur le Seigneur de la Palisse, qui estoit en la bataille avec le Duc de Longueuille, en

si grande fureur, qu'ils meirent tout en desordre. *Louys XII.*
 Les chassans, qui tres-bien poursuivoient leur poin-
 cte, voyans si pauvre conduicte, poussèrent tous-
 iours oultre, tellement qu'ils feirent du tout tourner
 le dos aux François. Le Seigneur de la Palisse &
 plusieurs autres y feirent plus que leur debvoir, &
 crioient à haulte voix Tourne homme d'armes,
 tourne, ce n'est rien. Mais cela ne seruoit de rien, ains
 chascun taschoit de venir gagner leur camp, où
 estoit demeurée l'artillerie, & les gens de pied. En
 ce grand desordre feut prins prisonnier le Duc de
 Longueuille, & plusieurs autres; comme le Seigneur
 de la Palisse: mais il eschappa des mains de ceux qui
 l'auoient pris.

Le bon Cheualier sans peur, & sans reproche, se
 retiroit à grand regret, & tousiours tournoit sur ses
 ennemis menu, & souuent, avec quatorze ou quin-
 ze hommes d'armes, qui estoient demeurez aupres
 de luy. Si veint en se retirant à trouuer vn petit pont,
 où il ne pouuoit passer que deux hommes à cheual
 de front. Et y auoit vn gros fossé plein d'eau, qui
 venoit de plus de demie lieue loin, & alloit à bien
 demy quart de lieue plus bas faire mouldre vn mou-
 lin. Quand il feut sur ce pont, il dit à ceux qui estoient
 avec luy, Messieurs, arrestés nous icy. Car d'une
 heure nos ennemis ne gagneront ce pont sur nous.
 Et puis il appella vn de ses archers, auquel il dit, Allez
 viltement à nostre camp, & dictes à Monseigneur
 de la Palisse que j'ay arresté les ennemis sur le cul,
 pour le moins d'icy à demie heure, & que cependât

Louys il face chascun meſtre en bataille, & qu'ó ne ſeſpou-
xii. uente point, ains qu'il me ſemble qu'il doit tout
bellement marcher en ça. Car ſi les gens ainſi deſ-
royez pouſſoient iuſques là, ils ſe trouueroient deſ-
faictſ. L'archer va droit au camp, & laiſſa le bõ Che-
ualier avec ſi peu de gens qu'il auoit, gardant ce pe-
tit pont, où il feit d'armes le poſſible. Les Bourgui-
gnons, & Hennuyers y veindrent: mais là conueint
il combattre. Car bonnement ne pouuoient paſſer
à leur aife. Et l'arreſt qu'il feirent là, donna loifir
aux François, qui eſtoient retournez en leur camp,
d'eulx meſtre en ordre, & en deſſence, ſi beſoing
en euſt eſté. Quand les Bourguignons veirent que
ſi peu de gens leur faiſoient barbe, commencerent
à crier qu'on feit venir des archers à diligence, & au-
cuns d'eulx les allerent haſter. Cependant plus de
deux cent cheuaulx cheuaucherent le long de ce
ruiſſeau, & allerent trouuer le moulin, où ils paſſe-
rent. Ainſi feut enclos le bon Cheualier de deux
coſtez, lequel dit à ces gens, Meſſeigneurs, rendons
nous à ces Gentils-hommes. Car noſtre proüeſſe ne
nous ſeruiroit de rien. Nos cheuaulx ſont recreus,
ils ſont dix contre vn. Nos gens ſont à trois lieües
d'icy. Et ſi nous attendons encores vn peu, & les ar-
chers Anglois arriuent, ils nous meſtront en pieces.
Sur ces paroles, vont arriuer ces Bourguignons, &
Hennuyers, crians Bourgongne, Bourgongne. Et
feirent groſſe enuahie ſur les François, qui pour n'a-
uoir moyen d'eulx plus deſſendre, ſe rendoient l'vn
ça, & l'autre là, aux plus apparens. Et ainſi que chaſ-

cun taschoit à prendre son prisonnier, le bon Chevalier va aduifer vn Gentil-homme bien en ordre sous de petits arbres, lequel pour la grande & extrême chaleur qu'il auoit, de façon qu'il n'en pouuoit plus, auoit osté son armet, & estoit tellement affligé & trauaillé, qu'il ne se daignoit amuser aux prisonniers. Si picqua son cheual droict à luy, l'espée au poing, qu'il luy vint meétre sur la gorge, en luy disant Rends toy homme d'armes, ou tu es mort. Qui feut bien esbahy, ce feut le Gentil-homme. Car il pensoit bien que tout feust prins: toutesfois il eust peur de mourir, & dit le me rends doncques, puis que prins suis en ceste sorte. Qui estes vous? Le suis dit le bon Cheualier le Capitaine Bayard, qui me rends à vous, & tenez mon espée. Vous suppliant que vostre plaisir soit m'emmener avec vous. Mais vne courtoisie me ferez, si nous trouuons des Anglois en chemin, qui nous voulussent tuer, vous me la rendrez. Ce que le Gêtil-homme luy promet, & luy teint. Car en tirant au camp, conueint à tous deux iouer des cousteaux contre aucuns Anglois, qui vouloient tuer les prisonniers, où ils ne gagnèrent rien. Or feut le bon Cheualier mené au camp du Roy d'Angleterre en la tente de ce Gentil-homme, qui luy feit tres-bonne chere, pour trois ou quatre iours. Au cinquiesme, le bon Cheualier luy dict mon Gentil-homme, ie vouldrois bien que me voulussiez faire mener seurement au camp du Roy mon maistre. Car il m'ennuye desia icy. Com-mét dict l'autre? encores n'auons nous point aduisé.

Louys de vostre rançon. De ma rançon dit le bon Cheua-
xii. lier, mais à moy de la vostre. Car vous estes mon
prisonnier. Et si depuis que i'eus vostre foy, me suis
rendu à vous, ce a esté pour me sauuer la vie, & non
autrement. Qui feut bien estonné ce feut le Gen-
til-homme. Car encores luy dit plus le bon Cheua-
lier, Ce feut, mon Gentil-homme, ou ne me tien-
drez promesse. Je suis assuré qu'en quelque sorte
que ce soit i'eschapperay : mais croyez apres que
i'auray le combat à vous. Ce Gentil-homme ne sça-
uoit que respondre. Car il auoit assez ouy parler du
Capitaine Bayard, & de combat n'en vouloit point.
Toutesfois il estoit assez courtois Cheualier, & en
fin dit, Monseigneur de Bayard, ie ne vous veulx
faire que la raison, i'en croiray les Capitaines. Il fault
entendre qu'on ne sceut si bien celer le bon Cheua-
lier, qu'il ne feust sceu parmy le camp. Et sembloit
aduis à ouyr parler les ennemis, qu'ils eussent gai-
gné vne bataille. L'Empereur l'enuoya querir, &
feut mené à son logis, qui luy fait vne grande &
merueilleuse chere. En luy disant Capitaine Bayard
mon amy, i'ay tres-grand ioye de vous veoir. Que
pleust à Dieu que i'eusse beaucoup de tels hommes
que vous. Je croy que auant qu'il feust guerres de
temps, ie me sçauois bien venger des bons tours
que le Roy vostre maistre & les François m'ont
faict par le passé. Encores luy dit il en riant, Il me
semble Monseigneur de Bayard, que autresfois
auons esté à la guerre ensemble. Et m'est aduis qu'on
disoit en ce tempslà que Bayard ne fuyoit iamais. A

A quoy le bon Cheualier respondit. Sire, si i'eusse fuy, *Louys*
 ie ne feusse pas icy. En ces entrefaictes arriua le Roy *XII.*
 d'Angleterre, à qui feit congnoistre le bon Cheua-
 lier, qui luy feit fort bonne chere, & il luy feit la reue-
 rence, comme à tel Prince appartenoit. Si commen-
 cerent à parler de ceste retraicte. Et disoit le Roy
 d'Angleterre que iamais n'auoit veu gens si bien
 fuyr, & si en gros nombre, que les François, qui n'e-
 stoient chassez que de quatre à cinq cent cheuaulx.
 Et en parloient en assez pauvre façon l'Empereur &
 luy. Sur mon ame dit le bon Cheualier, la gend'ar-
 merie de France n'en doit aucunement estre blaf-
 mée. Car ils auoient expres commādement de leurs
 Capitaines de ne combattre point. Parce qu'on se
 doubtoit bien si veniez au combat ameneriez toute
 vostre puissance, comme auez faict. Et nous n'a-
 uions ne gens de pied, ny artillerie. Et ia sçauiez haults
 & puissans Seigneurs, que la Noblesse de France est
 renommée par tout le monde. Ie ne dis pas que ie
 doibue estre du nombre. Vrayement dit le Roy
 d'Angleterre Monseigneur de Bayard, si tous
 estoient vos semblables, le siege que i'ay mis deuant
 ceste Ville me seroit bien tost leué. Mais quoy que
 ce soit vous estes prisonnier. Sire dit le bon Cheua-
 lier, ie ne le confesse pas, & en voudrois bien croire
 l'Empereur & vous. Là present estoit le Gentil-hom-
 me qui l'auoit amené, & à qui il s'estoit rendu, de-
 puis qu'il auoit eu la foy. Si compra tout le faict, ain-
 si que cy dessus est recité. A quoy le Gentil-homme
 ne contredict en rien, ains dit il est vray ainsi que le

Louys Seigneur de Bayard le compte. L'Empereur & le
XII. Roy d'Angleterre se regarderent l'un l'autre. Puis
commença à parler l'Empereur, & dit que à son
opinion le Capitaine Bayard n'estoit point prison-
nier: mais plustost le seroit le Gentil-homme de luy.
Toutesfois pour la courtoisie qu'il luy auoit faicte
demeureroient quictes l'un enuers l'autre de leur
foy, & le bon Cheualier s'en pourroit aller, quand
bon sembleroit au Roy d'Angleterre. Lequel dit
qu'il estoit bien de son opinion, & que s'il vouloit
demeurer six sepmaines sur sa foy, sans porter ar-
mes, que apres luy donnoit congé de s'en retourner,
& que cependant il allast veoir les villes de Flandre.
De ceste gracieuse téré, remercia le bon Cheualier tres-
humblement l'Empereur, & le Roy d'Angleterre.
Et puis s'en alla esbatre par le pays, iusques au iour
qu'il auoit promis. Le Roy d'Angleterre durant ce
temps le feit praticquer, pour estre à son seruice, luy
faisant presenter beaucoup de biens. Mais il perdit
sa peine, car son cœur estoit du tout François. Or
fault entendre vne chose, que combien que le bon
Cheualier n'eust pas de grands biens, homme son
pareil ne s'est trouué de son temps qui ait tenu meil-
leure maison que luy. Et tant qu'il feut es pays de
l'Empereur la teint opulemment aux Hennuyers,
& Bourguignons. Et encores que le vin y soit fort
cher, si ne leur failloit il rien quand ils s'alloient cou-
cher. Et feut tel iour qu'il despensit vingt escus en
vin. Plusieurs eussent bien voulu qu'il n'en feust ia-
mais party. Toutesfois il s'en retourna en France,

quand il eut acheué son terme. Et feut conduict & *Louys*
 tres-bien accompagné iusques à trois lieües des *XII.*
 pays de son maistre.

QUELQUES iours demeurèrent l'Empereur
 & le Roy d'Angleterre deuant Theroüenne, qui en
 fin se rendit, par faulte de viures. Et feut la compo-
 sition, que les Capitaines & gens de guerre forti-
 roient, vies & bagues sauues, & que mal ne seroit
 faiet aux habitans de la Ville, ne icelle desmolie. Ce
 qu'on promet aux gens de guerre feut bien tenu:
 mais non pas à ceulx de la Ville. Car le Roy d'An-
 gleterre feit abatre les murailles, & meüre le feu en
 plusieurs lieux. Qui feut grosse pitié. Toutesfois de-
 puis les François la remeirent en bon ordre, & plus
 forte que iamais.

DE là leuerent leur siegel'Empereur, & le Roy
 d'Angleterre, & l'allerent planter deuant la Ville de
 Tournay, qui se feust assez defendüe, si les habitans
 eussent voulu accepter le secours des François qu'on
 leur vouloit bailler. Mais ils dirent qu'il se defen-
 droiët bien d'eulx mesmes, dont mal leur en preint.
 Car leur Ville feut prinse, & mise és mains du Roy
 d'Angleterre, qui la fortifia à merueilles.

L'H Y V E R estoit desia aduancé, parquoy feut
 l'armée rompüe. Et se retira le Roy d'Angleterre en
 son Royaume, & l'Empereur en Allemagne. Pa-
 reillement le camp du Roy de France se deffait, &
 scologeal'on par les garnisons sur les frontieres de Pi-
 cardie.

IL fault sçauoir vn chose, qui est digne d'estre

Louys mise par escript. C'est que durant le camp du Roy
 XII. d'Angleterre & de l'Empereur en Picardie, les Suif-
 ses ennemis pour lors du Roy de France, le Seigneur
 de Vergy, & plusieurs lansquenets, en nombre de
 bien trente mille hommes de guerre, descendirent
 en Bourgongne, où Gouverneur estoit le vertueux
 Seigneur de la Trimouille, qui pour l'heure estoit au
 pays. Et pour n'auoir puillance à les combattre aux
 champs, feut contrainct se retirer dedans Dijon, de-
 uant laquelle Ville il esperoit arrester ceste grosse
 armée, qui peu apres y vint meestre le siege en deux
 lieux, & iceluy assis la canonnerent furieusement.
 Le bon Seigneur de la Trimouille faisoit son deb-
 uoir en ce qui estoit possible, & luy mesme iour &
 nuit estoit aux remparts. Mais quand il veid les
 breches faictes, & si mal garny de gens de guerre
 qu'il estoit, congneut à l'œil que la Ville s'en alloit
 perdue, & par consequent le Royaume de France
 en gros danger, (Car si Dijon eust esté prins, ils
 feussent allez iusques à Paris,) si fait secretement
 traicter avec les Suisses, & leur fait faire plusieurs
 belles remonstrances des biens & honneurs qu'ils
 auoient receu de la Maison de France, & qu'il espe-
 roit qu'en brief seroient encores amis plus que ia-
 mais. Et que quand ils entendoient bien leurs af-
 faires, la ruine de la Maison de France estoit à leur
 grand desaduentaige. Ils entendirent à ces propos,
 & encores sur sauf conduict feurent d'accord qu'il
 allast parler à eulx. Ce qu'il feit. Et si bien les mena,
 & de si belles paroles, aussi moyennant certaine
 grosse

grosse somme de deniers qu'il leur promet, (pour Louys
 feureté de laquelle leur bailla pour ostaiges son nep- XII.
 ueu le Seigneur de Maizieres, le Seigneur de Roche-
 fort, fils du Chancelier de France, & plusieurs bour-
 geois de la Ville,) qu'ils s'en retournerent. De ceste
 composition feut blasmé le dict Seigneur de la Tri-
 mouille de plusieurs, mais ce feut à grand tort. Car
 iamais homme ne fait si grand seruice en France
 pour vn iour, que quand il fait retourner les Suisses
 de deuant Dijon. Et depuis l'a on bien cogneu en
 plusieurs manieres.

LE bon Roy Louys douziesme en ceste année
 mille cinq cent treize eut de terribles affaires, & ses 1513.
 aliez aussi. Dont l'un des plus apparens estoit le Roy
 d'Escoffe, qui en vne bataille, cuidant entrer en An-
 gleterre, feut defaiet par le Duc de Nortfolc, Lieu-
 tenant du Roy d'Angleterre, & luy mesme y feut
 tué. Or quelque chose qu'il y eust, le Roy de France
 estoit tant aymé de ses subjects, que à leur requeste
 Dieu luy ayda. Et combien que la plus part des Prin-
 ces de l'Europe eussent iuré sa ruine, & mesmement
 tous ses voisins, garda tres-bien son Royaume. Du
 partement de Picardie s'en retourna par ses petites
 iournées en sa Ville de Blois, qu'il aymoît fort, par-
 ce qu'il y auoit prins sa naissance. Mais guieres n'y
 séjourna, que vn grand & irreparable malheur luy
 adueint, comme vous orrez.

Louys
XII.

CHAPITRE LVIII.

*Du trespas de la magnanime & vertueuse
Princesse Anne Royne de France, & Du-
chesse de Bretagne. Du mariage du Roy
Louys XII. avec Marie d'Angleterre.
Et de la mort du dict Roy Louys.*

1513.



E BON Roy de France Louys dou-
zième apres auoir passé toutes ses for-
tunes en ceste année mille cinq cent &
treize, & qu'il eut faict asseoir ses garni-
sons en Picardie, s'en retourna en sa Ville de Blois,
où il se vouloit resiouyr quelque peu. Mais le plaisir
qu'il y pensoit prendre luy tourna en grande dou-
leur, & tristesse. Car enuiron le commencement
de Ianuier, sa bonne compaignie, & espouse, Anne
Royne de France, & Duchesse de Bretagne, tomba
malade fort griefuement. Car quelques Medecins
que le Roy son mary ny elle eussent pour luy ayder
à recouurer santé, en moins de huit iours rendit
l'ame à Dieu. Qui feut dommaige nompareil pour
le Royaume de France, & dueil perpetuel pour les
Bretons. La Noblesse des deux pays y feit perte ine-
stimable. Car de plus magnanime, plus vertueuse,
plus saige, plus liberale, ne plus accomplie Princesse
n'auoit porté Couronne en France, depuis qu'il y a
eu tiltre de Royne. Les François & Bretons ne plai-

gnirent pas seulement son trespas, mais és Allemagnes, Espaignes, Angleterre, Escosse, & en tout le reste de l'Europe feut plaincte & plorée. Le Roy son mary ne donnoit pas les grandes sommes de deniers, de peur de fouller son peuple: mais ceste bonne Dame y satisfaisoit. Et y auoit peu de gens de vertu en ses pays, à qui vne fois en sa vie n'eust faict quelque present. Pas n'auoit trente huiët ans accomplis la gentile Princeesse, quand cruelle mort en feit si grand dommaige à toute Noblesse. Et qui voudroit ses vertus & sa vie descripre, comme elle a meritè, il faudroit que Dieu feit resusciter Ciceron pour le Latin, & Maistre Iean de Meung, pour le François. Car les modernes n'y sçauoient atteindre. De ce tant lamentable & tres-piteux trespas en feut le bon Roy Louys si affligé, que huiët iours durant ne faisoit que larmoyer. Souhaitant à toute heure, que le plaisir de nostre Seigneur feust luy aller tenir compaignée. Tout le reconfort qui luy demeura, c'estoit que de luy & de la bonne trespassee estoient demeurées deux bonnes & belles Princeesses, Claude, & Renée, qui auoit enuiron trois ans. Elle feut menée à Sainct Denys, & là enterrée. Et luy feut faict son seruice, tant au dict Blois, que au dict lieu de Sainct Denys, autant solemnel qu'il feut possible, & plus de trois mois entiers par tout le Royaume de France. Et par le Duché de Bretaigne n'eust on ouy parler d'autre chose que de celachrymable trespas. Et croy certainement qu'il en souuient encores à plusieurs. Car

Louys
XII.

Louys les grans dons, le doux recueil, & gracieux parler
XII. qu'elle faisoit à chascun, la rendront immortelle.

1514. **ENVIRON** le mois de May apres, qu'on disoit
mille cinq cent & quatorze, elpousa Monseigneur
François Duc de Valois, & d'Angoulesme, pro-
chain heritier de la Couronne, Madame Claude,
aînée fille de France, & Duchesse de Bretagne, au
lieu de Sainct Germain en laye.

EN la dicte année, & environ le mois d'Octobre,
par le moyē du Seigneur de Longueville, luy estant
prisonnier, qui auoit traicté le mariage en Angle-
terre du Roy Louys, & de Madame Marie, sœur au
dict Roy d'Angleterre, feut icelle Dame amenée à
Abbeuille, où le dict Seigneur l'espousa. Il n'auoit
pas grand besoin d'estre marié, pour beaucoup de
raisons, & aussi n'en auoit il pas grand vouloir. Mais
par ce qu'il se voyoit en guerre de tous costez, qu'il
n'eust peu soustenir, sans grandement fouler son
peuple, ressembla au Pelican. Car apres que la Roy-
ne Marie eust faict son entrée à Paris, qui feut fort
triumphante, & que plusieurs ioustes & tournois
feurent acheuez, qui durerent plus de six sepmaines,
le bon Roy qui à cause de sa femme auoit changé
toute maniere de viure, (Car où il souloit disner à
huiēt heures, conuenoit qu'il dinast à midy, où il
se souloit coucher à six heures du soir, souuent se
couchoit à minuiēt,) tomba malade à la fin du
mois de Decembre. De laquelle maladie tout reme-
de humain ne le peut garantir, qu'il ne rendist son
ame à Dieu, le premier de Ianuier ensuiuant, apres

la minuiet. Ce feut en son viuant vn bon Prince, *sai- François*
 ge, & vertueux, qui mainteint son peuple en paix, *I.*
 sans le fouller aucunemēt, fors que par contraincte.
 Il eut en son temps du bien & du mal beaucoup,
 parquoy il auoit ample congnoissance du monde.
 Plusieurs victoires obteint sur ses ennemis : mais sur
 la fin de ses iours fortune luy tourna vn peu son ef-
 frayé visaige. Le bon Prince feut plainct & ploré de
 tous ses subjects, & non sans cause. Car il les auoit
 tenus en paix, & en grande iustice. De façon, que
 apres sa mort, & toutes loüanges dictes de luy, feut
 appelé Pere du peuple. Ce tiltre luy feut donné à
 bonne raison. Il n'auoit pas encores cinquante six
 ans quand il paya le tribut de nature. On le porta en-
 terrer à Sainct Denys, avec ses bons predecesseurs,
 en grands pleurs, & cris, & au grand regret de ses
 subjects.

APRES luy succeda à la Couronne François
 premier de ce nom, en l'aage de vingt ans. Beau
 Prince, autant qu'il en y eust point au monde. Le-
 quel auoit espousé Madame Claude de France, fille
 aînée du Roy son predecesseur, & Duchesse de
 Bretagne. Iamais n'auoit esté veu Roy en France,
 de qui la Noblesse s'eslouyft autant. Et feut mené
 sacrer à Rheims, accompagné de tous ses Princes,
 Gentils-hommes, & Officiers, dont y auoit si grand
 nombre que c'est quasi chose incroyable. Et fault
 dire que les logis estoient preslez. Car il n'y auoit
 grand, moyen, ne petit, qu'ils ne voulussent estre
 de la feste.

CHAPITRE LIX.

*Comment le Roy de France François premier
de ce nom passa les monts. Et comment il en-
uoya deuant le bon Cheualier sans peur,
& sans reproche. Et de la prinse du
Seigneur Prospere Colonne, par
sa subtilité.*



PRES le Sacre du Roy François premier de ce nom, & sa Couronne prinse à Saint Denys, s'en reueint faire son Entrée à Paris, qui feut la plus gorgiasse, & triomphante, qu'on ait iamais veu en France. Car de Princes, Ducs, Comtes, & Gentils-hommes en armes, y auoit plus de mille ou douze cent. L'entrée faicte, y eut plusieurs ioustes, & tournois en la ruë Saint Antoine, où chascun feit le mieulx qu'il peut. Le dict Seigneur s'y teint iusques apres Pasques. Où ce pendant se traicte l'appointement de luy, & de l'Archeduc, Comte de Flandre, moyennant le mariage de luy, & de Madame Renée de France, belle sœur du Roy. Il y feut aussi faict d'autres mariages. Comme de Madame Marie d'Angleterre, lors veufue du feu Roy Louys douzième, & doüairiere de France, avec le Duc de Suffolc, Messire Charles Brandon, qui estoit fort aimé du Roy d'Angleterre, son maistre. Et du Comte

de Nassau, avec la sœur du Prince d'Orenge. Le *François*
 Duc de Bourbon feut faict Conneftable de France. I.

Et enuiron le mois de May, partirent de Paris, en l'an 1515.
 mille cinq cent quinze. Et s'en veindrent leurs belles
 petites iournées à Amboise. Où le gentil Duc de
 Lorraine espousa la sœur germaine du dict Duc de
 Bourbon.

D V R A N T toutes ces choses, faisoit le Roy de
 France secretement preparer son voyage, pour la
 conqueste de sa Duché de Milan. Et peu à peu en-
 uoyoit son armée vers le Lyonnais, & Daulphiné.
 Où desia estoit le bon Cheualier, lors son Lieute-
 nant au pays, auquel il estoit autant aymé, que s'il
 eust esté leur naturel Seigneur. Or comme par cy
 deuant auez entendu, en plusieurs passaiges, tous-
 iours en allant sur les ennemis estoit volontiers le
 bon Cheualier mis deuant, & au retourner derriere,
 comme encores il feut en ce voyage. Car il feut en-
 uoyé avec sa compaignée, & trois ou quatre mille
 hommes de pied, sur les confins du Daulphiné, &
 des terres du Marquis de Saluces, lesquelles il auoit
 toutes perduës, excepté vn Chasteau, appelle Ruel,
 assez fort. Es places du Marquis de Saluces y auoit
 gros nombre de Suisses en garnison. Et mesme-
 ment y faisoit residence le Seigneur Prosper Col-
 lonne, lors Lieutenant general du Pape, qui tenoit
 tout le pays en appatis, & en faisoit ce qu'il vouloit.
 Fort bien estoit accompaigné, comme de trois cent
 hommes d'armes d'élite, montez comme Sainct
 George, & si auoit quelques cheuaulx legers. Le bon

François

I.

Cheualier secretement sentit par ses espies en quel lieu ce Seigneur Prospere repairoit le plus souuent. Et tant en enquit, qu'il congneut à la verité que s'il auoit puissance pareille à la sienne, quant aux gens de cheual, il luy feroit vne mauuaise compaignée. Si en aduertit le Duc de Bourbon, Connestable de France, qui estoit à Briançon au Daulphiné, lequel le feit entendre au Roy, qui estoit desia à Grenoble, pour paracheuer son voyage. Et selon la demande que faisoit le bon Cheualier, feurēt soudainement enuoyez trois Capitaines triomphans, avec leurs bendes, les Seigneurs de la Palisse, de Humbercourt, & d'Aubigny. Il estoit venu quelques bonnes nouvelles au bon Cheualier, parquoy par vn lieu appelé Droniez descendit en la plaine du Piemont. Dont feut aduertty ce Seigneur Prospere : mais par ce qu'il entendit qu'il n'auoit que sa compaignée, n'en feit pas grosse estime. Le Seigneur de Morete, de la Maison du Solier, & vn sien cousin Piemontois, s'en mesloient d'une grande ruse, & en faisoient tres-bien leur debuoir. De sorte que la chose feut conclüe, que l'on iroit trouuer le Seigneur Prospere dedans la Ville de Carmaignolle, en laquelle de nuict on entreroit par le Chasteau, auquel on auoit intelligence. Mais que les Capitaines François feussent arriuez, qui ne séjournerent guieres. Et se vindrent tous rendre en la plaine de Piemont, en vne petite Ville dictē Sauillan, en laquelle ils trouuerent le bon Cheualier, qu'ils receut au mieulx qu'il peut. Si leur dit, Messseigneurs, il ne nous fault pas reposer

fericy. Car si le Seigneur Prospere sçait vostre arri- *François*
uée, nostre entreprise s'en va rompüe. Car il se retire- *I.*
ra, ou bien il appellera les Suisses à son secours, dont
il y a bon nombre à Pinerol, & à Saluccs. Le suis d'ad-
uis que nous faciõs bien repaistre nos cheuaulx ceste
nuiët. Et puis au point du iour, nous paracheuerons
nostre affaire. Il y a grosse caüe à passer: mais le Sei-
gneur de Morete, que voicy present, sçait vn gué, où
il nous menera sans danger. Ainsi feut la chose con-
clüe, & s'en alla chascun reposer vn petit: mais on re-
garda premier si rien failloit aux cheuaulx. Et quand
ce veint deux ou trois heures apres minuiët, tout
homme monta à cheual sans grand bruit. Le Sei-
gneur Prospere estoit dedås Carmaignolle, & auoit
bien entendu par ses espies que les François estoient
à la campagne. Il ne s'en effrayoit guieres. Car pas
ne cuidoit qu'il y eust autre compaignée en la plai-
ne que celle du bon Cheualier. Et n'estoit point deli-
beré de desloger de Carmaignolle, n'eust esté que
le soir, dont les François luy cuidoient trouuer le ma-
tin, il eut des nouuelles pour se retirer à Pinerol, affin
d'entendre aux affaires. Parce qu'on sçauoit au vray
que les François estoient aux passaiges. Si deslogea
non pas trop matin, & se meit à chemin tres-bien en
ordre, pour s'en aller disner à vne petite Villette, à
sept ou huiët milles de là, appellée Villefranche.
Quand les François feurent arriuez deuant le Cha-
steau de Carmaignolle, parlerent au Castelan, qui
leur dit, Comment il n'y auoit pas vn quart d'heure
que le Seigneur Prospere & ses gens estoient deslo-

François gez. Dont ils feurent si tres-marris, qu'on ne pour-
roit penser, & se meirent en conseil qu'ils debuoi-
ent faire. Les vns vouloient aller apres, autres faisoient
des doubtes. Mais quand chascun eut parlé, le bon
Cheualier dit, Messieurs, puis que nous sommes
si auant ie suis d'aduis que nous poursuui-
ons. Si nous les rencontrons à la campagne, il y aura beau
hutin s'il ne nous en demeure quelqu'un. Par Dieu
dit le Seigneur de Humbercourt, oncques homme
ne dit mieulx. Les Seigneurs de la Palisse & d'Aubi-
gny n'allèrent pas à l'encontre. Et commencerent
à marcher: mais deuant enuoyerent en habit dissi-
mulé le Seigneur de Morete, pour entendre en quel
estat seroient leurs ennemis. Si feit si bonne diligen-
ce, qu'il sceut au vray que le Seigneur Prospere & sa
bende disnoient à Villefranche. Ils feurent bien aises,
& conclurent en leurs affaires, qui feut tel. C'est que
le Seigneur de Humbercourt marcheroit deuant,
avec cent archers, & un iect d'arc apres le suyuroit
le bon Cheualier, avec cent hommes d'armes. Et les
Seigneurs de la Palisse & d'Aubigny iroient apres,
avec tout le reste de leurs gens. Or entendez qu'il
adueint. Le Seigneur Prospere auoit bonnes espies,
& feut aduerty en allant à la messe dedans ceste pe-
tite Ville de Villefranche, que les François estoient
aux champs en gros nombre. Il feit responce en son
language, qu'il scauoit bien qu'il n'y auoit que le Ca-
pitaine Bayard, & sa bende, si les autres n'estoient
volez par dessus les montaignes. Ainsi qu'il retour-
noit de la messe, veindrent encores d'autres espies,

qui luy dirent, Seigneur, ie vous aduertis que i'ay *François*
 laissé pres d'icy plus de mille cheuaulx des François, 1.
 & vous viennent trouuer icy. Il feut vn peu esbahy.
 Si regarda vn Gentil-homme des siens, auquel il dit,
 Prenez vingt cheuaulx, & allez le chemin de Car-
 maignolle, iusques à deux ou trois milles d'icy, &
 regardez si verrez rien qui puisse nuire. Cependant
 il commanda au mareschal des logis de ses bendes,
 qu'il feist sonner la trompette, & qu'il allast faire le
 logis à Pinerol, où il le suyuroit, mais qu'il eust man-
 gé vn morceau. Il feist son commandement sur
 l'heure. Les François marchoiēt tousiours selon
 l'ordonnance cy deuant dictē, & approcherent Vil-
 lefranche, d'environ mille & demy. Où en sortant
 d'vn petit taillis, vont rencontrer ceulx que le Sei-
 gneur Prospere enuoyoit, pour les descouurir. Les-
 quels quand ils les aduiserent, commēcerent à tour-
 ner le dos, & à bride abatüe retourner deuers Ville-
 franche. Le gentil Seigneur de Humbercourt leur
 donna la chasse à tire de cheual, & manda au bon
 Cheualier par vn archer, qu'il se hastast. Il ne luy
 conueint pas dire deux fois. Auant que les gens du
 Seigneur Prospere eussent gaigné Villefranche, ou
 à tout le moins, ainsi qu'ils vouloient rentrer en la
 porte, les ataignit le Seigneur de Humbercourt,
 qui commença à crier *France, France*. On voulut
 ferrer la porte: mais il les en garda tant qu'il peut, & y
 feist d'armes le possible, sans estre blessé, fors vn peu
 au visaige. Cependant va arriuer le bon Cheualier,
 qui feist vn bruit merueilleux, en sorte qu'ils gaigne-

François rent la porte. Ce mareschal des logis, qui ja estoit
1. monté à cheual, avec aucuns gés d'armes, & s'en cu-
doit aller à Pinerol, ouyt le bruit. Si se va iecter en la
place, & se voulut meëtre en deffence: mais tout ce-
la feut poussé par terre, & en feut tué vne partie. Les
Seigneurs de la Palisse & d'Aubigny arriuerent, qui
meirent garde à la premiere porte, & en allerent
garder vne autre, affin que personne n'eschappast,
car il n'y auoit que ces deux en la Ville. Mais il ne feut
possible de si bien les garder, que par dessus la petite
planchete, qui est ioignant du pont leuis, ne se sau-
uassent deux Albanois, qui comme si tous les dia-
bles les eussent emportez, coururent dire à vne troup-
pe de quatre mille Suisses, qui n'estoient que à trois
milles de là, le meschef qui estoit aduenu au Sei-
gneur Prospere. Lequel cependant feut assailly en
son logis, où il disnoit, & se voulut deffendre, cōme
homme de guerre qu'il estoit. Mais quand il con-
gneut que peu luy vauldroit son effort, & quand il
entendit les noms des Capitaines, qui estoient là as-
semblez, se rendit au plus grand regret du monde.
Mauldisant sa fortune, d'auoir ainsi esté surpris, &
que Dieu ne luy auoit faict ceste grace, d'auoir trou-
ué les François aux champs. Le bon Cheualier oyant
ces paroles, le reconfortoit le mieulx qu'il pouuoit.
En luy disant, Seigneur Prospere, c'est l'heur de la
guerre, vne fois perdre, & l'autre gagner. Mais
tousiours y auoit il meslé quelque mot ioyeux. Et
disoit encores, Seigneur Prospere, vous souhaitez
nous auoir trouuez à la cāpaigne, ie vous promects

ma foy que ne le debueriez pas vouloir , pour la *François*
 moitié de vostre bien. Car à la fureur & au talent
 de bien combattre qu'estoient nos gens , eust esté
 bien difficile que vous ne nul des vostres feussiez es-
 chappez vifs. Le Seigneur Prospere respondit froi-
 dement , l'eusse bien voulu , s'il eust pleu à nostre
 Seigneur, prendre sur ce hazard l'adventure. Quand
 & le Seigneur Prospere feurent prins le Comte de
 Policastre , Petre Morgant, & Charles Cadamosto,
 lesquels estoient Capitaines des gens de guerre estans
 là, qui feurent aussi prisonniers. Et puis chascun se
 mit au pillage, qui feut fort grand, pour si petite
 compaignée. Car s'il eust esté bien mené on en eust
 tiré cent cinquante mille ducats. Et entre autres cho-
 ses c'estoit vn thresor des cheuaults qui y feurent gai-
 gnez, où il y en auoit six ou sept cent, dont les quatre
 cent estoient de pris , tous coursiers ou cheuaults
 d'Espaigne. Et à l'on depuis ouy dire au Seigneur
 Prospere, que ceste prise luy cousta cinquante mille
 escus, tant en vaisselle d'or, & d'argent, argent mon-
 noyé, que autres meubles. Les François n'eurent pas
 loisir de tout emporter. Car nouuelles veinrent que
 les Suisses, deuers lesquels ces deux Albanois estoient
 allez , marchaient le grand trot, & estoient desia
 bien pres. Si feurent entre eulx mesmes conseillez
 d'eux mettre au retour. Et sonna la trompette à ce-
 ste fin. Chascun preint le meilleur de son butin, mei-
 rent leurs prisonniers deuant eulx, puis s'en retour-
 nerent. Et comme ils sortoient par vne porte, les
 Suisses entroient par l'autre. Mais les vns estoient à

François pied, & les autres à cheual, qui ne s'en soucyoient
 1. gueres. Ce feut vne des belles entreprinſes qui deux
 cent ans deuant euſt eſté faiçte. Et le Seigneur Proſpere qui ſe ventoit, qu'il prendroit le bon Cheualier, comme le pigeon dedans la caige, eut le contraire ſur luy meſme. Et le tout par la vigilance d'ice-luy bon Cheualier. Le Roy de France eſtoit deſia par les montaignes, où iamais n'auoit paſſé armée, & eut les nouuelles de ceſte belle deſſaiçte, à la montaigne de Sainct Paul. Dont il feut ioyeux à merueilles. Si feut toute ſa compaignée. Or n'eſt il rien ſi certain, que la prinſe de Proſpere Colonne feit moult de ſeruiſe aux François. Car ſans cela ſe feut trouué à la bataille, qui feut quelque temps apres. Et par ſon moyen ſ'y feuffent trouuez tous les Eſpaignols, & le reſte del'armée du Pape. Qui eulx aſſemblez euſſent faiçt nombre de mille hommes d'armes. Qui eſtoient pour faire de l'ennuy, & de la faſcherie. Dont on ſe paſſa bien.

CHAPITRE LX.

De la Bataille que le Roy de France François premier de ce nom eut contre les Suiſſes, à la cõqueſte de ſa Duché de Milan, où il demeura victorieux. Et comment apres la Bataille gagnée, voulut eſtre faiçt Cheualier de la main du bon Cheualier ſans peur, & ſans reproche.



LE ROY de France qui feut bien *François*
 ioyeux de la prinse du Seigneur
 Prospere, aussi auoit il raison, mar-
 cha avec son armée le plus legere-
 ment qu'il peut. Et veint par dedans
 le Piemont à Turin, où le Duc de Sauoye son On-
 cle le receut honnestement.

LES Suisses qui s'estoient mis sur les passaiges,
 quand ils sceurent la prinse du Seigneur Prospere, &
 la rouverte de sa bende, les abandonnerent, & se reti-
 rerent vers Milan, où ils feurent tousiours poursui-
 uis. Quelque propos d'appointement se meit sus, &
 le tenoit l'on quasi cōclud. Parquoy le Duc de Guel-
 dres, allié & tousiours loyal seruiteur de la Maison
 de France, lequel auoit amené vne troupe de dix
 mille lansquenets au seruice du Roy, s'en retourna
 en ses pays. Mais il laissa ses gens à son nepueu le Sei-
 gneur de Guyse, frere de ce gentil Prince le Duc de
 Lorraine, & à vn sien Lieutenant, qu'on appelloit
 le Capitaine Michel. Ce propos continua tousiours
 que l'appointement se feroit, tant que l'armée du
 Roy approcha à douze ou quinze milles de Milan.
 Où s'estoient retirez les Suisses, avec ce bon Prophe-
 te le Cardinal de Syon, qui toute sa vie a esté enne-
 my mortel des François, comme encores bien le
 monstra à ceste fois. Car encores que le Seigneur de
 Lautrec feust allé porter les deniers à Galeras, pour
 satisfaire au pourparlé appointement, vn leudy
 au soir prescha si bien les Suisses, & leur remonstra
 tant de choses, que comme gens desesperez sorti-

François rent de Milan, & veindrent rüer sur le camp du Roy
I. de France. Le Conneftable, Duc de Bourbon, qui
menoit l'auantgarde, se meit en ordre incontinent.
Et aduertit le Roy, qui se vouloit meître au soup-
per: mais il le laiffa là, & s'en veint droict vers les en-
nemis, qui estoient defia mellez à l'escarmouche,
qui dura longuement deuant qu'ils feuffent au
grand ieu. Le Roy de France auoit gros nombre de
lanfquenets, & voulurent faire vne hardieffe de pas-
fer vn fossé, pour aller trouuer les Suiffes, qui en laif-
ferent passer sept ou huiët rens, puis les vous pouffe-
rent de forte, que tout ce qui estoit passé feut iecté
dedans le fossé, & feurent fort effrayez les dicts lanf-
quenets. Et n'eust esté le Seigneur de Guyse, qui re-
fista à merueilles, & en fin feut laiffé pour mort, le
Duc de Bourbon, Conneftable, le gentil Comte de
Saint Paul, le bon Cheualier, & plusieurs autres,
qui donnerent au trauers de ceste bende de Suiffes,
ils euffent faiët grosse fascherie. Car il estoit ja nuiët.
Et la nuiët n'a point de honte. Par la gend'armerie
de l'auantgarde feut le soir rompüe ceste bende de
Suiffes. Oü vne partie d'environ deux mille veint
passer vis à vis du Roy, qui gaillardement les char-
gea, & y eut lourd combat. De forte qu'il feut en
gros danger de sa personne. Car sa gräd buffe y feut
percée à iour d'un coup de picque. Il estoit defia si
tard que l'on ne voyoit pas l'un l'autre. Et feurent
contraincts pour ce soir les Suiffes, se retirer d'un co-
sté, & les François d'un autre, Et se logerent, comme
ils peurent. Mais ie croy bien que chascun ne re-
posa

posa pas à son ayse. Et y preint aussi bien en gré la *François*
fortune le Roy de France que le moindre de ses sol- I.
dats. Car il demeura toute la nuict à cheual comme
les autres.

IL faut sçauoir vne chose du bon Cheualier sans
peur, & sans reproche, qui feut bien estrange, & tres-
dangereuse pour luy. A la derniere charge qu'on feut
sur les Suiſſes le soir, il estoit monté sur vn gaillard
courſier, qui estoit le second. Car à la premiere char-
ge luy en feut tué vn entre ses iambes. Ainsi qu'il
voulut donner dedans, feut tout enferré de picques.
De façon que son dict cheual feut desbridé. Quand
il se sentit sans frein, se meit à la course, & en despit
de tous les Suiſſes, ne de leur ordre, passa tout oultre.
Et emportoit le bon Cheualier droit en vne autre
troupe de Suiſſes, n'eust esté qu'il rencontra en vn
champ des seps de vigne, qui tiennent d'arbre en
arbre, où il par force s'arresta. Le bon Cheualier feut
bien effrayé, & non sans cause. Car il estoit mort
sans nul remede, s'il feust tombé entre les mains des
ennemis. Il ne perdit toutesfois point le sens, mais
tout doucement se descendit, & iecta son armet, &
ses cuiſſots, & puis le long des fosses, à quatre beaulx
pieds, se retira à son opinion vers le camp des Fran-
çois, & où il oyot crier France. Dieu luy feut la grace
qu'il y parueint sans danger. Et encores qui mieulx
feut pour luy, c'est que le premier homme qu'il
trouua feut le gentil Duc de Lorraine, l'un de ses
maistres, qui feut esbahy de le veoir ainsi à pied. Si
luy feut le dict Duc incontinent bailler vn gaillard

François

1.

cheual, qu'on nōmoit le Carman, dont luy meſme autrefois luy auoit faiēt preſent. Et feut gaignē à la prinſe de Breſſe. Et à la Iournēe de Rauenne feut laiſſē pour mort, & en deſcendit le bon Cheualier, parce que il auoit deux coups de picque aux flancs, & en la teſte plus de vingt coups d'eſpēe. Mais le lēdemain quelqu'vn le trouua qu'il paiſſoit, & cōmencea à hennir, parquoy feut ramenē au logis du bon Cheualier, qui le feut guairir. Mais c'eſtoit vne choſe non croyable que de ſon faiēt. Car comme vne perſonne ſe laiſſoit toucher, & meētre tentes en ſes playes, ſans remüer aucunemēt. Et puis quād il voyoit vne eſpēe, couroit l'empoigner à belles dents. Ne iamais ne feut veu vn plus hardy cheual. Et y feust bucefal celui d'Alexādre. Quoy que ce ſoit, le bon Cheualier feut bien ioyeux de ſe veoir eſchappē de ſi gros danger, & remōté ſur vn ſi bon cheual. Mais il luy faſchoit qu'il n'auoit point d'armet. Car en tels affaires faiēt moult fort dangereux auoir la teſte nūe. Il aduiſa vn Gentil-homme, fort ſon amy, qui faiſoit porter le ſiē à ſon paige, auquel il dit, l'ay peur de me morfondre, pource que i'ay ſué d'auoir ſi longuement eſté à pied. Je vous prie faiētes moy bailler voſtre armet que voſtre hōme porte, pour vne heure ou deux. Le Gentil-homme, qui ne pēſoit pas à ce que le bon Cheualier entendoit le luy feut bailler. Dont il feut bien ayſe. Car depuis ne le laiſſa, que la Bataille ne feust finie, qui feust le Vēdredy, enuiron dix ou onze heures. Car dès le poinēt du iour les Suiſſes voulurent recom-

mencer, & veindrēt droict à l'artillerie des François, *François*
 dont ils feurent bien seruis. Toutesfois iamaïs gens I.
 ne combattrēt miculx, & dural'affaire trois ou quatre
 bonnes heures. En fin feurent rompus & def-
 faiçts, & en mourut sur le champ dix ou douze
 mille. Le demeurāt en assez bon ordre le long d'un
 grand chemin se retirerent à Milan, où ils feurent
 conduictz à coups d'espée, tant par les François, que
 par le Capitaine general de la Seigneurie de Veni-
 se, Messire Barthelemy d'Aluiane, qui peu deuant
 estoit arriué avec le secours des Venitiens. Et y per-
 dit en vne charge qu'il feit deux ou trois Capitai-
 nes, entre lesquels feut le fils du Comte de Petigli-
 ne. Les François y feurent grosse perte. Car du leudy
 ou du Vendredy moururent François Monsieur
 de Bourbon, le gētil Capitaine de Humbercourt,
 le Comte de Sancerre, & le Seigneur de Mouy. Et
 y feurent blesez le Prince de Talmont, & le Sei-
 gneur de Bucy, dont depuis moururent.

LE Roy se meit en cōseil, pour veoir si on pour-
 suiuroit les Suisses ou non. Plusieurs feurent de di-
 uerses opinions. En fin il feut aduisé pour le miculx
 que on les laisseroit aller. Car on en pourroit bien
 auoir à faire le temps aduenir. Le iour qu'ils deslo-
 gerent du cāp demeurèrent à Milan, & le lēdemain
 en partirent tirans en leur pays. Ils feurent poursui-
 uis de quelques gens : mais non pas à l'extremité.
 Car si le Roy eust voulu ne l'en feust pas sauué vn.

LE soir du Vendredy, auquel finit la bataille à
 l'honneur du Roy de Frāce, feut ioye demenée par-

François my le camp, & en parla l'on en plusieurs manieres.

I. Et s'en trouua de mieulx faisans les vns que les autres. Mais sur tous feut trouué que le bon Cheualier par toutes les deux iournées s'estoit monstré tel qu'il auoit accoustumé és autres lieux, où il auoit esté en pareil cas. Le Roy le voulut grandement honnorer. Car il preint l'Ordre de Cheualerie de sa main. Il auoit bien raison. Car de meilleur ne l'eust sceu prendre.

LE Seigneur Maximilian Sforce, qui occupoit le Duché, comme son pere le Seigneur Ludouic auoit faict autresfois, demeura au Chasteau de Milan, où on meit le siege. Mais guieres ne demeura qu'il ne se rendist. Et luy feut faicte composition, dont il se contenta. Et s'en allerent ceulx qui estoient dedans leurs bagues saufues.

IE laisseray à parler de tout ce qui adueint en deux mois. Mais au mois de Decembre alla le Roy de France visiter le Pape en la Cité de Boulongne, qui luy fait gros recueil. Ils eurent deuis ensemble de plusieurs choses, dont ie n'empeschera y aucune-ment ceste Histoire.

CHAPITRE LXI.

De plusieurs incidens, qui adueindrent en France, Italie, & Espaigne, durant trois ou quatre ans.



AVRETOVR de Boulongne le Roy *François*
de Frâce veint à Milan, où apres auoir
laissé le Duc de Bourbon, Connesta-
ble de France, son Lieutenant gene-
ral, s'en retourna en ses pays. Et alla

I.

droict en Prouence, où il trouua sa bonne & loyalle
espouse, & Madame sa mere, qu'il auoit à son parte-
ment laissée Regente en son Royaume.

V E R s ceste saison, trespassa Ferrand Roy d'Ar-
ragon, qui en son viuant a eu de belles & grosses vi-
ctoires. Il estoit vigilant, cault, & subtil. Et ne trouue
l'on guieres d'Histoires, qui facent mention qu'on
l'aye trompé en sa vie : ains durant icelle augmenta
merueilleusement les biens de son successeur.

L E Seigneur Iulian de Medicis, qu'on appelloit
Duc de Modene, frere du Pape Leon, alla aussi de
vie à trespas. Il auoit espousé la Duchesse de Ne-
mours, fille de Sauoye, & tante du Roy de France.

L' E M P E R E V R Maximiliã desplaisant de la bel-
le victoire qu'auoit eüe le Roy de France sur les Suif-
fes, & de ce qu'il auoit conquesté sa Duché de Mi-
lan, assembla gros nombre de lansquenets, & quel-
ques Suiffes du Canton de Zurich, & de la Ligue gri-
se, & s'en veint en personne au dict Duché de Milã.
Où pour la grosse puissance qu'il auoit, le Connesta-
ble ne feut pas conseilé de l'attēdre à la campagne,
& se retira avec son armée dedans la Ville de Milan.
Où peu de iours apres luy veindrent huit ou dix
mille Suiffes de secours. Quoy voyant par l'Empe-
reur, qui estoit le plus soupçonneux hōme du mon-

François de, se retira en les pays. Il n'eut pas grand honneur

- I. en son entreprinse, & le Cōnestable y acquist gros renom. Le bon Cheualier feit plusieurs courses sur les Allemans, & en preint de prisonniers beaucoup: mais iamais n'en auoit que la picque, & la dague.

L'ANNE'E ensuyuant, Iean Roy de Nauarre, qui en auoit esté spolié par Ferrand Roy d'Arragon, alla de vie à trespas.

A v dict an, enuiron le mois de Iuillet, feut faict certain appoinctemēt entre le Roy de France, & le Roy de Castille, Charles, parauāt Archeduc d'Autriche, moyennāt le mariage de luy, & de Louyse, fille aînée de France. Il feut conclud en la Ville de Noyon: mais il ne dura guieres. Je ne feray nul discours du dict Traicté. Car il est assez escript ailleurs.

ENVIRON le mois d'Octobre, feut donné le pardon de la Croisade en France, par le Pape Leon. Dont il sortit beaucoup de scandales, & de mocqueries. A l'occasion des Predicateurs, qui disoient beaucoup plus que la Bulle ne portoit.

1517. LE dernier iour de Feburier, mille cinq cent & dix sept, la bonne, saige, & tres-parfaicte Roïne de France, Claude, accoucha de son premier fils François, Daulphin de Viénois, en la Ville d'Amboise, qui feut gros esiouyssemēt par tout le Royaume de France. Et entre autres Villes celle d'Orleans feit merueilles. Car durant vn iour entier y eut deuant la maison de la Ville deux fontaines, qui iectoient vin claret & blanc. Et par vn petit tuyau sortoit de l'hypocras, auquel beaucoup de gens, apres qu'ils

en auoient tasté se tenoient. Le Daulphin feut baptisé en la diète Ville d'Amboise. Et feurent par-
rains le Pape Leon, (mais son nepueu le magnifi-
que Laurent de Medicis le teint pour luy,) le Duc
de Lorraine, & Madame la Duchesse d'Alençon
commere. Il y feut faict grosse chere.

C E Seigneur Laurent de Medicis en ce temps es-
pousa vne des filles de Boulongne, & l'emmena en
Italie. Mais elle n'y vesquit guieres, ne luy apres
elle. Toutesfois d'eulx deux est demeurée vne fille.

L'AN mille cinq cent dixneuf, alla de vie à tres-
pas l'Empereur Maximilian, qui meit beaucoup
de gens en peine. Il auoit esté en son viuant de bon-
ne nature, liberal autant que feut iamais Prince. Et
fil eust esté puissant de biens, il eust'acheué beau-
coup de choses : mais il estoit pauvre selon son
cœur. Le fils de son fils Charles Roy des Espaignes
feut esleu Empereur apres luy.

1519.

CHAPITRE LXII.

*Comment Messire Robert de la Marche feit
quelques courses sur les pays de l'esleu Empe-
reur, qui dressa grosse armée. Et de
ce qu'il en adueint.*



E v de temps apres, ne scay qui en don-
na le conseil, le Seigneur de Sedā, qu'on
nomme Messire Robert de la Mar-
che, qui pour lors estoit au seruice du
Roy de France, feit quelques courses sur les pays

François de l'elſeu Empereur, qui commencea à leuer groſſe
I. armée, & telle qu'il feut maiftre & Seigneur de la
campaigne. Les Chefs de ſon armée eſtoient le
Comte de Naſſau, & vn autre Capitaine, nommé
François de Sickingen, gaillard homme à la guerre,
& qui auoit bon credit parmy les compaignons. Ils
eſtoient bien en nombre tant de cheual que de pied
quarante mille hommes, ou plus. Durât ceſt affaire,
le Roy de France, & le dict elſeu Empereur eſtoient
en paix, & ne demandoient rien l'vn à l'autre. Par-
quoy l'armée des Allemans tira droict aux places du
dict Seigneur de Sedan. Et en feurent les aucunes
aſſiegées, & bien deſſendües. Toutesſois en fin ſ'en
perdirent quatre. C'eſt à ſçauoir, Florenges, Buillon,
Loigne, & Meſſancourt. Et peu de gens eſchappe-
rent viſs des dictes places. Le dict Seigneur de Se-
dan eſtoit dedans ſa place de Sedan, qui eſt quaſi
imprenable, parquoy feut exempt de ſiege. Et pa-
reillement ceulx qui eſtoient dedans vne de ſes au-
tres places nommée Iamets.

LE Roy de France deüement acertené de ceſte
groſſe armée, qui coſtoyoit ſa Comté de Champai-
gne, euſt doubte qu'on luy ioüaſt quelque fineſſe. Si
enuoya ſon beau frere le Duc d'Alençon, avec quel-
que nombre de genſd'armes ſur la frontiere, & tira
iuſques à Rheims. Les Allemans vſoient d'vne ſub-
tilité, pour paruenir à leurs attaintes. Car ils ne pre-
noient rien és pays du Roy de Frâce, ſans bien payer.
Et faiſoit ſemer parmy ſon camp le Comte de Naſ-
ſau, que l'Empereur ſon maiftre le luy auoit ainſi
enchargé,

enchargé, comme delibéré de demeurer tousiours *François*
 en l'amitié qu'il auoit avec la France. Ceneâtmoins *I.*
 sans faire autrement sommation de guerre, s'en
 veint planter le siege deuant vne petite Ville, nom-
 mée Moufon, de laquelle estoit Gouverneur & Ca-
 pitaine pour le Roy de France le Seigneur de Mont-
 mor, grand Escuyer de Bretagne. Et auoit quelques
 gens de pied avec sa compaignée en la Ville, qui
 n'estoit guieres bien munie d'artillerie, ny de viures.
 Et qui pis est, les compaignées qui estoient dedans,
 ne se trouuerent pas du vouloir de leur Capitaine, &
 Gouverneur, qui deliberoit iusques à la mort garder
 la Ville. Et quelques remonstrances qu'il sceust faire
 aux gens de pied, se trouua en danger dedans & de-
 hors. Parquoy pour euitier plus grand inconuenient
 rendit la Ville, leurs vies sauues. On en murmura en
 beaucoup de sortes. Et disoient aucuns que le Capi-
 taine ne s'estoit pas bien porté. Mais les gens d'hon-
 neur & de vertu congneurent bien qu'il ne se pou-
 uoit faire autrement, & qu'il n'auoit pas tenu au dict
 Seigneur de Montmor, qu'il n'estoit mort sur la bre-
 che. Car si tous ceulx qui estoient avec luy eussent
 esté de son cœur, les Allemans ne feussent pastirez
 plus oultre.

OR la Ville de Moufon rendüe si soubdaine-
 ment, donna quelque tiltre d'esbahissement aux
 François, qui ne pensoient iamais quel'Empeur
 eust voulu rompre la trefue. Toutesfois en telles
 choses le souuerain remede est de prompte proui-
 sion. On regarda que Mesieres estoit la plus pro-

François

I.

chaine Ville apres Moufon, & qu'il failloit entendre à la garder & deffendre. Car si elle se perdoit, la Champaigne s'en alloit en mauuais party. Le Roy de France en feut aduerty, lequel manda soubdainement qu'on enuoyast le bon Cheualier sans peur, & sans reproche, dedans la dicte Ville de Mesieres. Et qu'il ne congnoissoit homme en son Royaume en qui il se fiasst plus. Dauantaige que son espoir estoit qu'illa garderoit si bien & si longuement, que sa puissance seroit assemblée pour resister aux surprises que l'Empereur luy vouloit faire. De ce commandement n'eust pas voulu tenir le bon Cheualier sans peur & sans reproche cent mille escus. Car tout son desir estoit de faire seruice à son maistre, & d'acquiescer honneur. Il s'en alla iecter dedans Mesieres, avec le ieune Seigneur de Montmorency, & quelques autres ieunes Gentils-hommes, qui de leur gré l'accompagnerent, & d'un nombre de gens de pied, sous la charge de deux ieunes Gentils-hommes, l'un nommé le Capitaine Boucart, de la Maisson de Reffuge, Et l'autre le Seigneur de Montmoreau.

CHAPITRE LXIII.

Comment le bon Cheualier sans peur & sans reproche garda la Ville de Mesieres contre la puissance de l'Empereur, où il acquist gros honneur.



VAND le bon Cheualier feut entré *François*
dedans Mesfieres, trouua la Ville assez I.

mal en ordre, pour attendre siege, ce qu'il attendoit auoir du iour au lendemain. Si voulut vser de diligence, qui en telle neceffité paffe tout sens humain. Et commença à faire ramparer iour & nuict. Et n'y auoit homme d'armes, ny homme de pied, qu'il ne meit en besongne. Et luy mesme, pour leur donner couraige, y trauailloit ordinairement. Et disoit aux compaignons de guerre, Comment Messieurs, nous sera il reproché, que par nostre faulte ceste Ville soit perdue? Veu que nous sommes si belle compaignée ensemble, & de si gens de bien. Il me semble que quand nous serions en vng pré, & que deuant nous eussions fossé de quatre pieds, que encores combattrions nous vn iour entier, auant que estre deffaicts. Et Dieu mercy nous auons fossé, muraille, & rampart, où ie croy auant que les ennemis mettent le pied beaucoup de leurs compaignées dormiront aux fossez. Bref il donnoit tel couraige à ses gens, qu'il pensoient tous estre en la meilleure & plus forte place du monde.

DE V X iours apres, feut le siege assis deuant Mesfieres en deux lieux, l'un deçà l'eauë, & l'autre de là. L'un des sieges tenoit le Seigneur François de Sickingen, qui avec luy auoit quatorze ou quinze mille hommes. Et en l'autre estoit le Comte de Nassau, avec plus de vingt mille.

LE lendemain du siege, les dicts Comte de Nas-

François

I.

fauu, & le Seigneur François de Sickingen enuoyèrent vn Herault deuers le bon Cheualier, pour luy remonstrier qu'il eust à rendre la Ville de Mesieres, qui n'estoit pastenable contre leur puissance. Et que pour la grande & loüable Cheualerie qui estoit en luy, seroient merueilleusement desplaisans si estoit prins d'assault. Car son honneur grandement en amoindriroit, & par aduenture luy cousteroit il la vie. Et qu'il ne falloit que vn malheur en ce monde venir à vn homme, pour faire oublier tous les beaulx faicts qu'il auroit menez à fin en son viuant. Et que là où il voudroit entendre à raison, luy feroient si bonne composition, qu'il se debueroit contenter. Plusieurs autres beaulx propos luy manderent par ce Herault. Qui apres auoir esté ouy, & bien entendu par le bon Cheualier, se preint à soubrire. Et ne demanda conseil pour respondre à homme viuant: mais tout soudain luy dit, Mon amy, ie m'esbahis de la gracieuseté que me font & presentent Messieurs de Nassau, & le Seigneur François de Sickingen. Consideré que iamais n'eus pratique ne grande congnoissance avec eulx, & ils ont si grande peur de ma personne. Herault mon amy, vous vous en retournerez, & leur direz que le Roy mon maistre auoit beaucoup plus de suffisans personaiges en son Royaume que moy, pour enuoyer garder ceste Ville, qui nous faict frontiere. Mais puis qu'il m'a faict cest honneur de s'en fier à moy, j'espere avec l'ayde de nostre Seigneur la luy conseruer si longuement, qu'il ennuvera beaucoup plus à vos

maistres d'estre au siege, que à moy d'estre assiegé. *François*
 Et que ie ne suis plus enfant qu'on estonne de paro- I.
 les. Si commanda qu'on festoyast fort bien le He-
 rault, & puis qu'on le meist hors de la Ville. Il s'en re-
 tourna au camp, & rapporta la responce que le bon
 Cheualier luy auoit faicte, qui ne feut guieres plai-
 sante aux Seigneurs. En presence desquels estoit vn
 Capitaine nommé grand Iean Picart, qui toute sa
 vie auoit esté au seruice des Roys de France en Ita-
 lie, & mesmement où le bon Cheualier auoit eu
 charge. Qui dit tout hault, adressant sa parole au
 Comte de Nassauu, & au Seigneur François de Sic-
 kingen, Messeigneurs, ne vous attendez pas tant
 que viue Monseigneur de Bayard d'entrer dedans
 Mesieres. Ie le congnois, & plusieurs fois m'a mené
 à la guerre. Mais il est d'une condition, que s'il auoit
 les plus couards gens du monde en sa compaignée
 il les faict hardis. Et sçachez que tous ceulx qui sont
 avec luy mourront à la breche, & luy le premier, de-
 uant que nous mections le pied dedans la Ville. Et
 quant à moy ie voudrois qu'il y eust deux mille
 hommes de guerre dauantaige, & sa personne n'y
 feust point. Le Comte de Nassauu respondit, Capi-
 taine grand Iean, le Seigneur de Bayard n'est de fer,
 ny d'acier, non plus que vn autre. S'il est gentil com-
 paignon qu'il le monstre. Car deuant qu'il soit qua-
 tre iours, ie luy feray tant donner de coups de canon,
 qu'il ne sçaura de quel costé se tourner. Or on verra
 que ce fera, dit le Capitaine grand Iean: mais vous
 ne l'aurez pas ainsi que vous entendez.

François

I.

Ces paroles cefferent. Et ordonnerent le Comte de Nassauu, & le Seigneur François de Sickingen leurs batteries, chascun en son endroiçt, & de faire tous les efforts qu'on pourroit, pour prendre la Ville. Ce qui feut faict. Et en moins de quatre iours il feut tiré plus de cinq mille coups d'artillerie. Ceulx de la Ville respondoient fort bien, selon l'artillerie qu'ils auoient. Mais du camp de François de Sickingen se faisoit grand dommaige en la Ville. Parce qu'il estoit logé sur vn hault, & battoit beaucoup plus à son aise que ne faisoit le Comte de Nassauu.

LE bon Cheualier, cōbien qu'il feust tenu vn des plus hardis hommes du mōde, auoit bien vne autre chose en luy autant à loüer. Car c'estoit vn des vigilans & subtils guerriers qu'on eust sceu trouuer. Si aduisa en soy mesme, comme il pourroit trouuer moyen de faire repasser l'eau au Seigneur François de Sickingen. Car de son camp estoit il fort dommaigé. Si feit escrire vnes lectres à Messire Robert de la Marche, qui estoit à Sedan, lesquelles estoient en ceste substance. Monseigneur mon Capitaine, Je croy qu'estes assez aduerty, comme ie suis assiegé en ceste Ville, par deux endroiçts. Car d'un costé est le Comte de Nassauu, & deçà la riuere le Seigneur François de Sickingen. Il me semble que puis demy an m'auiez diçt, que voulez trouuer moyen de faire venir le Comte de Nassauu au seruice du Roy nostre maistre, & qu'il estoit vostre allié. Pource qu'il a bruit d'estre tres-gentil galand, ie le desirerois à merueilles. Mais si vous congnoissez que cela se puisse

conduire, vous ferez bien de le sçauoir de luy. Mais *François*
plustost aujourd'huy que demain. S'il en a le vou- *I.*
 loir r'en seray tres-aïse. Et s'il l'a autre, ie vous aduertis
 que deuant qu'il soit vingt & quatre heures, luy &
 tout ce qui est en son camp sera mis en pieces. Car à
 trois petites lieües d'icy viennent coucher douze
 mille Suisses, & huiët cent hommes d'armes. Et de-
 main à la poincte du iour doibuent donner sur son
 camp. Et ie feray vne saillie de ceste Ville par vn des
 costez. De façon qu'il sera bien habile homme s'il se
 sauue. Je vous en ay bien voulu aduertir, mais ie
 vous prie que la chose soit tenüe secreete. Quand la
 lectre feut escripte, preint vn payfant, auquel il don-
 na vn escu. Et luy dit, Va t'en à Sedan, il n'y a que
 trois lieües d'icy, porter ceste lectre à Messire Robert
 de la Marche. Et luy dis que c'est le Capitaine
 Bayard, qui luy enuoye. Le bon homme s'en va in-
 continent. Or sçauoit bien le bon Cheualier, que
 impossible seroit qu'il passast, sans estre pris des
 gens du Seigneur François de Sickingen. Comme
 il feut auant qu'il feust à deux iects d'arc de la Ville.
 Incontinent feut amené deuant le dict Seigneur
 François de Sickingen, qui luy demâda où il alloit.
 Le pauvre homme eut belle peur de mourir. Aussi
 estoit il en grand danger. Si dit Monseigneur, le
 grand Capitaine qui est dedans nostre Ville, m'en-
 uoye à Sedan porter vne lectre à Messire Robert de
 la Marche, que le bon homme tira d'une bourslette,
 où il l'auoit mise. Quand le Seigneur François de
 Sickingen teint ceste lectre, l'ouurit, & commença

François à lire, & feut bien esbahy quand il eust veule contenu. Si se commença à doubter, que par enuie le Comte de Nassau luy auoit faict passer l'eau, affin qu'il feust deffaict. Car auparauant y auoit eu quelque peu de picque entre eulx, parce que iceluy Seigneur François de Sickingen ne vouloit pas bien obeir au Comte. A grand peine eust il acheué de lire la lectré, qu'il commença à dire tout hault. Je congnois bien à ceste heure que Monseigneur de Nassau ne tasche que à me perdre: mais par le sang Dieu il n'en sera pas ainsi. Si appella cinq ou six de ses plus priuez, & leur declara le contenu en la lectré, qui feurent aussi estonnez que luy. Il ne demanda point de conseil: mais feit sonner le tabourin, & à l'estandart, charger tout le bagaige, & se meit delà l'eau. Quand le Comte de Nassau ouyt le bruit, feut bien estonné, & enuoya sçauoir que c'estoit, par vn Gentil-homme. Lequel quand il arriua, trouua le camp du Seigneur François de Sickingen en armes. Il s'enquist que c'estoit. On luy dit qu'il vouloit passer du costé du Comte de Nassau. Le Gentil-homme le luy alla dire, dont il feut bien esbahy. Car en ceste sorte se leuoit le siege de deuant la Ville. Si enuoya vn de ses plus priuez dire au Seigneur François de Sickingen, qu'il ne remuast point son camp, que premier n'eussent parlé ensemble. Et que s'il le faisoit autrement, ne feroit pas bien le seruice de leur maistre. Le messaiger luy alla dire sa charge, Mais François de Sickingen tout esmeu & courroucé luy respondit, Retournez dire au Comte de Nassau,

Nassau, que ie n'en feray rien, & que à son appetit *François*
 ie ne demeureray pas à la boucherie. Et si il me veut I.

garder de loger aupres de luy, nous verrons par le combat à qui demeurera le camp, à luy, ou à moy. Le Gentil-homme du Comte de Nassau s'en retourna, & luy dit ce qu'il auoit ouy de la bouche du Seigneur François de Sickingen. Iamais homme ne feut si esbahy qu'il feut : toutesfois pour n'estre point surpris feit mettre tous ses gens en bataille. Cependant passerent les gens du Seigneur François de Sickingen. Et eulx passez, se meirent pareillemēt en bataille. Et à les veoir sembloit qu'ils voulussent combattre les vns les autres, & sonnoient tabourins im-
 mensemēt. Le pauvre hōme, qui auoit porté la lectre, à l'occasion de laquelle s'estoit esleué ce bruiēt, ne sçay comme Dieu le voulut eschappa. Et s'en retourna bien esbahy, comme vn homme qui pensoit estre eschappé de mort, dedans Mesieres, deuers le bon Cheualier, auquel il alla faire ses excuses. Disant qu'il n'auoit peu aller à Sedā, & qu'on l'auoit pris en chemin, & mené deuant le Seigneur François de Sickingen, qui auoit veu sa lectre, & que incontinent s'estoit deslogé. Le bon Cheualier se preint à rire à pleine gorge, & cōgneut bien que sa lectre l'auoit mis en pensement. Il s'en alla sur le rampart, avec quelques Gentils-hommes, & veid ces deux camps en bataille l'vn deuant l'autre. Par ma foy dit il puis qu'ils ne veulent commencer à combattre, ie vois moy mesme commencer. Si feit tirer cinq ou six coups de canon au trauers des en-

François nemis, qui par gens lesquels allerent d'un costé puis
1. d'autre se rapaiferent, & se logerent. Le lendemain, troussèrent leurs quilles, & leuerent le siege, sans iamais y oser donner assault. Et tout pour la crainte du bon Cheualier. Si tost ne se fait pas la paix du Comte de Nassau & du Seigneur François de Sickingen. Car plus de huit iours feurent sans loger ensemble. Et s'en alla François de Sickingen vers la Picardie, du costé de Guyse, mettant le feu par tout. Et plus hault marchoit le Comte de Nassau. Mais peu apres se rapaiferent, & feurent amis.

AINSI par la maniere que dessus auez ouy, feut leué le siege de deuant Mesieres, où le bon Cheualier sans peur, & sans reproche, acquist couronne de laurier. Car bien qu'on ne liurast nul assault, il teint les ennemis trois sepmaines durant en aboy. Pendant lequel temps le Roy de France leua grosse armée, & assez puissante, pour combattre ses ennemis. Et veint luy mesme en personne dedans son camp, où le bon Cheualier luy alla faire la reuerence. Et en passant repreint la Ville de Mouson. Le Roy son maistre luy fit recueil merueilleux, & ne se pouuoit saouler de le louer deuant tout le monde. Il le voulut honnestement recompenser du grand & recommandable seruice qu'il luy venoit freschement de faire. Il le fait Cheualier de son Ordre, & luy donna cent hommes d'armes en chef. Puis marcha apres ses ennemis, qu'il expulsa hors de ses pays, & les chassa iusques dedans Valenciennes, où le bon Cheualier se porta, comme il auoit

rousiours de coustume. Les Allemans feirent en *François*
 Picardie beaucoup de mal par le feu. Mais les Frâ-
 çois ne feurent point ingrats, & le leur rendirent
 au double en Hainault. I.

A v retour que le Roy feit en la Ville de Com-
 piegne, eut quelques nouuelles de Gennes. Et qu'il
 estoit besoin y enuoyer quelque saige, hardy & ad-
 uisé Cheualier. Parquoy le dict Seigneur sçaichant
 la bonne nature du bon Cheualier sans peur, &
 sans reproche, & que iamais ne se lassoit de faire
 seruire, luy en bailla la commission, le priant tres-
 fort, que pour l'amour de luy voulust faire ce
 voyage. Car il auoit grand espoir en sa personne. Il
 l'accepta d'aussi bon cœur qu'on la luy bailla. Puis
 passa les monts, & feut à Gennes tres-bien receu,
 tant du Gouverneur, des Gentils-hommes, que de
 tous les habitans. Et tant qu'il y demeura feut hon-
 noré & prisé d'un chascun.

IL y eut plusieurs affaires en Italie, dont i en
 vous feray aucune mention, pour beaucoup de
 raisons. Mais vous viendray à declarer le trespas du
 bon Cheualier sans peur, & sans reproche. Qui
 feut vn grief irreparable, dolente & malheureuse la
 iournée, pour toute la Noblesse de France.

CHAPITRE LXIV.

*Comment le bon Cheualier sans peur & sans
 reproche, en vne retraicte qu'il feit en Italie,
 feut tué d'un coup d'artillerie.*

François

I.

1524.



V commencement de l'an mille cinq cēt vingt & quatre, le Roy de Frâce auoit vne grosse armée en Italie, sous la charge de son Admiral, le Seigneur de Bōniuet, à qui il en auoit donné la charge. Car il luy vouloit beaucoup de bien. Il auoit en sa cōpagnée force bōs Capitaines. Mesme mēt estoit nouuellemēt arriué vn ieune Prince, enfant de la maison de Lorraine, nōmé le Comte de Vaudemont, lequel desiroit à merueilles sçauoir des armes, & suyure par cœures vertueuses ses ancestres. Or le camp du Roy de France se tenoit pour lors en vne petite Ville nommée Biagras. Oū eulx estās là, le Chef de l'armée qui estoit l'Admiral, appella vn iour le bon Cheualier. Et luy dit, Monseigneur de Bayard, il fault que vous ailliez loger à Rebec, avec deux cēt hōmes d'armes, & les gens de pied de Lorges. Car par ce moyen trauaillerōs merueilleusement ceulx de Milan, tant pour les viures, que pour mieulx entendre de leurs affaires. Il fault sçauoir que combien que le bō Cheualier ne murmuraist iamais de commissiō qu'on luy baillast, ne se pouuoit bonnement contenter de ceste là, pour la congnoistre dāgereuse, & doubteuse. Et respondit comme à son Lieutenāt de Roy, Monseigneur, ie ne sçay comment vous l'entendez. Car pour garder Rebec, au lieu où il est assis, la moiētiē des gens qui sont en nōstre camp y feroient bon besoing. Je cōgnois nos ennemis. Ils sont vigilans. Et suis bien aiséurē qu'il est quasi difficile que ie n'y reçoie de

la honte. Car il m'est bien aduis que si quelque nō-*François*
bre de nos ennemis y estoiet par vne nuit, les irois
refueiller à leur desaduantaige. Et pource Monsei-
gneur, ie vous supplie, que vous aduifiez bien où
vous me voulez enuoyer. L'Admiral luy teint plu-
sieurs propos, & qu'il ne se souciait point. Car il ne
fortiroit pas vne fouris de Milā qu'il n'en feust ad-
uertie. Et tāt luy en dit d'vnes & d'autres, que le bon
Cheualier avec grosse fascherie s'en alla avec les gēs
qu'on luy auoit baillez dedans Rebec. Mais il n'y
mena que deux grands cheuaulx. Car ses mulets &
tout le reste de son train enuoya dedans Nouare.
Quasi preuoyant perdu ce qu'il detenoit avec luy.
Venus qu'ils feurēt en ce villaige de Rebec, aduise-
rent commēt ils le fortifieroient. Mais nul moyen
n'y trouuerent, sinon faire barrieres aux aduenües.
Mais par tous les costez on y pouuoit entrer. Le bō
Cheualier escriuit plusieurs fois à l'Admiral, qu'il
estoit en lieu tres dāgereux, & que s'il vouloit qu'il
fy teint lōguement luy enuoyast du secours. Mais
il n'en eut point de respōse. Les ennemis qui estoiet
dedans Milan, en nombre de quatorze ou quinze
mille hommes, feurēt aduertis par leurs espies que
le bon Cheualier estoit dedās Rebec, à petite com-
pagnée, dont ils feurēt tres-ioyeulx. Si delibererēt
par vne nuit l'aller surprendre, & deffaite. Et suiuant
ce vouloir se meirent aux chāps, enuiron minuit,
en nombre de six à sept mille hommes de pied, &
de quatre à cinq cent hommes d'armes. Ils estoient
guidez par des gens qui sçauoient le villaige, & les

François logis des plus apparés. Le bon Cheualier, qui tousiours se doubtoit, meettoit quasi toutes les nuits la moitié de ses gens au guet, & aux escoutes. Et luy mesme y passa deux ou trois nuits. Tellemēt qu'il tomba malade, tant de melācolie que de froidure, beaucoup plus fort qu'il n'e faisoit le sēblant. Toutesfois cōtrainct feut de garder la chambre ce iour. Quand ce veint sur le soir, il ordonna à quelques Capitaines, qui estoient avec luy, aller au guet, & aduiser biē de tous costez à ce qu'ils ne feussent surpris. Ils y allerēt, ou feirent semblant d'y aller. Mais parce qu'il pleuinoit vn peu, se retirerēt tous ceux qui estoiet au guet, reserué trois ou quatre pauvres archers. Les Espaignols marchoiēt tousiours, & auoiēt pour mieulx se cōgnoistre la nuit chascun vne chemise vestüe par dessus leur harnois. Quand ils approcherent d'vn ieū d'arc du villaige feurent bien esbahis qu'ils ne trouuerent personne. Et eurent pensēmēt que le bon Cheualier auoit esté aduertie de leur entreprinse, & qu'il s'estoit retiré à Biagras. Toutesfois ils marchoiēt tousiours. Et ne feurēt point cent pas loing, qu'ils ne trouassent ce peu d'archers, qui estoient demeurez au guet, lesquels sans escrier commencerent à charger. Les pauvres gens ne feirent point de resistance; ains se meirent à la fuyte. En criant Alarme, Alarme. Mais ils feurent si viuement suiuis, que les dicts ennemis feurent aux barrieres, aussi tost que eulx. Le bon Cheualier qui en tel danger ne dormoit iamais que vestu, garny de ses auantbras & cuissors, & sa cuirasse

aupres de luy, se leua soudainement, & feit brider *François*
 vn coursier qui ja estoit sellé, sur lequel il monta. Et I.
 s'en vint avec cinq ou six hommes d'armes des siens,
 droict à la barriere. Où incontinent surueint le Ca-
 pitaine Lorges, & quelque nombre de ses gens de
 pied, que s'y porterét tres-bien. Les ennemis estoiet
 à l'entour du villaige, cerchâs le logis du bon Che-
 ualier. Car sil l'eussét prins peu leur estoit le demeu-
 rant. Mais encores ne le tenoient ils pas. La hùée
 feut grosse, & l'alarme chauld. Durant ce cōbat à la
 barriere, le bon Cheualier va ouyr les tabourins des
 gens de pied aux ennemis, qui sonnoient l'alarme
 tant dru que merueilles. A lors il dit au Capitaine
 Lorges. Lorges mon amy, voicy ieu mal party. S'ils
 passét ceste barriere, nous sommes fricassez. Ie vous
 prie retirez vos gens, & serrez, le mieulx que pour-
 rez, marchez droict à Biagras. Car avec les gens de
 cheual que i'ay demureray sur le derriere. Il fault
 laisser nostre bagaige aux ennemis, il n'y a remede.
 Sauuons les personnes, sil est possible. Incontinent
 que le bō Cheualier eust parlé, le Capitaine Lorges
 feit son cōmandement, & se retira cependant qu'ils
 faisoient ceste resitence à la barriere. La plus part
 de tous les François monterent à cheual, & se retire-
 rent selon la fortune tres-gaillardement, & ne per-
 dirent point dix hommes. Les ennemis estoient
 descendus la plus part, & par les maisons & de tous
 costez cherchoient le bon Cheualier. Mais il estoit
 desia à Biagras. Où luy arriué eut quelques paroles
 fascheuses à l'Admiral : toutesfois ie n'en feray au-

François cune mention. Mais si tous deux eussent vescu plus
1. longuement qu'ils ne feirent, feussent peut estre
allez plus auant. Le bon Cheualier cuida mourir
de dueil du malheur qui luy estoit aduenu, mesme-
ment que ce n'estoit pas par sa faulte. Mais en guer-
re y a de l'heur & du malheur plus qu'en toutes au-
tres choses.

QV'ELQVE peu de temps apres ceste retraicte
de Rebec, le Seigneur Admiral congnoissant son
camp amoindrir de iour en iour, tant par faulte de
viures, que de maladie, qui couroit parmy ses gens,
teint cōseil avec les Capitaines. Où pour le mieulx
feut deliberé qu'on se retireroit. Et ordonna ses ba-
tailles, où en l'arrieregarde, cōme tousiours estoit
sa coustume aux retraictes, demeura le bon Cheua-
lier. Les Espaignols les suyurent de iour en iour, &
marchoient en belle bataille apres les François, &
souuent fescarmouchoient. Mais quand venoit à
charger, tousiours trouuoient en barbe le bon Che-
ualier, avec quelque nombre de gens d'armes. Qui
leur monstroient vn visaige si asseuré, qu'il les faisoit
demeurer tout coy. Et menu & souuent les rem-
barroit dedans leur grosse troupe. Ils iecterēt aux
deux aisles d'un grād chemin force hacquebutiers,
& hacquebouziers, qui portēt pierres aussi grosses
que vne hacquebute à croc, dōt ils tirerēt plusieurs
coups. Et de l'un feut frappé le gentil Seigneur de
Vendenesse, dōt il mourut quelque tēps apres. Qui
fut vn gros dommaige pour France. Il estoit de pe-
tite corpulēce: mais de haultesse de cœur & de har-
dieſſe,

dieſſe perſonne ne le paſſoit. Ce ieune Seigneur de *François*
 Vaudemont, qui de nouueau eſtoit au meſtier des *I.*
 armes, ſ'y porta tant gaillardement que merucilles.
 Et feit tout plein de belles charges, tant qu'il ſem-
 bloit que iamais n'eult faiſt autre choſe. En ces en-
 trefaiſtes le bon Cheualier, aſſeuré comme ſ'il eult
 eſté en ſa maiſon, faiſoit marcher les genſ d'armes.
 Et ſe retiroit le beau pas, touſiours le viſaige droict
 aux ennemis, & l'eſpée au poing leur donnoit plus
 de craincte que vn cent d'autres. Mais comme Dieu
 le voulût permectre, feut tiré vn coup de hacque-
 bouze, dont la pierre le veint frapper au trauers des
 reins, & luy rompit tout le gros os de l'eſchine. Quād
 il ſentit le coup ſe preint à crier Ieſus. Et puis dit,
 Helas mon Dieu, ie ſuis mort. Si preint ſon eſpée
 par la poignée, & baiſa la croifée, en ſigne de la
 croix. Et en diſant tout hault, *Miferere mei Deus, ſe-*
cundum magnam miſericordiam tuam, deueint incon-
 tinent tout bleſme, comme failly des eſprits, & cui-
 da tomber. Mais il eut encores le cœur de prendre
 l'arçon de la ſelle. Et demeura en ceſt eſtat, iuſques à
 ce que vn ieune Gentil-homme, ſon Maiſtre d'Ho-
 ſtel, luy ayda à deſcendre, & le mit ſoubs vn arbre.
 Ne demeura guieres qu'il ne feult ſceu parmy les
 amis & les ennemis, que le Capitaine Bayard auoit
 eſté tué d'un coup d'artillerie. Dont tous ceulx qui
 en eurent les nouuelles feurent à merucilles deſ-
 plaiſans.

CHAPITRE LXV.

*Du grand dueil qui feut demené, pour le
trespas du bon Cheualier sans peur,
& sans reproche.*



VAND les nouvelles feurent espan-
diues parmy les deux armées, que le
bon Cheualier auoit esté tué, ou pour
le moings blessé à mort, mesmement
au camp des Espaignols, combien que
ce feust l'un des hommes du monde dont ils eus-
sent greigneur craincte, en feurent tous Gentils-
hommes & soldats desplaisans merueilleusement,
pour beaucoup de raisons. Car quand en son vi-
uant faisoit courses, & il en prenoit aucuns prison-
niers, les traictoit tant humainement que merueil-
les, & derançon tant doucement, que tout homme
se contentoit de luy. Ils congnoissoient que par sa
mort Noblesse estoit grandement affoiblie. Car
sans blasmer les autres, il a esté parfaict Cheualier en
ce monde. Et faisant la guerre avec luy s'adressoient
leurs ieunes Gentils-hommes. Et dit vn de leurs prin-
cipaux Capitaines, qui le veint veoir deuant qu'il
rendist l'ame, nommé le Marquis de Pescare, vne
haulte parole à sa loüange, qui feut telle en son lan-
gaige. Pleust à Dieu gentil Seigneur de Bayard, qu'il
m'eust cousté vne quarte de mon sang, sans mort
receuoir, & ne deusse manger chair de deux ans, &

vous teinſſe en ſanté mon priſonnier. Car par le *François*
 traictement que ie vous feroye, auriez congnoiſſance de combien i'ay eſtimé la haulte proüeſſe qui
 eſtoit en vous. Le premier los que vous donnerent
 ceulx de ma Nation, quand on dit, *Muchos grifones,*
& pocos bayardos, ne vous feut pas donné à tort. Car
 depuis que i'ay congnoiſſance des armes, n'ay veu
 ne ouy parler de Cheualier, qui en toutes vertus vous
 ait approché. Et combien que ie deuſſe eſtre bien
 aïſe vous veoir ainſi, eſtant aſſeuré que l'Empereur
 mon maïſtre en ſes guerres n'auoit point de plus
 grand ne rude ennemy: toutesfois quand ie conſi-
 dere la groſſe perte que faiçt auïourd'huy toute
 Cheualerie, Dieu ne me ſoit iamais en ayde, ſi ie ne
 voudrois auoir donné la moiçtié de mon vaillant,
 & il feult autrement. Mais puis que à la mort n'a nul
 remede, ie requiers celuy qui tous nous a creéz à ſa
 ſemblance, qu'il vueille retirer voſtre ame aupres de
 luy. Tels piteux & lachrymables regrets faiſoit le
 gentil Marquis de Peſcare, & pluſieurs autres Capi-
 taines, ſur le corps du bon Cheualier ſans peur, &
 ſans reproche. Et croy qu'il n'y en eut pas ſix de tou-
 te l'armée des Eſpaignols, qui ne le veinſſent veoir
 l'un apres l'autre. Or puis qu'ainſi eſt que les enne-
 mis ſi efforcément pleuroient ſa mort, peut on aſſez
 conſiderer la grande deſplaïſance qui en feut par
 tout le camp des François, tant des Capitaines, gens
 d'armes, que gens de pied. Car de chaſcun en ſa qua-
 lité ſe faiſoit aymer à merueilles. Vous euſſiez dit
 qu'il n'y auoit celuy qui n'eult perdu ſon pere, ou ſa

François mere. Mesmement les pauures Gentils-hommes de
1. sa compaignée faisoient dueil inestimable. Las disoient ils parlans à la mort, Desloyale furie, que t'auoit meffaict ce tât parfaict & vertueux Cheualier? Tu ne t'es pas vëgée de luy tout seul: mais nous tous as mis en douleur, iusques à ce que tu ayes faiçt ton chef d'œuure sur nous comme sur luy. Soubs quel pasteur irons nous plus aux champs? quelle guide nous pourra deormais Dieu donner, où nous feussions en telle seureté, que quand nous estions avec luy? Car il n'y auoit celuy qui en sa presence ne feust aussi assureé qu'en la plus forte place du monde. Où trouuerrons nous dorefnauant Capitaine, qui nous rachepte quand nous serons prisonniers, qui nous remonte quand serons desmôtez, & qui nous nourrisse, comme il faisoit? Il est impossible. O cruelle mort, c'est tousiours ta façon, que tant plus est vn homme parfaict, de tant plus prens tu tes esbats à le destruire & deffaire. Mais si ne sçauois tu si bien ioüier, qu'en despit de toy, combien que tu luy ayes osté la vie en ce monde, que renommée & gloire ne luy demeure immortelle, tant qu'il durera. Car sa vie a esté si vertueuse, qu'elle laissera souuenir à tous les preux & vertueux Cheualiers qui viendrôt apres luy. Tant piteusement se demenoient les pauures Gentils-hommes, que si le plus dur cœur du monde eust esté en presence l'eussent cōtrainçt partir à leur dueil. Ses pauures seruiteurs domestiques estoient tous transsis. Entre lesquels estoit son pauure Maître d'hostel qui ne l'abandonna iamais. Et se con-

fessa le bon Cheualier à luy, par faulte de prebstre. *François*
 Le pauure Gentil-hôme fondoit en larmes, voyant *I.*
 son bon maistre si mortellement nauré, que nul remede en sa vie n'y auoit. Mais tant doucement le reconfortoit iceluy bon Cheualier, en luy disant, Iacques mon amy, laisse ton ducil. C'est le vouloir de Dieu de m'oster de ce monde. Ie y ay la sienne grace longuement demeuré, & y ay receu des biens, & des honneurs, plus que à moy n'appartient. Tout le regret que i'ay à mourir, c'est que ie n'ay pas si bié faict mon debuoir que ie debuois. Et bié estoit mon esperance si plus longuement eusse vescu d'amêder les faultes passées. Mais puis qu'ainsi est, ie supplie mon Createur, auoir pitié par son infinie misericorde de ma pauure ame. Et i'ay esperance qu'il le fera, & que par sa grande & incomprehensible bonté n'vsera point enuers moy de rigueur de iustice. Ie te prie Iacques mon amy, qu'on ne m'enleue point de celieu. Car quâd ie me remüe, ie sens toutes les douleurs que possible est de sentir, hors la mort laquelle me prendra bien tost. Peu deuant que les Espaignols arriuaissent aulieu où auoit esté bleulé le bon Cheualier, le Seigneur d'Alegre, Preuost de Paris, parla à luy, & luy declara quelque chose de son testament. Aussi y veint vn Capitaine de Suisses, nommé Iean Diesbach, qui l'auoit voulu emporter sur des picques, avec cinq ou six de ses gens, pour le cuider sauuer. Mais le bon Cheualier, qui congnoissoit bien comment il luy estoit, le pria qu'il le laissast pour vn peu penser à sa conscience. Car de l'oster de là ne

François

I.

seroit que abregement de sa vie. Si conueint aux deux Gentils-hommes, en grands pleurs, & gemissemens, le laisser entre les mains de leurs ennemis. Mais croyez que ce ne feut pas sans faire grands regrets. Car à toute force ne le vouloient abandonner. Mais il leur dit Messeigneurs, ie vous supplie allez vous en. Autrement vous tomberiez entre les mains des ennemis. Et cela ne me profiteroit de rien. Car il est faict de moy. A Dieu vous command mes bons Seigneurs, & amis. Je vous recommande ma pauvre ame. Vous suppliant au surplus, adressant sa parole au Seigneur d'Alegre, que me saluiez le Roy nostre maistre, & luy dire que desplaisant suis que plus longuement ne luy puis faire seruice, car i'en auois bonne volonté, à Messeigneurs les Princes de France, & à tous Messeigneurs mes compaignons, & generallyment à tous les Gentils-hommes du tres-honoré Royaume de France, quand les verrez. En disant lesquelles paroles, le noble Seigneur d'Alegre ploroit tant piteusement que merueilles, & preint en cest estat congé de luy. Il demeura encores en vie deux ou trois heures. Et par les ennemis luy feut tendu vn beau pauillon, & vn lict de camp, sur quoy il feut couché. Et luy feut amené vn prebstre, auquel deuotement se confessa. Et en disant ces propres mots, Mon Dieu, estant asseuré que tu as dict que celuy qui de bon cœur retournera vers toy, quelque pecheur qu'il ait esté, tu es tousiours prest de le receuoir à mercy, & luy pardonner. Helas mon Dieu, createur, & redempteur, ie t'ay offensé durant ma

vie griefuement, dont il me desplaist de tout mon *François*
 cœur. Je congnois bien que quand ie serois aux de- *I.*
 serts mille ans au pain, & à l'eau, encores n'est ce
 pas pour auoir entrée en ton Royaume de Paradis,
 si par ta grande & infinie bonté ne t'y plaisoit me
 receuoir. Car nulle creature ne peut en ce monde
 meriter si hault loyer. Mon Pere, & Sauueur, ie te
 supplie, qu'il te plaise n'auoir nul regard aux faultes
 par moy commises, & que ta grande misericorde
 me soit preferée à la rigueur de ta iustice.

S V R la fin de ces paroles, le bon Cheualier sans
 peur, & sans reproche, rendit son ame à Dieu. Dont
 tous les ennemis eurent dueil non croyable. Par les
 Chefs de l'armée des Espaignols feurent commis
 certains Gentils-hommes, pour le porter à l'Eglise.
 Où luy feut fait solemnel seruice, durant deux iours.
 Puis par ses seruiteurs feut mené au Daulphiné. Et
 en passant par les terres du Duc de Sauoye, où son
 corps reposoit, luy feut faire autant d'honneur, que
 s'il eust esté son frere. Quand les nouuelles de la mort
 du bon Cheualier feurent sceües au Daulphiné, il ne
 fault point particulierement descrire le dueil qui y
 feut faict. Car les Prelats, gens d'Eglise, nobles, & po-
 pulaire, le faisoient egalelement. Et croy qu'il y a mille
 ans, qu'il ne mourut Gentil-homme du pays plainct
 de la sorte. On alla au deuant du corps iusques au
 pied de la montaigne. Et feut amené d'Eglise en
 Eglise en grand honneur iusques aupres de Greno-
 ble. Où au deuant du corps, vne demie lieüe, feurent
 Messieurs de la Court de Parlement du Daul-

François phiné, Messeigneurs des comptes, quasi tous les nobles du pays, & la plus part de tous les bourgeois, manans & habitans de Grenoble. Lesquels conuoyerēt le trespasſé iusques en l'Eglise nostre Dame du dict Grenoble, où le corps reposa vn iour, & vne nuit, & luy feut faiēt seruice fort solemnel. Le lendemain, au mesme honneur qu'on l'auoit faiēt entrer en Grenoble, feut conduict iusques à vne Religion de Minimes, à demie lieüe de la Ville, que autresfois auoit faiēt fonder son bon Oncle, l'Euesque du dict Grenoble, Laurent Aleman, où il feut honnorablement enterré. Puis chascun se retira en sa maison. Mais on eust dict, durant vn mois, que le peuple du Daulphiné n'attendoit que ruine prochaine. Car on ne faisoit que pleurer & larmoyer. Et cesserent festes, danſes, banquets, & tous autres passe-temps. Las ils auoient bien raison. Car plus grosse perte n'eust sceu aduenir pour le pays. Et quiconque en eust dueil au cœur, croyez qu'il touchoit de bien pres aux pauvres Gentils-hommes, Gentils-femmes, veufues, & aux pauvres orphelins, à qui secretement il donnoit & departoit de ses biens. Mais avec le temps toutes choses se passent, fors Dieu aymer. Le bon Cheualier sans peur, & sans reproche, l'a crainēt & aymé durant sa vie, apres sa mort renommée luy demeure, comme il a vescu en ce monde entre toutes manieres de gens.

CHAPITRE

CHAPITRE LXVI.

Des vertus qui estoient au bon Cheualier sans peur, & sans reproche.

I O V T E Nobleſſe ſe debuoit bien veſtir de dueil, le iour du trespas du bon Cheualier ſans peur & ſans reproche. Car ie croy que depuis la creation du monde, tant en la loy Chreſtienne, que Payenne, ne ſ'en eſt trouué vn ſeul, qui moins luy ait faiet de deſhonneur, ne plus d'honneur. Il y a vn commun Prouerbe qui diſt Que nul ne veit ſans vice. Ceſte reigle a failly à l'endroit du bon Cheualier. Car i'en prés à teſmoings tous ceux qui l'ont veu, parlans à la verité, ſils en congneurent iamaïs vn ſeul en luy. Mais au contraire Dieu l'auoit doiüé de toutes les vertus qui pourroient eſtre en parfaict homme, eſquelles chaſcune par ordre ſe ſçauoit tres-bien conduire. Il aymoit & craignoit Dieu ſur toutes choſes, iamaïs ne le iuroit, ne blaſphemoit, & en tous ſes affaires & neceſſitez auoit à luy ſeul ſon recours. Eſtant bien certain que de luy & de ſa grace & infinie bôté procedent toutes choſes. Il aymoit ſon prochain comme ſoy meſme. Et bien l'a monſtré toute ſa vie. Car oncques n'eult eſcu qui ne feult au commandement du premier qui en auoit à beſongner. Et ſans en demander bien ſouuēt en ſecret en faiſoit bailler aux pauvres Gen-

tils-hommes qui en auoiēt neceſſité, ſelon ſa puiſſance. Il a ſuiuy les guerres ſoubs les Roys Charles huitiefme, Louys douziefme, & François premier de ce nom, Roys de France, par l'eſpace de trente & deux ans. Où durant le temps ne ſ'eſt trouué homme qui l'ait paſſé en toutes choſes ſeruans au noble exercice des armes. Car de hardieſſe peu de gens l'ont approché. De conduicte c'eſtoit vn Fabius Maximus. D'entrepriſes ſubtiles vn Coriolanus. Et de force & magnanimité vn ſecond Hector, furieux aux ennemis, doux paifible & courtois aux amis. Iamais ſoldat qu'il euſt ſoubs ſa charge ne feult deſmonté qu'il ne remontaſt. Et pour plus honneſtement donner, bien ſouuent changeoit vn courſier ou cheual d'Eſpaigne, qui valloit deux ou trois cent eſcus, à vn de ſes hommes d'armes, contre vn courtault de ſix eſcus. Et donnoit à entendre au Gêtil-homme, que le cheual qu'il luy bailloit luy eſtoit merueilleuſement propre. Vne robe de veloux, ſatin, ou damas changeoit tous les coups contre vne petite cappe. Afin que plus gracieuſement & au contentement d'vn chaſcun il peut faire ſes dons. On pourroit dire il ne pouuoit pas donner de grandes choſes. Car il eſtoit pauvre. Autant eſtoit-il honoré d'eſtre parfaictement liberal, ſelon ſa puiſſance, que le plus grand Prince du monde. Et ſi a gagné durant les guerres en ſa vie cent mille francs en priſonniers, qu'il a departis à tous ceulx qui en ont eu beſoin. Il eſtoit grand aumoſnier, & faiſoit ſes aumoſnes ſecretement. Il

n'est rien si certain, qu'il a marié en sa vie, sans en faire bruit, cent pauvres filles orphelines, gentils-femmes, ou autres. Les pauvres veufues consolait, & leur departoit de ses biens. Avant que iamais sortir de sa chambre se recommandoit à Dieu: mais ce faisant ne vouloit qu'il y eust personne. Iamais ne feut en pais de conqueste, que fil a esté possible de trouver homme ou femme de la maison où il logeoit qu'il ne payast ce qu'il pensoit auoir despensé. Et plusieurs fois luy a l'on dict, Monseigneur, c'est argent perdu ce que vous baillez. Car au partir d'icy on mettra le feu ceās, & osteral'on ce que vous avez donné. Il respõdoit, Messieurs, ie fais ce que ie doibs. Dieu ne m'a pas mis en ce mōde pour viure de pillage, ne de rapine. Et dauantaige ce pauvre homme pourra aller cacher son argent au pied de quelque arbre. Et quād la guerre sera hors de ce pays il s'en pourra ayder, & priera Dieu pour moy. Il a esté en plusieurs guerres, où il y auoit des Allemans, qui au desloger mettent volōtiers le feu en leurs logis, le bon Cheualier ne partit iamais du sien qu'il ne sceust que tout feust passé, ou qu'il ne laissast gardes, afin qu'on n'y meit point le feu. Entre toutes manieres de gens, c'estoit la plus gracieuse personne du monde, qui plus honnoroit gens de vertu, & qui moins parloit des vicieux. Il estoit fort mauuais flateur & adulateur. Tout son cas estoit fondé en verité. Et à quelque personne que ce feust, grand Prince, ou autre, ne fleschissoit iamais, pour dire autre chose

que la raison. Des biens mondains il n'y pensa en sa vie. Et bien l'a monsté. Car à sa mort il n'estoit gueres plus riche que quand il feut né. Quand on luy parloit des gens puissans & riches, où il pensoit qu'il n'y eust pas grande vertu, faisoit le sourd, & en respondoit peu. Et par le contraire ne se pouuoit saouler de parler des vertueux. Il estimoit en son cœur vn Gentil-homme parfaict qui n'auoit que cent francs de rente, autant que vn Prince de cent mille. Et auoit cela en son entendement, que les biens n'anoblissent point le cœur. Le Capitaine Louys d'Ars le nourrit en ieunesse, & sous luy apprit le commencement des armes. Aussi toute sa vie luy a il porté autant d'honneur, que s'il eust esté le plus grand Roy du monde. Et quand on parloit de luy, le bon Cheualier y prenoit plaisir merueilleux, & n'estoit iamais las d'en bien dire. Il ne feut iamais homme suiuant les armes, qui mieux en congneust l'hypocrisie. Et souuent disoit que c'est la chose en ce monde où les gens font les plus abusez. Car tel faict le hardy en vne chambre, qui aux champs deuant les ennemis est doux comme vne pucelle. Peu a prisé en son temps gens d'armes, qui abandonnent leurs enseignes pour contrefaire les hardis, ou aller au pillage. C'estoit le plus asséuré en guerre qu'on ait iamais congneu. Et à ses paroles eut faict combattre le plus coüiard homme du monde. Il a faict de belles victoires en son temps : mais iamais on ne l'en ouyt vanter. Et s'il conuenoit qu'il en parlast, en donnoit tousiours la loüange à quel-

que autre. Durant sa vie a esté à la guerre avec Anglois, Espaignols, Allemans, Italiens, & autres Nations, & en plusieurs batailles gagnées, & perduës. Mais où elles ont esté gagnées, Bayard en estoit tousiours en partie cause. Et où elles se sont perduës, s'est tousiours trouué si bien faisant, que gros honneur luy en est demeuré. Oncques ne voulut seruir que son Prince, sous lequel n'auoit pas de grands biens. Et luy en a on présenté beaucoup plus d'ailleurs en son viuant. Mais tousiours disoit qu'il mourroit pour soustenir le bien public de son pays. Iamais on ne luy sceut bailler commission qu'il refusast. Et si luy en a on baillé de bien estranges. Mais pource que tousiours a eu Dieu deuant les yeulx, luy a aydé à maintenir son honneur. Et iusques au iour de son trespas, on n'en auoit pas osté le fer d'une esguillette. Il fut Lieutenant pour le Roy son maistre au Dauphiné. Auquel si bien gagna le cœur, tant des nobles, que des roturiers, qu'ils feussent tous morts pour luy. S'il a esté prisé & honoré en son pays, ne se fault pas esmerueiller. Car trop plus l'a esté partoutes autres Nations. Et cela ne luy a pas duré vn ne deux ans; mais tant qu'il a vescu, & dure encores apres sa mort. Car la bonne & vertueuse vie qu'il a menée, luy rend loüange immortelle. Oncques ne feut veu qu'il ait voulu soustenir le plus grand amy qu'il eust au monde contre la raison. Et tousiours disoit le bon Gentil homme, que tous Empires, Royaumes & Prouinces sans iustice sont forests pleines

de brigands. Es guerres a eu tousiours trois excellentes choses, & qui bien affierent à parfaict Cheualier, assault de leurier, defense de sanglier, & fuite de loup. Brief qui toutes ses vertus voudroit descripre, il y conuiendrait bien la vie d'un bon Orateur. Car moy qui suis debile, & peu garny de science, n'y scauroye atteindre. Mais de ce que i'en ay dict, supplie humblement à tous lecteurs de ceste presente Histoire le vouloir prendre en gré. Car i'ay faict le mieulx que i'ay peu : mais non pas ce qui estoit bien deu pour la loüange d'un si parfaict & vertueux personnage, que le bon Cheualier sans peur, & sans reproche, le gentil Seigneur de Bayard. Duquel Dieu par sa grace vueille auoir l'ame en Paradis. Amen.





¶ EXTRAICT DE L'HISTOIRE
DE LOVYS XII, ROY DE FRANCE,
manuscripte, laquelle commence l'an 1501,
& finit l'an 1506, de Iean d'Auton, Histo-
riographe du Roy, & Abbé d'Angle, de
l'Ordre de Saint Augustin.

*Chapitre de la guerre meïe entre les François
& Espaignols au Royaume de Naples,
l'an 1502. fueil. 75.*



LE CAPITAINE Louys d'Ars estoit en
Poüille, où Louys Monsieur de Lu-
xembourg, Comte de Ligny, l'auoit en-
uoyé pour garder ses pays, & tenir ses
places qui luy appartenoint à cause de Dame E-
leonor de Baulx sa femme, Princesse d'Altemore,
Duchesse d'Andre, & de Venouse, Comtesse de
Môtepellouse, & Dame de la ville de Moneruine,
de Beseilles, & plusieurs autres places, lesquelles
estoint en la Poüille, & aux enuirs. Auec le
Capitaine Louys d'Ars estoient allez des Gentils-
hōmes du Comte de Ligny Pierre de Bayard, Sei-
gneur du dict lieu, Pierre de Poquiers, Seigneur de
Bellabre, Iean de Moutieux, Seigneur de Tary, Gil-
bert, Seigneur de Chaux, Iean de Tardiou, & quel-

ques autres, qui telle ayde luy feirent, avec le secours & faueur des gens du pais, que plusieurs bonnes Villes & fortes places conquesta, & soubmeit, & meit seures garnisons dedans. Et ce malgré le vouloir du Capitaine Gonssales.

CHAP. Du siege & prise de la ville de Canose, en la Pouille, au Royaume de Naples, par les François sur les Espagnols, feuil. 87.

MAIS les Espagnols affolerent ceulx qui estoient des premiers. Desquels estoient le Capitaine Louys d'Ars, Aymar de Villars, Pierre de la Lande, Pierre de Bayard, Pierre de Poquiers, & plusieurs autres bons hommes d'armes, qui sans cesser ruoient coups à toutes mains. Et dura celuy assaut plus de trois heures.

ET feuil. 88. Aussi estoient là Aymar de Villars, Pierre de Bayard, lequel ne cessa l'assault durant de ruer sur les Espagnols. Et tant s'approcha, que en plusieurs lieux feut attainct, & blessé à coups de picques.

CHAP. De la prise du Chasteau de Beseille par les François sur les Espagnols, feuil. 91.

ET des premiers feut à la voye vn nommé Pierre de Bayard, qui n'attendit la conclusion du propos. Mais si tost qu'il sceust l'affaire du dict Louys d'Ars, sans regarder qui le suiuroit, luy avec trois de ses gens montez & armez se meit à la course. Et feuil. 92.

AINSI cōme ceulx estoient à chemin, Pierre de Bayard, qui de Rouure estoit des premiers deslo-
gé

gé pour aller à ce butin, avec ses trois hommes arrivés à Beseilles. Et à l'entrée de la ville luy & ses gens commencerent à crier France, France, à haute voix, & tout le long des ruës s'en alla vers le Chasteau, où le bruit se faisoit. Et là se rengea avec Louys d'Ars, l'espée au poing, Où commença à frapper à bras desployez, & à grands efforts secourir les François, qui grand besoin avoient d'ayde.

ET derechef,

Là estoit Pierre de Bayard, comme j'ay dict, qui n'entendoit que à frapper au desesperé.

CHAP. De la Bataille de la Cerignolle, l'an 1503, feuil. 144, & 145.

LA se trouua vn autre François nommé Pierre de Bayard, qui ne faillit à se monstrier entre les autres. Car à la premiere charge que feirent les Espaignols, vn d'eulx monté & bardé à l'avantaige hors du rang des autres se presenta au premier venant. Dont celuy de Bayard ne luy faillit. Mais s'adresserent l'un contre l'autre de telle force, qu'il sembloit qu'ils se deussent à l'attaindre fouldroyer. Et ainsi que les presens m'ont racompté, de si viue atteinte l'assenna celuy de Bayard, que au ioindre des bois de la force du coup desmesuré brisa iusques aupres de la poignée sa lance, rompit l'arrest, & renuersa homme, & cheual, tout en vn monceau, dont puis ne se releua.

ET au Chap. de la Retraicte des François de la riuere du Garillan, feuil. 190, & 191.

ET feurent ordonnez quinze hommes d'armes

choisis entre les autres. Desquels estoient Messire Roger de Bearn, Pierre de Tardes, autrement appelé le Basque, de la Maison du Roy, Pierre de Bayard, & autres, iusques au nombre de quinze, tous bien montez, & gaillards gens d'armes. Lesquels feurent mis en queue, pour soustenir l'escarmouche des auantcoureurs Espaignols. Et ainsi vn iour bien matin deslogerent les François, & leur petit pas tirerent vers le pont de Molle. Les Espaignols incontinent leur feurent en queue à grosse route, & commencerent à charger sur les quinze hommes d'armes François qui estoient les derniers. Et là bien à point escarmoucherēt les vns avec les autres. Et dura ceste escarmouche iusques à vn lieu nommé la Cadeine. Et entre celuy lieu, & le pont du Garillan, feurent repoussez les auantcoureurs Espaignols par les François qui estoient les derniers.

ET peu apres,

LES Espaignols foulerent fort les quinze derniers qui portoient la charge. Pierre de Bayard, qui ce iour sousteint moult grand fais, estoit tousiours de la meslée. Et tant que à vne charge qui feut là faicte, luy feut tué son cheual sous luy. Lequel se releua l'espée au poing, & ne se vouloit rendre. A quoy le Marquis de Saluces, & le Seigneur de Sandricourt aduiserent, & soubdainement retournerent sur les Espaignols. Tant qu'ils les repousserent, & recouurerent celuy de Bayard. Lequel feut remonté par le dict Seigneur de Sandricourt, qui luy donna vn tres-bon cheual. Et ce faict, les François passerent outre.



¶ EXTRAICT du 15 liure
de l'Histoire de François
Guichardin.



ANNO mille cinquecento ventitre, Boni-
ueto haueua mandato Monsignore di Ba-
yardo, & con luy Federigo da Bozzole, con
trecento lance, & otto mila fanti, a prendere
Lodi: oue con cinquecento caualli, & cinquecento fanti,
della condotta che haueua dalla Chiesa, & da Fiorentini,
era venuto il Marchese di Mantoua, il quale temendo,
di se medesimo si ritirò à Ponteuico. Et la Citta abbando-
nata riceuette dentro i Francesi.

¶ Extraict de l'Histoire de Galeas Capella,
de bello Mediolanensi, lib. 3.



AMIRALDVS Petrum Bayardum,
ductorem impigrum, cum octo millibus pe-
ditum, tormentis decem bellicis, validoque
equitatu Laudem Pompeiam proficisci iu-
bet. Quod ubi sensit Mantuanus, qui ex
sedere cum Pontifice inito, in eam ciuitatem cum quingen-

is peditibus, & totidem equitibus venerat, se tam modicis copijs defendendæ vrbi imparem cernens, antequàm Gallus aduentaret, admonitu Federici Bozuli affinis sui, qui Gallicum peditatum ducebat, inde discessit. Gallus Laude ciuitate presidio firmata, ponte super Abduam confecto, quàmprimum Cremonam contendit. &c.

¶ **Extrait de l'Histoire de Mambrino Ro-**
seo, 2. Vol. del Compendio dell'Hi-
storie di Napoli, lib. 1.

MANDO l'Ammiraglio Bayardo, valorosissimo Capitano, à pigliar Lodi, doue si ritrouaua in quel tempo col presidio delle gente del Papa Federigo Gonzaga. Che veduto non poterlo tenere se ne vsci prima che venissero i Francesi, per consiglio de Federigo da Bozzolo, Capitan de Francesi, suo parente, accio non vi hauesse vergogna. Bayardo doppo l'hauer preso Lodi, & messoui buonagardia, fatto vn ponte sopra Adda, se n'andaron subito à Cremona, doue congiontosi con Renzo da Ceri, che hauea assoldati pe'l Re quattro mila fanti su il Ferrarese, sen'ando con i suoi Francesi, che erano otto mila, con buona caualleria, & diece pezza d'artegleria, & quelli quatro mila Italiani, à combater Cremona, senza molto temere la gente Vinitiane che eran vicine.

*¶ Extraict du deuxiesme liure des Memoires
de Martin du Bellay , Seigneur
de Langey.*

MONSIEVR l'Admiral ayant eu aduertissement que le Duc de Mantouë estoit arriué à Lode avec cinq cent cheualx , & deux cent hommes de pied, que le Pape enuoyoit pour le secours de la ligue, depescha le Capitaine Bayard, accompagné de huiët mille hommes de pied, quatre cent hommes d'armes, & huiët ou dix pieces d'artillerie, pour marcher droict au dict lieu de Lode, y pensant surprendre le Duc. Lequel estant aduertý, & se deffiant de ses forces, se retira abandonnant la dicté ville. Parquoy le Capitaine Bayard entra dedans. Puis y ayant laissé bonne garnison, preint le chemin de Cremone, pour têter s'il pourroit prendre la ville par le moyen du chasteau qui tenoit pour le Roy. Auquel lieu arriué, se vint ioindre avec luy le Seigneur Rence de Cere, Baron Romain, accompagné de quatre mille hommes de pied Italiens, qu'il auoit leuez pour le seruice du Roy au Ferrarois, & aux enuirs. Le Capitaine Bayard, & le dict Seigneur de Rence assemblez, & congnoissans que par le chasteau n'y auoit ordre de forcer la ville, à l'occasion des grandes tranchées.

que les ennemis auoient faictes entre la ville & le dict Chasteau, delibererent del'assaillir par ailleurs, & tenter la fortune de la pouuoir forcer, encores que l'armée Venitienne qui estoit de la part de la ligue, feust à Pontiuy pres de là. Le Seigneur Prospero aduertuy que l'armée du Roy prenoit le chemin de Cremone, ne tarda gueres qu'il manda à Paue, qu'on eust à enuoyer trois mille cinq cent hommes à Cremone, pour la defense d'icelle. Manda pareillement au Duc d'Vrbain, General de la Seigneurie, & au Marquis de Mantouë, General de l'Eglise, avec grandes instances, qu'ils eussent à approcher leur armée pres la nostre, pour l'empescher de donner l'assault. Toutesfois cela ne retarda que le Capitaine Bayard, le Seigneur de Rence, & le Seigneur de Lorges, General de l'Infanterie Françoisise, ne feissent leurs approches. Et en telle diligence feirent la baterie, qu'en trois iours la breche estoit raisonnable pour assaillir. Mais soudain veint vne pluye si abondante, que nos gens voulans marcher en auant pour l'assault, reculoient en arriere, tant il faisoit glissant. Et dura la dicte pluye quatre iours, & quatre nuiets, sans cesser. A cause de quoy le Capitaine Bayard feut contrainct de remettre l'assault à vn autre iour, pendant lequel les ennemis eurent loisir de remparer la breche. Et pour les continuelles pluyes, les chemins deueindrent si mauuais, que de quelque part que ce feust ne pouuoient venir viures en nostre camp. Qui feut l'oc-

casion de la famine qui sy meit. Ioinct que l'armée Venitienne rompoit les viures d'un costé, & l'armée de l'Eglise d'autre. Ce que voyant le Capitaine Bayard, apres auoir rafreschy le Chasteau, tant d'hommes, que de viures, feut contrainct se retirer deuers Milan.





¶ EXTRAICT DE L'HISTOIRE
DV CHEVALIER BAYARD, DE
Symphoriam Champier, Conseiller
& premier Medecin d'Antoine
Duc de Lorraine.



LE noble Bayard delaisſa trois freres. L'un du mōde, qui luy a ſuccedé, l'un, Eueſque de Glandefue, & l'autre, Abbé de Iofaphat. D'autres de ſon nom n'a laiſſé fors que ſon couſin Gaſpard Terrail, Seigneur de Bernin, à deux lieues de Grenoble, & deux ſœurs.

LE ſecond preux Cheualier Daulphinois, dont i'ay eu congnoiſſance & familiarité, dont ie puis ſeulement parler, & eſcrire, a eſté le Seigneur du Riage', diët pour lors du Molar, de la Maiſon des Alemans. Laquelle Maiſon des Alemans a pluſieurs Branches, comme la Maiſon de Champs, du Riage, de Laual, & autres, dont eſtoit deſcenduë la mere du noble Bayard Heleine des Alemans. Ce Seigneur du Molar mourut d'un coup de hacquebute à la bataille de Rauenne.

BAYARD mourut ſans eſpouſer femme.


ET derechef,

LE Seigneur de la Paliffe feut marié deux fois,
lequel

lequel a laissé apres luy posterité. Bayard oncques ne voulut estre lié ne subiect aux femmes.

PLVSIEURS Gentils-hommes François ou Lorrains ont voulu suiure Bayard , pour les vertus qui estoient en luy. Et premierement le Capitaine Pierrepont Daly. Lequel feit son Lieutenant sous la compaignée de Monseigneur de Lorraine. Lequel apres quand le Roy donna cent hommes d'armes à Bayard, feut Lieutenant de la compaignée du dict Seigneur de Lorraine, lequel est encores pour le present. Le Seigneur de Botiere suiuit long temps le Seigneur de Bayard. Si porta son enseigne, & puis le feit son Lieutenant, quand le Roy donna cent hommes d'armes au dict Bayard. Et depuis apres la mort du Seigneur de Bayard le Roy le feit Preuost de l'Hostel. Le tiers feut le bastard du Fay, Lorrain, lequel par long temps porta le guidon, sous le noble Capitaine Bayard. Le quart a esté le Seigneur du Pont, fils de la sœur du Cheualier Bayard, qui long temps a porté son enseigne, & puis feut fait apres la mort de Bayard, Escuyer de l'escuyrie du Roy. Lequel Seigneur du Pont feut tué deuant Paue en seruant & defendant le Roy, dont feut moult grand dommaige. Car c'estoit vn Gentil-homme aussi hardy & preux aux armes que Gentil-homme de son temps. Et si Dieu eust voulu alonger sa vie estoit à presumer que c'eust esté le second Bayard en France. Le cinquieme feut Gaspard Terrail, Seigneur de Bernin, cousin du dict Bayard, & de son nom, & de ses armes,

qui tousiours a suiuy Bayard son cousin, tant de là les monts que en France. Le sixiesme feut Monsieur le Baró de Sazonnaige, lequel fut si bié nourry par le noble Bayard, qu'il surmontoit tous les autres Gentils-hommes de son temps, & estoit moult adextre aux armes, & hardy. Et estoit à presumer que fil eust vescu eust esté Cheualier moult vertueux entre tous Daulphinois. Le Seigneur de Saint Quentin, qui auoit la niepce de Bayard à femme, le vaillant Chatelet Lorrain, & autres Lorrains estoient aussi du nombre.



LE MESME CHAMPIER

AV PANEGYRIQUE DV

Cheualier Bayard.



BAYARDVS *statura erat excelsa, colore candido, corpore macilento, oculis nigris vegerisque. Tanta liberalitate & munificentia omnibus gratificabatur, vt, pro ipsius gloria milites sui non famem, non labores, non mortem recusarent. Iustus quàm maxime fuit Bayardus. Ita vt ab eo se spoliatum nemo vnquam diceret. Neque vsquam beneficia vendidit, aut mercedem gratia feceratus est. Sobrius ita fuit vt vix sumeret natura sufficientia. Cum hostibus quoties confligendum erat, primus in aciem prodibat. Callidus, celer, & animo plenus prater ea*

fuit, inimicis terrorem, fiduciam suis roburque ingerens. Non labores, non pericula, non sumptus detrectauit, non agritudini pepercit, patriæ dum modò opitularetur. Blandus, hilaris, non elatus, sed modestus, omnes sibi conciliabat. Deum coluit, iusticiam seruauit, modestia usus est, continentia indulgit, vitia spreuit, sibi imperauit. Nec tam aduersus hostes quàm contra illicita militauit. In aduersis hilaritatem, in secundis benignitatem præ se ferebat. Pecunijs non modò iustè, sed liberaliter utebatur. Fortitudine non temerè utebatur. Amicis benignus, inimicis terribilis. Accerrimus in bello, in victoria facillimus. Annos quadraginta octo natus diem obiit. Eius corpus Gratianopolim delatum, non ducali solum sed regio apparatu splendide sepultum est.







Annotations.



AGE 2. laquelle estoit sœur de l'Euesque de Grenoble de la Maison des Alemans. SYMPHORIAM Champier, en l'Histoire du Cheualier Bayard.

LE noble Pierre Terrail, dict le Cheualier Bayard, nasquit en vne maison forte nommée Bayard, située au pays du Daulphiné, nommé Grisiuodan, au pres d'un Chasteau dict Aualon, entre deux montaignes distantes l'une del'autre vne lieüe Françoisse. Son pere feust Aymes Terrail, Seigneur de Bayard, de moult grande stature, & bien formé de membres, fils de Pierre Terrail, qui feist plusieurs faicts d'armes. Duquel feut dict l'espée Terraille. Et sa mere Heleine des Alemans. Petite, mais pleine de cœur, & de noble couraige, de la Maison des Alemans du Daulphiné, sœur de Laurent des Alemans, Euesque de Grenoble, & tante d'un autre Laurent des Alemans, aussi Euesque de Grenoble apres son oncle. Le dict Laurent deuxiesme estoit frere de Charles des Alemans, Seigneur de Laval. De la mesme Maison des Alemans estoit aussi le Capitaine Molar, Seigneur du Riage, Lieutenant pour le Roy au gouuernement du Daulphiné, qui mourut à la cruelle bataille de Raucenne.

¶ PAG. 14. Un gentil Prince de la Maison de Luxembourg, qu'on appelloit le Seigneur de Ligny.

C'ESTOIT Louys de Luxembourg, Comte de Ligny, fils de Louys de Luxembourg, Comte de Sainct Paul, Connestable de France du Regne du Roy Louys XI. Lequel Comte de Sainct Paul eust quatre autres fils.

JEAN de Luxembourg, Comte de Marle.

PIERRE de Luxembourg, Comte de Brienne. Qui eust pour fille Marie, femme de François de Bourbon, Comte de Vendosme.

ANTOINE de Luxembourg, aussi Comte de Brienne. Duquel sont venus les Comtes de Brienne, & les Ducs de Piney, Pairs de France.

ET Charles de Luxembourg, Euesque de Laon.

LES Seigneurs de Fiennes, & les Vicomtes de Martigues sont issus de la mesme Maison de Luxembourg, mais d'une autre branche.

COMME encores les Empereurs Henry septiesme, pere de Jean Roy de Boheme, Charles quatriesme, fils du dict Roy Jean, & Vuenceslaus, & Sigismond, fils du dict Charles quatriesme. Qui estoient les aïnez de la Maison.

¶ P A G. 15. *Le Duc de Sauoye estoit fort beau & bon Prince.*)

C'ESTOIT Charles premier du nom Duc de Sauoye, frere de Philebert I, & fils d'Amedée IX, fils de Louys, qui feut fils d'Amedée VIII, lesquels feurent aussi Ducs de Sauoye.

¶ P A G. 15. & 16, *& vn autre appelé Monseigneur d'Auennes, (fils du Sire d'Albret, & frere du Roy de Nauarre, qui estoit alors,) vn fort bonnest & accomply Seigneur.)*

IL s'appelloit Gabriel d'Albret. Et estoit frere de Iean d'Albret, Roy de Nauarre, pere de Henry aussi Roy de Nauarre, pere de Ieanne, Royne de Nauarre, mere du Roy Henry le grand.

A L A I N Sire d'Albret, surnommé le grand, Comte de Dreux, de Gaure, de Pontieure, & de Perigort, Vicomte de Limoges, & de Tartas, & Sire d'Auennes, pere des dicts Roy Iean & Gabriel d'Albret, estoit fils de Iean d'Albret, Vicomte de Tartas, fils de Charles Sire d'Albret, & Comte de Dreux, second du nom, fils aîné de Charles, Sire d'Albret, & Comte de Dreux, Conestable de France, du Regne du Roy Charles sixiesme.

¶ P A G. 16. *le Marechal de Gié.*)

IL s'appelloit Pierre de Rohan. Voyez la Genealogie de la Maison de Rohan és Annotations sur l'Histoire du Roy Louys XII.

¶ P A G. 22. *Mesire Claude de Vauldré.*)

LA Maison de Vauldré est originaire du Comté de Bourgogne. Les Seigneurs de Mouy & de Saint Phale en sont issus.

¶ P A G. 36. *le Seneschal Galiot.*)

IL s'appelloit Iacques Galiot de Genoüillac, & estoit Seigneur d'Acier. Et a esté grand Escuyer, & grand Maistre de l'artillerie de France, & Seneschal d'Armaignac. Et se trouua à la bataille d'Aignadel, en laquelle il estoit Capitaine de vingt cinq hommes d'armes, & de cinquante archers. Sa fille Ieanne Galiot de Genoüillac feut mariée à Charles de Crussol, Vicomte d'Vzes, grand Panetier de

France. Duquel mariage veindrent Antoine, Duc d'Vzes, & Pair de France, & Iacques, Seigneur d'A-cier, & depuis Duc d'Vzes, & Pair de France, pere d'Emanuel, aussi Duc d'Vzes, & Pair de France.

¶ P A G. 36. *Sandricourt.*)

I L sappelloit Louys de Hedouuille.

¶ P A G. 45. *du Seigneur de la Palisse.*)

I L sappelloit Iacques de Chabannes, & feut grand Maistre, & depuis Mareschal de France. Et estoit fils de Geofroy, Seigneur de la Palisse, Seneschal de Rouergue, fils de Iacques premier du nom Seigneur de Charlus, Seneschal de Thoulouze, & grand Maistre de France, du Regne du Roy Charles septiesme. De Gilbert de Chabannes, Baron de Curton, grand Seneschal de Guyenne, & Gouverneur de Limosin, frere puisné du dict Geofroy, Seneschal de Rouergue, sont issus les Marquis de Curton. Comme il se peut veoir és Annotations sur l'Histoire du Roy Louys XII.

¶ P A G. 55. *Car luy mesme seoit en chaire de Iustice deux fois la sepmaine, pour ouyr les plaintes & doleances d'un chascun, & les plus pauvres expedioit.*)

PHILIPPES de Commines au 8. liure de ses Memoires, chap. 18.

I L auoit mis sur vne audience publicque, où il escoutoit tout le monde, & par especial les pauvres. Et sy faisoit de bonnes expeditions. Et l'y vey huit iours auant son trespas, deux bonnes heures.

¶ P A G. 56. *Car depuis qu'il y a eu Roynne sen est point trouuè de meilleure nature.*)

PHILIPPES

PHILIPPES de Commines au 8. liure de ses Memoires, chap. 13.

LE dict Roy estoit si bon, qu'il n'est possible de veoir meilleure creature.

¶ P A G. 57. *que pour lors luy detenoit Ludouic Sforce.)*

CE Ludouic Sforce, frere puisné de Galeas Marie Sforce, Duc de Milan, estoit fils de François Sforce, premier du nom Duc de Milan, & pere de Maximilian, & François II, Ducs de Milan.

¶ P A G. 58. *du Seigneur Iean Iacques de Triuulce.)*

IL feut Marechal de France. Et estoit de la Maison de Triuulces de Milan, & oncle paternel de Theodore de Triuulce, aussi Marechal de France.

¶ P A G. 58. *le Seigneur de Rauestain.)*

IL s'appelloit Philippes de Cleues. Et estoit fils d'Adolphe de Cleues, frere de Iean premier du nom Duc de Cleues, fils d'Adolphe Comte de Cleues, & de la Marck, créé Duc de Cleues au Concile de Constance l'an 1417, par l'Empereur Sigismond.

¶ P A G. 60. *Blanche s'appelloit la Dame.)*

ELLE estoit fille de Guillaume Paleologue, sixiesme du nom Marquis de Montferrat, & d'Elizabeth, fille de François Sforce premier du nom, Duc de Milan.

¶ P A G. 76. *le Bailly de Dijon.)*

IL s'appelloit Antoine de Bessey, & estoit Baron de Trichastel. Et feut Bailly de Dijon du Regne des Roys Charles VIII, & Louys XII. Il estoit fils de Iean, deuxiesme du nom, Seigneur de Bessey, & de Ieanne de Saulx. Et frere de Iean de Bessey

Baron de Beaumôt, grand Gruyer de Bourgongne.

ET le dict Iean II, fils de Guy, Seigneur de Bessèy, lequel estoit fils de Iean aussi Seigneur de Bessèy, grand Escuyer de Bourgongne, & de Bonne de Vauldrey, fille de Herman de Vauldrey, Baron de Courlaou.

TIRE des Memoires Genealogiques de Messieurs de Sainte Marthe, Aduocats au Parlement, fils de Monsieur de Sainte Marthe, President & Tresorier general de France à Poictiers, desquels i'ay esté aydé en plusieurs endroicts de ces Annotations.

¶ P A G. 83. *la Princesse d'Altemore.*)

ELLE s'appelloit Eleonor de Baulx. Et estoit de la Maison de Baulx, illustre en Prouence, & au Royaume de Naples, & laquelle a autresfois tenu la Principauté d'Orenge.

¶ P A G. 84. *le Seigneur d'Aubigny.*)

IL s'appelloit Berault Stuart. Et estoit de la Maison Royale d'Escoffe, & Capitaine de cent archers Escossois de la garde du corps du Roy Louys XII.

¶ P A G. 99. *à cheual on n'eust seu trouuer en tout le monde vn plus adroict Gentil-homme, que le bon Cheualier.*)

JEAN d'Auton en l'Histoire du Roy Louys XII, non encores imprimée, qui commencel'an 1501, & finit l'an 1506. feuil. 81.b

DE quoy celuy Pierre de Bayard feut par aucuns aduerty. Et comme celuy qui le heurt attendoit se teint saisy des armes, & pourueu d'un cheual bien aduantageux, &

tres à la main. Sur lequel il estoit lors en propos d'exploiter l'espee, & embesongner le cheual, si mestier en estoit. Ce de quoy tant à point se scauoit ayder, que bruit commun le disoit l'un des meilleurs chenaucheurs, & des plus adroits hommes d'armes de France, comme depuis le monstra par effect.

¶ P A G. 101. l'estoc entra dedans la gorge.

J E A N d'Auton, en la mesme Histoire du Roy Louys XII, feuil. 126, 127, & 128.

LE Seigneur Alphonse du Sotomaiore, Espagnol, manda à Pierre de Bayard, François, qu'il vouloit que la querelle dont entre eulx deux estoit question fust mise à chef. Et avec ce pria par lettres celuy Dom Alonso le dict de Bayard, qu'il voulust bien sur ce estre demandeur, & souffrir que luy fust defendeur, supposé que celle querelle eust reueillée, & mise sus. Et ce faisoit il pour auoir loy de choisir & ordonner la maniere du combat, & bailler les glaiues. Ce que doit faire tout defendeur en querelle d'outrage. Quoy que soit, celuy Pierre de Bayard voyant ce que par l'Espagnol mandé luy estoit octroya tout. Disant sur bonne querelle ne me chault d'estre defendeur ou demãdeur, & ainsi fust content d'estre le demandeur. Parquoy le dict Espagnol scaichant celuy François estre à cheual l'un des plus adroits qu'on sceust, ne le voulut combattre autrement que à pied, armé de toutes armes, reserué d'armet, & de banniere, à visaige descouuert, avec l'estoc, & le poignart, dont luy enuoya deux estocs, & deux poignarts, pour choisir & prendre les meilleurs. Messire Iacques de Chabannes, Seigneur de la Palice, qui là auoit toute charge pour le Duc de Nemours, Viceroy, donna le champ pour combattre, &

congé à ccluy Pierre de Bayard de faire ses armes. Quand le iour feut venu pour debuoir combattre, les champions se trouuerent sur le lieu, armez & accoustrez le glaiue au poing. Le parrain de Pierre de Bayard estoit Pierre de Poquieres, Seigneur de Bellabre. Le Seigneur de la Palice se teint pres de là, afin de garder que par les Espaignols ne feust au champ faict quelque force au champion François. Apres les sermens & autres ceremonies à gaigne de bataille appartenans faicts, Pierre de Bayard demandeur comme i'ay dict, entra en la lice tout allegrement, sans muër couleur, ne contenance changer, armé de toutes pieces, le visage seulement descouuert, l'estoc tout nud en la main dextre, & le poignard en l'autre. Dom Alonso de Sotomaiore entra apres armé en la façon de l'autre, l'estoc en main, & le poignard à la ceinture. Ce faict, le dict Espaignol s'adressa au François, en luy disant en langaige Espaignol, Señor Petre de Bayart, que me quieres? Auquel feit ceste responce Dom Alonso de Sotomaiore, Je quiers defendre contre toy mon honneur, dont faulusement & mauuaisement m'as accusé. Et ce dict approcherent l'un de l'autre, & à grands estocs se cherchoient par tout. Et plusieurs fois faillirent l'un & l'autre à eulx rencontrer au visage qu'ils auoient tout à nud. L'Espaignol qui moult puissant & alegre estoit tousiours auoit l'œil au guet, pour cuider assenner son homme à droict, & le vouloir saisir. Et à ceste cause tenoit la main senestre au deliure, mais à tous ses efforts luy estoient ses coups par le François rabbarus, & luy souuent tasté de bien pres. Comme deux lyons eschauffez sentrebatoient ces deux champions, lesquels escumoyent comme sanglier aux abois. Que feut ce, long temps

combatirent, sans pouuoir ſçauoir qui des deux auoit le meilleur. Et n'y auoit celuy d'iceulx, qui en mortel danger ne feust. Les François qui là estoient auoient grand doubte de leur homme, qui encores n'estoit bien guery des fiebures, mais pour ce ne perdoit coup à ruer. Les Eſpaignols auſſi n'estoient ſi aſſeurez de leur champion, qu'il n'y auoit celuy de ſes amis qui ne l'eust voulu pour ſon profit en Saragoſſe. Chacun d'eulx coſtoioit ſon ennemy, & approchoit de la longueur du glauiue pour le cuidoer trouuer au deſcouuert, & donner dedans. Et à l'vne des fois Pierre de Bayard au rabatre d'vn des coups de l'Eſpaignol l'approcha de tant, que en luy cuidant donner de toute puiſſance de l'eſtoc au trauiers du viſaige, comme celuy Eſpaignol flanchiſt la teſte en arriere, le coup feut aſſenné en ſa gorgerete de telle force, que au trauiers des mailles luy entra en la gorge plus de quatre doigts. Tant que au tirer l'eſtoc grande abondance de ſang commença à ruiſſeller par deſſus le harnois iuſques à terre. Dont celuy Eſpaignol comme forcené de ceſt outrage à toute force ſe voulut reuenger. Et pour ce faire ſ'approcha tant de ſon homme, que chacun penſoit qu'il le vouluſt ſaiſir au collet. Et là ſ'eſſaya ſouuent & menu de luy rendre autant qu'il luy auoit baillé, mais tant perdoit de ſang, que la terre où ils estoient en eſtoit toute enrougie, & de moult ſ'affoibliſſoit. Toutes fois pour ce ne deſmarchoit vn ſeul pas, mais plus que deuant ſe ferroit contre le François. Et tant que à la parſin ſe ioignit à luy. Et ainſi à belle pointte d'eſtoc ſe taſterent longuement l'vn l'autre. Et comme ſi pres l'vn de l'autre feuffent que de la main au viſaige ſe peuffent toucher, Pierre de Bayard François auſant ſon coup luy rua ſoudainement le poignard qu'il tenoit à ſene-

stre main de toute sa force contre le visaige. Et entre l'œil senestre & le bout du nez luy meit iusques à la poignée. Tāt que dedans le cerueau luy entra. Dont pour l'angoisse de la mort dont estoit celuy Espagnol attainct tomba à la rēuerse, & le dict Pierre de Bayard dessus, sans luy tirer le glaive de la teste. Et voyant que assez en auoit ne luy voulut donner autre coup. Mais meit les genoüils bas, & alla baiser la terre, en loüant Dieu de la victoire que par son ayde auoit obtenuë. Ce faict, les François s'en retournerēt ioyeulement, & les Espagnols bien courroucez.

SYMPHORIAN Champier, en l'Histoire du Roy Louys XII.

A V S S I cestuy Bayard à Naples a eu plusieurs victoires contre les Espagnols. Et en combatant occist vn Gentilhomme Espagnol, de grand force, dict Seigneur Alphonse de Sotomaiore.

ET Paul Ioue, de Vita magni Consalui, lib. 2.

P E R eos dies Bayardus Gallus Hispanum equitem, ex nobili Sotomaiore familia ad singulare certamen prouocarat. In eo certamine fortuna ius dixit eo euentu, vt Hispanum Gallus non obscuro pudore confusum, neque se promptissimè ad inferendos ictus explicantem, gladij mucrone per summam iuguli loricam coniecto celerrimè confecerit.

¶ P A G. 104. le Seigneur d'Orose.)

I L s'appelloit François d'Vrfé. Et estoit fils de Iean d'Vrfé, Seigneur de Rochefort, & d'Isabeau de Langeac, Dame d'Orose. Et le dict Iean, fils de Pierre, Seigneur d'Vrfé, (Bailly de Forests, & grand Maistre des arbalestriers de France, du Regne du

Roy Charles VII,) & frere de Pierre II, Seigneur d'Vrfé, Bailly de Forests, & grand Escuyer de France du Regne des Roys Louys XI, Charles VIII, & Louys XII. Duquel sont issus les Marquis d'Vrfé.

¶ P A G. 106. Parquoy conueint à chascun sortir suivant ce qu'ils auoient accordé ensemble.)

JEAN d'Auton en l'Histoire du Roy Louys XII, sus alleguée, feuil. 125, & 126.

FINABLEMENT les Espaignols ennuyez de la longue attente de leur desaduantageux combat demanderent aux François s'ils s'en vouloient sortir, ne vaincus, ne vainqueurs. Et que ainsi le feroient de leur part. Dont les François voyans le party humain, & non à leur perte, & deshonneur, feurent de ce contents. Mais à l'aller deuant feut la question. Et là se cuiderent battre. Toutesfois d'un commun accord les vns quand & les autres marcherent iusques au milieu du champ. Et là se feirent bonne chere. Et s'entreembrasserent l'un l'autre. Et un pied quand & l'autre sortirent hors. Et les pris & vaincus feurent remis à leur party. Et ainsi s'en allerent à leurs garnisons.

¶ 106. Le bon Cheualier sur tous y feit d'armes, tant que son bruit & renommée en augmenterent assez.)

JEAN d'Auton, en la mesme Histoire du Roy Louys XII, feuil. 124.

LES aucuns des François estoient encores montez. Et entre autres Pierre de Bayard, & François d'Vrfé, lesquels auoient mis entre eulx les desmontez, pour supporter la charge des cheuaulx. Et eulx voyans venir la route de leurs ennemis se largirent. Et ainsi que à leurs compaignons voulurent approcher, pour les cuider rompre, celui d'Vrfé

Et de Bayard croiserent sur eulx, & leur rabbatirent le choc. Si passerent outre les Espaignols, sans rien meffaire. Et peu apres.

VNE autre course feirent coup sur coup les Espaignols sur les François. Mais à la trauerse auoient en barriere les deux François de cheual. Dont Pierre de Bayard à celle fois empoigna vne lance d'un des Espaignols. Et malgré luy la luy meit hors de l'arrest, tant qu'elle luy demeura.

& feuil. 125.

QUE feut ce, derechef recommencerent les Espaignols leurs courses sur les gens de cheual, qui tousiours à la trauerse les ennuyoyent. Et si les dicts Espaignols approchoient iusques à pouuoir saisir leurs lances, cela estoit croqué. Et de faict, à celle fois feurent tant malheureux que deux de leurs lances perdirent. Car Pierre de Bayard à la passée en saisit vne, &c.

¶ PAG. 116. le grand Capitaine Gonssales Ferrand, homme saige & vigilant.)

FRANÇOIS Guichardin, au 12 liure de son Histoire.

MORI circa vn mese innanzi alla morte sua il gran Capitano assente dalla Corte, & male satisfatto di lui. Et nondimeno il Re per la memoria della sua virtu, haueua voluto che da se & da tutto il Regno gli fussero fatti honori insoliti a farsi in Ispagna ad alcuno, eccetto che nel la morte de Re, con grandissima approbatione di tutti i popoli, a quali il nome del gran Capitano per la sua grandissima liberalita era gratissimo, & per l'oppenione della prudenza, & che nella scientia militare trapassasse il valore di tutti i Capitani de tempi suoi, era in somma veneratione.

IL s'appelloit Gonfalue Fernandez de Cordoüe.
Et feut Duc de Terrenoue en Calabre. Les Ducs de
Sesse en Espaigne font venus de luy.

¶ P A G. 114. *le Cheualier Guiffray.*)

IL s'appelloit Pierre Guiffray.

¶ P A G. 116. *Et si y mourut de la part des dicts François
vn gentil Cheualier , appellé le Seigneur de la Rochepot.)*

IL s'appelloit René Pot, & estoit Seneschal de
Beaucaire. Les Seigneurs de Rodes, grands Maistres
des ceremonies de France, font venus de ceste Mai-
son de Pot. René Pot, Seigneur de la Prune, & de la
Rochemelay, & Philippes Pot, Seigneur de la Ro-
chemelay, Cheualiers de la Toison d'or, en venoient
aussi.

¶ P A G. 116. *LE vaillant Capitaine Louys d'Ars , qui
encores tenoit quelques places en la Poüille , & en sa com-
paignée le bon Cheualier sans peur, & sans reproche, apres
l'armée des François retournée demurerent au dict Roy-
aume en despit de toute la puissance des Espaignols , enui-
ron vn an.)*

MARTIN du Bellay, Seigneur de Langey, au 3.
liure de ses Memoires.

LA dicté place de Venouse estoit celle que le Capitaine
Louys d'Ars du temps du Roy Louys douziésme, garda vn
an apres que tous les François feurent hors du Royaume
de Naples, contre toute l'armée du Roy d'Arragon. Et au
bout d'un an s'en reueint en France par composition, armet
en teste, & enseignes desployées.

ET Symphorian Champier en l'Histoire du
Cheualier Bayard.

A v lieu du Seigneur de Ligny demeura à Naples son Lieutenant Meſſire Louys d' Ars, vaillant & hardy Capitaine. Car apres la deffaicte des François, & qu'ils delaiſſerent le Royaume de Naples, ledit Capitaine Louys d' Ars demeura à Naples plus d'un an entier, avec ſa ſeule cōpaignée, & veint malgré les ennemis depuis Naples iuſques en Frâce en armes, la lance ſur la cuiſſe, en tout hōneur.

¶ P A G. 122. le Vicomte de Rhodéz.)

I L ſ'appelloit Guillaume de Carmain. Et eſtoit de la Maïſon de Carmain, qui a pris le nom de Foix.

¶ P A G. 122. le Capitaine Maugeron.)

I L ſ'appelloit François de Maugeron. Et eſtoit du Dauphiné.

¶ P A G. 122. le Seigneur de Beaudifner.)

I L ſ'appelloit François de Cruſſol.

¶ P A G. 122. les Seigneurs de Barbaſan, & de l'Eſparre.)

I Ls ſ'appelloient Odet & André de Foix. Odet Seigneur de Barbaſan, feut depuis Vicomte de Lautrec.

¶ P A G. 122. commencea le beau premier à gravir ceſte montaigne.)

I E A N d'Auton en l'Hïſtoire du Roy Louys XII, depuis l'an 1506, iuſques à 1508, chap. 22. pag. 147, & 148.

E T pource que i'eſtoye lors ſur le lieu, & veis iceulx Gentils-hommes monter, & partie de leur exploict, aucuns d'iceulx ay voulu nommer icy. Premièrement Meſſire Jacques de Chabannes, Seigneur de la Paliffe, & Chef de la bande, Jean Stuart, Duc d'Albanie, le Vicomte de Rhodéz, Odet de Foix, Seigneur de Barbaſan, Andrien

de Foix, François de Crussol, Seigneur de Beaudisner, Pierre de Bayard, & grand nombre d'autres.

ET pag. 150. Et là feut vn Gentil-homme nommé Pierre de Bayard, lequel s'adressa à aucuns de ceulx qui festoient reculez, & à tour de bras commença à charger, & tant que ils tournerent en auant.

ET Symphorian Champier en l'Histoire du Roy Charles VIII, pag. 334.

GENVAM Rex triginta dierum spacio subegit. In ea Expeditione prapui Duces fuerunt Dominus de Cham-mont, magnus Regia domus Magister, Regis locumte-nens generalis, Dominus de Molart, personam Regis su-stinens in Delphinatu, Dominus de la Palisse, Dominus Generalis Normannia, quem dictus Dominus magnus Magister equitem auratū creauit, Dux Albania, Comes de Rosillon, Dominus de la Roche, dictus Maugeron, & animosus vir Petrus Terralli, Dominus de Bayard, atque alij nobiles complures. Hi omnes strenuissimi milites, cum cateris non tantum aduersariorum insultus animosè susti-nere, verum eosdem inuadere atque ag gredi minimè formi-dabant. Expugnatis itaque quibusdam munitionibus, illud fortissimum in vertice cuiusdam intractabilis montis con-stitutum fortalitium, in quo Genuenses non parum confi-debant, ag gredi atque debellare attentant. Ascendunt ani-mosi milites instar quadrupedum, & fermè manibus & pedibus adnitescentes. Parati eo die aut victoriam consequi, aut in armis strenuè dimicando mori. Resistunt aduersarij. Vulneratur Dominus de la Palisse. Sed nihilo segnius, ve-rum magis strenuè pergunt continuantque pugnam Galli. Caduntur plures ex aduersarijs, reliqui turpiter aufugiunt.

¶ P A G. 127. *la Crote.*)

I L s'appelloit François de Daillon.

¶ P A G. 127. *le Comte de Roussillon.*)

I L s'appelloit Iacques de Bourbon. Et estoit fils de Louys bastard de Bourbon, Admiral de France, fils naturel de Charles premier du nom Duc de Bourbon.

¶ P A G. 127. *le Capitaine Odet.*)

I L s'appelloit Odet d'Aydie, & estoit de la Maison d'Aydie, originaire du pays de Bearn. Il feut és batailles d'Aignadel, & de Rauenne, esquelles il estoit Capitaine de mille hommes de pied Gascons. Et estoit Seneschal de Carcassonne, & Vicomte de Ribeirac en Perigort. Et eut de sa femme Anne de Pons quatre fils. Pierre Vicomte de Ribeirac, François pareillement Vicomte de Ribeirac, Ioffrey Seigneur de Guitinieres en Sainctonge (duquel sont venus les Seigneurs de Guitinieres,) & Guy Euesque de Sarlat. Le dict François feut pere de Guy Vicomte de Ribeirac, & de Charles pere d'Armand Comte de Ribeirac.

LE dict Guy Vicomte de Ribeirac espousa Marie de Foix, sœur de Federic de Foix, Comte de Candale, & de François de Foix, Euesque d'Aire.

ET quant au dict Armand Comte de Ribeirac il est marié avec Marguerite de Foix sœur de Federic de Foix Comte de Gursen.

V N des freres du dict Odet d'Aydie, Seneschal de Carcassonne, se nommoit aussi Odet d'Aydie. Et est celuy qui feut Comte de Comminge, Seigneur

de Lescun & de Fronssac, & Lieutenant general Gouverneur & Admiral de tout le pays de Guyenne, du Regne du Roy Louys XI, & Charles VIII. Et eut vne fille nommée Ieanne heritiere des Seigneuries de Lescun & de l'Esparre, femme de Iean de Foix, Vicomte de Lautrec.

¶ P A G. 127. *le cadet de Duras.*)

IL s'appelloit George de Durefort.

¶ P A G. 129. *le Comte de Petiglane.*)

IL se nommoit Nicolas des Vrsins.

¶ P A G. 129. *le Capitaine Ymbaut.*)

IL s'appelloit Ymbaut de Romanieu. Et estoit du Dauphiné.

¶ P A G. 130. *Va aduiser l'arrieregarde des François, dont estoit le bon Cheualier.*)

SYMPHORIAN Champier, en l'Histoire du Roy Louys XII.

S'ENSUIVENT ceulx qui marchotent en l'arrieregarde. Monseigneur le Duc de Longueuille, Monseigneur le Marquis de Mantouë, & c. le Capitaine Bayard, dict Pierre Terrail du Dauphiné, vn autre Roland en force, & victoire, Capitaine de trente hommes d'armes François, & de soixante archers, que Pierre pont son Lieutenant conduisoit. Pource que le dict Capitaine Bayard auoit encores charge de gens de pied. S'ensuyuent les Capitaines, ayans charge de gens de pied en l'arrieregarde. Et premierement Monseigneur de Molart, Lieutenant du Dauphiné, Capitaine de mille hommes de pied. Monseigneur de la Crote, Capitaine de mille hommes de pied, tous Manceaulx, Monseigneur le Capitaine Bayard, Capitaine de

cing cent hommes de pied , aduanturiers.

& en l'Histoire du Cheualier Bayard.

A C E S T E cause le Roy avec grosse armée passa les monts. Et congnoissant la vertu du noble Bayard luy donna trente hommes d'armes, lesquels souloit auoir le Capitaine Chatelar. Et outre le Roy fait appeller Bayard. Si luy dict Capitaine Bayard, ie vous ay donné trente hommes d'armes, que souloit auoir feu Chatelar. Mais nonobstant icelle compaignée, pource que tousiours auez bien conduit gens de pied, & sans aucune pillerie faire sur le peuple, à ceste cause veulx que en ceste expedition presente ayez sous vous mille hommes de pied, & vos hommes d'armes conduira vostre Lieutenant. Sire, dit Bayard, A vous est commander, & à moy d'obeïr à vostre commandement : mais vous prie de bon cœur, & supplie que puis qu'il plaist à vostre Majesté que ie aye charge de gens de pied, sera vostre plaisir vous contenter que i aye seulement cinq cent hommes, & que ie les eslise à mon plaisir. Car Sire, ie vous promects que ie feray plus de cinq cent par moy esleus, que de deux mille autrement choisis. Et oncques ne voulut auoir plus de cinq cent hommes en charge.

L E Roy Louys auoit passé les monts. Avec luy Monseigneur le Duc de Lorraine, avec lequel i'estoye, & tousiours pres de sa personne.

E T peu apres.

E T eust en beaucoup d'affaire nostre auantgarde, si n'eust esté secourüe par vne bande de nostre arrieregarde, dont le noble Bayard avec ses cinq cent hōmes fait merueilles. Car les gens de Bayard estoient tous gens d'eslite, & qui de long temps auoient suiuy les armes, & auoient leur Capi-

tain Bayard, qui faisoit merueilles, tousiours les exhortât.

ET Iean Marot au voyage de Venise imprimé à Paris l'an 1532.

MOLART conduict mille loyaulx marchans.

BAYARD cinq cent. & cæ.

¶ P A G. 137. *Il qui ne demandoit pas miculx, mesmement d'estre en sa compaignée, gracieusement luy respondit qu'il estoit à luy pour en disposer à son plaisir.)*

SYMPHORIAN Champier , en l'Histoire du Roy Louys XII.

ET durant ce temps il enuoya cinq cent lances, pour secourir le Roy des Romains. Et feit Capitaine general Monseigneur de la Palisse. Et avec luy allerent plusieurs autres Capitaines. Et entre les autres Monseigneur de Bayard, qui des François & Espaignols est par ses vertus assez congneu.

¶ P A G. 139. *Vn Seigneur d'Allemaigne, gentil Prince, & hardy, entreprenant à merueilles, comme il l'a monstré, tant qu'il a vescu. On l'appelloit le Prince d'Anhalt.*

C'ESTOIT Rudolphe Prince d'Anhalt, fils de George, Prince d'Anhalt , & frere d'Ernest aussi Prince d'Anhalt. Duquel Ernest sont issus les Princes d'Anhalt d'à present.

¶ P A G. 141. *Le Cardinal de Ferrare.)*

IL s'appelloit Hippolyte d'Est. Et estoit fils de Hercules I, & frere d'Alphonse I, Ducs de Ferrare.

¶ P A G. 142. *le Seigneur de Millaut, (vn ieune Gentilhomme de France, hardy & entreprenant Capitaine.)*

IL s'appelloit Iacques d'Alegre.

¶ P A G. 142. *d'un vertueux & saige Cheualier le Seigneur d'Alegre.)*

C'ESTOIT Yues deuxiesme du nom Barõn d'Alegre en Auvergne. Duquel, & de Ieanne de Chabannes, sa femme, sont issus les Marquis d'Alegre, les Barons de Millaut, & les Seigneurs de Viuerols.

LE dict Yues II, estoit fils de Iacques Baron d'Alegre, & de Gabrielle de Lastic. Et le dict Iacques, fils de Yues premier du nom Baron d'Alegre, qui viuoit du Regne du Roy Charles septiesme.

¶ P A G. 142. *qu'on appelloit le Seigneur Constantin.*)

PHILIPPES de Commines escript au 7. liure de ses Memoires, chap. 14. qu'à ce Seigneur Constantin appartenoit de son patrimoine la Macedoine, & la Theffalie. Et est celuy qui a gouuerné le Marquisat de Montferrat, comme estant oncle de la Marquise de Monferrat, fille du Roy de Seruie, laquelle auoit laissé deux fils en bas aage.

¶ P A G. 145. *le Cardinal de Mantoüe, le Seigneur Iean de Mantoüe, son frere.*)

CES deux freres Sigismond de Gonzague, Cardinal, & Iean de Gonzague, estoient fils de Frideric, Marquis de Mantoüe, & freres de François, aussi Marquis de Mantoüe.

¶ P A G. 152. *Luce Maluezzze.*)

IL estoit de la Maison des Maluezzes, des principales de la Ville de Boulongne la grasse.

¶ P A G. 161. *Guy Guiffroy.*)

IL feut depuis Lieutenant general du Roy à Turin. Et l'appelloit on le Seigneur de Boutieres.

¶ P A G. 172. *le Capitaine Iacob.*)

IL s'appelloit Iacob de Emps. Et estoit Gentilhomme du pays de Sueue en Allemaigne, au diocese de Constance.

¶ P A G. 184. le Seigneur de Conty.

IL se nommoit Ferry de Mailly.

¶ P A G. 192. C'estoit tout le gouvernement du Roy de France Louys douziesme, & du Royaume. Il auoit esté vn tres-saige Prelat, & homme de bien en son temps.

CLAUDE de Seyssel, Archeuesque de Turin, en l'Histoire du Roy Louys XII, pag. 105.

CAR ayant dès le commencement de son Regne choisi Monseigneur George d'Amboise, lors Archeuesque de Roüen, & à present Cardinal & Legat en France, pour la conduicte de ses principaux affaires, pourtant qu'il le congnoissoit estre homme tres-excellent, & accomply de sens, d'experience, de loyauté, & de bonne vie, &c.

& pag. 278.

TOUTES lesquelles choses considerant le Roy Louys, enuoya Monseigneur le Cardinal d'Amboise, Legat en France, qui est celuy auquel pour ses sens, prudence, vertu, & loyauté, il a tousiours communicqué tous ses secrets, & baillé la conduicte de ses principaulx affaires, &c.

JEAN de Sainct Gelais, Seigneur de Monlieu en la mesme Histoire du Roy Louys XII, pag. 381 & 382.

LE Roy eust nouuelles que Messire George d'Amboise, Cardinal, & Legat en France, & le principal de son Conseil auoit laissé tous les affaires de par deçà, pour s'en aller de par delà rendre compte deuant la diuine Iustice, & souveraine verité. Le Roy le plaignit fort. Et il auoit rai-

son. Car ce n'est pas peu de perte à vn grand maistre que de perdre vn bon seruiteur.

JEAN Bouchet, en l'Histoire de Louys Seigneur de la Trimouille.

PEU de temps apres le dict Cardinal d'Amboise, Legat en France, qui manioit le Roy, & son Royaume, en si bonne sorte, que le peuple François ne feut onc mieulx traité alla de vie à trespas. Qui feut gros dommaige, & perte. Car il a semblé à plusieurs personnes de bon esprit, que à l'occasiõ de son decez le traité de Cambray feut enfrainct.

ET és Annales d'Aquitaine.

ENVIRON le dict temps trespassa George Cardinal d'Amboise, & Legat en France. Qui feut vn gros & grand dommaige. Car tant qu'il vesquit le Royaume de France feut bien gouuerné, sans grandes tailles, emprunts, ne subsides. Iagoit ce que le dict Roy Louys eust eu de grands guerres.

¶ P A G. 197. le Baron de Montfaulcon.)

IL s'appelloit Gabriel de Montfaulcon.

¶ P A G. 224. le Seigneur de Lude.)

CE Seigneur du Lude, qui s'appelloit Iacques de Daillon, feut Seneschal d'Anjou, & Capitaine de cinquante hommes d'armes, & eut de Ieanne d'Illiers, Dame d'Illiers, au pays de Beaulse, Iean de Daillon, deuxiesme du nom Comte du Lude, Seneschal d'Anjou, Capitaine de cinquante hommes d'armes, Lieutenant general du Roy és Pays de Poitou, Sainctonge, & la Rochelle, & depuis Lieutenant general au pays de Guyenne en l'absence du Roy de Nauarre, pere de Guy de Daillon, Comte

du Lude , auffi Senefchal d'Anjou, Gouverneur de Poictou , & Capitaine de cinquante hommes d'armes. Duquel est iffu François de Daillon, Comte du Lude , pareillement Senefchal d'Anjou, & Capitaine de cinquante hommes d'armes.

JEAN de Daillon, premier du nom Seigneur du Lude , qui viuoit du Regne des Roys Charles VII, & Louys XI, & feut premier Gentil-homme de la chambre du Roy , Capitaine de fa porte , Capitaine de cent hommes d'armes des Ordonnances , Gouverneur d'Alençon, Bailly de Constantin, & depuis Gouverneur du Daulphiné , eftoit pere du diét Jacques de Daillon , Seigneur du Lude.

¶ P A G. 225. *la bonne Duchefse.*)

ELLE s'appelloit Anne. Et eftoit fille de Galeas Marie Sforce , Duc de Milan , & de Bonne, fille de Louys, Duc de Sauoye. Et le diét Galeas, fils de François Sforce, premier du nom Duc de Milan.

¶ P A G. 225. *combien que son mary feust faige & hardy Prince.*)

C'ESTOIT Alphonse premier du nom Duc de Ferrare, fils de Hercules I, & pere de Hercules II, qui feut pere d'Alphonse II, lesquels feurent auffi Ducs de Ferrare.

¶ P A G. 225. *le gentil Seigneur de Montoifon.*)

IL s'appelloit Philebert de Clermont. Et eftoit de la Maifon de Clermont du Daulphiné. De laquelle font ifsus les Seigneurs de Dampierre , de Toury , & de Montoifon , & encores les Comtes de Clermont, & de Tonnerre.

¶ P A G. 234, & 235. *Et aux approches feut tué vn gail-lard Gentil-homme le Seigneur de Lorges, qui estoit alors Lieutenant du Capitaine Bonnet, qui auoit mille hommes de pied. Et en son lieu le feut vn sien ieune frere, qui depuis a faict de belles choses.)*

C E S deux freres estoient de la Maison de Mont-gomery, de laquelle sont venus les Comtes de Montgomery en Normandie.

¶ P A G. 235. *au gentil Duc de Lorraine.)*

C' E S T O I T Antoine, Duc de Lorraine, qui se trouua és batailles d'Aignadel, & de Marignan, avec les Roys Louys XII, & François I. Il estoit fils de René, Duc de Lorraine, & frere aîné de Claude, Duc de Guyse, de Louys, Comte de Vaudemont, qui mourut au voyage de Naples l'an 1528, & de François Comte de Lambesque, lequel mourut à la bataille de Pauie l'an 1525. Et feut pere de François, pere de Charles II, pere de Héry, Ducs de Lorraine.

¶ P A G. 242. *alla de vie à trespas le bon Seigneur de Chaumont.)*

C E Seigneur de Chaumont, s'appelloit Charles d'Amboise. Et a esté grand Maistre, Marechal, & Admiral de France, & Lieutenant general pour le Roy au Duché de Milan. Il estoit pere de George d'Amboise, Seigneur de Chaumont, qui mourut à la bataille de Pauie, l'an 1525. Et auoit deux freres, Louys d'Amboise, Cardinal, & Euesque d'Alby, & Guy d'Amboise, Seigneur de Ruel, Capitaine de cent Gentils-hommes de la Maison du Roy.

S O N pere Charles d'Amboise, premier du nom,

Seigneur de Chaumont, Gouverneur & Lieutenant general de Champagne, & de Bourgogne, estoit fils de Pierre d'Amboise, Seigneur de Chaumont. Lequel vivoit du Regne des Roys Charles VII, & Louys XI, & eut de Anne de Bueil, sœur de Jean de Bueil, Comte de Sancerre, & Admiral de France, outre ledict Charles premier, huiet autres fils.

1. Jean d'Amboise, Evesque de Langres.
2. Aimery d'Amboise, grand Maistre de l'Ordre de Saint Jean de Ierusalem à Rhodes.
3. Louys d'Amboise, Evesque d'Alby, Lieutenant pour le Roy en Languedoc, & Guyenne.
4. Jean d'Amboise, Seigneur de Bucy, Gouverneur de Normandie, pere de Jacques d'Amboise, Seigneur de Rennel, & de Bucy, de Jean d'Amboise, Evesque de Langres, de George d'Amboise, Cardinal, & Archevesque de Roüë, de Geoffroy d'Amboise, Abbé de Clugny, & de Jacques d'Amboise, Seigneur de Vauray.
5. Pierre d'Amboise, Evesque de Poictiers.
6. Jacques d'Amboise, Evesque de Clermont, & Abbé de Clugny.
7. George d'Amboise, Evesque de Montauban, puis Archevesque de Roüen, Cardinal, & Legat à *latere* en France.
8. & Hugues d'Amboise, Seigneur d'Aubijoux, Seneschal de Beaucaire, Chevalier del'Ordre du Roy, & Capitaine de cent Gentils-hommes de sa Maison, pere de Jacques d'Amboise, Baron d'Aubijoux, lequel feut pere de Louys d'Amboise, Comte d'Au-

bijoux, Cheualier des deux Ordres du Roy, Capitaine de cinquante hommes d'armes, & Lieutenant pour le Roy en Albigeois, & Lauraguais, pere de George d'Amboise, Baron de Caſobon, de Iacques d'Amboise, Comte d'Aubijoux, Capitaine de cinquante hommes d'armes, tué à la bataille de Coutras l'an 1587, & de François d'Amboise, auffi Comte d'Aubijoux.

¶ P A G. 244. *il deſſeit cinq cent Suiffes.)*

P A V L Ioue, Vitæ Leonis X, Pont. max. lib. 2.

HEL VETII bellum, vti ſuperiore anno fecerant, in Inſubria renouarunt. A Verbanogne lacu descendentes, fugatis vndique Gallorum præſidijs, ad Mediolori vſque mœnia delati ſunt. Gaſto Foiſejus coniunctis vndique copijs contra Heluetios proſectus circa Mediolanũ, ita eos equæſtribus prælijs fatigauit, vt ab agmine vexillisque diſcedere non auderent, cùm inermes & diſperſi pedites à confertis cataphractis equitibus facile caderentur. Quibus prælijs Bayardi & Baronis Contini ſingularis virtus enituit. Sed Continus cùm maiore animo quàm conſilio hoſtes perſectus in vllam irrupiſſet circumuentus ab hoſtibus interiit. Cæterum Heluetij victi aſperitate hyemis, annona penuria ſubacti, & frequentibus equitum prælijs ſæpè cum incommodo laceſſiti, cùm neque torminta, neque equites, neque vllum omninò iuſtæ expeditionis apparatus attuliſſent, vti ſuperiore anno fecerant, cuncta in reditu diripientes vexillo domum verterunt.

¶ P A G. 263. *le grand Senefchal de Normandie.)*

I L ſ'appelloit Louys de Brezé. Et eſtoit Capitaine de cent Gentils-hommes de la Maïſon du Roy.

¶ P A G. 284. *Philippes de Friberg.*)

IL estoit du pays de Sueue en Allemaigne.

¶ P A G. 288. *le Seigneur de Crussol.*)

IL s'appelloit Iacques de Crussol. Et estoit Capitaine de deux cent archers François de la garde du corps du Roy. Il feut és batailles d'Aignadel, & de Rauenne. Et de luy sont venus les Ducs d'Vzes, Pairs de France. Voyez la Genealogie de Crussol és Annotations sur l'Histoire du Roy Louys XII.

¶ P A G. 289. *le Seigneur d'Esby, Maistre de l'artillerie*)

IL se nommoit François de Beusserailhe.

¶ P A G. 289. *le Seigneur de Chastillon, Preuost de Paris.*)

C'ESTOIT Iacques de Coligny. Et estoit frere aîné de Gaspar, Seigneur de Fromente, & depuis Seigneur de Chastillon, & Marechal de France, pere de Gaspar, Admiral de France, & de François, Seigneur d'Andelot, Colonel de l'Infanterie Française.

¶ P A G. 289. *Et y fait tres-bien son debuoir le Vicomte d'Estoge.*)

IL s'appelloit René d'Anglure. Et feut pere de François d'Anglure, Vicomte d'Estoge, pere de Iacques d'Anglure, Vicomte d'Estoge, & de René d'Anglure, Seigneur de Giury, lequel feut pere d'Anne d'Anglure, Seigneur de Giury. Celuy qui se trouua és batailles de Senlis, & d'Iury, & aux sieges de Paris & de Roüen, & feut tué l'an 1594, au siege de Laon.

¶ P A G. 295. *d'un fort gaillard Gentil-homme appelé Basillac.*)

BASILLAC est en Bigorre.

¶ P A G. 298. *le Seigneur de Lautrec, son cousin, qui feit merueilles d'armes ce iour.)*

IL s'appelloit Odet de Foix, & mourut au siege de la ville de Naples l'an 1527. Et estoit fils de Iean de Foix, Vicomte de Lautrec, & de Ieanne, heritiere des Seigneuries de Lescun, & del'Esparre. Et frere aîné de Thomas de Foix, Seigneur de Lescun, & Marechal de France, qui feut tué à la bataille de Pauiel l'an 1525, & d'André de Foix, Seigneur de l'Esparre, qui mourut l'an 1547.

ET le dict Iean de Foix, Vicomte de Lautrec, fils de Pierre de Foix, aussi Vicomte de Lautrec, & de Villemur, frere puisné de Gaston IV Comte de Foix.

¶ P A G. 306. *mais ne tirez plus auant.*

SYMPHORIAN Champier, en l'Histoire du Cheualier Bayard.

ET si Monseigneur le Duc de Nemours eust creu Bayard, n'eust pas suiuy les ennemis, comme il feit apres la bataille gaignée.

¶ P A G. 308. *Il auoit vn Capitaine sous luy, nommé Fabian, vn des beaulx & grands hommes qu'on veit iamais.)*

IL s'appelloit Fabian de Schlaberfdorf. Et estoit du pays de Saxe.

¶ P A G. 310. *Dedans le canal feut noyé le fils du Seigneur d'Alegre, nommé Viuerots, & son pere tué à la deffaicte des gens de pied.*

SYMPHORIAN Champier en l'Histoire du Cheualier Bayard.

AVSSI

AVSSI mourut Monsieur du Molart, hardy Capitaine, Lieutenant du Daulphiné, le hardy Capitaine Iacob, le Capitaine Maugeron du Daulphiné, & plusieurs autres Capitaines de grand renom. Et principalement le Seigneur d'Alegre, & son fils. Dont feut moult grand dommaige de tous deux. Le pere estoit preux Cheualier, & de grand conduicte. Le fils estoit moult cheualeureux, nepueu de Monsieur le Marechal de Chabannes.

¶ P A G. 312. Car le nompareil en prouesse qui feut au monde pour son aage y mourut. Ce feut le gentil Duc de Nemours.)

SYMPHORIAN Champier, en l'Histoire du Cheualier Bayard.

CE Duc de Nemours, nepueu du Roy, estoit moult vaillant Prince, hardy aux armes, & aimé d'un chascun. Et n'y auoit François soubz luy qui volontiers ne se voulust exposer de mettre en danger sa vie pour luy.

ET derechef,

ET si feut moult grande perte aux François de la mort du Seigneur Duc de Nemours. Car c'estoit le plus hardy & cheualeureux Prince, qui feut au residu du monde, aimé d'un chascun, & de toute la Nation Françoisse. Et ne mourut oncques Prince en guerre plus plainct des siens que luy. Il estoit doux & gracieux à un chascun. Qui estoit cause qu'il estoit aimé de toutes gens.

IL estoit fils de Jean de Foix, Vicomte de Narbonne, fils de Gaston I V, Comte de Foix, & de Bigorre, & Seigneur de Bearn. Lequel estoit fils de Jean, aussi Comte de Foix, & de Bigorre, & Seigneur de Bearn, fils d'Archambauld de Grailly, Captal de

Buch, Vicomte de Benauges, & de Castillon; & d'Isabelle, heritiere des Comtez de Foix, & de Bigorre, & de la Seigneurie de Bearn.

LES mêmes Archambauld, & Isabelle eurent vn autre fils nommé Gaston de Foix, Captal de Buch, & Comte de Benauges, pere de Gaston de Foix, deuxiesme du nom, Captal de Buch, Comte de Benauges, & Vicomte de Castillon. Qui espousa l'heritiere de la Comté de Candale en Angleterre. De laquelle il eut Iean de Foix, Comte de Candale, & de Benauges, Vicomte de Castillon, & de Meille, & Captal de Buch, pere de Gaston de Foix, Comte de Candale, & de Benauges, & Captal de Buch. Lequel de Marthe d'Estrac, heritiere du Comté d'Estrac en Gascongne, eut Federic de Foix, pere de Henry de Foix, Comtes de Candale, de Benauges, & d'Estrac, & Captaulx de Buch.

ET pour le regard du dict Iean de Foix Comte de Candale, il eut outre le dict Gaston Comte de Candale vn autre fils nommé Iean Vicomte de Meille, & Seigneur de Gursen en Perigort. Duquel sont venus les Comtes de Gursen.

¶ P A G. 328. *Es entre autres y estoit le Duc de Suffolc, Capitaine general de tous les lansquenets.*)

IL estoit de la Maison de la Poole en Angleterre.

¶ P A G. 329. *Dedans estoit ce gentil Cheualier Espagnol, que l'on nommoit l'Alcayde de los donzeles.*)

IL s'appelloit Didago Fernandez de Cordoüe.

¶ P A G. 332. *Et y feurent les enfans de Messire Robert de la Marche, qui auoient charge des lansquenets, quasi*

laissez pour morts, & les alla querir leur pere dedans vne fosse.)

MARTIN du Bellay, Seigneur de Langey, au 1.
liure de ses Memoires.

ET mesmes entre autres le Seigneur de Fleuranges, leur general, & le Seigneur de Iamets, son second frere, demurerent parmy les morts. De quoy Mefire Robert de la Marck leur pere aduerty, avec cent hommes d'armes, dont il auoit la charge, tourna la teste droit à l'ennemy. Et feit vne si furieuse charge, qu'en bien combatant veint iusques aux lieux où estoient couchez ses enfans parmy les morts. Et chargea l'aîné sur son cheual, & l'autre sur celuy d'un sien homme d'armes. Et en despit des ennemis les tira hors du danger, non sans qu'ils eussent des coups infinis, tant au visage, à la gorge, qu'à autres lieux. Mais à l'ayde de Dieu, & des bons Chyrgiens, la vie leur feut sauuée.

¶ P A G. 332, & 333, & feit son Lieutenant general le Seigneur de Piennes, Gouverneur au dict pays.)

IL s'appelloit Louys de Haleuvin. De luy sont venus les Seigneurs de Piennes, & de Megnelay.

¶ P A G. 333. le Seigneur de Teligny, Seneschal de Rouergue, Capitaine saige, & asseuré.)

IL s'appelloit François de Teligny. Et feut pere de Louys, qui eut vn fils nommé Charles, & vne fille nommée Marguerite. Charles, Seigneur de Teligny, feut conjoint par mariage avec Louyse de Coligny, fille de Gaspar de Coligny, Seigneur de Chastillon, & Admiral de France. Et Marguerite, feut femme de François, Seigneur de la Nouë. Lequel en a eu deux fils, Odet, Seigneur de la

Nouë, & Theophile, Seigneur de Teligny.

¶ P A G. 333. *Et vn autre du pays mesme appelé le Seigneur de Pondormy.)*

I L s'appelloit Antoine de Crequy. Et estoit fils de Iean de Crequy, sixiesme du nom, Seigneur de Canaples, fils de Iean V, Seigneur de Crequy, & de Canaples, faict Cheualier de la Toison d'or par Philippes le bon Duc de Bourgongne. Iean de Crequy septiesme du nom Seigneur de Canaples, frere aîné du dict Antoine, feut pere de Iean V I I I, Seigneur de Canaples, pere de Marie de Crequy, femme de Gilbert de Blanchefort, Seigneur de Sainct Ianurin. Duquel mariage veint Antoine de Crequy, Seigneur du dict lieu, & de Canaples, pere de Charles, Marquis de Crequy.

¶ P A G. 342. *Le Roy d'Angleterre durant ce temps le fait practiquer pour estre à son seruice, luy faisant presenter beaucoup de biens. Mais il perdit sa peine. Car son cœur estoit du tout François.)*

L E mesme voulut faire le Pape Iules I I, lequel n'y gaigna rien dauantaige.

S Y M P H O R I A N Champier en l'Histoire du Cheualier Bayard.

E T au retour du Garillan, le Pape Iules I I voulut faire Capitaine de l'Eglise le noble Cheualier Bayard. Mais oncques ne le voulut accepter. Si respondit qu'il remercioit le Pape de son bon vouloir grandement. Mais qu'il auoit vn Seigneur au ciel, & vn autre en terre. C'estoit Dieu au ciel, & le Roy de France en terre. Et que autre ne seruiroit en ce monde. Dont feut tres-desplaisant Pape Iules. Et

dict que c'estoit la coustume des François de ainsi aimer leur Prince naturel.

¶ P A G. 344. *le vertueux Seigneur de la Trimouille.*)

IL s'appelloit Louys de la Trimouille. De luy & de Gabrielle de Bourbon, sa femme, (fille de Louys Comte de Montpensier, & sœur de Gilbert, Comte de Montpensier, qui feut pere de Charles dernier Duc de Bourbon,) sont venus les Seigneurs de la Trimouille, Ducs de Thouars, & Pairs de France. Et encores les Marquis le Royan, & de Noirmonstier. Ainsi qu'il se peut veoir és Annotations sur l'Histoire du Roy Louys XII.

IL feut Admiral de Guyenne, & de Bretagne, premier Chambellan des Roys Charles huitième, & Louys douzième, & Gouverneur & Lieutenant general des Duchez de Bourgongne, & de Milan.

¶ P A G. 346. *Car de plus magnanime, plus vertueuse, plus sage, plus liberale, ne plus accomplie Princesse n'auoit porté Couronne en France depuis qu'il y a eu tiltre de Royn.*)

CLAUDE de Seyssel, Archeuesque de Turin, en l'Histoire du Roy Louys XII.

CAR de sens, de prudence, d'honesteté, de venusté, de courtoisie, & de gracieuseté, il en est bien peu qui en approchent, moins qui soient semblables, & nulle qui l'excede. Et pour sa parfaicte felicité en ce monde estoit bien requis au dict Roy Louys d'auoir vne telle compaignie.

ET François Guichardin au 12. liure de son Histoire.

MORI *Anna Reina di Francia, Reina molto pre-*

stante, & molto cattolica, con grandissimo dispiacere di tutto il Regno, & de popoli suoi della Bretagna.

¶ P A G. 349. *Le bon Prince feut plainct & ploré de tous ses subjects. Et non sans cause. Car il les auoit tenus en paix, & en grande Iustice.)*

FRANÇOIS Guichardin, au 12. liure de son Histoire.

LVIGI XII, *Re di Francia muore il primo di dell' anno mille cinquecento quindicici Regiusto, & molto amato da popoli suoi.*

¶ P A G. 350, & 351. *du Comte de Nassauu.)*

IL s'appelloit Henry de Nassauu. Et estoit frere aîné de Guillaume Comte de Nassauu, pere de Guillaume Prince d'Oreng.

RENE' de Chalon, Prince d'Oreng, Gouverneur de Holande, Zelande, & Frise, & Viceroy de Naples, fils du dict Henry, Comte de Nassauu, & de Claude, fille de Iean de Chalon, & sœur de Philebert de Chalon, Princes d'Oreng, institua le dict Guillaume, Prince d'Oreng, son cousin germain son heritier en la dicte Principauté d'Oreng.

¶ P A G. 351. *qui tenoit tout le pays en appatis, & en faisoit ce qu'il vouloit.)*

P A V L V S Æmylius, Francor. Histor. lib. 9. in Carolo VI.

P A C E M, *qui circumcolebant ab eis redimebant, vt tutò agros colere, manereque domi cum coniugibus liberisque sibi liceret, ingentemque pro se quisque mercedem paciscebantur, eo nomine, vti ab iniuria maleficioque caterorum prohiberentur, Iique pactitij vocabantur.*

¶ P A G. 355. *le gentil Seigneur de Humbercourt.)*

IL s'appelloit Adrian de Brimeu. Et estoit de la Maison de Brimeu, de laquelle sont venus les Comtes de Megen és Pays bas.

¶ P A G. 356. *quand il entendit les noms des Capitaines, qui estoient là assemblez, se rendit au plus grand regret du monde.)*

L'HISTOIRE du recouurement du Duché de Milan faiët en l'an mille cinq cent quinze par le Roy François I, imprimée avec l'Histoire du Roy Louys XII.

ET en celle mesme heure que le dict passaige se faisoit, Messire Jacques de Chabannes, Seigneur de la Palisse, Mareschal de France, le Seigneur d'Aubigny, le Seigneur d'Imbercourt, & le Capitaine Bayard, avec le nombre de trois cent hommes d'armes, feurent aduertis de Prossere Colonne, tenant le party du dict Maximilian, qu'il estoit logé avec trois cent hommes d'armes en vne ville appelée Villefranche, feirent les dict Mareschal & Capitaines dessus dictz leur entreprinse. Et passerent vne riuieire, & donnerent sur le logis du dict Prossere Colonne. En telle façon que iceluy Prossere Colonne, & toute sa bande à esté prinse, & deffaïte sans en eschapper vn.

MARILLAC, Secrétaire de Charles dernier Duc de Bourbon, en l'Histoire du dict Duc de Bourbon.

LE Mareschal de la Palisse, & avec luy les Seigneurs d'Aubigny, d'Ymbercourt, & le Capitaine Bayard, & plusieurs autres passerent les monts en Piedmont au dessus de Salusses. Où par nouvelles espies feurent aduertis que Prossere Colonne & ses quatre cent lances estoient venus

disner & repaistre en vne petite villette appellée *Villefranche*, qui est sur la riuiera du Po, laquelle il falloit passer pour y venir. Ils passerent outre, & veindrent iusques à la dicté riuiera, laquelle ils trauerferent. Et ayans passé la dicté riuiera, coururent à bride abatuë iusques à la dicté ville, qui n'est loing que pour abrenuer vn cheual. Aussi à l'heure le dict *Prosper* & ses gens estoient à table se rafraischissans. Et quand feurent à la veüe de la porte la virent ouuerte. Parquoy picquerent de plus grand force, & entrerent en ladicte ville de *Villefranche*, & preindrent le dict *Prosper* *Colonne*, & tous ses gens, cheuaulx, meubles, hardes, & sans qu'il eschappast aucune chose que tout feut butiné. Et se trouua le butin gros, & grand, & l'entreprinse belle, & honorable, & bien executée.

ET *Martin du Bellay*, Seigneur de *Langey*, au liure de ses *Memoires*.

IL feut rapporté qu'il y auoit vn passaige pres de *Roquesperuiere*, auquel les *Suisses* ne faisoient poinct de garde, parce qu'on n'y auoit iamais veu passer gens de cheual, & que par là on pourroit surprendre le dict *Prosper* *Colonne*. Le dict rapport faict, le Roy depescha le *Mareschal de Chabannes*, le Seigneur d'*Imbercourt*, le Seigneur d'*Aubigny*, le Seigneur de *Bayard*, le Seigneur de *Busby* d'*Amboise*, & le Seigneur de *Montmorency*, pour executer la dicté entreprinse. Le Seigneur d'*Imbercourt* arriua à la porte de *Villefranche* sur l'heure du disner, le *Mareschal de Chabannes*, & tout le reste, qui entrerent tous à cheual dedans la ville, où feut surpris le dict *Prosper* *Colonne* estant à table, lequel pour sauuer sa vie, bailla sa foy au dict Seigneur d'*Aubigny*.

¶ P A G. 360. *Et n'eust esté le Seigneur de Guise, qui résista à merueilles, & en fin feut laissé pour mort.)*

C'ESTOIT Claude de Lorraine, Duc de Guyse. Duquel sont issus les Ducs de Guyse, de Mayenne, d'Aumale, & d'Elbœuf. Il estoit fils de René, & frere d'Antoine, Ducs de Lorraine.

¶ P A G. 360. *le Duc de Bourbon, Connestable.)*

C'ESTOIT Charles Duc de Bourbon, qui mourut deuant Rome, estant du party de l'Empereur Charles quint.

¶ P A G. 360. *le gentil Comte de Saint Paul.)*

IL s'appelloit François de Bourbon. Et eust d'Adrienne, heritiere d'Estoutcuille, Marie femme de Leonor, Duc de Longueuille. Lequel en a eu deux fils. Henry, premier du nom Duc de Longueuille, (pere de Henry II, Duc de Longueuille,) & François, Comte de Saint Paul, pere de Leonor, Duc de Fronfac.

LE dict François de Bourbon, Comte de Saint Paul, estoit frere puisné de Charles Duc de Vendosme, pere d'Antoine, Roy de Nauarre, pere du Roy Henry le grand.

¶ P A G. 363. *le Comte de Sancerre.)*

IL s'appelloit Charles de Bueil. Et estoit frere de Louys Comte de Sancerre, pere de Iean Comte de Sancerre.

I A C Q V E S, Comte de Sancerre, pere des dictz Charles, & Louys, estoit fils d'Antoine, Comte de Sancerre. Et Antoine, fils de Iean Seigneur de Bueil, Comte de Sancerre, & Admiral de France. Auquel

le dict Comté de Sancerre feut adiugé par Arrest du Parlement donné en l'an 1451. Et ce, à cause de Marguerite, sa mere, fille de Marguerite, Comtesse de Sancerre, laquelle feut mariée à Berauld, Dauphin d'Auvergne. Du Tillet, au Chapitre des Comtes de Blois, & Champagne.

¶ P A G. 364. *Le Roy le voulut grandement honorer. Car il print l'Ordre de Cheualerie de sa main.*)

L'HISTOIRE du recouurement du Duché de Milan faict en l'an 1515, par le Roy François I, imprimée avec l'Histoire du Roy Louys XII.

A V S S I feut le Capitaine Bayard. Duquel pour la grand proïesse & hardiesse que le Roy veid en sa personne, voulut estre faict Cheualier de sa main. Ce qu'il feut comme quasi contrainct, soy excusant de ce estre non digne. En donnant l'honneur aux Princes & grands Seigneurs illec estās. Et nonobstant son excuse, le Roy voulut recenoir l'Ordre de Cheualerie de sa main, comme de Cheualier vertueulx & essprouuē en armes.

S Y M P H O R I A N Champier, en l'Histoire du Cheualier Bayard.

A V dict camp de Sainct Don pres Milan seiourna le Roy aucuns iours. Si voulut faire & creer Cheualiers ceux qui l'auoient serui en ceste bataille. Et pource qu'il appar-
tient par l'Ordre de Cheualerie au seul Cheualier creer & faire vn autre Cheualier, le Roy auant de creer des Cheualiers appella le noble Cheualier Bayard. Si luy dit Bayard mon amy, Je veulx que auiourd'huy soye faict Cheualier par vos mains. Pource que le Cheualier qui a combattu à pied & à cheual en plusieurs batailles entre tous au-

tres, est tenu & reputé le plus digne Cheualier. Or est ainsi de vous, que auez en plusieurs batailles & conquestes vertueusement combatu contre plusieurs Nations. Aux paroles du Roy respond Bayard, Sire, Celuy qui est Roy d'un si noble Royaume est Cheualier sur tous autres Cheualiers. Si dit le Roy Bayard despechez vous, Il ne faut icy alleguer ne loix, ne canons, soyent d'acier, cuiure, ou de fer. Faictes mon vouloir, & commandement, si vous voulez estre du nombre de mes bons seruiteurs, & subjects. Certes respond Bayard. Sire, si ce n'est assez d'une fois, puis qu'il vous plaist, ie le feray sans nombre, pour accomplir moy indigne vostre vouloir, & commandement. A lors preint son espée Bayard, & dict, Sire, Autant vaille que si c'estoit Roland, ou Oliuier, Godefroy, ou Baudouin, son frere. Certes vous estes le premier Prince que oncques feis Cheualier. Dieu veuille que en guerre ne preniez la fuite. Et puis apres par maniere de ieu cria haultement, l'espée en la main dextre. Tu es bien heureuse d'auoir auioir d'huy à un si vertueux & puissant Roy donné l'Ordre de Cheualerie. Certes ma bonne espée vous serez moult bien comme reliques gardée, & sur toutes autres honorée. Et ne vous porteray iamais si ce n'est contre Turcs, Sarrafins, ou Maures. Et puis fait deux faults, & apres remeit au fourreau son espée.

MARTIN du Bellay, Seigneur de Langey, au i.
liure de ses Memoires.

LE Roy menoit la bataille, accompagné du Duc de Lorraine, du Duc de Vendosme, du Comte de Saint Paul, du Seigneur d'Orual, de Messire Louys, Seigneur de la Trimouille, du Duc d'Albanie, du bastart de Sauoye,

de Messire Odet de Foix, Seigneur de Lantrec, du Capitaine Bayard, (auquel le Roy feit cest honneur de vouloir recevoir de sa main l'Ordre de Cheualerie, le iour de la bataille,) & de plusieurs autres Capitaines de gend'armerie.

ET Paul Ioue, de Vita magni Consalui, lib. 2.

BAYARDVS, tanquàm longè pugnacissimus, opinionione omnium existimatus, à Francisco Gallorum Rege promeruit, vt ante alios deligeretur, à quo ipse ad Mediolanum acie victor, profligatus Heluetijs, equestris ordinis insignia susciperet.

LE mesme Histor. lib. 15.

EO duplici prælio, hesternoque præsertim, cùm Rex ipse eximij bellatoris laudem adeptus consensu gratulantium procerum equestri honore dignissimus censeretur, eius dignitatis ornamenta de manu Bayardi viri fortissimi lubens accepit. Bayardum ideò ceteris prætulit, quòd acerrimè inter hostes pignantem conspexerat, nec maiores duces inuidioso delectu ad id munus tanquàm inter se dignitate pares offendere vellet, simulque Bayardum præclaro iudicij sui testimonio celebrem perpetuò sibi diuinciret.

OR d'autant que l'Ordre de Cheualerie a tousiours esté fort estimé par les François, & aussi par les Espagnols, Allemans, & autres Nations, & afin que ceulx qui portent le tiltre honorable de Cheualier, sçachent & obseruent d'autant mieulx ce qui est de leur debuoir, il est vtile & à propos de représenter en ce lieu les ceremonies & solemnitez qui s'y obseruoient anciennement. Dont voicy deux notables Exemples.

LE premier est de Iean, depuis II, du nom Roy de

Portugal, (fils du Roy Alphonse V,) lequel son pere feit Cheualier l'an 1471 en l'Eglise de la ville d'Arzile, au Royaume de Fez en Afrique.

L O V V s de Marmol, au 4 liure de l'Histoire d'Afrique, chap. 54.

COMO el Rey Don Alonso vno acabado de rendir la Ciudad de Arzila, luego se fue à la mezquita major, donde le estauan ya esperando los de su Capilla, con los frayles, y clerigos, que yuan en el exercito. Y dando muchas gracias à Dios por tanto bien y merced como le auia hecho en darle aquella victoria, cantando Hymnos, y Psalmos entro dentro. Y se fue derecho à hazer oracion a vna cruz, que estaua puesta sobre el cuerpo de Don Iuan Coutiño, Conde de Marialua.

Y PARESCIENDO le que era buena conyuntura aquella para armar Cauallero al Principe Don Iuan, le hizo hincar de rodillas en aquel lugar, precediendo algunas ceremonias necessarias para aquel acto. Y sacando le de la vayna la espada que tenia ceñida, le dixo en alta boz. Hijo, grande don es el que emos rescibido oy de Dios nuestro Señor. Pues demas de nos auer dado vna tan fuerte y tan noble Ciudad como esta, nos dio lugar y tiempo tan apropiado para que con iusto merecimiento podays entrar en la Orden de la Caualleria, y seays armado Cauallero de mano de vuestro Rey, y padre. Por tanto quiero que primero sepays que cosa es ser Cauallero, y en que consiste la orden de los Caualleros.

S A B E D hijo, que esta es vna virtud mezclada con poderio honroso, segun naturaleza muy necessario para con el poner paz en la tierra, quando la cudia, o la tirannia,

con deſſeo de reynar, inquietan los Reynos, las Republicas, y las personas particulares.

EL estatuto y regla de eſta orden obliga a los Caualleros a que depongan de ſus Eſtados a los Reyes y Principes que no guardan Juſticia, y a que pongan en ſu lugar otros de la meſma Orden que la guarden.

TAMBIEN ſon obligados a guardar lealtad a ſus Reyes, a ſus Señores, y a ſus Capitanes, y a darles buenos conſeios. Porque el Cauallero que tiene la fe obligada, y no cumple con ella, es como el hombre en quien Dios infunde razon natural, y no quiere uſar de ella.

DEVEN los Caualleros ſer liberales, y en las guerras ſus bienes comunes a los otros. Saluo los caualllos, y las armas de ſus personas, que eſtan reſervadas para con ellas ganar honra.

DEMAS de eſto ſon obligados a morir por ſu Ley, y por ſu tierra.

SON amparo de los deſamparados. Porque aſi como la orden ſacerdotal fue ordenada por Dios para ſu culto diuino, la de la Caualleria fue inſtituyda por el para mantener Juſticia, y para deſenſa de ſu Ley.

TIENEN los Caualleros obligacion de fauoreſcer a las biudas, y a las huerfanas, y a los pobres, y deſamparados. Y los que eſto no hizieren no ſe pueden llamar Caualleros.

ESTAS ſon las cargas y obligaciones de la Orden de la Caualleria. Ved hiyo, ſi la quereys con ellas. El Principe dixo que ſi.

ENTONCES dixo el Rey, pues vueſtra voluntad es tal, prometeys de guardar y cumplir y hazer guardar y

cumplir lo que os tengo dicho, con todas las otras buenas costumbres, fueros, y Leyes, que pertenescen a la Orden de Caualleria? Si, dixo el Principe.

P V E S assies, dixo el Rey, yo os hago y armo Cauallero, en el nombre de Dios padre, hijo, y Spiritu sancto, tres personas, y vn solo Dios verdadero. Y tocando a cada vno de estos sanctos nombres, con la espada desnuda en la celada, que el Principe tenia puesta en la cabeza, le dixo al cabo, Hijo, plega a Dios, que el sea seruido hazer os tan buen Cauallero como fue Don Iuan Coutiño, cuyo cuerpo muerto yaze par de vos passado de muchas heridas, que por seruicio de Dios y nuestro recibio este dia. Y besandole en el rostro le leuanto de la mano. El qual poniendo otra vez las rodillas en el suelo, le beso la mano con mucha reuerencia.

ET le second de Guillaume, Comte de Hollande, le quel apres auoir esté esleu Roy des Romains feut faict Cheualier l'an 1247 à Colongne, par le Roy de Boheme.

I E A N de Beka, (Chanoine d'Vtrecht, qui viuoit l'an mille trois cent cinquante,) in Chronico Episcoporum Vltraiectinorum, & Comitum Hollandiæ, & l'Auth eur del'Histoire intitulée magnum Chronicum Belgicum, ex bibliotheca Pistorij, Composée du temps de Charles dernier Duc de Bourgogne.

Q V O N I A M Vuilhelmus Comes Holladiæ, electionis suæ tempore vicesimum agens annum fuit armiger, cum festinatione preparata sunt omnia quacunque fuerunt necessaria, vt secundum ritum Chrificolarum Imperatorum

miles fieret, antequàm Aquisgrani diadema Regni susceperet.

PRÆPARATIS in Ecclesia Colonienſi omnibus, poſt Euangelium ſolemniſſiſſe Miſſæ, prædictus Vuilhelmus armiger coràm Petro Caputio Sancti Georgij Cardinali, Papæ Legato à latere productus eſt, per Regem Bohemia, dicentem in hunc modum, *Vestra Reuerentia, Pater almiſſime, præſentamus hunc electum armigerum, deuotiſſimè ſupplicantes, vt ueſtra Paternitas votiuam eius profeſſionem ſuſcipiat, quò militari noſtro collegio dignè adſcribi poſſit. Dominus autem Cardinalis in Pontificalibus aſſiſtens ornamentis, eidem armigero dixit, ſecundum etymologiam eiufdem nominis, quod eſt miles. Oportet vnumquemque militare volentem, eſſe magnanimum, ingenuum, largiſſimum, egregium & ſtrenuum. Magnanimum quidem in aduerſitate, ingenuum in conſanguinitate, largiſſimum in honeſtate, egregium in curialitate, & ſtrenuum in virili probitate. Sed antequàm votum tuæ profeſſionis facias, cum matura deliberatione iugum regule priùs audias. Iſta itaque regula eſt militaris Ordinis. In primis cum deuota recordatione Dominica paſſionis Miſſam quotidie audire. Pro fide catholica corpus audacter exponere. Sanctam Eccleſiam cum miniſtris eius à quibuſcunque graſſatoribus liberare. Viduas, pupillos, ac orphanos in eorum neceſſitate protegere. Iniuſta bella vitare. Iniqua ſtipendia renuere. Pro liberatione cuiuſlibet innocentis daellum inire. Tyrocinia non niſi cauſa militaris exercitiij frequentare. Imperatori Romanorum ſeu eius patricio reuerenter in temporalibus obedire. Rempubicam illibatam in vigore ſuo permittere. Bona feudalìa Regni vel Imperij nequaquàm alienare.*

re. *Ac irreprehensibiliter apud Deum & homines in hoc mundo vivere. Hæc statuta militaris regulæ si deuotè custodieris, & pro virili diligenter adimpleueris, scias temporalem te honorem in terris, & post hanc vitam requiem æternam in cælis mereri.*

QVIBVS expletis, Dominus Cardinalis coniunctas manus eiusdem tyronis clausit in missali supra lectum Euangelium. Ita dicens, *Vis ergo militarem Ordinem in nomine Domini deuotè suscipere, & regulam tibi verbo tenus explicatam quantum potes perficere? Cui respondit armiger, Volo.*

ET tum Dominus Cardinalis subsequenter professionem armigero dedit, quam idem armiger palàm omnibus in hunc modum legit. Ego *Vuilhelmus Comes, Hollandiensis militiæ Princeps, sacrique Imperij vasallus, liber iurando profiteor regulæ militaris obseruantiam, in præsentia Domini mei Petri ad velum aureum Diaconi, Cardinalis, & Apostolica sedis Legati, per hoc sacrosanctum Euangelium quod manu tango. Cui Cardinalis, Hæc deuota professio peccatorum tuorum sit vera remissio. Amen.*

ISTIS itaque dictis, Rex Bohemiæ ictum impegit in collum tyronis, ita dicens, *Ad honorem Dei omnipotentis te militem ordino, ac in nostrum collegium gratanter accipio. Sed memento quoniam Saluator mundi coràm Anna Pontifice pro te colaphisatus, & illusus, coràm Pilato Præsidente flagellis cæsus, ac spinis coronatus, coràm Herode Rege chlamyde vestitus, & derisus, & coràm omni populo nudus & vulneratus in cruce suspensus est, cuius opprobria meminisse te suadeo, cuius crucem acceptare te consulo, cuius etiam mortem vlcisci te moneo.*

QVIBVS ita solemniter adimpletis, nouus tyro post dictam Missam, cum stridentibus buccinis, prostrepentibus tympanis, & tinnientibus cymbalis contra filium Regis Bohemiae tribus vicibus concurrit in hastiludio. Et exinde cum gladijs enitentibus dimicationis tyrocinium fecit. Celebrauitque magnificis expensis triduanam Curiam, ac donis largifluis cunctis magnatibus suam manifestauit honorificentiam.

¶ P A G. 367. *d'eulx deux est demeurée vne fille.)*

C'EST la Roynie Catherine de Medicis, femme du Roy Henry II, & mere des Roys François II, Charles IX, & Henry III.

¶ P A G. 367. *alla de vie à trespas l'Empereur Maximilian. Il auoit esté en son viuant de bonne nature, liberal autant que feut iamais Prince.)*

C'EST OIT l'Empereur Maximilian premier du nom, fils de l'Empereur Frideric III, issu en ligne masculine de Rudolphe, Comte de Habsbourg, lequel feut esleu Roy des Romains l'an 1273.

LE dict Empereur Maximilian I, de sa femme Marie, fille de Charles dernier Duc de Bourgogne, & heritiere des pays bas, & du Comté de Bourgogne, eut Philippes Archeduc d'Austriche. Qui de Ieanne, heritiere des Royaumes de Castille, Arragon, Naples, & Sicile, fille de Ferdinand, Roy d'Arragon, & d'Isabelle, Roynie de Castille, eut deux fils, Charles cinquiesme du nom Empereur, & Ferdinand, aussi Empereur.

LE dict Charles Empereur, espousa Isabelle, fille d'Emanuel, Roy de Portugal. De laquelle il eut

Philippe II, pere de Philippe III, Roys d'Espagne.

LE dict Ferdinand, Empereur, feut marié avec Anne, heritiere des Royaumes de Hongrie, & de Boheme, fille de Vladislaus, Roy de Hongrie, & de Boheme, de la Maison Royale de Pologne des Jagellons. Et en eut trois fils.

L'AÎNÉ feut Maximilian II, Empereur, & Roy de Hongrie, & de Boheme, pere de Rudolphe II, & de Mathias, aussi Empereurs, & Roys de Hongrie, & de Boheme.

LE second Ferdinand, Comte de Tyrol, & Landgraue d'Alsace.

ET le troisieme Charles, pere de Ferdinand, Ducs de Styrie, Carinthie, & Carniole.

¶ PAG. 367. *le Seigneur de Sedan, qu'on nommoit Mefire Robert de la Marck.*)

CE Robert de la Marck, Seigneur de Sedan, feut pere de Robert de la Marck, Marechal de France, pere de Henry Robert, Duc de Bouillon, qui feut pere de Robert Guillaume, & de Jean, Ducs de Bouillon.

¶ PAG. 370. *avec le ieune Seigneur de Montmorency.*)

C'ESTOIT Anne de Montmorency, Duc de Montmorency, Pair, Marechal, Grand Maistre, & Connestable de France. Lequel eut cinq fils, & quatre filles mariées.

LE fils aîné feut François de Montmorency, Duc de Montmorency, Pair, & Marechal de France.

LE second, Henry de Montmorency, Duc de Montmorency, Pair, Marechal, & Conneſtable de France, pere de Henry II, Duc de Montmorency, & d'Anuille, Pair, & Admiral de France.

LE troiſieſme, Charles de Montmorency, Duc d'Anuille, Pair, & Admiral de France.

LE quatrieſme, Gabriel de Montmorency, Seigneur de Montberon.

ET le cinquieſme Guillaume de Montmorency, Seigneur de Thoré.

L' AISNÉE des filles mariées feut Eleonor de Montmorency, femme de François de la Tour, Vicomte de Turenne, & mere de Henry de la Tour, Duc de Bouillon, & Marechal de France.

LA ſeconde, Ieanne de Montmorency, femme de Louys troiſieſme du nom Seigneur de la Trimouille, premier Duc de Thoüars, & mere de Claude, Seigneur de la Trimouille, Duc de Thoüars, & Pair de France, pere de Henry, Seigneur de la Trimouille, Duc de Thoüars, Pair de France, & Comte de Laual.

LA troiſieſme, Catherine de Montmorency, femme de Gilbert de Leuis, Duc de Ventadour, & mere d'Anne de Leuis, Duc de Ventadour, & Pair de France.

ET la quatrieſme, Marie de Montmorency, femme de Henry de Foix, Comte de Candale.

LE diët Anne de Montmorency, Conneſtable, eſtoit fils de Guillaume Baron de Montmorency, duquel le pere ſe nommoit Iean auſſi Baron de

Montmorency, qui deceda l'an 1473. Ayant eu de sa premiere femme leanne de Fosseux Jean de Montmorency Seigneur de Niuelle, & d'un quart de la Baronnie de Montmorency, duquel sont venus les Seigneurs de Horne, & de Montigny. Et encores un autre fils Louys de Montmorency Seigneur de Fosseux, d'où sont descendus les Barons de Fosseux, les Marquis de Tury & les Seigneurs de Hallot, de Creuecœur, de Bouteuille, & de Vuastines. Car le dict Guillaume estoit du second liët, & sa mere se nommoit Marguerite d'Orgemont.

¶ P A G. 371. *il donnoit tel couraige à ses gens, qu'ils pensoient tous estre en la meilleure & plus forte place du monde.)*

M A R T I N du Bellay, Seigneur de Langey, au liure de ses Memoires.

LE Comte de Nansau preint son chemin pour aller assieger Mesieres. Où il trouua le Seigneur de Bayard, homme experimenté, & sans peur, lequel le Roy y auoit enuoyé son Lieutenant general. Aussi peu de iours apres y entra Mesire Anne Seigneur de Montmorency, ieune homme de grand cœur. Avec le dict Bayard y auoit la compaignée de cent hommes d'armes du Duc Antoine de Lorraine, de laquelle compaignée estoit le dict Bayard Lieutenant. De gens de pied l'Escuyer Boucar, surnommé du Reffuge, avec mille hommes de pied, & le Baron de Montmoreau pareille charge. Mais estans les pieces en batterie, les gens du dict de Montmoreau, comme gens non experimentez entrerent en tel effroy, que malgré leurs Capitaines s'enfuirent les vns par la porte, les autres se iecterēt par

dessus les murailles. Mais le dict Seigneur de Bayard feut entendre aux autres soldats qu'il estoit bien aise de la dicte fuite. Parce qu'estans tant de gens à la garde de la dicte ville, ils n'eussent poinct eu d'honneur ny de reputation de soustenir l'effort de l'ennemy. Et que la ville estoit d'autant vuidée de gens de lasche cœur. Arrivé que feut le Comte de Nansau pres Mesieres, enuoya deuers les Chefs & Capitaines vn trompette, pour les sommer de rendre la ville à l'Empereur. Auquel trompette feut respõdu par le Seigneur de Bayard, que deuant que l'ouyr parler de sortir hors de la ville, de laquelle il auoit la charge, esperoit de faire vn pont de corps morts de ses ennemis, par dessus lequel il pourroit sortir. L'assurance du dict Seigneur de Bayard donnoit grand cœur aux soldats.

¶ PAG. 378. Ainsi feut leué le siege de deuant Mesieres, où le bon Cheualier sans peur, & sans reproche, acquist couronne de laurier.)

BOUCHET, en l'Histoire de Louys Seigneur de la Trimouille, imprimée à Poictiers l'an 1527, feuil. 174.

LE Roy de France en eut la victoire par le secours des Princes & bons Capitaines de France. Et entre autres Messire Pierre Terrail, qu'on appelloit le Capitaine Bayard, homme hardy, & prudent en guerre, qui sceut bien garder Mesieres.

ET feuil. 177.

IL y eut quelques gens occis d'une part & d'autre. Et mesmement Messire Pierre Terrail, natif du Daulphiné, qu'on appelloit le Capitaine Bayard, d'un coup de hacquebute à crochet. Qui feut gros dommaige. Car en parlant de

l'excellence des bons Capitaines, il ne doit estre mis hors du rang, mais en lieu evident, pour ses memorables faicts, & gestes, & pour les bons services par luy faicts aux Roys de France, tant au Garillan, recouurement de Gennes, prise de Bresse, que à la garde de Mesieres.

ET Mambrino Roseo, Vol. 2. del Compendio d'ell'Histoire di Napoli, lib. 1.

PRESE Cefare l'arme. Segui il suo essercito piu oltre assediando Mesieres, Citta di Francia. Alla guardia della quale andarono Anna Momoransi, hoggi gran Conestabile de Francia, & Bayardo, valoroso Francese, che la difesero dall' impeto delle gente Imperiali.

¶ PAG. 378. Il le feit Cheualier de son Ordre, & luy donna cent hommes d'armes en chef.)

SYMPHORIAN Champier, en l'Histoire du Cheualier Bayard.

APRES que les Allemans eurent leuë le siege de deuant Mesieres, le noble Bayard bouta garnison pour garder la ville, & veint deuant Mouson, qui incontinent se rendit au Roy, sans aucune resistance. Apres preint chemin Bayard deuers le Roy, & feut moult bien receu de luy, & de toute la Court. Et luy donna à celle heure le Roy cent hommes d'armes en chef. Car parauant estoit Lieutenant de la compaignée de Monseigneur de Lorraine. Et outre plus luy donna en signe de memoire des nobles gestes qu'il auoit faicts l'Ordre de Cheualerie de Saint Michel.

ET Martin du Bellay, Seigneur de Langey, au 1. liure de ses Memoires.

A v dict lieu de Feruacques, le Roy pour remuneration de la vertu du Sieur Bayard, luy donna cent hommes d'ar-

mes, & l'honora de son Ordre de Saint Michel.

¶ P A G. 380. *soubs la charge de son Admiral, le Seigneur de Bonniuet.)*

IL se nommoit Guillaume Gouffier. Son frere Artus Gouffier, Seigneur de Boisy, estoit grand Maistre de France. Et l'autre Adrian Gouffier, feut Cardinal.

¶ P A G. 380. *le Comte de Vaudemont.)*

IL s'appelloit Louys de Lorraine. Et feut tué à la bataille de Pauiel l'an 1525. Il estoit fils de René, Duc de Lorraine, & frere d'Antoine, Duc de Lorraine, & de Claude, Duc de Guyse.

¶ P A G. 383. *La plus part de tous les François monterent à cheual, & se retirerent selon la fortune tres-gaillardement.)*

BOUCHET, és Annales d'Aquitaine.

L' A D M I R A L de France enuoya le Capitaine Bayard à vn villaige nommé Rebec, où n'auoit aucune foresteresse. Et preint ceste charge, au moyen de la promesse que luy feit le dict Admiral de luy enuoyer dedans trois iours certain nombre de gens, pour la garde & defense du dict villaige. Ce qu'il ne peut faire. Par le moyen de quoy Bayard & ceulx de sa compaignée feurent assaillis de nuit en ce villaige par les Espaignols, qui veindrent en grande compaignée. Et apres long combat les François se sauluerent, fors six ou sept vingt cheuaulx que menoient les seruiteurs. Et si Bayard n'eust esté rusé cault & prudent eust esté prins. Car les Espaignols ne demandoient que luy.

¶ P A G. 384. *Le gentil Seigneur de Vendenesse.)*

IL s'appelloit Iean de Chabannes, & estoit Capitaine

pitaine de mille hommes de pied François à la bataille de Rauenne. Son frere Iacques de Chabannes, Seigneur de la Palisse, feut grand Maistre & Marechal de France. Et en est souuent faict honorable mention en ceste Histoire.

¶ P A G. 360. *Et demeura en cest estat, iusques à ce que vn ieune Gentil-homme, son Maistre d'hostel, luy ayda à descendre, & le meit sous vn arbre.)*

MARTIN du Bellay, Seigneur de Langey, au 2. liure de ses Memoires, & Bouchet és Annales d'Aquitaine.

MONSIEVR l'Admiral avec ce qu'il peut assembler de gend'armierie, demeura sur la queüe pour soustenir le fais. Où à la premiere charge il feut bleße d'une arquebouzade au trauers du bras. Duquel coup pour la grande douleur qu'il portoit feut contrainct de se retirer. Laisant la charge du reste de l'armée & de la retraicte au Comte de Saint Paul, & au Capitaine Bayard. Cependant le Viceroy debenda mille ou douze cent cheuaulx legers, & sept ou huit cent archouziers Espaignols, pour attacquer l'escarmouche, & amuser nostre armée, pendant qu'il y arriueroit avec la grosse troupe. Le Capitaine Bayard & le Seigneur de Vendenesse estans demeurez sur la queüe sousteindrent l'effort de ceste charge; mais tous deux y demorerent. Le Seigneur de Vendenesse mourut sur le champ. Et le Capitaine Bayard feut bleße d'une arquebouzade au trauers du corps. Lequel persuadé de ses gens de se retirer ne le voulut consentir. Disant n'auoir iamais tourné le derriere à l'ennemy. Et apres les auoir repoussez, se feit descendre par vn sien Maistre d'hostel, lequel iamais ne

l'abandonna. Et se feit coucher au pied d'un arbre, le visaige deuers l'ennemy. Où le Duc de Bourbon, lequel estoit à la poursuite de nostre camp, le vint trouver. Et dict au dict Bayard qu'il auoit grand pitié de luy, le voyant en cest estat, pour auoir esté si vertueux Cheualier; Le Capitaine Bayard luy feit responce, Monsieur il n'y a point de pitié en moy. Car ie meurs en homme de bien. Mais i'ay pitié de vous, de vous veoir seruir contre vostre Prince, & vostre patrie, & vostre serment. Et peu apres le dict Bayard rendit l'esprit. Et feut baillé sauſconduict à son Maistre d'hôtel, pour porter son corps en Daulphiné, dont il estoit natif.
 ¶ P A G. 387. *Tels piteux & lachrymables regrets faisoit le gentil Marquis de Pescare.)*

IL s'appelloit Ferrand François d'Aualos. Et estoit fils d'Alphonse d'Aualos, Marquis de Pescare au Royaume de Naples, & de Hippolite de Cardonne.

LE dict Alphonse, fils d'Iñico d'Aualos, qui espousa Antoinete d'Aquino, heritiere du dict Marquisat de Pescare, & d'autres grandes Seigneuries.

ET le dict Iñico, fils de Ruy Lopes d'Aualos, l'an 1390. Comte de Ribadeo, & Connestable de Castille.

A L P H O N S E d'Aualos, Marquis du Guast, Gouverneur de Milan, & Capitaine general en Italie de l'Empereur Charles quint, estoit de la mesme Maison d'Aualos, & cousin germain du dict Ferrand François.

¶ P A G. 390. *Et par les ennemis luy feut rendu vn beau*

pauillon, & vn liēt de camp, sur quoy il feut couché.)

PIERRE Martyr , Protonotaire Apostolique, & du Conseil des Indes, en ses Epistres imprimées à Alcalá de Henares, l'an 1530. lib. 37. Epist. Tabetarium, & Epist. Habemus, de Burgos, les mois de May & Iuin, 1524.

BAYARDVS, Gallorum Ducum strenuissimus, iētū simili vulneratus, in Marchionis Pescaria tentorijs obiit.

¶ PAG. 391. du Duc de Sauoye.)

C'ESTOIT Charles troisiēme du nom Duc de Sauoye, pere d'Emanuel Philibert, pere de Charles Emanuel, aussi Ducs de Sauoye.

¶ PAG. 392. feut conduict iusques à vne Religion de Minimes, à demie lieüe de la ville, où il feut honnorablement enterré.)

SYMPHORIAN Champier, en l'Histoire du Cheualier Bayard.

QUELQUE temps apres le corps de Bayard feut porté à Grenoble. Et feut par Messieurs de la Iustice, & les Gentils-hommes du pays, & par ceulx de la ville receu en moult grand honneur, & grand dueil, plainēt d'un chascun. Et ne feut de vie d'homme tant regreté Seigneur, ne autre d'un chascun, que le noble Bayard. Apres que feut porté le corps à Grenoble, feut mis au Couuent & monastere des Minimes, lequel auoit fondé & fait edifier Monseigneur Laurent des Alemās, oncle du dict Bayard, Euesque de Grenoble. Et pource que à son trespas le noble Seigneur Bayard auoit ordonné estre sepulture avec ses pere & mere au lieu de Grenion, feurent assemblez les parens là où il debuioit estre inhumé. Et feut dict que pource

qu'il auoit esté Lieutenant du Gouverneur du pays, & que Grenoble estoit le chef de la Iustice Delphinale, seroit meilleur qu'il feust ensepulturé au Couuent des Minimes, lequel auoit esté construit par son Oncle Monsieur de Grenoble. Et ainsi feut faict. Et feurent les obseques & funerailles faictes comme sil eust esté non vn Lieutenant ou Gouverneur, mais vn Prince.





T A B L E.

A

A BBÉ d'Esnay pres de Lyō,	181, 186, 200, 201, 203, 204, 205,
oncle du Cheualier Ba-	206, 255, 256, 257, 258, 264, 266,
yard, pag. 3, 24, 25, 26, 27,	268, 269.
29, 30, 31, 32, 33, 37.	Anne, Duchesse de Bretagne,
Abbé de Iosaphat aux faulx-	Royne de France, 17, 54, 346,
bourgs de Chartres, 3.	347, 348.
Abbaye de Sainct Surnin à	Anne de France, Duchesse de
Thoulouse, 25.	Bourbon, 54.
Admiral de France, 380.	Anne, Seigneur de Montmo-
Albanois, 154, 155, 156, 158, 160,	rency, 370.
161, 195, 196.	Antoine, Duc de Lorraine, 235,
Albert Pic, Comte de Carpi, 245.	293, 351, 359, 361, 367.
l'Alcayde de los Donzeles, 324,	Antoine Gondelmar, Ambassa-
329.	deur des Venitiens deuers le
le Capitaine Aldano, Espagnol,	Roy Louys XII, 125.
242.	tenir le pays en appatis, 351.
Alexandre VI Pape, 85.	Armée de l'Empereur Maximi-
Alexandre de Triulce, 208,	lian I, 140, 141.
209, 210, 215.	Armée du Roy Louys XII,
Alliance à Cambray entre le Pa-	contre les Venitiens, 129.
ppe, l'Empereur, le Roy Louys	Armée des Venitiens contre le
XII, & le Royd'Espaigne, cōtre	Roy Louys XII, 129.
les Venitiens, 126.	Arnaulton de Pierreforade, Gé-
Alliãce de Iules II Pape, du Roy	til-homme de Cascongne, 49.
d'Espaigne, & des Venitiens,	Artillerie de l'Empereur Máxi-
215.	milian I, 140, 141.
Alonse de l'Estelle, 313.	Artillerie du Roy d'Angleterre,
Alonse de Sotomaiore, Gentil-	334.
homme Espagnol, 87, 88, 89,	Ascaigne Sforce, Cardinal, 75,
90, 91, 92, 93, 94, 95, 96, 97, 98,	76, 77.
99, 100, 101, 102, 103, 104.	Astrologue de Carpi, 245, 246,
Alphonse Roy de Naples, 55.	247, 248, 249, 250, 251, 252, 314.
le Capitaine Aluarado, 313.	Augustin Guerlo, Gentil-hom-
Andre, ville du Royaume de	me Lodesan. 227, 228, 229, 230,
Naples, 87.	231, 232, 233.
André Gritti, Prouidadour de la	la Maison de Auogares de Bres-
Seigneurie de Venise, 133, 134,	se, 254.

T A B L E.

Aymes Terrail, Seigneur de Bayard, pere du Cheualier Bayard,	1, 4, 5, 6, 12.	Bataille dictée la Journée des espérons,	335, 336, 337, 338.
Ayre, ville d'Artois,	41, 42.	Batailles de la Cerignolle, de Troye, & du Garillan au Royaume de Naples,	85.
le Seigneur Azeuedo,	238, 239, 240, 241.	la Baulme,	237.
B		la Maison de Bayard est distante de Grenoble cinq ou six lieues,	4.
le BAILEY de Dijon,	76.	le Cheualier Bayard en l'age de treize ans, 2. en l'age de quatorze ans, 18. en la Cour du Duc de Sauoye, 13, à Lyon, 15, 16, 17, 18, 19, 20, 22. trois ans paige du Roy en la Maison de Louys de Luxembourg, Comte de Ligny, 21. hors de paige à l'age de dix-sept ans, 21, 26. gend'arme de la compaignée du dict Comte de Ligny, 21, 38. des Gentils-Hommes de la Maison du mesme Comte de Ligny, 21, 38. se trouue à Lyon au Tournoy de Claude de Vauldré, 36. sur le dixhuitiesme an de son aage, 36. sa liberalité, 39, 40. à Ayre en Picardie en garnison, 41, 42, 43, 44, 45, 46, 47, 48, 49, 50, 51. liberal, & gracieux, 48. 52. à la bataille de Fornoue, 54. à Carignan en Piedmond, 60, 61, 62, 63, 64, 65, 66. sa courtoisie, 66. sa liberalité, 67. en vne rencontre pres de Binasque, 69. poursuit les ennemis iusques dedès Milan, 70. de l'age de vingt & deux à vingt & trois ans, 71. prisonnier de guerre à Milan, 70, 71, 72, 73. guidon de la compaignée de Louys de Luxembourg, Comte de Ligny, 78. au Royaume de Naples, 84, 85, en gar-	
Baïser la terre,	100, 102.		
Banquet à Milan de Iean Iacques de Triulce,	124.		
Baptiste Voltege,	185, 186.		
le Seigneur de Bardassan,	298, 308, 13.		
le Baron de Bearn,	100, 137, 238, 291, 293, 294.		
le Baron de Conty,	137.		
le Baron de Montfaulcon,	197, 198.		
le Baron de Sax,	244.		
Barthelemy d'Aluiane,	129, 130, 131, 363.		
le Basco, Escuyer,	112, 113, 115.		
Baillac,	293.		
le Basque, soldat,	92, 93.		
le Chasteau de Bassan,	158, 163.		
le bastart de Cleues,	262.		
le bastart de Chimay,	47.		
le bastart Cordon,	320, 321.		
le bastart de Fay,	160, 179, 188, 222, 223, 292, 293, 299, 309.		
le bastart de Luppe,	122.		
la Bastide, place du Duché de Ferrare, assiégée,	217, 218, 219.		
Bataille de Fornoue,	53.		
Bataille d'Aignadel,	130, 131.		
Bataille de Rauenne,	297, 298, 299, 300, 301, 302, 303, 304, 305, 306, 307, 308, 309, 310, 311, 312, 313, 314.		
Bataille de Marignan,	360, 361, 362, 363.		
la Bataille de la Bastide,	224.		

T A B L E.

nison à Moneruine , ville du Royaume de Naples, 86. préd prisonnier Alonse de Soto maiore, Capitaine Espagnol, 89. courtois, 89, 90, 91. vigilant, & hardy, 92, 95. sa liberalité, 82, 94, 95. combat avec Alonse de Sotomaiore, Gentil-homme Espagnol, 98, 101, 102. en vn combat de treize François contre treize Espagnols, 105, 106. prend prisonnier vn Tresorier de Naples, 108. sa liberalité, 109, 110. garde vn pont sur la riuere du Gatillan, 111, 112, 113. pris par les ennemis au Royaume de Naples, 114. est encores au Royaume de Naples, 116. Escuyer d'Escuyrie du Roy, 121. blessé d'un coup de picque en vn bras, 121, prend sur les Geneuois vn bastillon, 122, 123. à Sauonne, 123, 124. Capitaine de cinq cent hommes de pied, 128. Capitaine de la compaignée de gens d'armes du Capitaine Chartelart, 128. Capitaine de cinq cent hommes de pied en la bataille d'Aignadel, 130. au secours de l'Empereur Maximilian I, cōtre les Venitiens, 137. au siege de Padoüe, 145, 146, 148, 149, 150, 151, 152, 153, 154, 155, 156, 157, 158, 159, 160, 161, 162, 163, 164, 165, 166, 167, 168, 169, 170, 171, 172, 173. doux & courtois, 157. Capitaine de cent hommes d'armes, 162. sa charité, 173, 174. en garnison à Verone, 174, 176, 176, 177, 178, 179, 180, 181, 182, 183, 184, 185, 186, 187, 188, 189, 190. son amour enuers la iustice

194, 211, 218, 195. à Ferrare, 198, 211, 220, 221, 222, 224, 226, 227, 228, 229, 231, 232. au Frioul, 234, 235. Lieutenant de la compaignée de cent hommes d'armes d'Antoine Duc de Lorraine, 235. deuant Bolongne, 237. à Ferrare, 239, 240, 241. deffaict cinq cent Suisses au Duché de Milan, 244. à Carpi, 246, 247. à Bresse, 254. deffaict Iean Paul Baillon, 259, 260. deuant Bresse, 264. à l'assault de Bresse, 166, 267. blessé à Bresse, 270, 271, 272, 273, 277, 278, 279. 280, 281. en l'armée du Roy deuant Rauenne, 283, 284, 285, 286, 287, 288, 289, 290. à la bataille de Rauenne, 297, 298, 299, 300, 301, 302, 303, 304, 305, 306, 307, 308, 309, 310, 311, 312. à Pauie, 316. blessé deuant Pauie, 317. à Grenoble, 318, 319, 320, 321, 322. au Royaume de Nauarre, 323, 324, 325, 326, 327, 328, 329, 330. proche de Theroüenne, 334, 335, 336, 337, 338. pris prisonnier deuant Theroüenne, 339, 340, 341, 342. Lieutenant du Roy au pays de Dauphiné, 351, 357. à Villefranche à la prise de Prospere Colonne, 355, 356, 357. à la bataille de Marignan, 360, 361, 362, 363. le Roy François I, prend l'Ordre de Cheualerie de sa main, 364. defend Mesieres, contre l'armée de l'Empereur Charles quint, 370, 371, 372, 373, 374, 375, 376, 377, 378. est fait Cheualier de l'Ordre de Saint Michel, & Capitaine de cent hommes d'armes, 378. est à Gennes, 378.

TABLE.

à Rebec , au Duché de Milan, 381, 382, 383.	le Cardinal de Mantouë, 141, 145
tué , 385 , enterré à vne demie lieüe de Grenoble , à vne Religion de Minimes, 392.	le Cardinal de Medicis , 313, 315, 331.
Bellabre, 23, 25, 26, 27, 28, 29, 34, 35, 41, 46, 47, 49, 51, 98, 100.	le Cardinal de Pauie , Legat à Boulongne, 213, 233.
Bernard de Villars, saige Cheualier, 206, 207.	le Cardinal de Syon, 359.
Berslac, 293.	le Chasteau de Carauas pris, 132.
Binasque, 69.	Carignan , ville de Piedmont, 60, 63, 64, 65, 66.
Blanche Duchesse de Sauoye, 60, 62, 63, 66.	la ville de Carpi, 244.
le Capitaine Bonnet, 153, 159, 160, 161, 162, 163, 235, 262, 268, 298, 309.	Chambery ville de Sauoye, 6. est de l'Euesché de Grenoble, & y a son Official, & sa Court, 10.
le Capitaine Bonneual, 36, 324.	Chantemarle , Gentil homme du pays de Beauße, nepueu du Seigneur du Lude, 209.
le Comte Borse Calcagnin, Gentil-homme de Ferrare, 227.	Charité du Cheualier Bayard, 174.
le Capitaine Boucart, de la Maison de Reffuge, 370.	Charles V. I I I, Roy de France à Lyon, 12, 13, 14, 16, 17, 18, 20, 21, 22, 24, 26, 36, 37, 38, 39. entreprend le voyage de Naples, 52, 53. gaigne le Royaume de Naples, 53. à la bataille de Fornoue, 53. à Vercel, 54. à Lyon, 54. maintient la Iustice, 55. meurt, 56. ses vertus, 56.
Boulongne conquis sur Iean de Bentiuole, 118, 120.	Charles Roy d'Espagne esleu Empereur, 367.
Boulongne assiégué, 242.	Charles Duc de Bourbon, Connestable de France, 365, 366.
Bourdillon, 36.	Charles premier du nom Duc de Sauoye, 6, 10, 11, 12, 13, 15, 16, 17, 18, 20, 60.
le Capitaine Brandec, 333.	Charles Brandon , Duc de Suffolk, 333, 350.
Bresignels, 121, 129.	Charles d'Amboise, Seigneur de Chaumont, chef des armes de la Maison d'Amboise , grand Maistre de France, Lieutenant general du Roy au Duché de Milan, 118, 126, 129, 132, 138, 191, 192, 194, 198, 199, 215, 230,
la ville de Bresse, 252, 253, 254, 255, 256, 260, 261, 263, 264, 266, 267, 268, 269, 270, 271, 272.	
Brezon, 153.	
Buillon, 368.	
C	
CAMICAN , Gentil-homme François, 198.	
le Camp chauld, 92.	
Canonniier mis sur vn mortier, & enuoyé par pieces en la ville, 149.	
le Capitaine de la porte, 129.	
le Cardinal de Ferrare, 141, 144, 145.	

T A B L E.

230, 234, 242, 243.		le Comte de Periglane, 129, 130,	
Charles Cadamosto,	357.	131, 136, 145 149, 150, 363.	
Chaſtillon,	36.	le Comte de Policaſtre,	357.
le Capitaine Chatelart,	128.	le Comte de Populo,	313.
Cheual, nommé le Carman,	352.	le Comte de Rouſſillon,	127.
le Cheualier Blanc,	129.	le Comte de Saint Paul,	300.
le Roy François I, prend l'Ordre		le Comte de Sancerre,	363.
de Cheualerie de la main du		le Comte de Vaudemont, de la	
Cheualier Bayard,	364.	Maifon de Lorraine, 380, 385.	
Avoir le choix des armes,	100.	la Comteſſe de la Mirandole,	
le Chayrurgien du Duc de Ne-		208, 210, 215.	
mours,	272.	Conneſtable de France, 351, 352,	
Claude, fille du Roy Louys XII,		360, 365.	
Royne de France, 58, 59, 243,		le Seigneur Conſtantin, de Na-	
348, 349, 365, 366.		tion Grec, Lieutenant general	
Claude de Lorraine, Comte de		en l'armée de l'Empereur Ma-	
Guyſe,	359, 360.	ximilian I, deuant Padoue, 142,	
Claude de Vauldré, Gêtil hom-		149, 150, 173.	
me de Bourgongne, 22, 23, 24,		Cônêt de Cordeliers à Lyô, 16, 17	
25, 29, 30, 31, 35, 36, 42.		la Cordeliere, nauire,	331.
le Capitaine de la Clayette, 137,		Coruats,	195, 196, 197.
146, 152, 156.		Coſſey,	153.
Combat du Cheualier Bayard		longue couleurine, forte d'ar-	
avec Alonſe de Sotomaiore,		tillerie,	191.
Gêtil homme Eſpagnol, 908,		le Roy Louys XII, prend ſa	
101, 102.		Couronne à Saint Denys, 56.	
Combat de treize François contre		le Roy François I, prend ſa Cou-	
treize Eſpagnols au Roy-		ronne à Saint Denys,	350.
aume de Naples, 103, 105, 106.		les Croix blanches,	70, 160.
Combat à outrance en la ville de		les Croix rouges,	88.
Ferrare de deux Eſpagnols,		le Capitaine de la Crote, 152, 155,	
238.		156, 192, 398, 313.	
Combat de deux Eſpagnols à		Cry de Santiago,	88.
Parme,	242.		
Combat ſur la mer en la coſte de		D	
Bretaigne des François contre		la D A M E de Fluxas, 60, 61,	
les Anglois,	331.	65, 66.	
le Comte de Ciſuentes,	119.	Dauid de Fougas, Capitaine Eſ-	
le Comte de Couche,	313.	coſſois,	47, 49, 51.
le Comte de Dunois,	116.	Daulphin Humbert,	1.
le Comte de Gambate,	254.	Daulphiné donné aux Roys de	
le Comte de Naſſau,	351, 368,	France,	1.
371, 372, 373 374, 376, 377.		les Daulphinois l'eſcarlate des	
		Gentils-hommes de France, 1.	

T A B L E.

les Venitiens deffiez par le He- rault d'armes Monjoye, 128.	Entrée du Roy Louys XII, à Roüen, 125, 126.
le Cheualier Desbories, 307.	Entrée du Roy François I, à Pa- ris, 350.
Diego de Bifaigue, 104.	l'Empereur Maximilian I, pro- mett de s'entreuoir avec le Roy François I, dedans vn vaisseau, sur le lac de Pesquaire, 133.
Diego de Quinones, Lieutenant du grand Capitaine Gonsfale Ferrand, 100, 102, 313.	Entreueuë du Roy Louys XII, & de Ferdinand Roy d'Arra- gon, à Sauonne, 123.
Dijon assiegé par les Suisses, 344.	Vne compaignée d'Escoffois en Picardie, au seruice du Roy Charles VIII, 46.
Dresser vn pas, 23.	grand Escuyer de France, 297, 298.
le Duc d'Alençon, 368.	Escuyer d'escuyrie du Roy Louys XII, 112.
le Duc de Bourbon, 351, 352, 360.	grand Escuyer de Bretaigne, 369.
le Duc de Ferrare, 143, 144, 165, 191, 198, 208, 209, 211, 212, 214, 215, 218, 219, 220, 221, 222, 224, 225, 226, 227, 228, 229, 230, 231, 232, 237, 239, 241, 252, 275, 298, 305, 315.	Celuy qui est appellé au combat doibt eslire les armes, 99.
le Duc de Gueldres, 59, 359.	la Ville d'Est, dont les Ducs de Ferrare portent le surnom, 140.
le Duc de Iuilliers, 59.	Estradiotes, 196.
le Duc de Longueuille, 323, 336, 337, 348.	Euesque de Glandesue en Pro- uence, 3
le Duc de Lorraine, 293, 351, 359, 367.	Euesque de Grenoble, 2, 3, 4, 5, 6, 7, 8, 9, 10, 11, 12.
le Duc de Nortfolc, 345.	Euesque de Gurce, Ambassadeur de l'Empereur Maximilian I, 133.
le Duc de Naiare, 324, 329.	Euesque de Trente, 139.
le Duc de Sauoye, 391.	Euesque Iacobin, 119.
le Duc de Suffolc, 327, 328, 330.	
le Duc de Termes, 193.	
le Duc de Trayete, 313.	
le Duc d'Vrbin, 209, 214, 215, 226, 233.	
la Duchesse d'Alençon, 367.	
la Duchesse de Ferrare, 225, 226, 237, 240, 241, 252, 315.	
la Duchesse de Nemours, fille de Sauoye, 365.	
le cadet de Duras, 127, 306.	

E

ENTERREMENT de Gaston
de Foix, Duc de Nemours,
314, 315.

FABIAN, 308.
Fabrice Colonne, 288, 302,
303, 304.
Federic d'Arragon, Roy de Na-
ples, 83. le Duché d'Anjou luy

TABLE.

est baillé , 84. sa femme en	262, 263, 265, 266, 267, 268,
grandeneceffité, 84, 85. meurt	272, 273, 274, 275, 276, 283,
au Plessis lez Tours, 118.	284, 286, 287, 291, 293, 295, 296,
Federic de Bozzolo, 239, 289.	297, 298, 299, 300, 301, 302,
Ferrand, Roy d'Arragon, 85,	303, 304, 305, 309, 310, 311, 312,
119, 123, 193, 165.	313, 314, 315.
Ferrand, fils d'Alphonse Roy de	Ceux de Genes se rendent au
Naples, 55.	Roy Louys XII, 58.
Florençes, 368.	Reuolte des Geneuois contre le
Flux de ventre, 236.	Roy Louys XII, 120.
le Capitaine Fontrailles, 100, 129,	les Geneuois se rendent à la
198, 221, 224, 235.	mercy du Roy Louys XII,
François premier du nom Roy	123.
de France, 348, 349, 350, 351,	les deux cent Gentils-hommes
352, 359, 360, 361, 362, 363, 364,	du Roy, 198.
365.	George d'Amboise, Cardinal,
François, Daulphin de Vien-	Legat en France, Lieutenant
nois, 366.	general pour le Roy au Du-
François Monsieur de Bour-	ché de Milan, 82, 126, 133, 192.
bon, 363.	George Terrail, frere aîné du
François de Beaumont, 238.	Cheualier Bayard, 2.
François de Sickingen, 368, 371,	George de Stain, Gentil-homme
372, 373, 374, 375, 376, 377.	Alleman, 234,
Francisque d'Altamese, 100.	Geralde Magurin, 135.
Francisque Scot, 299.	Germaine de Foix, femme de
le pays de Frioul, 234.	Ferrand Roy d'Arragon, 119,

G

G ABRIEL d'Albret, Sei-	Gilbert de Bourbon, Comte de
gneur d'Auennes, frere	Montpensier, Viceroy de Na-
de Jean d'Albret, Roy de Na-	ples, 53, 55, 83.
uarre, 15, 16, 18.	Gonfanonnier & Capitaine ge-
Galior, Seneschal, 36.	neral del'Eglise, 228.
la Maison de Gambare de Bres-	le grand Capitaine Gonssales
se, 254.	Ferrand, 85, 87, 107, 111, 123.
la Comtesse de Gambare, 256.	Maison de Gonzague, 239.
Gardes du champ du combat	Gorice, 235.
du Cheualier Bayard avec A-	Gradisque, 235.
lonse de Sotomaiore, 100.	le Baron de Grandmont, 177,
Gaston de Foix, Duc de Ne-	178, 298, 308, 313.
mours, 123, 137, 190, 191, 234,	le Royaume de Grenade con-
237, 238, 240, 241, 243, 244,	quis sur les Maures, 118.
245, 246, 247, 249, 250, 251,	Chambery ville de Sauoye est
252, 254, 257, 258, 259, 260, 261,	del'Euesché de Grenoble, &c

T A B L E.

ya son Official, & la Court, 10.	laffes, 303.
Grisons, 236.	Iean d' Albret, Roy de Nauarre, 323, 324, 328, 329, 366.
Grote de Longare, 193.	Iean Paul Baillon, Capitaine general de la Seigneurie de Venise, 258, 259. 260.
Enginsen maniere de gruës, 257.	Iean de Bentiuole, 118.
le Cheualier Guiffay, Gentil-homme du Daulphiné, 114.	frere Iean Bourgeois, Cordelier, 16.
Guy Guiffray, fils du Seigneur de Boutieres, 161, 162, 163, 164, 165.	Iean de Cordone, 313.
Guyon de Cantiers, Gentil-homme, 200, 201, 202, 203, 205.	Iean Bernardin Cazache, 69, 70, 71, 72, 73.
H	Iean Diesbach, Capitaine de Suiffes, 389.
H A C Q V E B V T E, 193, 194, 308.	Iean Louys de Flisco, 120.
Hanotin de Sucre, Gentil-homme de Hainault, 49.	Iean Fort, Capitaine de la Seigneurie de Venise, 217.
Haubourdin, 300.	Iean Paul Manfron, Capitaine des Venitiens, 175, 176, 179, 180, 181, 182, 183, 184, 186, 188, 189, 190.
Heleine des Alemans, mere du Cheualier Bayard, 2, 8, 9.	Iean de Mantoüe, 145.
Henry VIII, Roy d'Angleterre, 333, 333, 334, 335, 341, 342, 343.	le Comte Iean Marie de Martingue de Bresse, 254.
Herault d'armes, 128, 239, 372, 373.	Iean de Meun, 119.
Herigoye, Gentil-homme du pays de Basque, 253, 257, 261, 262, 265.	Iean François Pic, Comte de la Mirandole, 244.
l'Heriffon, Capitaine, 192, 303.	le grand Iean le Picard, 147, 373.
Hieronyme de Riue, 273.	Iean Iacques de Triulce, 58, 59, 68, 75, 124, 125, 207, 208, 236, 237, 296, 314, 318.
Humbert Daulphin, 1.	Iean de la Vergne, 109, 326.
I	Ieanne de France, Duchesse de Berry, femme du Roy Louys XII, 56, 57, 117.
I A C Q V E S Terrail, Abbé de Iosaphat aux faulxbourgs de Chartres, frere du Cheualier Bayard, 3.	Iournées de Crecy, de Guinegaste, de Montchery, & de Poictiers, 1.
Iacob de Emps, Capitaine Alleman, 172, 191, 262, 284, 285, 286, 308, 313.	Iules II, Pape, 116, 118, 119, 120, 198, 208, 209, 213, 226, 214, 215, 216, 227, 228, 229, 230, 231, 233, 236, 312, 315, 331.
Iacob Zemberc, Capitaine de Suiffes, 198, 220, 222.	Iules de Saint-Seuerin, 137.
Iacquin Caumont, 247, 248, 249, 250, 251, 252, 314.	
Iacomo Corse, Neapolitain, 192.	
Iamers, 368.	

TABLE.

Iulian de Medicis, Duc de Mo-
dene, 365.
les Venitiés aymez de leurs sub-
jects, pource qu'ils les main-
tiennent en grande Iustice, 134.
Iustice du Cheualier Bayard,
 194, 195.
Iustinian, Geneuois, 123.
 L
L AVRENCIN, marchand
de Lyon, 27, 28, 29, 30, 31.
Laurent des Alemans, Euesque
de Grenoble, Abbé de Saint
Surnin à Thoulouse, oncle du
Cheualier Bayard, 2, 3, 4, 5, 6, 7,
 9, 10, 11, 12, 25, 18, 319, 392.
Laurent de Medicis, 367.
Legat à Boulongne, 233.
Leon X, Pape, 331, 366, 367.
Liberalité de l'Empereur Maxi-
milian I, 174.
Liberalité du Cheualier Bayard,
 39, 40, 48, 52, 67, 82, 94, 95, 109,
 110, 273, 281, 282.
la ville de Lignago, 191, 206.
Loigne, 368.
Longare, villaige, 193.
le Capitaine Lorges, 235, 380, 383.
le Lorrain, Gentil-homme, 132.
Louys Duc d'Orleans, depuis
douzième du nom Roy de
France, 54, 56. recouure le Du-
 ché de Milan, 58. armoindrit
 les impositions du Duché de
 Milan de la tierce partie, 59. ap-
 poincte certain different entre
 les Ducs de Gueldres, & de
 Iulliers, 59. est griefuement
 malade à Blois, 117. n'opprime
 son peuple de tailles, 118. prend
 Gennes, 123. est à Sauonne, se-
 court les Venitiens, 125. faict
 son Entrée à Rouen, 125, 126. à

la bataille d'Aignadel 120, 121.
 prend plusieurs Villes sur les
 Venitiés apres la bataille d'Ai-
 gnadel, 132, 133. est à Milan, 133.
 secourt l'Empereur Maximi-
 lian I. contre les Venitiens, 137.
 est de retour en France, 138. se-
 court derechef l'Empereur
 Maximilian I. contre les Veni-
 tiens, 234. craint de fouler son
 peuple, 274. est à Amiens, 335.
 est à Blois, 345, 346. espouse
 Marie d'Angleterre, 348.
 meurt, 348, 349.
Louys de Luxembourg, Comte
de Ligny, 14, 15, 16, 18, 21, 23, 24,
 25, 32, 37, 38, 39, 40, 52, 54, 68,
 74, 76, 78, 79, 80, 81, 82, 83, 84.
Louys, Seigneur de la Trimouil-
le, 76, 332, 344, 345.
Louys d'Ars, Lieutenant de la
compagnée de Louys de Lu-
xembourg, Comte de Ligny,
 43, 45, 46, 48, 50, 78, 79, 81, 84,
 85, 86, 116, 123, 191, 297, 298, 306,
 316, 396.
le Comte Louys Auogare de
Bresse, 254, 255, 256, 268, 269,
 273.
Louys du Peschin, 156.
Louyse de Sauoye, mere du Roy
François I, Regente en France,
 365.
Louyse fille aînée de Frâce, 366.
Luce Maluezzc, 134, 152, 153, 154,
 155, 156.
Ludonic Sforce, Duc de Milan,
 54, 57, 58, 59, 68, 71, 72, 73, 74,
 75, 76, 77.
Ludovic, Comte de la Miran-
dole, M 144.
En la **M A R S O N** de France
 de tout temps hon-

TABLE.

neur fait son sejour,	15.	156, 157, 158, 159, 160, 161, 162,
Maison d'Amboise,	126.	163, 164, 165, 166, 167, 168, 169,
Maison de Bayard, d'ancienne & noble extraction, 1, 2, 12, 15, 18, 26, 29.		170, 171. leue le siege, 171, 172. li- beral, 174. secouru de Ferdi- nand Roy d'Arragon, contre les Venitiens, 193. secouru par le Roy Louys XII, contre les mesmes Venitiens, 234. deuant Theroüenne, 335, 340, 341, 342, 343. fait la guerre au Duché de Milan, 365, meurt, 367.
la Maison de Foix,	122.	Maximilian Sforce, Duc de Mi- lan, 364.
la Maison de Gonzague,	54.	Menaldo de Cardonne, 313.
la Maison de Guiffroy en Daul- phiné,	161, 164, 165.	le Seigneur Mercure Albanois, 195, 196, 236.
la Maison du Solier,	352.	la ville de Mesieres assiegée, 369, 370, 371, 372, 373, 374, 375, 376, 377, 378.
la Maison d'Yrfé,	104.	Messancourt, 368.
le ieune Malherbe, Gentil-hom- me,	202, 203, 205, 207.	le Capitaine Michel, 359.
Marc Antoine Colonne,	287, 289, 290, 314.	le Duché de Milan appartenoit au Roy Louys XII, à cause de Valentine sa grand' mere, 57. recouré par le Roy Louys XII, 58.
le Marechal des Cordes,	45.	la ville de Milan reprise par Lu- douic Sforce, 68.
Marguerite d'Austriche, Du- chesse de Sauoye,	85.	Guerre au Duché de Milan, 243.
Marie d'Angleterre, Royne de France,	348, 350.	les Milanois se rendent derechef au Roy Louys XII, 77.
le Marquis de Bitonte,	313.	la ville de la Mirandole assiegée, 210, 214. renduë au Pape Iules II, 215. reconquise, 236.
le Marquis de Licite,	100, 313.	le Capitaine Molart, 127, 129, 191, 192, 197, 242, 248, 249, 250, 262, 263, 264, 265, 266, 267, 298, 299, 303.
le Marquis de Mantoüe, 54, 165.		Monart, archer, 154.
le Marquis de Môsferrat, 137, 192.		le Seigneur de Moncauré, 307.
le Marquis Malespine,	299.	Monchenu, Gentil-homme du Daulphiné nepueu du Sei- gneur de Montoison, 209.
le Marquis de la Padule, 115, 113.		
le Marquis de Pescare, 313, 386, 387.		
le Marquis de Saluces,	351.	
Mathé de Becaria de Pauie,	315.	
le Capitaine Maugeron, 122, 262, 298, 308, 313.		
le Capitaine Maulaurier, 147.		
Maximilian Roy des Romains, & depuis premier du nom Em- pereur, 58, 59, 314, 315. veut faire la guerre aux Venitiens, 125. secouru par le Roy Louys XII, contre les Veniens, 137. son arriuée au dessous d'un Chasteau appellé Bassan, 139, assiege Padoüe, 145, 146, 147, 148, 149, 150, 151, 152, 153, 154, 155,		

T A B L E.

Moneraine, ville du Royaume de Naples, 86.	Palais de la Royne de Cypre, proche de Padouë, 141, 150.
Monjoye, Roy d'armes, 24, 128.	Maistre palefrenier du Duc de Sauoye, 18.
Prinse de la ville & Chasteau de Montfelles, 142, 143, 197.	Pampelune assiegé, 323, 329.
la ville de Mouson assiegée, prise, & reprise, 369, 378.	Pardons baillez en France, 119.
Mypont, 153, 159, 161, 163.	le Pardó de la Croisade en France, 366.
N	Parrains du Cheualier Bayard, & d'Alonse de Sotomaiore, combatans, 100.
le Royaume de N A P L E S	Parrains des combatans, 239, 242.
le Roy Charles VIII, 53.	Parfournir le poindre, 46.
les François chassez du Royaume de Naples, 85.	Paul de Noue, esleu Duc de Gennes, 120, 123.
les Neapolitains sereuolent, 55.	Pedro de Acuña, Cheualier de Rhodes, & Prieur de Melline, 238, 239, 249, 313.
le Royaume de Nauarre vsurpé, 323.	le Comte Pedre de Nauarre, 275, 288, 303, 309, 313.
Nicole Scot, 299.	Pedro de Pas, 111, 300, 301.
Nouarre assiegé, 54. rendu au Roy Louys XII, 76.	Pedro de Valdes, 100.
O	le Chasteau de Pesquaire pris 132.
O D E T , Capitaine de Gasccons, 127, 298, 306, 307.	le Seigneur Peralte, Espagnol, 242.
l'Escu baillé au Roy Charles VIII. par le Duc de Sauoye, pour offrir à nostre Seigneur, 17.	Petre Morgant, 314, 357.
gens des Ordonnances du Roy Gentils-hommes, 169.	Philebert, Duc de Sauoye, 64.
Ouurir le pas, 35, 36.	Philippes Archeduc d'Austrie, Comte de Flandre, & Roy des Espaignes, 85, 118.
P	Philippes de Cleues, Seigneur de Rauestain, Gouverneur de Gennes, 58.
L A ville de P A D O U E reprinse par les gens de la Seigneurie de Venise, 133, 134, 135.	Philippes de Friberg, 284, 303, 313.
Padouë assiegé par l'Empereur Maximilian I, 145, 146, 147, 148, 149, 150, 151, 152, 153, 154, 155, 156, 157, 158, 159, 160, 161, 162, 163, 164, 165, 166, 167, 168, 169, 170, 171.	Philippes Terrail, Euesque de Glandesue en Prouence, 3.
Siege de Padouë leué, 171, 172, 173.	Pierre d'Arragon, vsurpateur du Royaume de Naples, 118.
Paix entre France, Espagne, & le Roy des Romains, 85.	Pierre de Rohan, Seigneur de Gié, Marechal de France, 16.

T A B L E.

Pierre Terrail , Seigneur de Bayard, 58.	Romant de la Rose, 119.
le Capitaine Pierrepont, 128, 163, 176, 177, 178, 184, 222, 225, 292, 294, 316, 328.	guerre au Comté de Roussillon, 116.
Pisou de Chenas, 18, 67.	le Roy d'Escoffe tué, 345.
le Polefine de Rouigue, 144.	Roy d'armes, 23, 24.
le Polefine de Saint George, 217.	Rudolphe, Prince d'Anhalt, 139, 142, 145, 147, 172, 173, 187, 191.
Pont sur la riuere du Garillan gardé par le Cheualier Bayard, 111, 112, 113.	S
le Pont de la Royné, 324.	le S A C R E du Roy Louys XII, à Rheims, 56.
Preuost de Paris, 389.	le Capitaine Sainte Croix, 238, 239, 240, 241.
le Prince d'Orenge, 351.	Saluador de Borgia, Lieutenant de la compaignée du Marquis de la Padule, 115.
le Prince de Talmont, 363.	Sandricourt, 36.
la Princesse d'Altemore, 83.	Scanderbec, Capitaine d'Albanois, 154, 158, 160, 161, 163.
Prosper Colonne, 351, 352, 353, 354, 355, 356, 357, 358.	Sedan, 368.
Prouidadour de la Seigneurie de Venise, 125, 132.	le Seigneur d'Alegre, 142, 191, 195, 263, 269, 298, 300, 302, 305, 310, 313.
R	le Seigneur d'Alegre, Preuost de Paris, 389, 390.
le Capitaine R A M A S S O T , 275, 303, 311.	le Seigneur d'Aubigny, 58, 59, 108, 227, 318, 352, 354, 356.
la ville de Rauenne assiegée, 289, pillée, 314.	Lieutenant general du Roy Louys, XII, au Royaume de Naples, 84, 85. a la garde de la ville de Bresse, 283.
Raymond de Cardonne, Viceroy de Naples, 275, 287, 303, 311.	le Seigneur de Barbasan, 122.
de Reffuge, 247.	le Seigneur de Beaudisner, 122.
la Maison de Reffuge, 370.	le Seigneur de Bónet, Bretó, 138.
la mere du Roy François I, Regente en France, 365.	le Seigneur de Bonniuet, Admiral de France, 380, 381, 383, 384.
la Regente, nauire, 331.	le Seigneur de Bouuent, 63.
Reinald Contarin, Gentil-homme Padoüan, 158, 162, 163.	le Seigneur de Bucy, 138, 145, 146, 363.
Renée, fille du Roy Louys XII, 207, 350.	le Seigneur de Chastillon Preuost de Paris, 36, 289.
le Capitaine Richebourg, 246.	le Seigneur de Cheuron, 64.
Robert de la Marche, Seigneur de Sedan, 289, 305, 332, 367, 368, 374, 375.	le Seigneur de Conty, 137, 184, 187, 188, 243, 254.
Robert Vrsin, 314.	
pays de Romaine, 275, 288.	

T A B L E .

le Seigneur de la Crote , 127, 129, 137, 146, 152, 155, 156, 192, 200, 202, 206, 207, 298, 313.	le Seigneur de la Palisse , 45, 97, 98, 100, 131, 137, 138, 139, 140, 142, 150, 151, 165, 166, 167, 168, 169, 171, 173, 174, 234, 235, 236, 246, 247, 263, 275, 288, 297, 298, 305, 314, 315, 316, 323, 324, 327, 328, 329, 336, 337, 352, 354, 356.
le Seigneur de Crussol , 288, 297.	le Seigneur de Piennes , 333, 334, 335.
le Seigneur d'Espy , Maistre de l'artillerie, 59, 289.	le Seigneur du Plessis , 242.
le Seigneur d'Estançon, 129.	le Seigneur du Pontdormy, 333.
le Seigneur de Fluxas, 60, 61, 62, 64, 65.	le Seigneur du Reu , Bourgui- gnon, 139, 174, 236.
le Seigneur de Fontrailles , 100, 198.	le Seigneur de Richemont , 127, 129.
le Seigneur de Grandmont , 65.	le Seigneur de Rochefort, fils du Chancelier de France, 345.
le Seigneur de Hübercourt, 100, 137, 168, 169, 246, 298, 316, 352, 354, 355, 363.	le Seigneur de Rochepor, 116.
le Seigneur de Las, 120.	le Seigneur de Rouastre , 63, 64.
le Seigneur de Lantrec, 122, 288, 297, 298, 300, 310, 315, 359.	le Seigneur de Saint Martin, 110.
le Seigneur de l'Esparre , 122.	le Seigneur de Saint Quentin, Escoffois, 46, 48, 50.
le Seigneur de Longueville, 243.	le Seigneur de Sucre , 184, 185, 186, 187, 188, 189.
le Seigneur de Lorges, 235, 380, 383.	le Seigneur de Taligny , Senes- chal de Rouergue, 259, 333.
le Seigneur du Lude , 198, 209, 221, 224, 253, 255, 256, 257, 261.	le Seigneur de Vendeneffe , 127, 131, 384, 385.
le Seigneur de Maisieres , 345.	le Seigneur de Vergy , 344.
le Seigneur de Millaut , 142, 143, 146, 147.	le Seneschal Galiot , 36.
le Seigneur de Molart, 127, 129, 191, 192, 197.	le grand Seneschal de Norman- die, 263, 288, 297, 298.
le Seigneur de Mondragon , 63, 64, 66.	le Seneschal de Rouergue , 333.
le Seigneur de Montmor , 369.	Soncin de Gonzague, Capitaine Venitien, 77.
le Seigneur de Motimoreau, 370.	Sonner à l'Estandard , 188.
le Seigneur de Montoison, 198, 209, 211, 212, 214, 218, 219, 221, 224, 225, 226.	les Suisses au secours du Roy Charles VIII, 54. abandonnent Ludouic Duc de Milan, 76. de- laissent l'alliâce du Roy Louys XII, 198. font vne descende au
le Seigneur de Morete , 352, 353, 354.	
le Seigneur de Mouy , 363.	
le Seigneur de Mylieu , 330.	
le Seigneur de Mypont , 138.	
le Seigneur d'Orole , 100, 104, 105, 106.	

T A B L E.

- Duché de Milan, 198, 199.
font la guerre au Duché de
Milan, 243, 344. entrent dans
Pauc, 316. assiegent Dijon,
344. deffaiçts à la bataille de
Marignan, 360, 361, 362, 363.
au secours du Roy François I,
365.
- T**
LE Capitaine T A L B O T, 333.
Tardieu, 42, 43, 44, 45, 47,
49, 107, 108, 109, 110.
Tartarin du Dauphiné, 46, 47.
Theode Albanois, 91, 92, 93.
Theodore de Triulce, 137, 298.
Theroüenne assiegé, 333, 334, 335,
336, 337, 338, 339, 340, 341. pris,
343.
Thomas Delduc, 273.
Thresorier de Naples pris pri-
sonnier par le Cheualier Ba-
yard, 107, 108, 109, 110.
Toucher aux escus, 23, 25.
Tortonne, ville du Duché de
Milan, 78.
Tournay pris par le Roy d'An-
gleterre, 343.
Tournoy à Lyon de Claude de
Vauldré, 36.
Tournoy à Ayre en Artois du
Cheualier Bayard, 44, 45, 46,
47, 49.
Tournoy à Carignan, ville de
Piedmont, du Cheualier Ba-
yard, 63, 64.
Traicté de Paix entre le Roy
Charles V I I I, d'une part, &
les Venitiens, & le Duc de Mi-
lan, d'autre, 54.
Traicté entre le Roy François I,
& l'Archeduc Charles, Comte
de Flandre, 350.
Traicté de Noyon, entre le Roy
François I, & Charles Roy de
Castille, 366.
la ville de Treuise, 152.
Treuy repris par les Venitiés, 129
- V**
A L E N T I N E, Duchesse
d'Orleans, 57.
le Capitaine la Varenne, 184.
Vaugaire, ville du Duché de Mi-
lan, 78, 79.
les Venitiés secours par le Roy
Louys X I I, 125. deffiez par le
Herault d'armes Mōjoye, 128.
tiennent au Roy Louys X I I,
la Comté de Cremonne, la Gui-
radade, & autres pays, 128. def-
faiçts à la bataille d'Aignadel,
130, 131. places perduës par les
Venitiés apres la bataille d'Ai-
gnadel, 132, 133. reprennent la
ville de Padoüe, 133, 134, 135. ai-
mez de leurs subiects pource
qu'ils les maintiennēt en gran-
de Iustice, 134. reprennēt Vin-
cence, 138. deffaiçts par le Duc
de Ferrare, 144. assiegent Ve-
rone, 242.
Vête de tous les offices Royaulx
horsmis ceulx de Iudicature
par le Roy Louys X I I, 57.
Verone conserué contre les Ve-
nitiens, 138. assiegé, 242.
le Vicomte d'Estoge, 289.
le Vicomte de Rhodéz, 122,
Vincence repris par les Venitiés,
138. par les François, 139.
Viuerots, fils du Seigneur d'A-
legre, 247, 310, 313.
Maison d'Yrfe, 104.
- Y**
le Capitaine Y M B A V L T, 129.
Ysabel, Royne de Castille, 118.

Prinilege du Roy.



O V V s par la grace de Dieu Roy de France,
& de Nauarre, A nos amez & feaulx Con-
seillers les Gens tenans nos Cours de Parle-
ment, Preuost de Paris, Baillif de Roüen, Se-
neschaulx de Thoulouze, Bordeaux, Lyon,
& Poictou, ou leurs Lieutenans, & à tous nos autres Iusti-
ciers & Officiers qu'il appartiendra, Salut. Nostre cher &
bien amé Maistre THEODORE GODEFROY, Aduo-
cat en nostre Court de Parlement, & nostre Historiogra-
phe, Nous a tres-humblement faict remonstrer qu'il au-
roit recouré l'Histoire du Cheualier Bayard, celle du
Roy Charles huiſtiesme, & ausſi celle du Roy Louys dou-
ziesme, de lean d'Auton, Lesquelles il desireroit meſtre
en lumiere, & faire veoir au public, comme estans pour
l'honneur & decoration de nostre Couronne. Nous à ces
causes desirans qu'il serue au public, & que le suppliant ne
soit frustré de ses trauaulx & diligences, luy auons permis
de choisir & faire imprimer par tel Imprimeur que bon
luy semblera, les dicts liures pendant le temps & espace
de dix ans consecutifs, à compter du iour & dacte que les
dicts liures seront paracheuez d'imprimer. Faisans pour
cest effect tres-expresses inhibitions, & deffences à tous
Libraires, Imprimeurs, & autres personnes de quelque
qualité & condition qu'ils soient, d'imprimer, ou faire
imprimer, vendre ne distribuer les dicts liures, dans le
dict temps, sans le congé du suppliant. Sur peine aux
contreuenans de mille liures d'amende, dont moiſtié
nous appartiendra, & l'autre moiſtié au dict suppliant, &
de tous les despens, dommaiges, & intereſts, & confisca-
tion des exemplaires, qui se trouueront imprimez & mis
en vente au preiudice de ces presentes. Si vous mandons,
ordonnons, & enjoignons que du present priuilege
vous faciez iouyr & vſer le dict suppliant plainement
& paisiblement. Ceſſans & faisans ceſſer tous troubles &
empeschemens au contraire, faisans proceder contre les

contreuenans par toutes voyes deües, & accoustumées, nonobstant oppositions ou appellations quelseconques, clameur de Haro, Chartre Normande, & toutes autres lectres à ce contraires, faictes, ou à faire, ausquelles nous auons derogé & derogeos par ces presentes. Et pource que d'icelles on pourra auoir à faire en diuers lieux, nous voulons que au vidimus d'icelles faict sous nostre seal Royal, ou deüement collationnées par l'un de nos amez & feaulx Conseillers & Secretaires, foy soit adioustée comme au present Original. Voulons en outre qu'en mettant au commencement ou à la fin du dict liure coppie d'iceluy, qu'il soit tenu pour bien & deüement signifié, & venu à la congnoissance de tous. Car tel est nostre plaisir. Donné à Paris, le vingt-septiesme iour de Iuin, l'an de grace mille six cent seize, & de nostre Regne le septiesme.

Par le Roy en son Conseil.

M A R E S C O T.

Signé en queüe M A R E S C O T.

Le dict Sieur Godefroy a cédé & transporté pour le contenu en ce Volume le Priuilege cy dessus rapporté à Abraham Pacard, marchand Libraire de Paris. Pour en iouyr par le dict Pacard, par l'espace de dix ans. Fait à Paris, le quinziesme Iuillet, mille six cent seize.



